

順齋蒲先生文集序

故贈祕書少監順齋先生蒲公
既歿仲子御史君機哀輯遺文
曰閒居叢藁者為二十又六卷
以授潛俾序之孟子曰頌其詩
讀其書不知其人可乎是以論



其世也按公行狀公生而岐嶷
卅歲就學強記過人未成童已
通經大義弱冠文聲藉甚諸老
多折行輩與之交逮乎立年瀛
洛諸儒之說倡於漢中而漢中
之士知有道德性命之學蓋公

之求端用力務自博以入約由
體以達用真知實踐不事矯飾
而於名物度數下至陰陽醫藥
無不究其精微教人具有師法
大抵以行檢為先而窮經則使
之存心靜定而參透於言語文

字之外郡縣長吏或有所取正
亦必引以當道而行其所無事
臨終却藥弗御飲酒賦詩夷然
而逝由是觀之則公之為人可
知也粵自

國家統壹宇內治化休明士俗

醇美一時鴻生碩儒所為文皆
雄深渾厚而無靡麗之習永平
滋久流風未墜皇慶延祐間公
入通朝藉以性理之學施於臺
閣之文而其文益以粹譬如良
金美玉不俟鍛鍊琀琢而光輝

發越自有不可持者矣時

上新即位方嚮用儒術設科目
以網羅四方之賢俊而御史君
以公在班列之日策名於

昕陞士大夫咸以為榮論其世
則太平極盛之際也潛浮湛州

縣白首登畿忝以非才承乏曹

監實在公去官十有五年之後
無從接聞緒論茲幸獲以疵賤
之氏名自附於公是用忘其衰
朽荒落而序其梗槩如右後之
攬者論其世而知其人則於公

之文思過半矣公諱道源字得
之系出漢蒲將軍至晉安西大
將軍遂避亂入蜀而宋資政殿
學士贈太師楚國公宗孟居眉
之青神公之考皇贈禮部郎中
諱政午又以國初徙興元公嘗

為郡學正終更絕口不言仕進
晚以遺逸徵詣京師編摩史館
供奉詞林尋以博士教國子居
歲餘輒自引去詔起公提舉陝
西儒學訖不就後用御史君貴
以有令贈其年壽卒葬與言行

之詳壙有誌神道有碑茲不贅述焉

至正十年冬十月二十四日前

史官金華黃潛序

蒲道源先生閑居叢稿總目

男 蒲機 類編
門生 薛懿 校正

古賦

古詩

律詩

雜文

樂府

經旨

策問

傳

記

制詞

表

碑

書啟

序

字說

祝文

祭文

哀辭

墓誌銘表

行狀



國家圖書館, NATIONAL CENTRAL LIBRARY, TAIWAN, R.O.C.



卷之一

卷之一

古賦

雪軒賦并序

古詩

四言

贈石泉宗相士

蒲道源先生閑居叢稿目次

男 蒲機 類編
門生 薛懿 校正



五言

送鄧明仲之察司書吏

張教授益梅

次王仲禮九日感懷韻

李子文座上分韻二首

送題

閒居紀事二首

送齊府判北行

送府史竇彥立還調奉元

次德衡弟五首

簡德衡弟戒飲

餞杜仲正經歷美鮮東歸

題竹雀圖

壽甫教授徵余二首

贈雪梅相者

贈月軒卜者

寄太子賓客王山木

題田氏壽母詩卷

題袁氏忍恕堂

陝州盧知事愛滿從仕

送也先帖木兒承 官泰安州先塋樹

碑

題泣麟圖

萱春堂

題雍氏通彖類證續編

送翰林沙知印之武州

題何氏孝友義士詩卷

題林氏義井詩卷

題僧石隱卷

題魯齋慰狄子昭亡子詩

送送姓氏還奉元

謝蔡叅政惠寄甘州枸杞

春晚山茶始開示德衡弟

題贈扇

為扇解嘲

菊闌邊金錢盛開

卷之三

古詩

七言

冬日葵花并序

賀白良甫兵後再聚并序

送周羽士

仲春大風雪

與漢中道尚書吏

題草亭圖并序

送廖通判解職歸秦

題龍巖上人草書

董宜卿得子

壽德衡弟

題乞石烈九哥總管夫人貞節卷

送夾谷孫落方同知

送吳開闢真人

送巨德新郎中之蜀省

再送巨郎中

題準提菩薩詩卷

盧溝橋符氏雅集亭

題承慶堂詩卷

贈傅神李肖岩

題苗氏孝義旌表

題雲中郝孝義卷

題孝州衛奉常詩卷

長庚書院

九日翰林薛學士出舊寄李述之長句

次韻

題烟江疊嶂圖

題王景先祖母八十詩卷

題吳城廟

中秋寄四川克紹僉憲

和冬菊二首

三用韻和前冬菊

題李右丞孝感詩卷

聞木樨香

壽德衡

題米孝廉詩卷

新麴米酒歌

雜言

題射虎圖

觀王維西

送李文昂教授

重易被酒戲書多金謔

卷之三

律詩

五言

壽趙經歷

贈韓知事

餞洋州長官

將至中山

題明遠亭

餞褚鑑先

七月二十二日偶書



閏七月十五夜月

中秋兩次前韻

乾州年學正訪叔父子蜀

月蝕

不寐

代人挽鳳翔馮氏賢母

洋州儒學劉敏道學正滿

題人慶八十詩卷

題張行修歸養卷

送柏帖木兒之天台治中

和秋谷平章上都見寄詩

晉寧房秀才下第

題漢州多勝亭

題餘慶堂卷

送崇澤張縣令

題好古軒卷

題莊氏見山樓

題劉孝子卷

送劉寧之官溫州

送胥秀才赴雲南教授

送人赴教官

送劉彥謙山北書吏

送人之憲司書吏

山西宣慰司札法經歷辭御史不就

題醫者王道人卷

題節母賈氏傳

九月十八日黃菊始開

走筆與德衡弟

陽月十日旦起示薛生

食苦蕎糕

偶記少時小年能綴文詩

卷之四

律詩

七言

上察司廉使二首

憲副王公重到興元

送梁君章

代送梁君章

史繼甫錄事司典史

趙和之壽

丁錄事之任

座壽鄧仲

讀四將傳有感

亢府判完成

覺和尚菴賞白蓮

壽鄧載之

郭某席間賦

察司陳知事

和重九韻二首

錢蜀僉憲王元亨

錢曹庶之憲司任

與劉希載二首

和耶律奉使寄山木公韻

上耶律左丞二首

送馬教授美解東歸

賀夾谷副使美璋二首

總判觀佛光于雞頭山次諸君韻

送趙君錫之秦州吏目

壽任壽之

月軒卜者

王茂先赴憲府選擢

挽任壽之

錢揚同知任滿西歸

寄張允濟憲史

輓趙伯範廉副

錢 太子賓客王山木赴召三首

和竹軒道錄見贈

冬菊開於盛寒簡仲章友

竹軒道錄詠接梅次韻二首

挽李宅馬氏賢母

節婦劉氏挽章二首

竹軒見寄次韻二首

褒莊即事

冬日即事

二種芙蓉二首

贈杜廉訪

錄事司

新成

賀楊世英治中新除

送李道錄

壽李推官

錢王其入省掾

錢齊節使入蜀

錢王同知美解東歸

和季之晦韻

贈康案牘之任

臘八日王縣尹壽

贈張廉訪回漢中

色日廉訪張廉訪見過

次張廉訪見寄

題開成路晚景亭

與蒙古教授馬良卿

雨中走筆

宋錄判祈雨并序

友人王仲禮生朝

贈王秀才歸葬二親

耶律總管西蜀還漢中

和何提頌開惠民局

題李氏八十二詩卷

卷之五

律詩

七言

與蒙古經歷

與金州唐節使

餞張南發兵後求姪孫

賀扈宰樂山亭

晉卿參軍美解

送謝書吏入察院

與張彥雄典史

白鬚一莖戲示德衡弟

和雲南張參政韻三首

同知致禱殊應二首

石節使漢中改奕二親

與徐伯弘廉使二首

却食事二首

章分送雙鴨

次耶律奉使鎮南樓詩韻

壽西軒王先生七十

金州王節使惠茶

趙參政寄墨

壽山木王國賓

與曹總管

錢雷豫

送金州宣差

錢趙總管之蜀省參政

賀大參趙公陞蜀省

鞏昌城隍廟古槐

御香至文廟

贈武康楊吏目

送桂時可教授

劉君舉迎母陝西就養

日者朱君

題趙秀才

子安賢友與弟德衡同僚

九月同李子友羅壽甫行城南溪上

與哈赤同知

送夾谷權府赴并州

張知事任滿回奉元

送經歷王元亨赴憲幕

賀張尹新除

與張錄事

李子文得

次張仁甫見贈

與李總管時之興元任

與韻王仲禮上巳日約出郊雨不果

德衡第久苦眼疾

與汪同知

獸炭

題曲肱亭

呈王西軒先生

送趙經歷美解赴都

送陳洪道

上張僉事

送劉載升歸鄉葬親

別總判忠翊任侯

彥實道判職教漢中滿代

劉邢公慶九十應制二首

壽秋谷平章二首

送南翁待制奉母歸鄱陽焚黃

贈茶劉先生

題曹溪應真圖

悅天師留國公二首

題祖生求母詩卷

卷之六

律詩

題某氏生封母詩卷

送元章赴縣宰任

七言

題張善甫八十詩卷

送客省副使冷敬先

題胡景清求母詩卷

壽豫齋王大學士

送秦巖卿雲中還安令

題閨中某壽母八句卷

趙待制求贈梓人高天祐

被召過益門鎮望寶雞

初至京城寓居言懷

題京師孔邦彥妻趙氏節行卷

題荅失帖木兒所藏王維寒林曉行圖

題氏壽母八十卷

題節婦某氏卷

和秋谷平章示內弟三首

先生謂東溪趙清猷公有高齋又繼前

韻呈秋谷平章二首

題孝子張履謙卷

題鄧州周翰孝友廬墓卷

送李彥長西臺御史

送孫和伯西京宣慰副使

送京師學正鄭霖下第還家

和國博劉損齋喜雪韻

題具樂堂卷

題祈真人寫真卷

題醫官斷善善長

壽某承旨

送河南省檢校某

賀秋谷平章得子二首

送文璋甫之陝西都事

壽程雪樓學士

輓劉忠菴萬戶

挽集賢文學士

題温州路宣差伯帖木兒德改卷

賀王國元新屋

賀秋谷平章贈崇德應奉詩韻并序

次張子文韻

挽龍席山提點張滄洲

趙公王彥舉八十應制二首

追念山木王文貞公

張子文五十舉子

送白雲平章致仕歸

壽趙總管

送吳閑閑真人

題梁協英親後得子卷

送王彥之千戶任

送田修甫甘肅省照磨

賈欽道監修京師廟學

送郭幹卿歸葬

題王世賢旌表詩卷

送謝敬林之雲南教官

挽夏可軒

薛監丞求題延安李氏賀八十二詩卷

壽秋谷李平章

送趙子敬平章之蜀省二首

和霍思齋接駕二首

題光州成知州送行卷

寄蔡逢石叅政二首

題敬山詩卷并序

寄鹽運使王君貢

題王士敏副運時省齋

題呂氏火後屋存卷

題紫陽先生故居卷

挽秋谷李平章二首

寄和運使王君貢

己巳何茂實山莊二首

丁卯賦杏花

與德衡弟論書詩

病起示德衡弟

辭陝西儒學提舉閑居

宋侍御父子璋年八十二封京兆伯

咏雪三首并序

題雙峯王氏卷

題西鄉張明府佚老堂

德衡弟餽石榴二首

戲賦樓扇三首

題廊州張使君卷并序

題沁鄉諸公同樂會卷後

送何審道之嘉州巡檢

寶雞縣與劉尹值中秋

次素岩賈文起韻三首

羅道錄以事誥誤至鳳翔得解而回

金釵剪燭

題李行簡憲使錦城西墅

槐芽

卷之七

絕句

四言

題鈍訥手卷二首

五言

題太原郭宅張節婦

題息亭詩卷後

題東坡蔗潭西寒木

曉起偶書

題八景

古塔標峯

懸泉灌園

棠店霜晴

石門晚照

白雲隱岫

綠野芳春

菟村夜雪

楚山秋霽

際戊午



有為

幽亭

六言

題百魚朝鯉圖

漫題

簡德衡弟移菊

夢中偶得

贈月樓相士

七言

與王同知

南營探梅

讀宋四將傳二首并序

戲贈螢火

仲夏望日郊行

乞芍藥

和趙君錫題王仲禮壁

癸未正月三日試筆

春日同諸友登城



題王羲之鳳墅續帖

次德衡弟送芍藥韻

賀扈宰先人愚軒二首

與扈宰二首

贈山泉相者二首

唐知州梅國二首

覓竹

題堯民堞社圖二首

題清溪奩圖二首

德衡弟九日以美酒來貺

和李敬夫雪中竹韻

十月一日郊行書所見

送汪得心卜者二首

次晏教授月蝕詩韻

題金州望江樓

次仇教授西鄉道中言懷三絕

題洋州土神祠海棠

寄弟德衡

夾谷服膺四十得雄二首

龍嵩上人工紙羅扇詩二首

題龍嵩上人手卷三首

子母牛

蝶

墨竹

韓同知求雪意圖詩二首

題岐山田修甫弄璋卷二首

題山臞相士卷二首

題李唐臣愚齋卷二首

題驪山溫泉

總判任侯夢中

題廣微子西水圖

題楊紫陽墨點後

題友于亭二首

題節婦某氏卷

題伏生授書圖

題繡牛圖

題韓浼西移居圖

題賈氏先塋手卷

題姜昭文端禮秋堂二首

題閻氏知止堂卷二首

贈傅神劉生

題沙洲宿雁圖

題楊仁卿孝行詩卷

題雪景乘驢圖

題鼠啗瓜圖

題劉滄浪書院

題李息齋墨竹二首

題孝旌門卷

題力農教子卷

題蒼玉亭卷

應制壽王平章

贈人致仕養親

題茶劉先生卷

題解利御義士卷

贈卜士張知命二首
聞家書至索看非是

題雀梅

題牧牛圖

卷之八

絕句

七言

題墨梅圖二首

題張驥良母貞節卷

題節婦馮氏卷二首

題保定許顯孝友卷

題敬齋卷

題瘦馬圖

題卜士高君卷

題友山亭卷五首

題熊氏節婦卷

題劉君卿石屏卷二首

題沙知印西馬詩卷後



星翁劉秋江歸二首

題李氏三世惠貧卷

題致嚴堂卷

題堯民圖

題猿獐圖

題廣居堂卷

題王欽甫小影

題王景先祖母八十卷

題王氏節婦卷

題龍沙圖

題太一蓮舟圖

題竹雀圖

題壽星圖

題姚文獻公草書

題江皋雪霽卷

贈葛雲卿府推

題李明之右丞鶴至卷二首

題宣和鶴圖

題天香亭卷

題樂成亭卷

謙齋御史尹石首日斫竹藩花園竹復

生求詩二首

題劉仲遵卷

題陳侯卷後

題悠然閣

張子文求白頭翁鳥詩二首

題節婦畢氏傳

題楊氏承顏堂記

題孝子高仲信卷

題晉士圖二首

題錢忠懿王帖

題濟生堂卷

題孝友門卷

題節婦八十卷

題浩然踏雪圖

探梅圖

贈石泉宗相士

贈相士沈西湖

題燕氏推財藥兄卷二首

題王氏某慈孝卷

送薛知事袞歸二首

題木犀卷二首

題班婕妤卷

題李陵別蘇武圖

贈相士黃梅溪

題松風亭卷

題怡顏堂卷

題高梅隱卷

蔡相士迥武當山

聞木犀香二首

追錄舊梅花詩

與相士童靜觀

題張湛張堪射獵圖二首

讀近体詩有感

題十友圖

題蕭寺

題秋江晚渡卷

七月十五旦偶題

題林泉雅集圖二首

贈相士月湖道人二首

題徐子方詩并画梅卷

己巳上元

己巳旱兵流民歎

贈相士林瑞峯

贈相士西崑

贈相士宗月江

贈初菴

題陳教授山水卷二首

至農家有感

偶賦

賦柳

賦棧

賦金錢花

賦水仙花

又

賦宜男

賦玉簪花

又

賦百合花

賦金盞花

賦石花

賦金鳳花

賦葵花

賦青梅

卷之九

雜文

銘

九思堂銘

積慶堂銘

遵誨堂銘

裝高印次



國家圖書館, NATIONAL CENTRAL LIBRARY, TAIWAN, R.O.C.

致樂堂銘 并序

石硯銘

敬義堂銘

歲

順齋歲

贊

秋谷平章真容贊 并序

餘慶堂贊

解

思齋解

辯

韓壇辯

說

通說

樂語

教坊致語

壽詞

木蘭花慢

通說下有放猫說

國家圖書館, NATIONAL CENTRAL LIBRARY, TAIWAN, R.O.C.



書目

點絳唇

秦樓月四

春帖

內府

翰苑

秋谷

疏

重修漢高祖廟抄題疏
翻修城隍廟化疏

又

重修關將軍祠抄疏

修威顯行祠抄疏

修九真洞善濟侯廟疏

崙山嘉應夫人廟結瓦疏

補修蕭曹二相國像疏

與張南發集資團聚疏

景介福還鄉奠親疏

贈卜者汪得心求助疏

開序疏

朱安求贖元疏

興元路救荒勸分疏

卷之十

雜文

跋

跋郭治中所述夷谷行省事狀後

跋張府判閔中送行詩後

跋趙伯儀拜叅詩序後

跋送劉直判卷

跋李景韓字說

跋李希仁所藏王山木草書手卷

跋節婦孫氏傳

跋秋谷平章試院所作詩

題孫氏廬墓卷

跋鎮南王太子所書海霞子手卷

題仲蒙子林先生續孟子二卷後

跋張大用恒齋卷後

跋呂伯充侍讀序王信卷

跋王賓客為畢知州作考齋贊

跋致慇亭卷

跋月山道人卷後

跋王信夫九歌圖

跋姚安仁山水圖序

跋惠顯御萱堂卷

跋何子鑑字說

跋王知府致仕封贈卷

跋壽星卷

跋李紹琮字說

跋宋張提刑禱雨碣

卷之十一

雜文

齋醮文

天壽節金錄醮意 三

祝壽疏

地震祈禳醮意 二

地震青詞 七

祝詞

文廟朔望祝詞 四

元命

聖節

五月旦日

節辰致語

天曆改元南至致語

南至節語 五

上梁文

崇文閣上梁文

詩聯

五言

七言

四六散對

卷之十二

樂府

醉江月 二



書目次

共

水調歌頭 二

滿庭芳

木蘭花慢 二

西江月

清平樂 三

點絳脣 四

臨江仙 二

朝中措

鷓鴣天 三

太常引

人月圓

感皇恩

卷之十三

經旨

解孟子二章

經疑十六問

策

國學五問

上卷高月入

十一



鄉試三問

卷之十四

傳

西軒王先生傳

梅隱何先生傳

教授陳先生傳

記

清輝堂記

最樂堂記

惟一齋記

悠然堂記

好古軒記

覽勝樓記

萱春堂記

三皇廟學記

鳳州新修三皇廟記

洋州三皇廟記

南安瞻學田記



順齋記

得雨記

新修二賢祠記

卷之十五

制

贈嘉議大夫奉元郡侯奧屯大歌妻竹

魯碩氏追封奉元郡夫人制

贈中奉大夫行中書省叅知政事奉元

郡公奧屯忙古可妻劉氏伏氏并封

奉元郡夫人制

宣慰司同知奧屯妻楊氏封奉元郡夫

人制

翰林院忽都魯迷失承旨曾祖父制

忽承旨曾祖母制

表牋

賀正表 二

聖節表 三

賀興聖宮建儲表

皇太子正旦賀歲

賀正表

立皇太子賀表

賀皇太后表

皇太后賀正表

卷之十六

碑

東海神廟碑

光祿大夫中書平章政事及禮真公功

德碑

前翰林郎西鄉縣宣差燕立帖木兒遺

愛碣

卷之十七

書

寄弟德衡書

與郭幹卿書

與幹卿侍御書

與鄧明仲郎中書

與鮑宜卿庶怒甫省郎書

與鄧直方郎中書

與王君貢運使書

與巨德新郎中書

與劉君傑臺郎書

與張允濟書

與卜朱魯子暉憲使書

與四川趙伯儀叅政書

與鮑宜卿庶副書

與蔡逢原叅政書

與蔡逢原第二書

啟

回姻親王氏啟

為宋公亮子納幣王氏啟

卷之十八

序

送洋州馬士達州判詩序

送高彥明經歷序

賀李唐英桂蘭共芳序 并詩

贈寫字張童子序 并詩

洋州宣差錢行序 并詩

送薛仲章書吏序 并詩

送羅壽甫北上序

送李壽卿知事之成都序

送王同知詩序

送張平甫府判序

何君寶之孝友詩序

孔大使種德亭序 并銘

王仲平有隣堂序

送任士行後序

卷之十九

序

送任士行從調京師序

送南鄭尹李仲堅序

送陳洪道後序

賀趙伯儀總管拜叅政詩序

送趙叅政之蜀序

夾谷時中孝行詩序 并詩

送洋州達魯花赤序 并詩

賀夾谷中立副使得子序

送錄事司鈔宣差序 并詩

季節使松溪圖詩引

送伴讀王時清歸觀序

送喻提點西歸詩序

贈日科醫士高敬文詩序

張祖母楊節婦八十詩序

卷之二十

序

節婦郭氏詩序

送趙君錫赴秦州幕序

雲溪草堂序

義士李德隣序

牛叅政秋日桃花詩序

農桑輯要序

薛景仲梅坡詩序

送學正王秉彛詩序

送蒙古學正楊天立序

送總尹王信夫東歸序并詩

題憲使李行簡樂閒堂詩卷後序并詩

題興元路長僧傑的藏蕉枯子画羅漢

卷序

李錄事祈雨有感詩序

洋州守周子仁送行詩序

秋江競渡詩序

卷之二十一

字說

王思進^忠字說

劉德用字說

解推官四子字說

譙德操字序

王克承字序

劉伯受字序

宋宏舉字序

周子敬字說

蒲蕃仲植字說

樞機二子字說

鄭文質允中字序

胡昌齡字說

李思永思齋字序

王克新字序

龐士先字序

劉元禮字說

樂仲宣字序

李起行字序

闡彥修字序

趙肯播字序

王伯循字序

趙時雍字說

袁士貞字說

陳逢吉字說

字彙編目次

四五



李伯修李安二子字說

李彥修字說

銘鐸二生字說

卷之二十二

祝文

祀三皇祝文

又三皇祝文

伏羲

神農

軒轅

三聖祭文

宣聖

顏子

孟子

句芒神祝文

祀社稷神祝文

主社

后土

卷之二十二

四



國家圖書館, NATIONAL CENTRAL LIBRARY, TAIWAN, R.O.C.

主稷

后稷

祀雨師祝文

祀雷師祝文

祈晴崇城東門神祝文

祈雨群望祝文

東岳

崇德

文昌

梁洋土主

城隍

山河顯靈公

玉泉

崑山

木馬神女

社稷

風師

雷雨師

雷雨師



祈謝雨岬山神祝文

王侯謁文廟文

祀文昌聖父文

祀文昌文

七曲聖父顯慶慈祐仁裕王祝文 四

祀七曲帝君祝文 三

祀梁洋土主祝文

解府推祀土主祝文

秋谷平章遷葬祭后土渭川大河文 二

國朝醮事預祭風雨師 三

白塔寺翻修正殿祭文

穿井祭神文

祭通惠河神文

祈雨祭金華五龍神文

祭雨師文

祭風師文

祭雷師文

謝雨文

國家圖書館 NATIONAL CENTRAL LIBRARY TAIWAN R.O.C.

祭太歲諸神文

卷之二十三

祭文

祭僉事王元亨文

祭興元路宣差文

祭路宣差夫人文

祭史拱之先生文

為杜克欽祭母文

祖祭薛宅崔氏文

祖祭北溪老人文

祭李子文文

為李子直祭元文

為何茂實祭李氏父執文

祭梓人王提控文

秋谷平章改葬祭顯妣韓國太夫人文

興元路祭韓國太夫人文

先生祭考君焚黃文

先生祭顯妣文

祭辛伯逸文

祖奠董教授文

代王都事祭稱焚黃文

祭董仁亮文 二

祭妹文

祭祖翁王大使文

祭子文

代蜀省郎中巨德新祭考妣焚黃文

哀辭

挽王復亨母

李教授父誄辭

何宜人哀辭

卷之二十四

墓誌銘

青渠王先生墓誌

三務提領崔君墓誌銘

孺人鄧氏墓誌銘

提領杜君墓誌銘

守素大師錢善道墓誌銘

嚴子詠墓誌銘

劉君墓誌銘

卷之二十五

墓誌銘

節婦曹氏墓誌銘

強君妻程氏墓誌銘

太守郡侯王公神道碑銘并序

何氏宜人墓誌銘并序

墓表

華氏先塋之表

太原郡伯王公墓表

卷之二十六

行狀

西軒王先生行實

訥菴處士任君行狀

附錄

順齋先生哀辭



國家圖書館, NATIONAL CENTRAL LIBRARY, TAIWAN, R.O.C.

順齋先生誌石文

蒲道源先生閒居叢稿卷之一

男 蒲機 類編
門生 薛懿 校正

古賦

雪軒賦 并序

延祐四年余與牛君楚臣同官于翰林
國史院始獲相識君京師人宰相知其賢而有
文以白衣辟用授

國史院編修官未幾求去余私謂從君游者檢

聞宋文郁曰第語牛先生云今司文柄者徒欲
得君之賢以為此職非責以朝夕奔走期會姑
少留得俸金以給饘粥可乎文郁以告君曰蒲
之意甚厚然吾以早衰不能勉強非不樂此職
也但食人之食而不事其事吾不為也遂決辭
余聞之深有愧其言暨余承乏國學君使人持
雪軒表求余序引余竊思君之取義於雪其必
有深意焉今試以君平昔觀之則夫雪之皓然
一色皎而不污者庸非君之潔乎其掩穢覆瑕

者庸非君之有容乎其倏然而集忽尔而釋與
時變化者庸非君之出處乎若夫為秣楚之瑞
則君之孜孜講學以善及人者可知矣至如天
葩繽紛匪雕匪刻作止踈密飛舞之態而其文
章之妙天機所到非有意而為之者似焉宜君
之以雪名軒而識者亦以為然也向所謂賢而
有文與其翻然而去不以窮達累其心者于茲
而益信噫君子樂道人之善而欲播于歌詠者
觀此有以識其大方云既以為之序又從而賦

之曰

牛君楚臣以雪名軒太常陳子志著于篇而又
徵文于余也余掇取陳子之所棄者以為言方
其未冥用事白晝將夕嚴風乍止同雲空集天
花散墜弥望如一飄然而入吾之戶忽尔而縞
吾之室余乃掩闥退處蟄坏其居蕭々騷々鳴
吾竹窻之紙皎々潔々映吾几之書恍虛白
之漸生渺俗慮之絕無當此時也或倚蒲團以
聽其聲或據槁梧以觀其色神魂洒然而昭蘇
肝膽以之而瑩徹如生乎鴻濛之世與澆風之
懸隔如獨立萬物之表脫垢氛而超邈此伯東
采薇於西山求仁而有得而顏子躬四勿之訓
已私之盡克之時也歟噫微斯人而與言吸茗
飲以冲默

古詩

四言

贈宗石泉相士

石以為甃泉居其中塵滓莫染渟滏涵空粵有

道人嗒然雙瞳鑿物無適與泉則同氣乞頸晦
骨相窮通我亦何心尔賦斯容扶術見訪柰予
已翁果落石出一笑相逢

五言

送鄧明仲之察司書吏

鄧生鄉曲英行業雅修整遇事瞻輪囷折衷言
骨鯁匹馬走京師載筆上臺省積玉正求沽囊
雖初脫穎相望五十里寄聲問幽屏去秋鮮鞍
馬過我情味永誰知離別久後復此游從幸一朝
忽徵詩遽以行期請云承憲司檄欲往親簿領
青雲有餘地白日無停景滿意取功名歸來娛
定省

張教授盆池石山種梅

曲江安靜退閉門但却掃精心砭礪餘頗復事
幽討嶮崿一奉石愛惜如至寶種梅於其巔硤
確費天巧慙慙十二冬要看花實好旁人笑我
痴我意真自保南枝冰的蝶今果慰懷抱無勞
歎春遲似比蟠桃早吾聞橘中樂不減高山皓

况此大觀中親面即蓬島何須窮弱水墜沒死
枯槁持酒壽先生一醉澆萊老

次王仲禮九日感懷韻

佳節成虛擲悵如損百金秋菊夕可殮徒為楚
騷吟獨有淵明家足以供幽尋淵明家所愛興
同無古今眼中人豈乏然各懷其心所以子期
沒伯牙應輟琴東封誰景像誰舊白衣奚再臨無酒
須謀賒滌此塵埃襟誰能起廢會庶令朋盍簪
九月十五日李子文席上佳節若為酬

分韻得節若

書生時時愁富家日日節乘此閒暇時不飲何
怡悅樽前三四友年少文愈傑新詩落筆成句
句皆清絕酒來不須辭要使頽吾類

菊節過六日友人邀小酌我時適無事來意已
不卻賓主情況熟笑談應自若欣然具有核不
豐亦不約沿溪共徘徊秋景正蕭索留連興未
闌野鴉啼日落

逸題

駭駭千里心奔馳追電掣一朝羈維中不能前
跛驚士生天地間出語比稷契豈知與世謬舉
足便差跌當途爛羊封空谷白駒潔胡弗事誦
諛苦自完氣節曲肱陋巷貧笑手權門熱行藏
道所係去取今已決徜徉復何為歌詠自怡悅
惟知詩語工違恤生涯拙

閑居紀事

客從長安回叙濶訪鄰里貌悴於去時因而問
所以客悲向我言此行幸脫死長安遭飢荒食

盡到糠粃升合責不貲金珠何足恃凌晨出求
糴予、如櫛比暮歸持空囊菜色皆相似老弱
困且羸行隨墻壁倚村墟向昏黑剽掠群凶起
或云田中麥苗枯無雨水今年如弗收炊爨當
易子予聞重歎嗟禍及乃至此八政食為先周
書 微旨天下苟有飢稷思若由己梁惠戰國
時民粟知移徙一失不獲所古人心愧恥如何
填溝壑遽忍立而視此邦粗偷生唇亡寒及齒
噉、食口衆身不親耒耜今朝聽此言徒增驚

博耳

又

古人制昏禮所貴在人倫冠笄年既適受幣方
交親後世雖偷薄十中五猶遵如何至今日藝
典俱湮淪男痴已合配女幼皆成姻安知慮天
壽冥瑕占吉辰媒妁走市井鼓吹喧城闈百年
祇倉卒大事為因循問之何遽然詔云選佳人
傳聞至太甚意失非本真正道難化俗訛言易
惑人於初苟不慎其末槩將臻寄聲秉鈞者風

俗何時淳

送齊府判北行

北風天欲雪款樞君話別袖出諸公篇意不容
我缺塞予適丁艱自况轉悲咽情深詎可辭政
美難悉說君才信更煉民瘼亦究徹正論當風
霜始怒終見悅侯邦居末僚用未盡施設頗聞
求聞局此行計已決謀此則云善許國奚自潔
况今訪落初求治正急切肯將棟梁具小用為
居楔秉鈞方得人此語宜中節

送府史竇彥立還奉元

藹：府中英夫誰可屈指竇君長安人衆論推
美氣和更敏才志銳方壯齒留胸無芥蒂出語
有綱紀一朝過我辭試問其所以廟堂新立法
為吏互遷徙簡書迫程期信宿不容止門當道
途旁所幸還鄉里聞之心惘然別緒紛莫理一
杯送歸驛一言贈吾子人生重名節不義深可
恥青雲路雖高欲致由踐履去之宜勉旃好音
行洗耳

次德衡弟韻五首

古道不可作轉覺澆風長人心所去就但與時
炎涼燕石藏十叢連城遺路旁汝賢乃迂濶汝
直成狂狷世味昂一鬢人爭染指嘗伊我澹無
慮葷瓢身世忘處汙奚害潔視變皆為常彼我
聲利徒末路空皇

二

羲和破凜冽可愛固其宜晨興盥漱罷茅簷與
相期時光亂錦繡口有難言詩溫然寓天理令

人蕩邪思苦懷白晝短忽：光陰移冬者歲之
餘為學當及時禮樂三千字他年對丹墀

三

萬物長養極歸根以成冬四時只如此鬱：南
山松猶人內主敬外貌嚴而恭肯隨桃李花嬌
靚為君容潤壑老不悔工師非願逢

四

用心欲剴明為學貴專靜人之不已知於吾奚
所病風月自清閑篇章足歌詠鐘鼎與山林從

來各天性其肯枉尺尋獲罪於前聖著龜無庸
決去取于能定

五

古人進道心如水朝東勢溜：晝夜間欲已而
不已明德與新民顛沛必于是吁嗟朱子沒道
統誰能嗣年馳志弗立豈不增驚悖學而徒為
人固非分內事區：斗筭才恃彼嗣鋒利

簡德衡弟戒飲

人生有秉彜尤物害之極麴蘖本致和為禍亦

云剛夏后防其源遂見踈儀狄周公戒淫酒作
詰何諱恚大則國政隳小則家業失甚則遭戮
辱否則成痼疾書傳之所載歷々記疇昔如何
後來者乃循履車迹吾弟頗涉躐豈不增夕惕
憶予自童幼杯杓素所嫉無何人強勉頗亦開
涓滴當其下喉時惡葯與沙礫方知酩酊中特
賴扶持力苟若輕放肆野馬恣奔逸聞汝以此
戒令我喜折屐雖能勇于始其末烏可必莫學
醉伯倫婦言非所恤

錢杜仲正經歷美解東歸

脫屣蘭省掾曳裾蓮幕賓胸中自水鏡筆底皆
陽春面無喜愠色口不減否人餘事及文翰出
語清絕塵佳篇屢貽我玉唾光猶新寒齋坐移
晷傾寫見情真亦期遽云代歸意浩無垠渺々
關山路皚々霜雪晨留之不肯住握手但酸辛
後會知何時別離宜自珍

題竹雀圖

昔聞丹穴雖棲梧而食竹要看五色羽輝映森

森玉歲晚不一逢黃雀乃見辱此君初無心汝
得暫棲宿

壽甫教授徵余文漫成二首

人生天地間分定不可移得亦胡為喜失亦胡
為悲我今兩俱置順造了無疑惟餘樂善心蚤
夜以華

二

我本空疎人虛名謾驚俗外誇實未充內省恒
自慙已然知柰何勤學補不足庶用期寡過慕

禁非所欲

贈雪梅相者

天爵人不修妄意希富貴縱然貌可取其中復
何謂道人慎許可更當窮本原子游裴行儉予
乃無閒言

贈月軒日者

月軒挾術游言論非剽竊星英相命書一理皆
貫徹為人推禍福昭若合符節豈比浮誇徒枯
中但饒舌

寄 太子賓客王山木

公昔解郡紱漢中久盤桓江山發令姿草木看
榮親逸興超物表清辭落毫端而予等燕雀何
幸隨鳳鸞閑居侍函丈議論驚層瀾或時舉玉
趾來興看葯欄優哉聊年歲俯仰天地寬胡為
召檄至去住處尤難義有不可辭促裝對金盞
儲君得正士學問資甘盤固知神明相獲遂寢
食安恨無飛仙藥使我生羽翰一往見顏色晨
昏奉清歡

題田氏壽母詩卷

啜菽胡可樂列鼎胡可悲蓋以親為心貧富安
足移田君偉男子母老鶴髮垂立身掾冬官祿
養諧心期金危獻壽社綵服為兒嬉慈顏自怡
悅堂上春熙々八袂又四稔康寧殊未衰晚福
方川增會當慶期頤

題素氏忍恕堂

素氏啟華稱而以忍恕名求詩發其義為子且
細評治家苟不忍觸事成乖爭待人苟不忍施

舍違常情痴聾可作翁和順無搭兵立心務寬
綽絮矩皆方平同族歡弗間在邦怨莫生勗哉
事斯語千古垂芳聲

陝州盧知事服闋從任

忠孝欲俱立在人良亦難歸養失妾質出任曠
問安進退求一可重輕察兩端見危當致命處
易常休官盧君佐戎幕陟岵時長歎豈以斗
祿而忘菽水歡桂冠奉甘旨具衣適燠寒愛日
既云久號天復吞酸終制始從調國光再來觀

識面詢所履敢為武弁看資尔事父敬葵傾寸
心丹庶完終始節令名垂不刊

也先帖木兒永旨先塋樹碑

堂：開府公接士如不及天教長詞林聲譽何
洋溢收羅得英彥燦若瑚璉質載筆登臺坡贊
助誠有益念切知己報此身寧自惜矧茲武穆
王帝室勲業岌詎許樹豐碑文章爛星日君行
從所主光彩動鄉邑便私非素心相事無遺力
歲晚期旆還扶搖看搏翼

題泣麟圖

孔子不得位麟出非其時感而作春秋絕筆亦
在茲拭面固無取心亦含深悲麟名自此著聖
為百世師彼皆草木腐此獨日星垂仰德罄終
古不泯惟民瘼

萱春堂

寸草至微物發生待春暉惟人有此身豈不感
慈闈育我顧復我須臾無暫違教誨至成立獲
此食與衣固極恩難報竭力猶庶幾三復郊也

向餘情重依々緋衣西昆季純孝知所希有賴
憲幕賢扁堂乃發揮令我撫卷歎遙瞻白雲飛
噫歎微斯人吾誰與同歸

題雍氏通考類證續編

為醫本濟世不善或費人弗學亦云已學則窮
本真有生羅衆疾傷寒最危身陰陽及虛實務
要識所因毫厘少差失生死分夕晨雍君業難
素授若歧黃親類證著續編張門有忠臣百問
指諸掌條理細敷陳刊之使行世信無夭折民

斯人用心博矣問越與秦始知天地間通貫乃
為仁撫卷增歎息我志何時伸

送翰林沙知印之武州序

沙知印西域英言動安且詳久矣被推澤登茲白
玉堂日與群彥集職恭持印章年滿當補外五
馬分輝光豈惟我志得要覩斯民康異時樹風
猷無愧漢循良

題何氏孝友義士詩卷

人生天地間萬物殊一本原由親洎疎遠施有

隆殺思我親曹溪何家之末慶源相承盡積德
仁念心所根四世弗異爨一家無間言孝養厥
父母友愛于弟昆波及顛連者為義勇勝貴平
糶救荒歟出資周嫁婚照教食餓者醫素命能
存病藥死給櫬眾善難具論餘力守仙釋並列
孔聖尊上表祝釐懇敢隨俗趨奔聲名達洞聽
褒詔如春溫彼我嗜利徒欲蔽靈臺昏既自厚
封植復思窮并吞私吝守愈固豈思同化元題
詩重歎息不覺辭已繁要期引勿替傳之子若

孫

題林氏義井詩卷

寒泉天一生苦惡其性死譬諸人之身涕汗棄
物耳惟餘玉池液漱嚥內充美海濱斥鹵田畦
司所經紀民聚井味惡遠汲汗流泚林君承于
斯人渴視猶已積誠致懇祈濬地泉湧起冽寒
異尋常烹飪倍甘旨捐金具碑甃砌甃護崩圯
鯁嬰四駢集老稚悉驚喜滿慰塵土心挹彼仍
注此昔君因歲荒施粟救鄉里乃今興惠利陰

德重積累既收勿畧功名記千百祀

題僧石隱詩卷

道本費而隱似無乃真實放則弥六合卷則退
藏密求其所以然了不見形迹師從讀書來此
理諒能識身行京塵中石隱聊自造天地如許
寬豈求石罅隙虫人莫說夢不必深致詰

題許魯齋慰狄子昭亡子書

聖學繼者誰本賴許文正說、門人中修短孰
非命向來慰亡書今日深起敬細觀遺翰墨滿

紙皆情性

送人還奉元

憶昔寓京日所接罕可人
衰然有奇士充賦來
西秦金針五色線黼黻期補紉
知者喜收錄如
磬獲泗濱當年行革中齒髮尤青春
天馬不受
羈海犀能辟塵九載此重覲喜色含津
贈我
移蘭篇詞翰俱足珍臭味既云同
十里猶比隣
還歸有公論主人方肅賓

謝蔡參政惠寄甘州枸杞

來自酒泉郡殷紅色尚新
去家不食此遠寄住
家人住家人老矣獨愛芳甘味
欣然親解包咀
嚼感珍惠

春晚山茶始開示德衡弟

山茶本冬花憔悴遂開晚
儕輩聞芬芳已獨尚
息偃及茲春事深
渥丹始赫烜忝列
媿前正
色無婉婉因之觀我生
平昔匪驕蹇衡門自棲
遲
臨老遇推挽朱紫皆少年
臨親心自遠華顛
豈懷榮田里幸得返功名
船上灘歲月輪下坂

撫樹三歎息歲寒全繾綣

壬戌五月一日題所贈扇

小惠乃人為等此一扇材大德天地功及物無
邊涯拙時熱暫去停手熱還來早晚秋風至洒
然心目開

為扇解嘲次前韻

朱明天地爐得此解愠材知君力所及如我生
有涯但當錄小善勿遽期方東勗尔竹帛功相
茲素齋開

菊開邊金錢盛開

黃菊未開時金錢為前驅顏色頗全調節操乃
尔殊地產富百鎰天質成五銖鮮明宜露說點
淡愁霜枯芳資甚可愛藥品時亦須連茹多或
厭滋蔓久難圖不以詩瀟沸恐随凡草俱体弱
雖自植頭重還相扶

閑居叢稿卷之一



國家圖書館, NATIONAL CENTRAL LIBRARY, TAIWAN, R.O.C.



蒲道源先生閒居叢稿卷之二

男 蒲機 類編
門生 薛懿 校正

古詩

七言

為西軒先生賦冬日葵花并引

丁亥歲十月西軒先生園中葵花忽開諸君子
皆有詩愚謂葵雖凡卉然詩人尚其有傾日之
義且常開于盛夏今及見于冬何耶抑亦為主

人負堯舜君民之志而處於幽閒之地其賦畝
不忘之意未始少衰為發此祥或庶幾其理可
得而推也因為詩以獻諸先生且以識一時之
事云

一飛霜萬瓦方暄：西園蜀葵何為開余愛此花
端盛夏滿眼旌節森亭臺芳心見日常傾向依
依有類朝君狀古來風雅託草木屢遣詩人勞
意嗔窮陰閉塞成嚴冬忽驚散火冰雪中世間
萬物凍欲死獨許凝笑依墻東旁人省見皆咨

愕余將以理解其惑西軒先生花主人此祥有
為非虛得主人抱負經濟才合居鼎鼐調鹽梅
祇余白髮置散地淪彼伊洛傳將來樂天知命
年七十豈以用舍為憂懔惟餘堯舜君民心至
老不衰猶宿昔對花洗盞壽先生先生有意須
當傾愚雖不敏亦非諛作詩聊頌肺腑情

賀白良甫兵後再聚并引

白良甫子善卿兵後四十年死生契濶今復再
聚作詩以賀并餞善卿之行善卿家屬在忠州

欲先挈之錦城然後迎其父為菟裘之計
香山先生已華顛老去無見真可憐一朝有客
拜床前顧之不識誰使然慙慙不語聲哽噎眼
睫淚迸如流泉忍悲細為剖根原自昔普疑飛
兵烟子南父北各分散屈指經過四十年但知
骨肉成死別豈意今日皆生全我初聞之玉堂
仙撫膺擊節宵不眠鄧攸陰德竟無報仲孺遺
体知有緣趨庭詩禮絕復傳事出意表寧非天
問君忠州盡言還云挈妻孥錦水邊迎我獲親

歸老為甘旨奉養俱團圓感君純孝真可賢終
始更願心常堅因合墨卿書之牋會有三嘆讀
此篇

送周羽士

仙翁出塵貌竒古紫陽真人應乃祖功德方升
居下土亦知上界多官府神游八極隘崆峒一
雙青鳧翔漢中予都笑指心息、萬里還隨鶴
駕風

仲春十三日大風雨

兩日東風何作惡橫將桃李花吹落陽和候忽
變寒威曉來陡覺春衫薄紛：樸面飛虫亂細
看六花驚雪作須臾眼界失舊觀玉殿瓊林起
沙漠細思節物恐差謬始信化工難測度初遷
喬木悔新鶯久屈重泉愁尺蠖仰天致詰不我
酬運會果誰司囊箠便當努力戰客陰一掃暗
空開六幕

與漢中道尚書吏

古人世利莫能誘千駟萬鍾不屑受至今凜然

有生氣名字烜赫垂星斗彼雖富貴德匪稱一
死真同草木腐尚若結髮從簿書妙選已居風
憲久持身信若璧無瑕遇事何妨衣浣垢竭耒
漢中兩見之循視初終自捺守願言此去加勉
旃仰止前賢期尚友

題南褒草亭圖手卷并序

褒邑之東宮曰玉虛旁有溪園地形爽塏仲岩
道錄取乾坤一草亭語意誅茅楫其上西鄉會
網齋先生李進臣為寫此圖大尹山木公及名

士品題成巨軸故并及之

君知上界足官府故葺衡茅在江滸離喧氣象
接鴻濛昭儉規模存簡古玉虛連延清境同昧
地惟屬臞仙主東西日月自縈繞高下乾坤時
仰俯晚山蒼翠鳥知還秋水空明魚可數沉香
富貴走太白浣花岑寂留工部神游八極初不
羈挽駕聊須憇茲宇網齋一見心目舒老筆淋
漓注風雨流傳文士爭品題短韻長篇聯繡組
牛腰詩卷固不惡尚惜竒觀墮塵土

送廖道判亨甫解職歸秦

廖君雖曰黃冠流傾然特出衆罕儔踐履道行
清而修姓名久已登瀛洲宗師令作漢中游掌
判羽籍三年留平心待人不忤求冲德應務知
劉柔一家無間誰搯牙九折弗歷何摧輶鶴長
鳧短非我謀孰居無事生贅疣以此繕性諸緣
瘳愛君不置况為仇一朝告别催行駒黃鵠高
舉攀莫留浩歌把酒紆離憂他日有懷元丹丘

贈龍岩上人草書

韓云浮屠多技能祇今復見龍岩僧高閑懷素
去已久肯向死灰求續燈手追心摹忽有得筆
底渙然無滯凝雲烟結暝鬼神泣雷電索怪蛟
龍騰懸崖百尋瀉瀑布老樾千歲垂寒藤鐵為
門限自茲始但恐紙價相仍增我閒雪菴亦工
此好事往、輸鱣繒都城顏扁妙天下驟得榮
寵非階并龍岩更須追三昧無俾斯人專美稱
賀董宜卿得子又得乃尊拜漢州太守

之信

丹山鳳凰五色雛渥注龍馬千里駒春風年少
董公子入掌英物初何殊閭里相傳真盛事玉
菓犀錢供利市蘭湯浴罷錦綉濡頤類豐盈胎
髮膩自慙湯餅先得嘗續補新詩書弄璋君家
好事重并至此兒賦命尤宜良查、乾鵲噪庭
止一幅親書來萬里開緘預報得官歸到家便
有添孫喜玉牙珠顆嬌嚶啣乃翁開顏笑熙、
飛騰它日姑置之萬金難博此一時

壽德衡弟

春風來處元無迹，但見梅梢冰的磔。臘醅沽得
亦自醲，滿注梨花浮重碧。眼明見此西清奇，便
欲一醉哦新詩。側聞翎原傳好語，借此為君稱
壽祺。

題乞石烈總管夫人貞節卷

柏舟清風能起予，世雖相後如合符。平生不失
歲寒節，健婦果勝大丈夫。繁華一洗脂粉氣，蕭
閒自有琴書事。國家恩澤不負人，已見門楣刊
大字。

送夾谷朵落不同知

守能清白行無礙，肥馬輕裘亦何害。內寔空疎
外示優褒，衣博帶良可羞。人知翩翩貴公子，誰
料胸中蘊經史。件州出手聊小試，律已知人俱
可紀。

國初忠靖為功臣，其子作牧冀黃倫。孫今卓然
乃如此，世澤既久弥光新。願君植志不少屈，洗
眼青天看橫翼。我窮無錐有此筆，能為諸公教
偉績。

送吳開閑真人

天風吹衣雨范塵虛滿曉別詩境新石梁雄據
天下津群峯迤邐西北垠草木照綴生精神驕
馬駐足車停輪紛紛追逐皆朝紳相與祖餞為
何人閑：嗣師方外臣貌雖老氏心儒珍思許
還家壽乃親翁媪年皆八十春饒國啟封降絲
綸上尊分賜光祿醇道旁見者咨嗟頻此行豈
為思鱸尊觥棧遠瞻戀巖宸青雲我亦忝致身
先世贈典蒙深仁但恨不及生存辰因君此罔

淚霑巾

送巨德新郎中之蜀省

白頭相見又分襟遙指坤維出禁林依水泛蓮
三省幕飲冰餐蘂一生心行裝雖謝模糊錦束
帶猶橫錯落金撫蜀贊襄謀素定迺家榮耀渥
殊深鄉民戴白歡爭送先隴焚黃愴冒禁報國
不將知己累如君合向古人尋前驅負弩初何
效遠慮籌邊夙所欽賢似嚴楊懷曩昔學同齋
曾勸方今里中試採王褒頌漢上聊追子美吟

倘有北來馳駟使丁寧佳信莫浮沉

再送巨郎中

官歷三省幕家無一橐錢玉堂方少憇趣裝又
西川憶昔從游童稚年別時青髻今華顛相逢
京輦傾肺腑恍若隔世俱茫然愛君真瀟復通
敏韓國援引同周旋
帝心簡在自潛邸呼以姓名稱其賢此行贊畫
制全蜀跡未及到聲先傳劍閣無險錦城樂憂
歡分却西南天職思第一周邦本要使民庶沈

疴蠲綏懷蠻徼得安靜百廢具舉網維聯興學
與薦士當務尤所先不羨十萬矜腰纏不願一
日官九遷但期報

國兼不負知己石有可泐心弥堅

題準提菩薩詩卷

東坡當年笑羅什臨死徒然求呪術豈如姑也
得神授一念只已衆生疾莫非補陀和誓深借
口勝出方千金我雖未解浮屠法且喜能施濟
物心

盧溝橋符氏雅集亭

盧溝石梁天下雄，正當京師未泯衝。紛々行旅
半英彥，掉鞅振策無停蹤。符家介側敞亭，揖坐
對竒趣，供醕釀。雖云好客成雅集，問孰車騎真
從容。

題承慶堂詩卷

孫宣慰家

祖宗神武定九圍，先正以勤耀。

皇威于時善，教屏兕衣惟恐傷。人與仁依一念
若此福，所歸紀功三葉。照常旂爵皆錫，公世云。

柿他姓子孫，或已微。君家燁々猶光輝，顏堂承
慶要發揮。開卷爛然盈珠璣，如松柏茂充前徽。
藉用白茅其庶幾。

贈傅神李肖岩

人生天地洪爐中，形色散殊俱不同。畫師筆底
要真似妙想，乃與天機通。肖岩後出獨超詣，睥
睨衆史如兒童。京師摹寫富箱篋，竒厖福艾多。
王公神情所賦，各臻極十爰萬化無終窮。遂為
當代碩陸，手足配向來褒鄂。雄明憲副本得寓。

目起敬毛髮森寒風祇今聲價愈增重姓字已
徹明光宮座容俗狀亦何者年齒未及先成翁
既無開朗謫仙韵又無圖畫凌烟功君何惠然
肯相過坐對熟視心神融煤鬢紙上畧點畫稍
類雲月猶勝隴須臾壁間出幻影恍若面映新
磨銅人能肖吾不自肖內發感愧顏生紅聖賢
體貌等人尔所貴踐履惟能充作詩答謝肖岩
既但恨意遠辭難工

題苗氏孝義旌表

昆季易世親疎分祖宗視之均子孫譬猶樹木
散枝葉氣脉由來同本根集寧苗止心悟此和
睦族黨懷深恩父與仲季生異居季沒生理難
為存代償逋負猶未已綴離合异仍相屯迎歸
仲父撫諸弟一家生意春温々賢王嗟賞為旌
表煌々大書孝義門作詩稱頌遍寰宇從今庶
化薄夫敢

題雲中赫克讓君讓孝義卷

雲中習俗尚豪武執德君無愧邠魯事親曲盡

愛敬心送死何堪茹荼苦三年哀經廬墓餘化
被鄉閭非小補復辭旌表恥邀名誰道今人不
如古

題孝則衛奉長詩卷

日衛尊公留漢北千里孝思初不隔一朝白首
果來歸俱慶送終情兩獲庭闈天許壽康寧子
佐南省官詳刑問安博得平安笑回顧頽然四
寧馨

長庚書院

謫仙讀書桃花岩人去已遠餘松杉李侯宦游
憇此地絕愛境勝超塵凡買田意欲成卜築壑
闢蒼莽觀空嵌偶隨計偕到京國塵土滿馬緇
素衫白雲老人雅相厚導以良策出至誠謂宜
仙隱置書院名字不朽蒼崖剝戾聞其言即許
諾義氣勇往先風帆割田四百充廩餼內視烟
烟神明監要令菁莪助樂育豈憚草棘旁雜艾
大羹元酒知正味一洗舊嗜偏酸鹹行看弦誦
殷山谷有似春意開機緘十妹有客訪遺踪刻

別荅薛尋書街

九日翰林薛學士出舊寄李述之長句

次韻

翰林寓舍無往還所幸待公函丈間日聞清論
已足慰意外得失何相干茲辰雄篇肯見示要
使詩社盟無寒憶昔在家逢九日聊應故事登
高山菊萸且復繼桓景絲竹豈能希謝安只今
節物若無有但和佳句消餘閒去家非同迫宛
葉山川相繆工障隔曉來搔首望西南長風吹

我蕭々髮一杯莫為老親壽良愧尚作京師客
羈愁眼底可奈何忍看明日黃花蝶

題錢舜舉畫煙江壺嶂圖

江山奇絕吳楚鄉西史又與生錢郎錢郎下筆
得天趣意象彷彿開衡湘浮空水光接巨浸隔
岸嵐翠摩穹蒼幽岩梵宮半隱見老樹樵舍相
迷藏中流一葉泛小艇遠澗千尺橫修梁山居
熙々自太古下視擾々徒奔忙我來京國行九
軌塵土眯目鬢眉黃困餘偶作林壑夢歸計未

遂驚彷徨明憲豁然看此畫便覺胸次生清涼
何時挈舟徑成往長嘯振衣千仞岡

題中書掾王景先祖母八十詩卷景先

其祖母兩世早寡

孀居兩世茹荼毒惟善處之能受福王家祖母
八十餘眼見孤孫今食祿蘭省歸來日未斜綵
衣三釜清歡足人生榮親固已稀何況詩書繼
芳躅

題吳城廟

維人依神、依人吳城之廟宜明裡穰穰祈禱
不汝嗔水旱疾疫方颯呻應若桴鼓辟屈伸尸
其祝者惟張君修完祠宇囊資貧金碧煥爛還
一新為君微福非為身黃冠濟世知無因庶幾
以此為求仁

中秋日寄四川王克紹憲僉

松風索々吹庭梧有美一人西南隅我欲致之
路云遠延頸搔首空長吁若人溫粹天球質少
日挾策游京都家庭詩禮固有自師友琢磨誠

不誣紫芝眉宇消鄙吝黃憲度量難澄汗教名
藉甚滿碧水羽翼還起飛雲衢蠶叢持憲之指
使烏府還秩勞馳驅鷹鷂擊強雖所職麟鳳化
惡尤良圖劍閣連雲固天險目可隔斷心能踰
今朝有客索詩寄老筆信手慚糊塗况當中秋
月色好兩地光彩初何殊舉杯屬君不可得夢
寐倘能相見無

和薛東葵冬菊二首

貞心自與竹梅友正色不知桃李妍孤芳 殿

復誰若衆卉前驅從汝先天道循環純不已生
意凡行霜雪裡欲將此理指示人思我親友看
停雲

又

花中惟菊有晚節不比凡卉分媿妍可憐一種
更傑出霜雪質、誰敢先、生愛花心未已妙
選都入詩囊裡分付此事今得人薛家有收詞
如雲

三用韵和前冬菊

黃衣綠裳秉貞德天地閉塞無妖妍正如陶翁
當晉季五斗棄擲知幾先諸君佐命我獨已酌
酒嗅英三徑裡大書徵士乃斯人可惜美新楊
子雲

題李右丞明之孝感卷

君不見王祥昔日孝純至魚雀供養皆可致又
不見董生召南孝且慈狗乳雞來哺其兒李公
視昔孝尤大瑞雀翔簷亦可怪父誤當誅請代
之

聖恩憐憫俱全貸無何母亦晦雙瞳以舌舐之
昭發矇方其勇救豈復計一念誠實能感通天
與其壽登九秩

帝與其爵 丞弼惟天惟

帝庸可報但守此志同金石祥曾有傳董有行
至今煇燁存勞點翰林諸公詩已多留待它年
垂史筆

聞木犀香示德衡弟

木犀清芬何所似有如浩氣塞天地群芳馥郁

雖可憐差等猶為一國士
四時已愛碧團圓
著
慈黃金萬粟
擗天與世間香十日
西風收拾上
高寒

老人呈國壽德衡弟

煌煌南極老人星
精氣下降為仙靈
儼然被服
清癯形盤石
兀坐松蓋青
金童玉女供使令
神
龜曳尾鶴梳翎
庶亦闔首如諦聽
隨緣分既裕
齋庭裕齋起敬
巖中局旃檀一炷
魚德馨錫以
上壽仍康寧
不用保香
養芝苓
默存內景黃庭

經翁兄放言如建瓴
拊掌大笑三十齡

題米孝廉詩卷

米君孝廉節獨完
教授鄉里不求官
養似曾參
必有內清如閔
泮寧無肝玉潔
制行風俗化柴
毀執喪天性安
高門何必事旌表
錫類要使人
人觀

新麴米酒歌

梅隱先生命
作就為壽

驕陽行空勢方烈
刈麥農夫寧憚熱
天旋雷動
飛玉塵霧渤雲蒸
成麴藥
麥秋方罷還
揔袂櫟

程西風十頃黃腰鑰肩擔行相逐共趁晴色催
登塲確春糠粃光如雪汲泉浙米令清潔炊糜
糝麩同糝和元氣綢緼未分裂甕中小沸微有
聲魚沫吐盡杖江漬脫巾且涼仍且飲陶然自
覺春風生君不見淵明有田雅種秫醉裏作詩
聊自述又不見幽風十月穫稻忙春酒介壽俱
徜徉但願年年遇豐稔更須三萬六千場

雜言

題鄧州宣差射虎圖 時貢虎睛

猛虎在深山藜藿為不採編鬚履尾非人能託
喻而言至危殆况欲扶眼取其睛無乃未得先
道醢伴來責貢將何如南陽太守膽滿軀山間
勇往蒐索見馬上注矢彎雕弧一聲霹靂射命
中怒頭即仆挾乙無雙珠入手電光滅獻于公
所供藥需願侯無枉此一舉褒鄂龔黃當自許
用之敵愾亦除苛立收奇勳報明主

觀王維畫

摩詰本詩人精思詣元化緒餘臻画妙遂方吳

子駕寫成高士奕，綦圖意態蕭然各。閒暇儒冠
羽服對紋楸，老僧旁倪誠可詫。形如槁木心死
灰，豈識枰子有機獲。抑亦至人聊自遣，肯放澆
風生變詐。歷唐默計五百年，一着指間猶未下。
樵丁不獨爛斧柯，閑世紛爭幾王霸。乃知非人
看西、看人，今古涵、等晨夜。陳巡真成俯仰
間，如掣電光明隙罅。罅宣和殿中曾寶玩，品題愈
重千金價。當時內府收，欲觀誰敢借。流落長存
天地間，在、護持宜有神物為憑藉。

送李文鼎教授兼簡侯伯正

閩中耆宿儒，比歲多不幸。惟餘侯奉常，今始識
文鼎。青山匹馬度，崔嵬白髮蕭。已垂領問其所
事，笑不言。但云此行特造請，政猶欲水沃渴。
焦不赴源泉，目眇井款曲。詢知盤谷孫，文獻風
流尚修整。春宵不寐聞鶉聲，晚起理裝趣歸程。
到家會我奉常兄，莫將涇渭分濁清。要期健飯
保修齡，九十傳經如伏生。

重陽被酒戲書多金謠

粗衣糲食留汝到華顛
厚味美姝催汝歸黃泉
人言多金可治生
我道多金只買死
君不見兒孫笑擁老田翁
姬妾悲啼貴公子

閒居叢稿卷之二



蒲道源先生閑居叢稿卷之三

男 蒲機 類編
門生 薛懿 校正

律詩

五言

壽趙經歷

崧洛居中^上玉人才自間
生星躔動芒角金氣與
高明芹泮規模好蓮帷
議論清黑頭長健在洗
眼望雲程

卷之三



贈韓知事

近喜紅蓮幕人才又一新青春能奮達素節豈
細磷自恨捭趨緩多慙邂逅頻詩成供莞尔聊
欲話情真

餞洋州長官

監郡初交篆洋人遽索詩以茲無厭數知昔有
施為爲木百年在甘棠再世思青雲前步濶穩
駕未爲遲

將至中山

中山何處是隱々望孤城遠靄青林暗斜陽白
塔明韓蘇名不朽遼宋恨應平策馬長途晚風
沙老客情

題褚鑑先朋遠亭

危亭擇竒勝登賞寄遐觀隱几月華入出門天
宇寬面墻嗟塵塞坐井笑欺謾表裏須同致休
成兩樣看

餞褚鑑先

臨行方識面未暇細論心但見求詩切從知好

德深宦游應已久鄉思自難禁莫把牛腰卷歸
裝當橐金

偶書

入樹秋風早驚心節序遷晚雲蕪去鶴涼雨靜
鳴蟬得句因新意耽書是宿緣平生愛冲澹何
事亦華顛

閏七月十五夜月

玉宇明如洗銀盤爛不收今年非閏月此夜即
中秋名實難相副陰晴豈豫謀及茲清景好且

為一樽酬

中秋雨次前韵

掛鏡光何在懸麻雨未收不成千里共虛度一
年秋剪紙無仙術藏樽有婦謀却將前日句飲
罷自賡酬

乾州學正年中行訪牀于蜀

勤子闖幽戶欣朕識面初蜀天留季父秦地敢
寧居正想成歡際應忘歷險餘明年歸有約還
為赴新除

月蝕詩次晏耕史教授韻

滿盈不可恃消鑠暫成昏人心一時憇天眼萬
古存妖墓尚逋劍餓席方守閻言高無乃罪枯
囊取諸坤

不寐

不寐情尤耿聞更夜向深撫牀驚鼠啣欵枕厭
蛩吟擾：無窮事悠々未了心華昏真樂國合
眼試追尋

挽鳳翔馬氏賢

馬嘗出粟濟大德荒

明德服大練文淵生女賢至今雖已遠未裔尚
依然子訓嚴逾愛閨儀後若先歲荒蒙惠者洒
泪遍新阡

洋州儒學正劉敏道得代歸

設科時未暇學校餼羊存亦以循資例聊為入
仕門羨君由此進求贈尚美言易以筌蹄者類
將舊業温

題人慶八十詩卷

身是七朝民年登八袞春伴行鳩杖瘦介壽蟻

NATIONAL CENTRAL LIBRARY, TAIWAN, R.O.C.

醅新祿養孫能速家居志得伸
送持玉堂詠歸
說晉州人

題國子生張行修歸養卷

不待陽城告歸心
勇決餘祇緣親向老
豈為士懷居此是真知
學應勝謾讀書
最我儒事業天報定無虛

送柏帖木兒之天台治中

西域雄豪遠南州
惠愛多繭絲非雅志
襦袴聽新歌仙境間
追訪民情自決和會
因龐驥展回

轡接朝珂

和秋谷平章上都寄示韻

公論何嘗浪浮言
枉自侵明公之出處
善類以升沉導日切
非淺回天力尚任於
昭有神鑒偏燭老臣心

又

獨樂今司馬忠誠世所推
帝心元簡在史事實
優為此自陰存數餘
非我敢知願公攄素志
勉答明時

晉寧房秀才下第

近聞賓興士多君氣質淳鷄飛雖暫退蠖屈定
求仲勿羨囊中穎還輕席上珎三年姑少待鳴
即看驚人

題漢州多稼亭

金雁亭邊景難將一字褒江山雖衆美人境亦
相高解紱栽籬菊開樽擷澗毛令人生遠思教
利等秋毫

題王仲寬餘慶堂卷

諛草開偏耐蘭芽植已稠安榮欣此日積累繼
前修惠迪宜逢吉勤耕乃有秋堂名非溢美微
意要深求

送榮澤張縣令

人說張明府曾襟自八憲脫身曹史局試手子
男邦樂易民情悅公庶物議降會聞榮澤政前
後辨無雙

題陝省都事薛君英好古軒

聖賢去已遠義理存諸言篤信有斯人簡冊開

明軒食寢或忘廢朝夕恒討論好而至於樂踐
履尤可尊

題莊氏見山樓

白眼憎俗物紅塵遠市廛高居得如此雅興自
悠然翠挹憑欄外吟成拄笏邊相看兩無斃誰
似主賓賢

題劉孝子卷

生喪明業陰
陽失母有父

人說劉君孝供需只五行可伶書月蝕何害性
天明血泪既哀死甘腴惟養生清時公論在門

表足光榮

送劉宰之官溫縣

昔日廉能簿曾聞去後思懸知溫縣政不負冷
官師製錦心優解鳴琴化易施民安即循吏何
用更求奇

送胥秀才赴雲南教授

詔下開文治君歸得教官讀書訓雅志旋旆詫
榮觀勿以居夷陋當思稱職難方知誤身者初
不在儒冠

送人赴教官 逸姓氏

學職無卑小能弘亦在人升高須自下溫故可知新勿慕囊中穎還輕席上珍他時看成就一振舊衣塵

送劉彥讓山北憲史

俗吏固不可腐儒良足嗤明經先植本讀律貴知時還自士林秀陞從憲府空更將清慎字座右作箴規

送人之憲史 逸姓氏

讀書期有用出仕愧無名擢自儒林秀陞階憲府英持身先玉潔用法貴衡平萬里雲霄路權輿在此行

山西宣慰司札法經歷辭御史不就

顏色未頗識毅華今藹聞柏臺辭要職蓮幕贊奇勲惠及山西道才空冀北群更魚忠義節仰答

聖明君

題江南醫者王道以卷

荆國未芳齋草廬為序文清修真不忝許可固
宜云玉筋臻神妙金丹脫垢氛地行仙亦樂何
必躡青雲

題節婦曹氏傳

封股已親病髮髦垂我儀九原如可作百歲以
為期敵日言猶在秋霜節不虧子成門有表天
道豈無知

九月十八日黃菊始開時且禁釀謾成

示德衡弟

苒々秋事杪幽叢花始黃直凋衆卉總許見
孤芳重露洗金質嚴風吹綠裳陶翁如有酒何
日不重陽

走筆與德衡弟

若梳忘言處相看俱白頭情知天下樂各向意
中求鳥語彼能解花開春自謀寓形霄壤內俯
仰亦何憂

陽月十日旦起示薛生

深得閑中趣何求身外名晨香生淨想午茗滌

餘醒習氣書難捨風光句偶成天公於我厚自
用豈空輕

食苦蕎糕

穀中偏早熟濟歟未渠厭農舍勤相饋盤飧得
共需羊肝堪比色蜂蜜已輸甜苦盡甘來語於
茲亦可占

偶記少時小年能綴文詩

彼美誰欵子蘄然早見稱綴文當世有惟汝小
年能雅齒為呈鳳清姿秀玉冰聯章成脉絡緝

句合規繩穎悟通長吉推揚自少陵可恰東魯
容頭白短檠燈

閑居叢稿卷三



國家圖書館, NATIONAL CENTRAL LIBRARY, TAIWAN, R.O.C.

蒲道源先生閑居叢稿卷之四

男 蒲機 類編
門生 薛懿 校正

律詩

七言

上察司廉使

柏臺毅望久聞廉驄馬西來得具瞻正笏垂紳
存大體奮髯抵几走群纖官無饕濫威風凜物
有生成化雨霑勳業共推家世舊鳳池平步不

須占

又

自任當今捨我誰敢將直道進匡時事未肯避
風波惡判重寧聞海岳移相漢常賢真有子興
周姬旦豈無兒赤心報國遵家訓忠孝方能兩
不虧

憲副丕公重到興元

驄馬西巡又隔年袖詩兩度得趨前翰林風月
文章手憲府冰霜政事權出語無疵皆白璧消

開何物止青編聲名霹靂驚天上已聽喧騰萬
古傳

送梁君章

梁因兵失姑後得于興元
景氏團聚後復回臨池

最憐姑姪鬢俱華兵後相望道路賒幾載睽離
陰有數一朝團聚喜無涯歸心又值秋風起別
恨那堪晚日斜樽酒平安須滿飲馬頭西向是
君家

代送梁君章

去歲君章
子先見姑

賢郎去歲省姑還今日親行冒險艱覲面共嗟

成白髮認聲無復識朱顏滿、窗外鳴疎雨歷
歷燈前話故山終擬移家居漢上暫歸不用唱
陽關

史繼甫錄事司典史

千載明時獲遇遭丰姿挺秀氣尤豪華峯秋隼
精神緊溟海風鵬羽翮高政美自寬烟火禁才
長聊屈簿書勞期君騰達興門閤不愧春秋一
字褒

趙和之壽

慶源初發自玻璃流泓深長未可涯教子義方
無愧忤待人和氣亦謙卑良辰又際懸瓠旦佳
境渾如食蔗時五福壽惟仁者得垂蓮千歲飲
芳卮

丁錄事之任

白髮叅軍赴任新歡毅喜氣滿城闈老成練事
明三尺煙爨安民樂四民宴室香凝松入夢公
庭訟簡棘生春寒儒共作斯文賀釋奠今秋已
得人

座上壽鄧明仲

汗血權尋志已邁駸々殆欲度驂騑可人玉樹
丰姿秀與我金蘭氣味投一脉斯文知有勇寸
心天爵在能修祝君具慶年々好直著斑衣到
白頭

閑居讀將傳有感

宋鼎中遷僅未亡奮然四傑擅鷹揚江東已幸
開新主河朔終期復舊疆時相姦邪工沮撓中
興事業竟淒涼至今凜々有生氣三復遺編為

感傷

亢府判宅落成

美哉輪奐照康莊盛事爭誇畫錦堂魏證枉教
移帝殿姚宗何苦住僧房青雲路穩鶯遷好畫
戟門深燕寢香不特新居為可賀克家猶喜見
諸郎

覺和尚庵賞白蓮

冰雪肌膚出淤泥伶俜寒影照連漪曉風浮冷
夢初醒夜月嬋娟清更空未要露濃驚別淚先

看水滑洗凝脂陶詩近体驚兒女大笑廬山遠
法師

壽鄧載之

深喜安居託里仁獲從賓客賀佳辰眼前秀發
班衣子堂上康寧白髮親和氣自應浮壽筭行
年愛為數靈椿直須釀取如渥酒刺醉梅花十
月春

郭某席間賦

嗒々晨雞喚夢醒窓却好月壁嘶燈宦情嚼蠟

沒無味世路登天吁可憎十載飄零都是客一
屢寂寞靜于僧調羹事業無勞說深謝諸公愧
不能

察司陳知事

次翁斫雲陳
先生之子

生遲不見斫雲翁嵇紹昂々有父風設榻憲臺
為上客揚旗詩壘作元戎讀書素負匡時志正
己應多及物功今日
朝廷用賢急早聞催赴大明宮

和史儒首重九韵

籬菊花開却為誰最憐不負九秋時興來惟用
詩篇遺吟就喜將塵硯吹但有金英浮蟻醪從
無玉盃捧蛾眉猶勝社老傷流落謾憶茱萸賜
一枝

又

龍山故事始於誰歲、登高定此時菊朵滿將
頭上挿秋風從向鬢邊吹酒狂不管敬烏帽詩
好還須讓白眉寂寞東籬兩寒蝶翩、猶戀可
憐枝

錢蜀憲食元亨

一柱西南儘力扶已教餘子愧非夫歸來衰經
終憂制豈料絲綸到倚廬疇昔憲綱曾整頓此
行蜀道不崎嶇春風驄馬經過處父老遙知識
故吾

錢曹侯之憲使任

稅駕侯藩尚未違已聞西憲促提綱眼前途路
從來濶度外功名不用忙麟鳳固知非搏擊豺
狐未信敢跳踉旁人莫訝春風過凜、威稜者

肅將

與學士劉希載

時為採訪
司至興元

照入丰度絕纖埃黼黻

皇猷得異才簡拔正為今日用
巡行快覩使星來
滕裁桃李清陰滿力剗荆榛
公道開願借飛仙一丸藥
不憂弱水隔蓬萊

又

向歆經術自淵源召入承明藉討論
已為文盟執牛耳
宥容晚學造龍門
異時但慕黻名重此

日能陪笑語温尊

主庇民知有策更將諮訪答

明恩

和耶律奉使寄山木公詩韵

兩公姓字徹穹蒼隨處棠陰蔽
蒂涼許國肺肝同
皦日憂時鬢髮各微霜
德星共喜來京國
太史應占聚古梁
更有翰林同唱和
鼎分文陣各堂

上耶律左丞

掃退陰霾日正中天心方責太平功
臨軒遣使非常例為國披肝乃至忠
萬里遼東驚鶴至一朝冀北見群空
豈容閒袖調元手黃閣還歸春倚隆

又

昨宵李卻候星躔此日輶車入漢川
烏府舊曾稱鐵面鳳池到底是青氈
霜鬢憂國邁如此月眼看書尚瞭然
六轡諮詢有餘暇錦囊定賦紀行篇

送馬教授美解東歸

學典時行不悖差况兼寸器出名家
太羹元酒有真味璞玉渾金無點瑕
一再話間官秩滿四千里外客程賒
晚成看取文淵器莫對秋風重嘆嗟

賀夾谷副使弄璋

忠靖公家世澤存况君積善更培根
相承自合縣瓜瓞必復行看在于孫
豈為中情恰絡秀已將英物許桓温
北堂盼徹今初見肯避含飴哺

育恩

又君以嗣故出錢為橋王青渠臨終以騎牛祝故及之

一念初萌病涉憂天教熊夢稱心求海中仙果
原遲結掌上明珠豈暗投丹穴有誰還得鳳青
渠留語果騎牛君家湯餅初開局哀從今莫
厭稠

總判觀佛光于雞頭山次韻

雞頭孤簪翠連空雌伏群山讓獨雄須信地靈
光有異定應人到意先通幽微更出三綱外真

安端生一念中懶我無由看奇特曉窓擁被日
華東

送趙君錫之秦州吏目

十年為吏困無貲平昔操存便可知精悍不妨
身短小笑談足了郡交持宗資主諾應多暇儀
狄裁書且暫辭贈別一言君記取莫教人作腐
儒嗤

壽任壽之

清遠堂中酒泛危森、蘭玉照堦除論年孰與

諸任齒尚德優為一縣師芹蔘猗、春澤滿桑
榆恋、夕陽遲相望西舍難趨賀謾遣書奴為
致辭

贈月軒日者

胸中珠緯自分明月滿秋軒夜氣清靜處要將
身體驗說時奚尚口縱橫立文演畫皆臻妙儒
色占年亦造精知我生辰宿南斗一詩何惜送
行程

送王茂先赴憲府選擢

臨事剴明接物和眼中如子豈能多清流已許
優充選公論方知久不磨疇昔稔間仙注籍此
行何異士登科離腸飲罪宜催發不用驪駒更
緩歌

挽任壽之

前輩凋零嘆曉星可伶配月獨長庚梓州家世
餘文献華屋丘山隔死生年入耄期夫復憾莫
從古礼足為崇緬懷清遠堂中像東望潛然欠
一行

餞楊同知任滿西歸

道傍笳鼓記迎新又作長亭惜別人千里長途
成雅俗一言寒谷變陽春朝廷有意歸楊震父
老無送借冠恂金印此行如斗大西還遙望使
車塵

寄張允濟憲史

脫身府史簿書叢榮選西臺得鉅公立己立人
施有漸讀書讀律用無窮高風舉翮孤騫遠何
日掀髯一笑同莫惜橫霜案頭筆常題數字寄

征鴻

挽趙伯範廉副

一門鄉相自蟬聯攬轡君方志慨然忍見黃泉
埋白璧不教清廟奏朱絳霜寒鴻雁行新斷日
暮驂騑路莫前絮酒隻雞何處奠西風哀挽寄
靈筵

餞太子賓客王山木赴召

龍飛天表廓群陰小筵求賢正自今已分引年
無任志何勞新貴有知音諮詢國論須黃髮報

答

君恩亦素心休沐歸來宴私第免教手足歎商
參

又

星馳使傳趣曹裝北望觚稜上
帝鄉豈為一身辭溽暑要令萬國變清涼燮和
正藉鹽梅味事業終歸汗簡香疏傳功成還有
疏桑榆留取日餘光

又

大經大法幾能知愚陋從公稍質疑餘事從旁
觀洒翰有時乘間獲聞詩寵恩固與人全喜別
恨情知我獨私此去約欄誰枉顧碧雲凝睇暮
秋時

和竹軒道錄見贈

綆短何由望汲深清詩為我滌塵襟雖披風袂
投仙籍時吐天葩照士林偶尔笑談成撫掌沒
然乍默久忘心南褒自謂棲遲客誰識希聲是
大音

冬菊開於盛寒簡仲章並友

陳豳東籬一片荒歲寒驚喜見鮮黃叢依徑竹
分將翠蕊鬪江梅讓與香只道卓為霜下傑豈
知更有雪中芳陶公已遠名尤著可是茲花節
愈剛

次竹軒道錄桃接梅韻

曾是多都舊日栽半生夢斷却為梅蒸霞方豔
依稀事傲雪清姿取次開佳實要期和鼎鼎瘦
枝安忍伐條枚老仙月下頻吟繞豈為升章少

斗魁

又

奪胎換骨雪中開尚有妖紅淺暈腮芳樹合供
和靖繞仙根元自武陵來風過幽石傳香信月
掛橫枝在鏡臺褒拂好花須好語主人況是足
清才

寄挽李宅馬氏賢母

半生自號未亡人素節高風孰與鄰教子不將
恩掩義推財能以富周貧風霜共嘆庭萱悴兩

露空餘草木春挺、諸郎如玉立向來懿範更
光新

節婦劉氏挽章

柏舟高表照城闈素節孤風久更新雅羨松筠
堅晚歲陋唾桃李再陽春敬姜慟哭深知禮謝
蘊清言自絕塵今日九原同穴處我知應不愧
良人

又

失天不幸蚤罹憂白璧持身反見尤簪服從權
期取信琴書適意復何求可憐桂逐秋風殞又
嘆萱隨夜雨休留在蘭孫一芽好莫將天道付
悠悠

次韵谷竹軒道錄見寄二首

其一 褒莊即事

稻梁饒足水邊莊竹樹因依野外堂詩老歸來
尤鄭重鄰翁歡慰絕厖涼犬能識主還相近烏
解知名祇自揚久矣城居厭塵土解纓欲擬濯
滄浪

其二冬日即事

消息應從日下來姓名知己徹丹臺門前朝士
爭投刺爐畔麻衣但畫灰白髮莫言殊世味黃
冠元自隱珍才閑中袖手搜佳句野馬誰知本
是埃

九月八日賦二種芙蓉二首

其一紅芙蓉

豐肌弱骨與秋空宿酒酣來不自持豈為嚴霜
成槁質要憑初日發妍姿燕姬入畫猶嫌陋蜀

錦團窠未足竒獨對芳叢寄幽興子高真是遇
仙時

其二轉觀芙蓉

露涼風冷見溫柔誰挽春還九月秋午醉未醒
金帶豔晨粧初罷尚含羞未甘白紵居寒素也
着緋衣入品流若信牡丹南面貴此花應是合
侯封

贈杜廉訪

秀冠諤々盡英賢時論尤推尺五天身正豈容

姦在例法行能自內為先迅雷掩耳嗟何及明
月當頭照不偏正際元貞求治日可能持祿但
圖全

錄事司解宇新成

不費公帑不飲民眼中輪奐一時新編氓亦喜
司存定胥吏何憂轉徙頽戒石有銘槐共古公
庭無訟草留春從今宴坐觀心處餘庇須教溥
及人

賀楊世英治中新除

兩省殺華著望郎歸未未許便縮藏青天寶墨
下新寵白日錦衣行故鄉曾持席鬚非苟合得
伸驥足更奚量四書儘有工夫在仕學從茲道
愈光

送李道錄

德業清高体性純
夕門三載博施仁
祖庭稔聽
聲名舊溪郡
欣瞻氣宇新
識量不同凡
俗客襟
懷還是謫仙人
明朝跨鶴乘風去
日月壺中且
自珍

壽李推官

爰重寒儒禮茂加情知孔李是通家精金百鍊
元存性美玉重磨本不瑕眼底雲仍天有報樽
中風味日無涯期君壽考如松茂老幹蒼髯閱
歲華

餞王其入省掾

晉產英奇見若人紫髯郁々照青春脂韋豈羨
常情悅骨鯁須教正論伸不負相君平日願坐
令田賦此時均回轅早慰梁民望一簣誰能繼

後塵

餞齊節使入蜀

去歲如京乞水衡歸來遷秩便專城自甘進取
輸英妙天遣功名屬老成坐看蠶叢皆樂土肯
教烏喙毒窮祇漢中遺愛人猶說更要西風送
好轂

餞王同知美解東歸

眼中看熟幾楸枰出貳侯邦信老成悃幅無華
忘吏巧設施有道合人情歸心梓里胡為切彈

指瓜期已及更筋力未衰時任舊且須勉助
升平

和李之晦

書齋兀兀度朝曛載酒相適賴有君自為凡禽
難比鳳更慙猶草敢同薰七年旱渴逢甘雨萬
里風清破宿雲芝宇瞻依慰平昔情知所見勝
於聞

贈康案牘之任

年來案牘閱人多一見知君氣宇和久向蘭臺

推俊爽且教蓮幕暫經過簿書事了無煩冗官
長心閒得嘯歌休嘆功名尚早薄為山覆篲即
嗟峨

臘月八日王縣尹壽

時監修
文廟

遺愛曾歌令尹賢未容投劾徑歸田泮宮宣力
猶如已吾道知公官結緣曉景桑榆春尚好歲
寒松柏老弥堅吉人為善天昌後兩地雲仍慶
壽筵

贈庶訪張某回漢中時張見過

騶從傳呼陋巷中忽驚御史駐青驄便教部屋
光相照始信帛編遺不窮感激肝腸明燬日笑
談牙頰漱清風今朝攬轡人應去漫刺何緣再
一通

色目廉訪與張廉訪見過

繡衣將指到梁庭丰采幾見典型白簡久嚴
晨按事青燈不廢夜傳經忽聞聯轡來卿月深
愧衡門聚德星吾道自今增九鼎詩奴聊為表
中扁

次張廉訪見寄

事君無意復還鄉此日明堂要棟梁鸞鳳豈能
稱鷲鳥蟾蜍安敢望飛黃人欣霽月三秋滿目
送歸雲萬里長更有新詩壓元白章程未可識
張蒼

題開成路晚景亭

西邨葭葦意自闌不求榮利衆稱難靈椿丹桂
皆天理古柏蒼松閱歲寒蔗本有甘因倒咬芸
編無盡為長者未能杖屨相從樂道為先生賦

考索

與蒙古教授馬良卿

檀淵名族伏波孫時務通明氣質溫兄弟白著
推秀傑公卿青眼合量論冷官隨分三年滿大
器成名異日存未得相從見顏色寄詩徵取友
人言

雨中走筆書

四集雲容鐵騎來俄然空際壓煤炆滂沱幾陣
江湖合霹靂一散天地開生意豈惟回草木煩

襟亦為洗塵埃化工神妙雖難測也要調元得
上才

宋錄判仁卿祈雨有感

潔齋徒步陟雲岑一作穿雲徒 閔雨知君用意
深早挹靈泉清似玉澤均農畝勝于金他年定
卜為霖乎此日端能簡

帝心禾秀袂齊成樂歲民時歌舞替呻吟

次王仲禮韻

仲禮生朝大雷
次日詩來答之

惠我新詩見至情風簷披讀眼增明祇知大雪

袁安卧誰料長庚李白生先施固慙今日報後
凋元有歲寒盟知君賸有如川酒定為來遲舉
罰觥

贈王秀才歸吳二親

秋風兩鬢已華顛兵後鄉書涕泫然桑梓歸期
寒浚暑松楸寸念日如年滯留莫訝來何暮拜
掃誰知夢獨先親舊此行成會語巴渝江上月
應圓

耶律總管自西蜀還漢中

儒館丹青氣象雄諸生成詠浴沂風永懷昔日
成功最如見賢侯在眼中未問甘棠思召伯且
先泮水頌僖公舊棘蜀道重趨謁滿慰塵心喜
曷窮

賀何提領開惠民局

岐黃至術久精研霄漢飛騰正妙年深羨一朝
膺寵渥豈知三世得真傳民需實惠仁應博親
友光榮孝克全從此大施醫國手陰功陽報理
昭然

代題賀延安李氏八十二卷

皇元七葉太平民八秩康寧見在身神理要教
全五福妙齡稔說孝雙親曾割臂已父疾又
榆門巷偏留景蘭玉堦庭更可人遙想廊延萬
家邑誰如李氏一堂春

閑居叢稿卷四



國家圖書館, NATIONAL CENTRAL LIBRARY, TAIWAN, R.O.C.

蒲道源先生閑居叢稿卷之五

律詩

七言

與蒙古經歷

幕中郁有古風還畫諾須教刺史閑但得胸襟
清似水何憂簿領疊如山四書至味沉潛外三
歎遺音雅澁間大器晚成天意在 不勞驚訝鬢

男 蒲機 類編
門生 薛懿 校正

毛班

與金州唐節使

少年交結盡名流，氣壓元龍百尺樓。
曾出奇謀清朔漠，更教遺愛及西州。
百篇囊有珠璣積，一話胸無芥蒂留。
早晚漢城催報政，定將興學占先籌。

錢張南發兵後求姪孫

泪洒鵠原惟一息，兔消鳳嶺更諸孫。
崑山焚玉劫灰冷，合浦還珠天理存。
跋涉可能嗟歲暮，團欒猶及見春溫。
當途果有成人美，愛助須教薄俗敦。

賀扈宰樂山亭

面對終南第一亭，光芒時動少微星。
心閑老去稀華髮，眼淨朝來望翠屏。
拄笏雅知多爽氣，移文何用託山靈。
欲參靜壽無言答，萬古相看只麼青。

晉卿叅軍美解

烟幅無華語，最真慈祥融。
作滿城春官，期已代。

寧堪客鄉思難裁正為親秦嶺雲寒凝別恨鄜
州月望滿歸人劇設曾美茲風土傾蓋他年定
有因

送謝吏入察院

年來覲面記凡三傾寫今回得細談吏習豈容
甘窘束聖經似欲苦竒探置身清要期無負著
迹庶能自不慙擬託梅花泥行色驛昏門外報
征驂

與張彥雄典史

簿領生平已白頭漫宦海嘆沉浮久拚袖手
閑中過未肯馳心分外求自昔事人惟直道祇
今起廢得賢侯不虧公賦舒民力替畫須看第
一籌

白鬚一莖戲示德衡

世間涅白成緇易鬚鬢還能黑變皤萬事塵埃
常作惱一莖霜雪總嫌多倩人款鑷真堪笑願
我耽吟已被五、青春猶見此不知衰老更
如何

和雲南張叅政韻

一泓止水湛天君妍醜須教物自分明月照開
蠻徼地清風吹破瘴江雲絲綸方重當今選竹
帛終垂異日勲擬藉墨卿修刺謁自慙庸陋豈
能文

又

盤、襟量見夫君涇渭清渾次第分道德輝光
禪日月才名晚節際風雲救時雅負姚崇志奉
使曾竒陸賈勲會看德星明絕傲不妨清夜候

天文

又

雖居畎畝不忘君行止難將一語分貧陋自甘
門挂席明光誰奏賦凌雲宦游海內寧容跡翰
墨場中擬策勲函丈今朝接餘論我知天未喪
斯文

同知禱雨殊應

去冬新歲早堪憂賢佯精誠力禱求設次致齋
先潔已出郊徒步為迎湫一犁甘澤應無負萬

頃來麤看有秋老弱免為海壑慮定將何物報
吾侯

又

麥針塊底渴春膏早暎經時土不毛致此精神
何愧恠沛朕甘澍解焦勞寸心已自孚天意一
飽端能及我曹欲贊賢侯霖雨手賦詩自笑之
風騷

石節使漢中改葬二親

子平情事未能忘得告歸來辦斂藏問具直須

如古制興哀猶得似初喪便教閣雨深知孝不
待移辰始克襄明日宦程又回首聲詩聊為發
幽光

與徐伯和庶使

柏臺蘭省見清規庶問西來未及暮憲府宏綱
方日舉秋官名節已星馳寸心天地殊無愧千
載風雲自有時山澤癯儒雖乏用尚能歌咏得
賢詩

又

身退明時重挽田肯將富貴自為謀才名應是
世間傑心志常先天下憂鵬鶚擊強猶易見鳳
麟呈瑞更難求此行台斗終須踐海內沉疴庶
有瘳

與郝僉事

人物當今比數中故家為木迥難同釋寬正得
真卿兩疾惡方驚伯厚風忠義至誠知不負文
章餘事亦能工此行足慰斯民望但惜匆匆馬
首東

又

小齋容膝為誰開賸喜分司使者來此日寵光
生白屋他年盛事記烏臺清風夢、聞餘論霽
月溶、絕點埃甚欲搜枯伸謝臆斐然成句不
知裁

仲章分送雙鴨以詩為謝

飼雛分食頤鳩盤黑白成花見羽翰作對恍疑
王令為能言新出陸家闌穿籬正恐比鄰惱蒸
瓠寧供好客餐思我且寬庖宰限堦前短足任

端冊

次耶律奉使鎮南樓詩韵

雄視坤維有此樓，恍疑八表繼神游。
山連秦蜀相鄰際，水接襄樊不盡頭。
陰闔陽開增偉觀，月明風冷怯清秋。
百年豪傑登臨處，詩興飄飄隘九州。

壽西軒王先生七十

當代聲名重泰山，天教後學見衣冠。
老來已向從心悟，閑裡何憂致仕難。
松柏交陰同種德，子

孫承候教傳安，一杯滿為先生壽。
宗主文盟閱歲寒。

金州王節使惠茶

王因論鹽法至府

一緘雲翰識謙和，紫餅相兼厚意多。
惠我喜從金郡收，報君愧乏玉川歌。
風生曉鼎清詩興，日永晴窓戰睡魔。
豈止吾儕得真況，更期良法論鹹醎。

趙叅政寄墨

子墨客卿新見歸，尚書賢相舊曾依。
人間鈞寵

詩林卷五
冷寒陋天上台光接少微九鼎鴻毛真借重一
珪兮玉爛生輝情知造物留椽筆勛業猶能為
發揮

壽山木王國賓時總尹興元

早擅雄文直禁林晚年隨處種棠陰一言恕得
聖賢印萬物生同天地心華髮元龜惟舊德紫
泥丹詔聽新音道山日月春長在且為梅花滿
意斟

與曹總管

魯齋授受得精微已際風雲見戮揮平昔功夫
該休用只今事業信光輝吏民與我傾心久人
物如公屈指稀前日泮宮聆一話情知吾道有
依歸

餞雷豫

鼎湖龍去已餘年
聖德神功付史編四海遺文須紀錄一時妙選
及英賢才華合起明光草教價曾依幕府蓮東
閣官梅春正好肯稽王事少留連

送金州宣差

當代雄豪磊落人一州最尔豈容身思懷昨俗
猶親子礼貌儒生若大賓飽看江山三載滿從
歸勲業一時新我言有証非諛頌曾問甘棠戴
白民

餞趙總管之蜀省參政

江漢承流近五年榮陞執政入西川三朝再世
忠誠著雙相一門昆弟賢德量廟堂應不負勲
名鐘鼎更須傳春風到處隨旌旆坐覺坤維已

晏然

賀大參趙公榮陞蜀省

先公忠孝有天知昆仲青氈復鳳池榮捧白麻
瞻北闕前驅畫戟鎮西陲賓僚共仰今朝賀父
老難忘後日思收拾五年寬惠政忍教寫入送
行詩

鞏昌城隍廟古槐

槐枝已剪移置干地了無礙闡郡人美
其誠感徵詩文以誌之遂求予作因賦

寄以

古廟廷槐已十圍，
樛枝壓屋礙修治。
公輸雖巧技莫展，
別駕至誠神自知。
靜夜不聞穀與臭，
平明忽見剪還移。
咸靈豈但驚凡目，
要索詩人為賦詩。

御香至文廟

莫將灰冷歎斯文，
星使來添寶鼎薰。
晉邨祝釐皆有謂，
泮宮行事未前聞。
要憑明德通三聖，
已見祥煙結五雲。
但說天功非己力，
二君不解代慙慙。

贈武康楊吏目茂卿

簿領遭回兩鬢絲，
三年州幕歎衰遲。
耽書癖于左氏傳，
覓語工似唐人詩。
休憚朔風行役苦，
要看晚節復榮時。
寧馨好在長安久，
想為親來出董帷。

送桂時可教授

排雲闔闔叩天聰，
名動朝紳一日中。
旅困五年非敢北，
水流萬折竟朝東。
喜聞鱣序恩初沛，
須信麟經道未窮。
却似當年新及第，
馬前惟欠杏

園紅

劉君舉迎母陝西就養

鶴髮慈闈暮景長
宣辭王事不遑將
簿書曉出趨西省
滄髓時歸奉北堂
餘日固知當愛惜
孤雲無用更彷徨
他年厚祿回鄉里
要著萊衣捧壽觴

贈日者朱月潭

朱子胸中五緯學
古潭霜後一輪秋
設天有口逢清賞
印月無心異濁流
浙玉不堪江漢住
桃

囊又在錦城游
臨行苦要新詩句
為問飢來煮得不

題趙秀才鳩錢贖伯團聚卷

父兮生我已歸泉
伯也為俘未出樊
地下有知寧瞑目
天涯無柰只銷魂
可憐孝子能承志
所幸東人不寡恩
故里團宗燈火夜
此行真足慰凶存

寄德衡弟同僚子安賢友

我之聞弭解賞音
未瞻眉宇識君心
脂韋官與

時情濕鐵石應知歲月深千里神交同晤語三
年吾弟辱良箴得朋久向西南望何日相逢話
續今

九月同李文子羅壽甫行城南溪上

溪水冷々玉佩聲沿溪路轉忽川平襟懷鬱滯
得開豁腰足痺頽時散行幾樹霜紅明夕照數
峰煙碧倚寒晴茲遊勝友相酬和殆與秋光欲
闔清

與哈赤同知時任
興元

氣如貌敦虎胸次玲瓏三八窓曾盡小心
叅禁圍合膺高爵貳侯邦民知愷悌情先得吏
見廉明氣已降宣化冰流何所似溶々新綠漲
春江

送夾谷權府赴并州同知

平生踐履用功深中歲名場見陸沉萬事已拚
開不問一官能與老相尋涇源眇々焦勞望漢
水悠々去住心後日征騫杳西北更期珍重保
千金

送張知事任滿回奉元

蓮花幕下盡儒珍
設笑風流獨教君
歸路不妨乘款段
簿書何足較紛紜
與人有約泉邊月
同我無心嶺上雲
此去終南定高卧
好音時遣數相聞

送經歷王元亨赴憲幕任

西軒老子笑顏開
喜見鸚鵡眼底來
可是官程還有限
又教行色苦相催
刀圭小試趨蓮幕
書檄旋聞赴柏臺
清譽如今塞朝野
誰云吾道乏

人才

賀張尹新除舊西鄉簿

除書捧讀謝恩歸
脫却荷衣便著緋
百里陽春能煦物
九霄郎宿更增輝
徵科有道追胥少
聽決無私訟獄稀
食祿固知男子事
可能榮養及庭闈

與張錄事先任平涼經歷

吏能曾試幕中賓
此日參軍姓字新
百雉蕭清應奠枕
九衢生聚少游民
政寬定使征徭薄
公

退何妨笑語頻近歲疲祗遭歎惡可無奇術弭
吟呻

李子文得雄

子文集名
南溪類稿

掌上嬌嚶玉雪肌恠來黃色喜生眉固知仙李
盤根大却笑蟠桃結子遲稿類南溪應有託尊
開北海更何疑他年擬賦高軒過定說君家總
角兒

次韻張仁甫見贈

窺竊陳編苦肺腸何殊鼠雀解偷倉自知日計
成鳩拙况與時賢敢鴈行推激過高增愧恠陪
從未久見循良泮宮鳴道須前輩如我空疎分
枯囊

與李總管時之興元任

卿月分輝領郡章手持
天誥出鷄行五雲佳氣觚稜遠萬里先教姓字
香密勿久參經國務慈祥小試治民方他年史
筆標循吏未信龔黃獨有光

次韻王仲禮

上巳約出
郊雨不果

朋友如君氣味投相尋一笑果何由暇中值兩
惟思睡貧裏逢春只解愁行樂忍令佳節負光
陰不為少年留且看明日開晴霽拄杖從公到
處游

德衡弟久患目疾昨送决明因有詩謝
用韵以答

久厭齏酸滑帶涎此花功效敵黃連槐芽細
初供摘菊蕾青未闢妍風味更宜濃煮茗醺
酣休說內裝綿我今唱和須留着付與他時小

姪編

與汪同知汪左丞子蔭
興元同知

三葉勛臣秉節慶生來官爵不憂遲貳車豈是
淹留地弱冠聊為仕進基未報
君親心最急正當民社學兼資更期養就凌雲
翮復取青羶占鳳池

獸炭

山林斤斧日童顛陶穴還將烈焰然已許寒爐
供歲計更遭豪客損天全火牛熟尾終難遁霧

豹赫身亦可怜爭似繡簾金鴨好畫闌長吐一
絲烟

題王提學曲肱亭

八詠南褒意未厭又看新榜照危簷不嫌蔬食
供清淡時復華昏寄黑甜霽月光風非俗物仁
山智水得彌潛夢周老我今無復希聖工夫敢
自謙

呈王西軒先生

耆舊風流不數人喜於函丈接清塵只應賀監

知前世肯倚王維認後身萬古長庚常配月一
言寒谷便生春割雞已枉庖丁具間有禎祥到
渭濱

送趙經歷美解東歸

蓮幕雍容六見春簿書業裏得抽身筆端有藥
醫民瘼囊底無金濟客貧事與向時嗟勢異誰
于吾道最情真一詩不盡睽違意側聽除音入
耳新

送陳洪道

有序在第九卷

風骨備然野鶴孤遠游應笑泣窮途藩籬不限
終貴道冠服雖殊內本儒曉揖清風趨孔里時
占紫氣入殷都歸來胸次應瓌瑋未敢相者任
故吾

上張僉事

面目春風鉄石心堂々人物重當今久貴珥筆
司彈劾喜見登車出按臨白璧温純無少玷朱
弭疏越有遺音不徒汗簡留名字清譽先傳滿
士林

送劉載叔歸鄉葬親

天涯陟岵飲兵餘泪眼驚看季父書二老重泉
成夢後孤兒萬里得歸初欲封杯土心尤切難
報終天痛曷如愛莫助之應重感一詩何惜送
征車

別鮑判忠翊任侯

悃幅無華更老成恬然隨分即功名太羹半酒
有真味古磬朱絲非俗散漢郡每懷深仰德燕
城不意遽趨程再瞻芝宇知何日聊藉荒詩叙

別情

彥實道錄職教漢中滿代

剝落浮華一味真三年道侶敬如新此時正際
暮收局平日方知德服人已辦內丹輕歲月更
將外物等埃塵歸歎重訪師門舊閑石蕭然說
養神

劉邢公慶九十應制

父子華顛一品崇古今四海罕能同賢良不羨
齊轅固齒爵兼依衛武公羊出太官嘉會映鳩

躋靈壽

春恩隆小臣應制詩何取但願年々拜下風

又

養老優賢

聖主心三槐劉氏慶源深邢公黃髮封宗國萊
子斑衣長禁林珎從忽聞

恩有極寵驚自謂福何任定將拜賜官壺酒壽
學今朝滿意斟

壽秋谷平章

碩材扶護賴平功已與明堂作棟隆江漢炳靈
雖借重乾坤間氣自難同勛名真似韓忠獻壽
考當逾郭令公更為

皇家建邦本異時綠野樂無窮

又

此日慇懃薦壽尊祝辭富貴不須論春融定見
叢梯發陽復端由碩果存減違忠言宜有後栖
筠相業會傳孫桑蓮準備為孤矢佳氣蔥々集
慶門

周南翁待制奉母歸鄱赫黃

仙路瀛州已決登兩封一贈死生榮庭闈垂白
康寧福止瓏赫黃感愴情鄱郡江山如有待潘
輿里巷共歡迎告歸莫作懷安計遠天須期異

日程

贈茶劉先生

東海人有疾者飲
以茶即愈故名

安期曾授棗如瓜更有通靈石鼎茶能使膏肓
奔豎子却愁名姓動京華新泉活火隨緣計明
月清風到處家仙道由來先濟物豈甘朝市博

烟霞

題曹溪應真圖

妄身當日已成空，幻影誰教落盡工。
折筍浮杯皆佛事，降龍伏虎盡神通。
朋儕十六緣塵外，世界三千變現中。
我亦逢場聊戲墨，何須直待嗣宗風。

挽天師留國公

留侯華胄復封留，學貫天人孰與儔。
爵以上公膺寵數，年違中壽返仙遊。
百靈長護家傳劍，一

代空驚壑徙舟秋，輔元心未已。
今宮應共祖師謀。

又

妙齡警悟讀儒書，正一宗傳不恡迂。
感雪呈祥銀錫印，退潮為害鉄書符。
無心更欲居浮世，有子還能嗣遠圖。
玉兔仙翁成約在，夢中騎鶴上清都。

題祖生求母詩卷

盜起黃華發禍幾，祖生五歲失慈闈。
淚如積雨

幾時盡日新孤雲何處飛三十年中勞遍訪教
十里外喜同歸始知天理符人事考感曾無間
顯微

題某氏生封母

明時盛典世難逢慶集慈闈喜氣濃子歷官榮
供祿養天教壽嘏及生封鸞書優渥頒恩數象
服尊嚴稱德容積厚報豐知未已嗣今申錫看
重：

送李元章赴縣宰任

東溪玉潤見名郎稔任京華任太常已慣在庭
觀禮樂仍須試邑課農桑持身有道蘆為本恤
衆無他惠是方陝服古來稱召伯異時遺愛似
甘棠

閑居叢稿卷五



國家圖書館, NATIONAL CENTRAL LIBRARY, TAIWAN, R.O.C.



蒲道源先生閑居叢稿卷之六

男 蒲機 類編

門生 薛懿 校正

律詩

七言

題曲阜張善甫隱君八十卷

年雖及耄氣精明杖屨逍遙享太平
九老圖中新行輩一編圮下舊家聲
里仁幸自依先聖鄉飲應多拜後生
况是堦庭映蘭玉世間此樂足

為榮

送客省副使豫章冷敬先

楚材晉用昔曾誇
况復車書正一家
有服在僚瞻日月
何心歸隱老烟霞
高梳綠髮行期近
高木蒼烟故國賒
文獻風流知未泯
江西宗派浩無涯

題胡景清求母辭官歸養卷

母子天性磁石針
可憐海北與海南
弱齡已為值兵散
此日應勞泣血尋
萬里雙親徐氏鏡
百

年一片壽昌心
辭官詔許榮歸養
孝行從茲照古今

壽豫齋王大學士

清時名德細推排
海內于今數豫齋
官歷聖朝凡四葉
澤流家世自三槐
人間勝日居仙府
天上文星近泰階
紅頰霜髯真壽相
川增坐見福無涯

又

政府曾聞力懇辭
瀛州雅志得逶迤
正人一指

為公屈吾道于心惟

上知智若著龜深自晦壽魚松鶴遠難期辦香
袖裏仍留在不為南豐更有誰

送秦巖卿雲中逸安令

妙齡秀發入詞林載筆優游歲月深人謂祕書
為有子我知美邑得無心折腰且就陶潛未試
手須調子賤琴戩吏愛民為急務京畿咫尺聽
佳音

題關中某壽母八旬卷

今代還推孟母賢天教無恙得長年八旬更數
身逾健五福能全壽最綿晚景
天書加寵錫諸郎雲路盡聯翩懿懃朝貴題詩
什與作關中盛事傳

趙待制求贈梓人高天祐

前代公輸孰與儔高生匠手擅名流斧斤如向
風中運規矩還從法外求天上寶宮時幻出人
間金帛價爭酬文章老我知何用休說能修五
鳳樓

赴台過益門鎮望寶難

數程危棧東蒼崖漸喜峯巒兩翼開人語乍驚
成巷陌馬蹄方試踏塵埃隱如城郭周原峙渾
滯泥沙渭水來借問寶難誰處是居氓遙指闢
難臺

初至京城寓居言懷

道途奔走四千餘憔悴京城僦屋居曉逐時英
登館閣夜因羈夢到鄉閭將衰敢望功名顯臨
用應慚學術踈落月孤雲天一角眼穿誰為附

來書

題孔邦彥妻趙氏節行卷

早年艱苦百罹逢夫也云亡子憫凶但有誓言
維我特豈無膏沐為誰容天留歲紀今踰七春
滿孫枝又見重素志初非望旌表要期無愧若
堂封

題容夫帖木兒大夫所藏王維西寒林

曉行圖

野景荒寒霜意遠疎林僵立勢參天定應画妙

王序詰故看詩清孟浩然驢怯小橋鞭不動風
掀危帽整還偏官閑老我叨
君賜紅日三竿尚晝眠

題某氏壽母八十卷

鶴髮慈闈八十春眼明絲線自能紉賢郎秀發
五枝寶家法嚴齋三相陳金母年齡天上籍玉
堂人物坐中賓都城盛事皆傳說亭育端由
聖世仁

題節婦某氏卷

閨門雍睦禮無虧婦德鄉閭足可師一旦我儀
天遽奪百年心事死為期養姑親爨尸餐日教
子挑燈旋績時晚歲雙珠儘先耀華旌不負柏
舟詩

和秋谷平章示內弟韵

自攜書劍出茅齋納、乾坤入壯懷雷電龍淵
隨變化君臣魚水喻和諧闡明公道皆誠服杜
絕私門勝力排却是人間要霖雨山中未許去
藏乘

又秋谷與元章
皆東溪公婿

治民敬事凜如齋先聖微言要永懷異議只從
三尺謹同僚休夫八音諧官閑農務宜敢勸訟
簡衙兵勿用排自此修程無滯礙端由輪轍不
相乘

送李彥長西臺御史

問靖軒

未遲欠拜靖軒翁欲識翁甥渡燕鴻偶爾臺評
能見用翁狀士論快稱公騰章會聽言時弊攬
轡行者振古風秦蜀瘡痍一昭洗始為不負讀

書功

送孫和伯西京宣慰副使

度外功名本不忙忽傳有詔拜龍光一門爵邑
神川郡兩世春風畫錦堂此去條章宣
上意向來父老識文莊渾源喬木久曾說難似
君家得久長

送京師學正鄭渠下第還家

博帶衰衣氣吐虹衰狀欲試讀書功禹門方逐
魚掀浪宋國俄驚鷁退風不見色間形喜愠果

富樞對恩信三宮兩枝
月桂排廷香委康八
秋清學養兄弟二難
海闊言笑嘉話能後
新舊春風和暖在川
鶴應白浩亭反雅元
傳今日國初為發源

NATIONAL CENTRAL LIBRARY, TAIWAN, R.O.C.

能度外置窮通請看赴海源泉水曲折雖多勢
必東

和國子博士劉損齋喜雪韻

謝庭柳絮起因風模寫雖工恐未雄三白兆祥
皆

帝力六花施巧竟誰功仙家迥出塵寰外治世
鄙歸粉飾中莫謾相撩次入鬢祇今衰頽已成
翁

題具樂堂卷

為陳尚賓
修撰賦

金昆玉季樂如何恭友相承意不他既識天倫
為最重應知日用莫非和堂中我自損荒奏世
上誰猶布粟歌試看春風紫荆樹今年花比去
年多

題祁真人寫真卷

神觀超凡本是仙一塵猶有世間緣
聖君賢相逢嘉會多教宗師嗣正傳他石屢攻
增瑩潔洪爐百煉愈精堅虛中已悟無為理歸
路松風正洒然

贈醫官靳善長

術精能獲十全功名列賢王荐剡中為相為醫
分職異活人活國用心同迺逆禁禁追先達度
越時流齒上功莫作區區方伎看似聞吾道亦
深通

壽也先帖木兒承旨

分茅昨王世臣家開府門崇壽與牙曾歷紫樞
忝宥密復居玉署占清華棣聯芳夢輝相映梅
趁和羹味已嘉擬頌岱宗稱壽社向來魯頌不

須誇

送河南省檢校某之任

聲譽喧傳表著間暫辭東閣未容閒傾心汴省
未何暮分手都門去莫攀但得胸襟清似水寧
憂簿領疊如山會看檢校成功了早晚絲綸聽
召還

賀秋谷平章得子

玉作隆顛貫伏犀天教後得且先迷慶源固合
來茲許外族何殊出自齊子姓幼能知指李軒

名今已驗生梯直須辨取如川酒要為明珠洗
却泥

又

天上鱗兒入眼奇恍然記昔夢熊羆始知仙李
流芳遠不恨蟠桃結子遲積善在公室有後助
歆于我可無詩肯堂氣質雖云美養正工夫在
此時

送文璋甫陝省都事之任

華胄遠，路國未照人儀表亦雄哉文章自昔

雖能事勛業于今要碩材陝省謀謨資家畫秦
民瘡痛重堪哀知君胸次多奇策和氣春風力
挽回

壽程雪樓學士

天生元是玉堂仙游戲人間五百年南斗文星
應合避北方學者未能先燕毛鄉飲當居上鷺
序朝儀合在前多幸不才蒙荐引斐章為壽得
黃緣

挽忠卷劉萬戶

嘗竊父於獄
幾歿於雲南

仁不遺親義急君公兼勇知膽輸困扶因竊負
誰無子戰陣先登我有臣漳雨黃烟雖戰歿秋
霜烈日與爭新立身大節惟忠孝豈意顏波得
此人

挽集賢文學士

文天祥子
字學山

忠節前人著大名天教有子嗣家聲集賢間望
期他日迺隙光陰了此生痛惜朝中餘舊友還
歸江左但銘旌嗟予雖未瞻芝宇聞說風猷亦
愴情

題温州宣差德政卷

石伯帖
木兒

溫郡賢侯識未曾刺繁治劇有奇稱撫摩凋瘵
恩光厚轉擊豪強氣益增君繼龔黃知不忝我
非元白頌焉能政教今已聞京闕會聽
天書早晚徵

賀王國元新屋

官資富潤了生涯新敞高闕氣象嘉棟宇已看
施藻繪階庭正欲植蘭芽肯堂肯構知賢嗣聞
禮聞詩亦故家善頌願師張老祝長教人屋兩

俱華

賀秋谷公贈崇德應奉詩

趙子能詩雪滿簪知言秋谷最為深便教價重
連城璧更覺較如擲地金味向靜中時自得境
逢佳處獨幽尋晴窓展讀興三歎不意還聞正
始音

次張子文韻

故人尺素歎沈魚久客常情念秣駒五畝賸知
歸計好一生元向宦情疎近因信自鄉閩至又

報冬來雨雪無我亦張然懷舊隱不須更待和
詩餘

挽龍虎山提點張滄州

鳳皇詔下始霑恩龍虎山遥已斷兔人事限成
今古域神游誕出死生門定知紫府功應滿空
憶滄州號獨存好去江南一函玉翠崖深處劇
雲根

應制壽趙公王彥舉八秩

四朝人物數耆英八秩開祥薦壽觥詩賀仰承

天子命身閑仍占地仙名松椿定副齊年祝
梓誰如趙國榮玉立賢郎亦卿列公生不枉得
長生

又

素履祇勤存與忠

青宮羽翼祀前功年登八秩家居樂祿視三公
帝眷隆內使宣恩同湛露詞臣詒頌擬清風一
時富貴知多少晚節能全孰似公

追憶山木王

文貞公

因公初
度有感

憶我昔歲尹興元此日賓僚感綺筵曾領梅花
添壽筭更磨松剝寫吟牋音容已作今生隔言
行終貽後世傳飽食却慙忘所自偶因歎枕泪
潜然

張編修子文年五十得子

尋方擇古問醫師已獲驪珠慰渴思助慶將開
湯餅會得官正趣簡書時年迎周易大衍數夢
應斯干小雅詩客裏值兒初度日無留長命祝

嘉辭

送白雲平章致仕歸白雲山

道明國體學宗儒接武夔龍贊廟謨日昃退休
黃閣早雨餘歸去白雲孤十金趣賣為供具八
詠流傳入西國命氏進階隆寵教常人出處似
公無

壽趙總管

漢郡年前舉壽厄天教此日會京師容顏視昔
初無異精力方今尚有為稟德我知真宰輔增
光誰似好門楣四朝耆舊康寧在國論諮詢未

可辭

送吳閑閑真人

多德真人領教宗一時清貴為群公問安日報
雙親健上壽天教八袞同饒國並封榮莫及莊
椿齊歲福兼隆一門盛事誠堪賀不惜題詩在
下風

題梁協莫親後得于詩卷

梁生昔未葬雙親夜泪漣一腐席茵馬鬣成封
泉下穩驪珠呈瑞掌中新子平既已申情事伯

道何勞慮後人遠想成陰多宰木賢郎楚：一時春

送王某之千石任

古來名將盡儒流右選君今得與儔况際武功
皆帖服何妨文雅恣優悠官資美帶千夫長骨
相終封萬戶侯莫為此行增感慨貂蟬元自出
兜鍪

送田脩甫甘肅省照磨

識君倒指十年餘一味清貧宛若初自陝至京

懷舊歷出臺大省喜新除一鞭明日催飛騎尺
素何時定得魚客裏自怜還送客不妨握手輕
躊躇

賈致道監修京師廟學詩卷

聖朝天下一戎衣文治方隆萬世基已集成
新廟學更崇首善自京師元功力替應誰似工
部賢勞不已私欲識賈君莫取信後人請讀碑
雖碑

送郭幹卿歸莫

與君點此漢中居入學聯翩共挾書一別到都
設話際細思隔世夢魂餘松竹馬鬣封應切蘭
省鶴行跡整疎歲晚遲回傾肺腑我歸亦已卜
春初

題王世賢旌卷

死事兩函忠義骨零丁萬里負歸來泥行露宿
悲寒野雨泣風旆掩夜臺事母至終尤盡禮閭
兄已乏復通財若人此日能章顯端使民桑啟
迪開

送謝敬叔之雲南教官

知君文獻有淵源豈獨風流晉宋間積德百年
根自遠登科兩世桂曾攀冷官兼傳方南邁溫
室頌恩看北還吾愛吾廬欲歸去少留遲子道
家山

挽夏可軒

夏真人父以子思
封學士拜命而卒

鄉里閑居七十年曾經海水愛桑田諸郎儒業
俱傳素一子仙科獨悟今文館有光與白屋可
軒無憾及黃泉祇知門外方來賀誰謂堂中已

泂眈

題延安李氏賀八十二詩卷

富貴康寧畀自天君能好德更為賢幾人如此
享全福八秩豈惟多二年倒指鄉中稀行輩牽
衣堂上見曾多詞林有筆難輕許敬老何妨贈
一篇

壽秋谷李平章

延祐五年十一月一日

胸中浩浩渺無垠智數何如一味淳貝錦縱成
萋菲巧珠旒難眩是非真吉人壽考惟天相盛

德光輝與日新底事勤奉苦祈祝斯文元氣在
公身

送趙子敬平章之蜀

耿々孤忠結

聖明羣言力詆不能傾方參國論還持憲既掌
綸言復鎮京分省新加金虎重去程舊識碧雞
名腹心一旦勞

宸慮召節旋聞到錦城

又

向曾赤手掣鯨鯢桃李何言下自蹊
帝座正期星拱北蜀天還見月生西琴無餘蓄
師清憲錦不為榮慕稚圭誰果留行深愛惜酸
臧異嗜固難齊

和霍思齊接駕

六軍嚴衛抱珠璣曉發衝開宿霧寒象輦塵清
千里至

龍顏喜動萬人看綫未屢戒政秋騎獻果爭迎
住夏官自愧消埃無以報敢辭奔走候儀銜

又

揚厲鋪張大雅詩紀功頌德不求奇兩都全盛
有今日千載遭逢無此時
龍駕遠同虞夏狩羽林襟用漢唐儀近臣護從
歸來喜飲至滿斟金屈卮

送光州成知州

聞說光州太守賢寧辭朝藉撫民編雖云有祿
二十石肯取無功三百廛燕市春隨行色動淮
流日共政教傳恫瘝正望冀黃蘗莫惜圭刀使

盡除

寄陝省蔡逢原參政

禁林風采動羣英
國學師模仰盛名
蘇子文章妙天下
陽城忠孝誨諸生
薰葭倚玉吾何敢
并揖杭州孰與京
厚祿故人書不斷
十年滿慰別離情

又蔡見和前詩至
復用韻寄之

明時西顧倚耆英
實惠非求赫々名
但願人皆簞食樂
寧教我獨甑塵生
九天寶墨欣分陝
一

旦徵車恐赴京
矯首悽然東北望
無因傾寫向來情

題敬山詩卷

北窓自住山中夢
南國真逢夢裡山
不比楚襄因嗜慾
擬隨謝守共躋攀
奇峰已隔江湖外
拳石長陪几案間
敬字終歸仁者壽
公年雖老尚童顏

寄鹽運使王君貢

京師分袂閱年深
不意崇除送好音
調鼎定為

他日兆生財且盡此時心
舜城風物供新眺
漢郡烟花入舊吟
函地相望難共語
空齋懺懺抱塵襟

題王敏副運時省齋

敬能直內此心存
不逐紛華向外奔
政要惺惺明理愍
豈容兀兀度朝昏
反身固希曾氏薦
力情知過益賁頃
刻工夫無間斷
修途端造聖人門

題呂氏火後屋存手卷

儀真有客近傳聞
佐郡廉平昔呂君
親老便為萊子養
屋成不負退之勤
語出災難避
默冥理自今
可道祝融無具眼
從教玉石與俱焚

題紫陽先生故居詩卷

吾亦愛吾廬
身後寧容老氏居
真自今還舊觀
斯文終古見遺書
雖無嗣世能傳業
賴有當途為表閭
中行真義勇
我知過者但敬戲

挽秋谷李平車

往來徒步走神京，導日天教作啟明。
朱邱既升黃屋貴，蒼生始識白衣名。
兩封大國雖為重，三入中書未足榮。
定難崇文相，真主甘盤舊學獨崢嶸。

又

一舟也會美烟波，事有難為可若何。
涕淚仰頭瞻北極，夢魂開眼悟南柯。
用人誰解當年意，取士仍循舊日科。
磊落勳庸無復紀，令人憤懣寄

哀歌

寄和運使王君貢

久矣斯文嘆陸沉，迺來不意聽韶音。
兩篇都是清新語，一片深知故舊心。
華髮殘年良足慰，青燈永夜獨微吟。
海鵬東去雙飛翼，對坐琅、寫我襟。

己巳何茂實山莊

天開地闢有佳處，須對智人方見幾。
一把茅茨真得要，四圍風物總知歸。
雨晴巖嶂名工画，霜

晚澣勝衲子衣林表雲端煩指點不妨極日到
殘暉

又

南崗勝處結團茅四面峰巒湧翠濤坐卧都教
收好景往來不復厭長郊心田樂為塵囂靜眼
界寬因地步高况有主人偏好事更能置酒治
山肴

丁卯賦杏花

旭日東墻先樹新一枝送出許多春嬌兒稚女

生來好衫服妍粧聚不勻紫蠟光凝初點蒂丹
砂力盡恐成塵詩家自有如神筆安用徐熙更
寫真

與德衡弟論詩書以贈之

松姿鶴相兩臞仙閱世都過七十年得意江山
元有詎放懷風月自無違古今膏馥從奚句伯
仲墳笈孰使然天與吾宗真樂在大家心會口
難傳

病起示德衡弟

兩顴高聳目眶深短髮蓬如不愛簪博帶袞衣
惟我甚陳編墜簡復誰尋軀肥可愛難同昔松
瘦能堅結自今血氣已衰餘習氣曉來欹枕尚
微吟

辭陝西儒學提舉閑居見志

布穀聲中雨散絲曉窓濃睡正炊時春來暖透
黃紬被老去甜湄白粳糜仕及引年何況病官
雖閑局亦當辭為予多謝門前客莫恠慵夫應
接遲

宋待制父子璋年八十二封京兆伯

積善由來獲報豐吉人方寸與天通賢郎已陟
烏臺貴神理應怡鶴髮翁五爵登三榮六至八
旬逾二壽魚隆世間孰是無親者泚筆題詩喜
意同

詠雪

臘後春前正欲求天心人意似相謀六花半夜
將平尺二麥明年占上籌神理定償憂國願
聖明真得富民侯佐詩紀實非虛美誰為傳聞

達冕旒

又

斯民一飽復何求
三白能為久遠謀
穀、寒殺
隨晚籟濛、陰氣暗
更籌夢肥是處
遮黃壤人
足豪家比素戾寬得
九重宵旰慮遠方
無路獻前旒

又

貽我來廷副夙求
天教滕六豫先謀
夜窓聽響
初鳴紙曉砌探深
已沒籌客寓吾鄉
稱樂土農

歌此瑞屬賢侯須臾見
覲還消鑠蒼溜淙、若
綴旒

題雙峯王氏卷

家學淵源久益醇
緒餘纔出便驚人
雙峯自號
存止首兩辟皆辭重
席珍身已歸全無愧
怍子
能嗣業更光新
芳名合載連城錄
秉筆伊誰繼
後塵

題西鄉張明府佚老堂

明府辭榮樂道真
襄山題扁見情親
忘言秋水

心無累屬望晴嵐德有鄰座上一樽今日計門
前五柳舊時春慙慙為報升堂客料擬西風滿
袖塵

德衡弟餽石榴三枚

遺我盤中碩果三累累多子出包含光搖鏡面
丹砂碎冷結金莖瑞露甘一本同胞吾有感遠
條盈袖彼無堪夏花歲々開時節莫忘重拈助
笑談

又

仙桃千歲又三々此果初花孕已含勻顆看來
無揀擇異根嘗處有酸甘蔗漿縱美色難比淡
實雖多味不堪舌本乾時微嚼破對君應不倦
高談

賦櫻扇

夜叉獰惡扶飛魚驅逐蚊蠅踰令嚴更得此君
遭柄用少寬其帶正司爰與邪自可詢黃髮除
虐何妨奮紫髯斃首剝膚休見笑庶令人免汗
流沾

又
剪葉裁銷價亦廉面雖窪楸性方嚴設然綺席
風生細忘却烹山火勢交無事笑設勝塵尾有
時驚詫持龍髯髮皆上指君知否恨殺青蛇到
處沾

又

清臞仙相伯夷廉火正聞風自解嚴倒著漢裘
能禦濕僮為鉛背肯趨交相看似隔年前面一
笑還掀尺許髯伴我納涼供雅具不妨席上兩

未沾

題鄜州張使君漢臣母貞節詩卷

嫺親凜：柏舟風自幼嶄然已不同涵養果能
成令器激揚應亦待諸公在官美績傳身後頌
德佳章滿軸中有子佐州還嗣業情知世澤尚
無窮

題沁鄉諸公同樂會卷後

鄉里歸休會故人却尋野服脫朝紳歡情不厭
詩兼酒笑語奚分主與賓洛社流風今未減沁

鄉同樂意尤真畫圖題詠閒披玩俯仰運驚迹
已陳

送何審道之韶州巡檢任

為士安居不可懷出門前步儘無涯傳家醫術
經三世發軔官程始一階帆順好風通澤國書
應何日到山齋九齡生處休言遠有志飛騰亦
與儕

寶雞縣與雷縣尹值中秋

寶雞濡滯阻流流喜識賢明百里戾學道愛人

君可紀樂天知命我何憂兩家各有根原自一
話都無芥蒂留別後相思渺何許年々須記此
中秋

次素巖賈文起秋闈同考試見贈韻

竭耒秦地豈優游要試朱衣暗點頭力主斯文
惟舊德情知元氣在中州清宵忽起家山夢何
日還陪杖屨遊別後有書能寄否碧天無際雁
橫秋

又

棘闈清論沈塵襟掃退
淫哇奏雅音不恤從違
誼俗議要期取舍合天心
鼎彝陳列瞻清廟牙
戟森嚴見羽林
考閱已從公借重
歸欵三徑復
幽尋

又

九天充賦破天慳
漸覺斯文古意還
多幸長鬚
為座主更驚偉節在
人間得才應共掀髯笑
為
國難甘袖手閑
數日陪從重倒指
管中文豹僅
窺斑

羅道錄以事誥誤至鳳翔得解而回
玉虛人羨地行仙
陽九相遭不偶然
官府久知
辭上界風波何自起
平田向時公治元
非罪此
日玉貽幸獲全
益信聖朝寬大意
更勤香火祝
堯年

金釵剪燭 幻作

歌舞蘭堂夜色深
燭花輕剪試釵金
分開小鳳
雙飛翼撥盡寒灰一寸心
玉淚亂隨紅袖落
蠟
香留得碧雲簪
短檠二尺挑寒雨
頭白書生正

若吟

題李行簡憲使錦城西壑

錦城西壑類梁阿，釀酒弦琴適意多。
軒冕浮雲莊夢蝶，桑榆斜日魯陽戈。
門無定客來同飲，見有新詞許再歌。
老我漢南忘寵辱，碧江烟景似漢萊。

槐芽


樛枝屈曲走龍形，無數新萸已茁青。
嫩色遠看浮古陌，清陰漸欲蔽閒庭。
蟻根初入封侯夢，卯

稅涼挑煮餅馨種德曾聞興相業，願從萌蘖乞餘靈。

閑居叢稿卷六



國家圖書館, NATIONAL CENTRAL LIBRARY, TAIWAN, R.O.C.



蒲道源先生閑居叢稿卷之七

男 蒲機 類編

門生 薛懿 校正

絕句

四言

題鈍訥軒卷

銘鋒不露鈎刀豈類盤錯儻逢方知利器

又

文子炳々番夫喋々勿觀其言觀其事業



五言

題太原郭宅張節婦

突盡矢靡它撫孤勤亦至庶即此心安門旌非
所事

題息亭詩卷後

靜中含動意息處已生機寄語名亭者功夫在
謹微

題東坡用蔗滓西小丘寒木

寒柯凋落盡斷壠剝蝕餘無心蔗滓西有象榴

皮書

曉起偶書

血肉雖誰主惟心要在腔難求還易放非敬莫
能降

題八景

古塔標峯

亭、古浮圖誰識山藏寺遠目見孤尖路阻無
由至

懸泉灌園

泉有灌溉功，懸名固不可。主人智若愚，辱汝暫同我。

棠店霜晴

蔽蒂逆旅側，夫誰思。召公可憐秋，向杪初日映。殷紅

石門晚照

斜暉挂林梢，金翠射危巔。倚杖獨吟哦，愛此桑榆景。

白雲隱岫

溶溶拖匹練，霽霽沒層巔。無心舒復卷，蒼翠只依然。

綠野方春

膏雨染郊原，滿目皆生意。裴公有新堂，能與樂天醉。

菟村夜雪

夢澤今宜麥，六花平地尺。有憶令尹賢，不見新蹄跡。

楚山秋霽

崗巒界南服迤邐屏嶂列金氣極高明秋光正
奇絕

際戊午

人生固願仕時有利不利與其進無成何如且
藏器

有為

少日為貧賤非敢為人師朱墨置左右稍集里
中兒

幽亭

烏紗一幅巾紋簟六尺床無人竟日靜有風終
夜涼

六言

題百魚朝鯉圖

江漢朝宗于海巨魚于此周旋却有群鯢推長
我知理勢當然

漫題

花下提壺勸酒桑間布穀催耕甚欲晴天行樂
却因春兩閑情

戲簡德衡弟移菊

我有淵明舊癖興來時遠東籬為問黃花何在
盡隨綠草枯萎

又

遙憶君家籬落霜枝露蕊爭新擬乞數叢秋景
恨無一首陽春

夢中偶得

昨日潛居白屋今朝拜賜緋袍金榜天門烜赫
玉堂地步清高

贈月棲相士

眸子瞭然秋月胸中自有棲居高明既已如此
風鑿乃其緒餘

七言

與王同知

久傳旌旆出咸秦引喙梁民渴欲塵今日承流
真慰望須將膏雨入新春

十二月旦日南營探梅次韻

畧得餘閑便一來花神靳惜未曾開春風爛熳

尤奇絕更費詩人採幾回

讀宋四將傳并序

余讀宋四將傳劉錡李顯忠死皆得正命
魏勝戰歿亦可無憾獨岳飛功業於諸將
中尤卓狀者竟斃于秦檜張浚之手重作
二詩以哀之

權臣通敵偷家賊奸將持兵養病醫報國身心
惟自許身終不免更堪悲

又

提兵殄寇功垂就下詔班師事已非天遣封疆
限南北區區空嘆失時機

戲贈螢火

庭院深沉月黑時悠揚金燼不勝吹鼻端粘笑
兒童劣却道囊盛是古追

仲夏望日郊行為王道人賦

泂溪偶話道人家素不相知便煮茶座慮兩忘
談笑好西山已報夕陽斜

乞芍藥

聞道揚州絕品花
牽風帶雨破天葩
銅瓶淨滌求清供
不挿青裙兩髻丫

和趙君錫題王仲禮壁韻

迅速光陰一旅亭
功名不貸鬢毛青
此身未入雲臺畫
半夜披衣望列星

癸未正月三日試筆

休嘆美墨與團朱
治世功勳儘有餘
傳語管城毛穎士
今年封爾作中書

春日同諸友登城

閑上高城發興新
東風力軟不驚塵
眼前有句何勞覓
遲日鶯花一片春

題王羲之鳳墅續帖

吳山佳處梵王宮
樓閣崢嶸出斷峰
不見子雲當日字
暝烟殘照但聞鐘

次德衡弟送芍藥韻

天賦滋膩不須粧
紅玉盞盃散異香
收拾春光來慰眼
恨無才思比王楊

賀扈宰先人愚軒

寒衣飢食靜觀書出處行藏與道俱若以世間
奇崛看此軒端合號為愚

又

生遲不及拜愚軒髣髴名公大老篇不役聰明
喪真寔如愚今日是家傳

與扈宰

心勞撫字拙催科用舍其如賦命何贏得在家
勤教子知君天幸最居多

又

為學工夫有等科初時下手果從何寄教扈氏
兩童非誦誦要精無但多

贈山泉相者

布衣睥睨幾公卿猶著山泉隱姓名肯為臞儒
作奇願知君詩律未忘情

又

向人開口泄天機不管京塵解化衣歸去却將
泉照影商量今豈是耶非

唐知州梅圖

畫圖髣髴見當時肯佐秋山坐忍飢已為梅花
成絕唱不應今日更題詩

又

西湖風物縱依然詩律誰能續斷豈惟有孤山
霜夜月照溪疎影記當年

覓竹

君家萬挺碧琅玕乞我休辭斫數竿蔣迳多添
風與月繁陰缺處更宜看

題侯子寧堯民樂社圖

鑿井畊田生各遂簞糗土鼓樂何窮吁嗟澆俗
慵開眼今日披圖見古風

又

斯民仍舊祇堯民田里胡為感額頰消得東君
輕著意故教草木一時春

題陳伯敬清溪魚圖

溜々清溪玉樣清纖鱗如在鏡中行何人寫作
橫披看開卷蕭然眼倍明

又

波光炯、見魚游棹尾揚鬚百自由莫遣旁人
混泥滓却將竭澤一時休

次德衡弟九日以萸酒未貺

萸如蠅子攢頭赤酒似鵝兒破殼黃饋我真成
絕竒絕為君大醉作重陽

和李敬夫雪中竹韻

鳳尾搖空掃玉塵春蚕食葉靜中間不須來與
訪安道且獨開尊慰此君

十月一日郊行書所見

新霜茅屋曉初疑旭日騰、晚氣蒸墻下老翁
閑曝背眼前蓊蓊弄雲仍

送汪浔心相者

君觀廊廟人應衆我聞江湖士亦多說孺浔心
誠可喜願費所得竟如何

又

款門一笑見于思袖出名公字與詩莫問星躔
兼相術只消晤語已堪竒

次晏教授月蝕詩韻

狡兔但為三窟計妖墓敢肆一時貪誰知所養
翻貽患遙想嫦娥亦自慙

題金州望江樓

江漢朝宗萬古流此身隨寓一虛舟
勿云信美非吾土却為登臨感百憂

次仇教授西鄉道中言懷

荆榛莽、暗前村
間花有枝弄好春誰料山禽
解生事一殺腸斷未歸人

又

二年鞍馬真如夢一瞥風花又過春
獨向荒山苦吟詠不知歌笑屬何人

又

花枝不管人為客笑向春風滿意開
忽憶尋芳年少事夢魂曾繞故鄉來

題洋州土神祠海棠

一點芳心肯破慳恨無紅錦護朝寒
花如解語應須道多謝詩人着眼看

寄弟德衡時為灌州判

木瓜丸與川芎散脚氣頭風正所需聞說永康
真地道類之能為寄來無

賀夾谷服膺四十得雄

聞說驪龍百仞淵頷珠光彩動星躔一朝掌上
殷勤看沃却塵心四十年

又

有種公侯元自貴無灾穰祿使相宜可人渾似
鶴雛好會看雲霄奮翼時

龍岩上人工紙羅扇

楮先生掌絲綸事柄用還須召此君且為蒼生
今日起相期解愠助南薰

又

楮先生上凌烟閣便有驕奢繞綺姿賴得此君
來柄用端能諷諫進良規

題龍岩上人手卷

子母牛

老牛怜犢立欲乳阿童騎背箕且行我怒責童
童不聽翳尔獨無母子情

蝶

粉翅翻、喜弄風三、兩、占芳叢不知偶向
橫披者疑是莊生一夢中

墨竹

倚、誰墨此君姿數寸風梢具體微月落空庭
看修影坡詩端解發真機

韓同知求雪意圖詩

青山縞素遠連空漠、江雲一色同畫史翻嫌
太愁絕故添茅舍酒旗風

又

雪意圖詩助有神灞橋驢背總非真要知一片
荒寒景試問華陽道上人

題岐山令田修甫美璋卷

華筵曾坐繡芙蓉張氏門闌喜色濃此日合為
湯餅客岐梁相望幾山重

又

懿氏鳳飛真協吉周人熊夢果徵詩從今便可
今高戶興起田宗定此見

題山臞相士卷

一雙眸子了生涯
毫髮寧容貴賤差
符藥有神魚濟世
江湖無處不為家

又

我真山澤一臞儒
腐簡陳編與世迂
自揣頭顱知分定
作詩聊復贈山臞

題李唐臣愚齋手卷

役心用智損天真
箇裏工夫且自尋
若把愚齋為實用
先生豈是打乖人

又

涉世圓机不解為
傳心方策儘能知
坐忘久欲希顏氏
矚目徒教號絕痴

題灑山溫泉

教語盤銘照古今
後人為戒最宜深
明皇果凌溫泉好
合洗當年嗜慾心

總判任戾夢中

任嘗為鳳翔縣尹

相別區、理釣鉤
磻溪原是昔時遊
夢中晚節傳佳兆
呂望何須嘆白頭

題杜敬叔廣微子西山水圖

野水孤舟慘澹中無教詩裏見元功却因今日
廣微子還憶向來忠愍公

題楊紫陽墨戲後

世人賤目貴傳聞惟有桓譚識子雲不見紫陽
身後事半緘詩草播清芬

題鄭州

卿友于亭

一家雍睦祖傳孫和氣薰陶薄俗敦可道鄉民
息爭產忍持訟牒迺君門

又

喬木枝多一本根春風三五蔚然存無庸專美
張公藝百忍爭如孝友恩

題節婦某氏卷

四十年前失葉砧華如桃李古松心門今表節
兒從仕孰謂皇天不鑒臨

題伏生授書圖

壽考天教作漢儒口傳秦火不焚餘晁生應命
非心受終被申韓誤殺渠

題繡牛圖

農務閨情不一般，女知稼穡亦為難。
金針不繡閒花草，繡出田家黑牡丹。

題韓滉畫移居圖

民生窮感可憐渠，東徙西遷定業無。
如我當年見韓相，乞教西窗灌田圖。

題賈氏先塋手卷

異時收豎上荒坟，淚睫冰悲感雍門。
賈氏先塋還舊觀，九原可作念遺孫。

題姜昭文端禮秋萱

名號宣男已自嘉，秋深底事見奇能。
若非北應添丁瑞，何不移開別種花。

又

霜露寒時亦有春，四端繞處孰非仁。
秋萱莫作尋常看，也要工夫驗此身。

題閻氏知止堂卷

茫茫歧路嘆人間，君獨歸來畫掩關。
高枕北窓方自適，烏聲何處亦緜蠻。

又

正義雖存良象中更將大學與研窮果能至善
為歸宿不枉從前賸費功

贈傅神劉生

人賦形神萬不同劉生下筆便收功能參水鏡
無心處迥出丹青著意中

題沙洲宿雁圖

江湖渺、樹離、陽鳥攸居歲暮時安集甚難
驚散易等閑漁笛莫輕吹

題楊仁卿孝行卷

廬墓烏數
百粟家庭

歸從墓次釋袞麻烏亦能知孝子家自是依仁
非擇木漫、別樹日空斜

題王茂先雪景乘驢圖

世間何地著詩翁多在荒寒雪景中無限青樓
貴公子擊鮮為具醉春風

題鄧勉夫鼠啣瓜圖

老點無人始出潛徑來邵圃啣芳甜世間此物
不足怪君子當存納履嫌

題劉氏滄浪書院

劉君能與道同波書院新成學者多從此滄浪
添一派禹門行看決魏科

題李息齋墨竹

息齋生意發毫端寫出幽篁儘歲寒橫幅一梢
應看足何須風雪擁千竿

又

凜然風節伯夷孤氣壓軍中十萬夫此老子君
情不淺掃除擁腫作清臞

題孝子旌門卷

孝忱初不顧人知寔在名隨理固空莫道門旌
今已了始終大節真無虧

題雄州胡潤甫力農教子卷

秀民自古出于農為學能知為己功不意士生
三代後有如胡氏繼高風

題蒼玉亭卷

冷光翠色入疎櫺歲晚相看眼共青靜聽蕭々
有餘韻似能和我讀黃庭

應制壽王平章

身兼天下達尊三應制探詞恐弗堪竊取崧高
詩序意以為公壽足無慙

贈人致仕養親

其人曾為
百夫長

蓐食晨征夜斫營當年報國敢辭行餘生乞得
非私便要盡區區愛日誠

題茶劉先生卷

古本翻瀾氣一呵半甌茗飲起沉疴蒼生
顛崖苦却笑盧仝漫作歌

題解利鄉義士卷

我飲人飢安忍見彼貧此富責能分推財散粟
同胞者充擴仁心有解君

贈卜士張知命

人生今定有羸疴一定終身莫可移不是先生
明剖析紛擾、竟何為

又

範圍天地一編書左右逢原取有餘獨善情知
非己欲更將疑惑與君除

閒家書至索看非是

何事鄉閩信息真風簷不聽鶻殺頻世間多少
陳驚座半紙書來也誤人

題雀梅

竹間雪蕊正開時群雀無情啁曉枝誰謂游蜂
么麼物春光總透已先知

題牧牛圖

牛背如船一笛風江村路渺興何窮悠然起我
滄州趣不道題旌是卷中

閒居叢稿卷七



國家圖書館, NATIONAL CENTRAL LIBRARY, TAIWAN, R.O.C.

卷一

卷一

蒲道源先生閑居叢稿卷之八

男 蒲機 類編

門生 薛懿 校正

絕句

七言

題墨梅圖

春風不解惜瓊英
可是招魂有客卿
記得小橋曾度處
數枝和月浸溪明

又

省識當年玉雪顏，只宜索笑不宜攀。晴窗展對
爐薰，坐着我孤山籬落間。

題張驥良母貞節卷

盛年志節凜冰霜，晝哭人嗟似敬姜。白髮見兒
登仕版，天教寒谷變春陽。

又

孤子裝，非角時孀親。嗷，天心辭祇今蓮幕
持羸，歸與萱闈獻壽卮。

題節婦馮氏卷

今代共姜儘有餘，高風各自表門閭。倘非馮氏
真全節，莫信中庵肯為書。

又

孀居教子卅餘年，忍辱持身亦自賢。享却桑榆
無限福，異時仍不愧黃泉。

題保定許顯孝友卷

萬傲雖遭若未曾，償逋同費更難能。愛親所處
懷同氣，不愧旌門孝友稱。

題敬齋卷

主一惺：實並行不聞不睹更存誠莫教自己
無干預謾使齋居被美名

題瘦馬圖

誰寫驂騑草野間身行萬里骨三山絕勝秣飼
無他技枉占君王十二閑

題卜士高君卷

易畫分開偶見竒天機物理自然知高君解向
身邊看不待逢人已決疑

題王氏友山亭

直諒多聞固在人豈人不友乃山親能知死馬
骨猶買始識名亭用意真

又

寐：幽居得友難亭中舉目但青山友山題扁
卿須會正要良朋與往還

又

儀形峻潔氣渾然相對無言意已傳靜壽聖師
曾喻指我當久敬亦忘年

又

嵐翠參差曉霧開正如朋自遠方未沒然相對
坐終日有信無言兩不猜

又

論文自昔號為難為兩為雲反掌間萬古屹然
長靜壽情知取友不如山

題熊氏節婦卷

婦居中饋尚奚名夫死方明節著貞但使操存
果無愧何妨熊氏未門旌

題咸州劉君御石屏卷

萬古千秋久秘藏不辭剖腹露文章也同月石
風林樣只欠歐蘇為發揚

又

石含天淨画難如雲母裁屏不羨渠說似與君
君自解靈臺方寸有詩書

題翰林知印沙君寶画馬詩卷後

沙求
画馬
于趙子昂題但
書画馬詩贈之

詩妙無窮画有窮翰林詩與字皆工沙君失馬
乃得馬遠勝當年塞上翁

星翁劉秋江得陰陽教授歸

江湖奔走復京華袖有星辰到處家
今日翩然歸計好一官真足慰生涯

又

發祿今年固自知尔由實學動當時要君聞却
設天口博我吟成錢路詩

題李氏三世惠貧卷

大樹垂陰尚庇人痴兒殖貨只謀身
李侯三世皆修德不惜推財施與貧

題致嚴堂卷

風樹纏悲歲月深孝思忍淚已沾襟
奉常惟有精誠至少見平生固極心

題克民圖

菁梓土鼓與窪尊翁媪嬉遊不出村
秦漢以還風俗薄卷中別是一乾坤

題猿猱圖

挂枝不值穿楊技食野如蓬祝網仁
莫較画師工與拙且看物我一般春

題廣居堂卷

安宅由來蓋本仁，擴充直至四無鄰。
莫教食項賓還去，方是堂中一主人。

題王欽甫小影卷

已將名爵等犧牛，贏得閑身百自由。
不得相逢接談笑，畫圖看着也風流。

題王景先祖母丁氏八秩卷

家世簪纓配吉人，中途姑婦共艱辛。
枯桐天與孫枝茂，翠護萱闈八十春。

題王氏節婦卷

之死無他念我儀，何須門表使人知。
冰霜寸念通神理，報在承家楚兒兒。

題龍沙圖

北俗惟知射與馳，婦無蚕績亦禽嬉。
分明題作龍沙卷，難誦幽風七月詩。

題太一蓮舟圖

乾坤身世一蓮舟，萬頃滄波自在流。
仰看浮雲曲肱卧，兩忘物我只天游。

趙文臣總管竹雀圖

翠筠叢薄不成竿，弱羽羣依共歲寒。安得撲雲千挺玉，煌々五色映停鸞。

題趙文臣總管壽星圖

霜髯風袖一臞仙，白底啣芝若導前。游戲壺間人不識，光芒上應極星躔。

題姚文獻公草書真蹟

草書不暇是匆匆，始識前賢翰墨工。此特於公緒餘耳，人猶未易繼高風。

題江皋雪霽卷

山川玉潔映朝暉，人世鴻濛果是非。只許詩家占清景，漢蓑偷載一船歸。

贈曾雲卿府推

蘇子曾書外祖程，豈知氣俗有雲卿。門閭高大非由外，端自胸中積累成。

又

一成難爰獄，非輕寃死何由得。再生明允賴君全，活衆天教多于吏官崇。

題李明之右丞鶴至卷

鳳覽德輝方宥下鶴因孝感固宜未須知人好
鳥亦好况此休徵不用猜

又

父生母鞠報能全代死開矇事灼然不待仙禽
鳴且集孝聲久已聞于天

題宣和鶴圖

冠衣丹素儼成行猶帶宣和御墨香謾使乘軒
并入函簡然不管世興亡

題邵幼知博士天香亭

艷質司花賦予偏更教濃染御爐烟光風亭上
春三月莫觀先恭一味禪

題樂成亭卷

可樂當思處樂難蒙成宜作未成看莫教錯會
顏亭意政尔兢々恐宴安

謙齋御史尹石首日斫竹藩花圃竹復

生求詩

藩圃枯莖變碧叢主人監邑便乘驄死中底事

回生意要表平反活獄功

又

無根分與朽株鄰有節還驚嫩葉新他日截為
郇衍律吹教黍谷爰陽春

題劉仲遵卷

政惠三年遍及州祇將清慎繼前修憲食有暇
明於月宥使庶汚潔一流

題陳侯卷後

和陽政績說陳侯興學仍居第一籌滿軸教詩

頌遺愛清風吹送到

皇州

題周南翁悠然閣

閣表心期栗里翁周君此日任方通要知意趣
何如耳聾跡無勞較异同

又

東籬疎矮菊鮮々舉目南山墮眼前不是主人
心自遠便登高閣亦徒然

張子文求西白頭翁烏詩

畫師著意寫殘秋
幽鳥奉枝亦白頭
老我不禁雙鬢雪
枉將心緒發詩愁

又

問渠幽鳥亦何愁
奉著寒枝也白頭
應是畫師心獨苦
要將筆意寫殘秋

題節婦畢氏傳

哭夫哭子志秋霜
白髮蕭然老敬姜
留在蘭孫一芽好
門楣節孝爛生光

題楊氏承顏堂記

楊安仁祖母患日及
瘍安仁為故日吮瘍

疾遂愈前畢氏
即其祖母也

祖母何緣疾頓痊
惟孫以孝格于天堂
名底用承顏扁自警
存心始是賢

題孝子馬仲信卷

心憂母病瘠于柴
惠及貧人肯吝財
孰謂馬君不知學
仁民端自愛親來

題晉士圖

酣放都將禮法讐
共誇晉士最風流
清談自許成高致
誰識翻為禍敗由

又

酣放都忘禮法拘清談更欲慕多虛餘風種下
中原禍開卷令人罪厥初

題錢忠懿王帖

錦繡山川画不如風流猶及二王書能歸有道
全生齒底用求名翰墨餘

題梁方大濟生堂卷

悟入醫流術已精理求仁体講宜明直須二者
相為用始是君家說濟生

題周伯淳孝友門卷

煌煌旌表耀清時貞母能生孝友兒道與君陳
張仲合誰能有筆繼詩書

題續氏節婦八十卷

夫天已失極天存神理扶持壽公尊四子傑然
能樹立果能祿養報慈恩

題浩然踏雪圖

凌雲微雨句方成閣筆諸公嘆且驚不遇還山
當自佚何如忍凍雪中行

又
六花一夕縞山林破曉乘驢向此吟莫恠先生
太清苦詩腸芒角自難禁

探梅圖

嫩寒清曉到山莊不為梅花有底忙
寫出詩家真况味西工亦自不尋常

贈石泉宗相士

山骨潺湲綫溜穿汪洋停蓄可涵天道人兩眼
明如此莫恠佳名號石泉

贈相士沈西湖

暗香浮動月黃昏人去猶餘妙語存
可是沈君能具眼西湖今作謝公墩

題燕氏推財奠兄卷

死喪之戚見孔懷此時世利等浮埃
滿腔天理皆呈露不是安排旋作來

又

兄弟難求財易得衆人知此不能然
傷心千古燃其句始識燕家李也賢

題王氏某慈孝卷

王君乃祖晉休徵嗣世子今有令名繼母却非
朱氏比一家慈孝總堪旌

送蘇知事象歸

官滿人歸氣爽然素冠悽別獨渠怜填胸憂戚
難為語長路秋霖慎著鞭

又

異時登陟望孤雲心目遙存雀髮親今日歸途
見雲起親兮何在淚盈巾

題木犀卷

花外無香憎麝俗木中有理似犀通不知造物
誰雕刻玉質金相箇同

又

萬粟綴成金瑣碎一枝折破碧團欒不因香集
分真贗誰道分明卷上看

題班婕妤卷

禍水方將滅火時齊紈置篋已為遲若非善對
依長信縱解題詩不救危

題党久誠李陵別蘇武圖

陵言臣罪上通天握手相辭淚泫然今日果于
圖上看丹青誰過子卿賢

贈相士黃梅溪

雪裏香傳一信來水邊影照十分真
梅溪說相無多子只這天机舉似人

題張圖南松風亭卷

半天謖々老龍吟我欲將聲寫入琴曲
几蒲團清坐處不期茶竈也知音

題張圖南怡顏堂卷

向來養志禮無虛具慶堂中樂有餘
今日立身能不忝我知泉下亦怡如

題高梅隱卷

根寄山隈與水濱香浮隨處總知春
百花頭上人元有明眼休教濕俗塵

蔡相士過武當山

與山為友十年餘終日相看不忍疎
久靜胸中自生白聞人何異鑑磨初

聞木犀香

一株幽院獨開時到處聞風便可知不似餘花
縱芬馥直須三嗅得幽奇

又

秋風萬斛散天香想是瓊枝細簇黃世有丘園
隱君子身雖未見已名彰

追錄舊賦梅花

梢頭麥粒未舒芽鶴膝中間着數花竹外一枝
雖入画不妨分付与詩家

與相士童靜觀

水止端能閱鬢眉鑑空真可別妍啻靈臺一片
清無滓舉目天機不我欺

題張湛張堪射獵圖

一為馮翊一漢陽漢傳東京教二張画史何從
傳此本却將射獵掩其長

又

自古通材擅美稱射居一藝不難能試看卷內
閑馳意馬慢弓橐矢釋棚

讀近体詩有感

東塗西抹矚妖妍欲趁春風事少年安得謝家
冰玉質不將脂粉汙天然

題十友圖

東坡已下及
泚印陳碧虛

十友八為天下士二雖方外亦知名當年想見
德星聚太史觀天偶未清

題蕭寺

吳山佳處梵王宮樓閣崢嶸出斷峯不見當時
子雲字霏烟殘照但聞鐘

題白汝明秋江晚渡卷

白穉
橫舟

崗巒迤邐水悠悠鴈落沙洲古木秋隔岸有人
愁日暮急須濟我勿橫舟

七月十五日偶題

半旬毒熱未容當破曉風未得少康人世若教
無苦樂天公安得有炎涼

題林泉雅集圖

山光明潤水潺湲人物熙熙自一天只道鴛鴦
都隔斷不知已入画图傳

又
樹林泉石帶幽居雅集山中樂有餘我願斯民
真若此不從紙上看華胥

贈相士月湖道人

浮光靜影月湖秋擬效坡仙赤壁遊今日羽衣
未見訪絕勝化鶴掠予舟

又

倒影相輝萬象涵道人了此不虛談塵中落魄
無人識偶尔逢時為指南

題徐子方以詩并画梅寄李晋臣卷後
一枝疎影落橫披名画新詩寄所思二老風流
今已矣卷中猶得見當時

己巳上元

太平節物自欣、燈火灑山開徹晨今夜月華
依舊好可憐只解照愁人

己巳旱兵流民嘆

流民雜沓到興元也與君鄉摠一般若要大家
均樂土只消時雨洗兵端

贈相士林瑞峯

少年猶恥競時名，老矣何心更慕榮。
珍重瑞峯無枉顧，好將風鑿待奇英。

贈相士西崑

曾向西崑作隱居，清輝夜夜照琴書。
只今留在神光日，貴賤難逃一瞬餘。

贈相士宗月江

道人閱盡滄海者，月印江心水自流。
我亦何心分貴賤，難將槁項說公侯。

贈初菴

乾坤隨處一卷開，不見端倪莫枉猜。
箇裏麻衣傳相罷，更從無極說將來。

題陳教授山水卷

群峰盡處見危樓，水色山光不斷頭。
何日拂衣成獨往，倚闌長嘯百無憂。

又

山間暮色已蒼然，少頃樓東月正圓。
清景怕無人管領，畫家先為著詩仙。

至農家有感

雨腐疎茅不蔽椽，困枵竈冷絕炊煙。自言不復
明年計，起納公租賤賣田。

偶賦

坎井荒叢變態殊，奔奔相逐更相呼。應憐寒叟
懸衣結，不似明窓看画图。

賦柳

枯樹生黃色已嬌，低垂江岸映溪橋。東君不惜
黃金縷，散作春風千萬條。

賦樓

瘡疾滿體髮蕭鬢，緣木求魚見未曾。獵獵窓敲
風不定，團團階影月初升。

賦金錢花

繁叢滋引更連茹，媚媚花開散五銖。可是小園
秋寂寞，何妨為菊作前驅。

賦水仙花

柔萼凌雪並梅芳，玉質金相擅國香。方悟西湖
林處士，合教配食水仙王。

又
翠翎叢裏擢寒英香比梅花一樣清動得詩家
黃太史為渠覓句播芳名

賦空男花

黃作衣襟綠作裳美仍空子勝莊姜莫將輕比
閒花草解與人間助發祥

賦玉簪花

露泛瓊肌賦與香么鷺引頸吸天漿鉦然折取
簪雲髻妨却幽閨罷曉粧

又

沃葉偏宜听雨聲碧雲湧地載飛瓊弄安都道
搔頭好粧羅佳人眼最明

賦百合花

曉看蒼玉鬚猶呀漸破觚稜類削尔額上宮黃
雖可愛一天風露氣尤嘉

賦金盞花

黃金杯面紫金心貯露渾于酒滿斟莫道尋常
柔脆質長春不受雪霜侵

賦石竹

短籬新見出梢、蔥蒨都無尺許高
茜色芳葩工點綴莫教容易濕蓬蒿

賦金鵝花

芳葩雅稱九苞名兩翅翹、簇翠莖粧點曲闌
聊寓目可憐取次落紅英

賦葵花

誠心一寸獨傾陽累夢重記次第芳
盛夏貧家成富貴煌煌旌節豎門墻

賦青梅

豆顆輕盈綠褪膚仙姿高掛月清臞
蔚藍天上新移種素豔清香世絕無

閑居叢稿卷八



國家圖書館, NATIONAL CENTRAL LIBRARY, TAIWAN, R.O.C.

蒲道源先生閑居叢稿卷之九

男 蒲機 類編

門生 薛懿 校正

雜文

銘

九思堂銘

君子之德成于克思其目有九
眚人發之視明
聰聰色溫貌恭言忠事敬疑問乃通懲忿戒得
無非切己不思則罔思則中理李門振：昆弟

九人制名以此其數適均有扁斯堂永懷肇錫
銜訓弗忘競、是式勤齊作序意盡乎辭我愛
助之記以銘詩

積慶堂銘

孰黍稷者可供梁盛植松柏者荆棘弗生相彼
德人為善不足身及子孫並受其福積之伊何
匪夕匪朝善豈他求大倫孔昭孝敬弟慈及物
以恕固計厥功綽有餘裕洞華某氏有扁其堂
我作銘詩永清勿忘

遵誨堂銘

粵惟高氏奕享修年何以致之為善使然父詔
厥子、復詔孫惡不可為臨絕訓言善惡之分
間不容髮去惡即善非秦而越璘也聞孫扁堂
遵誨于坐于立有嚴斯對昭烈垂戒見於將終
高氏家法古人與同匪淑其身永垂後人引以
勿替是為克遵

致樂堂銘并序

經曰養則致其樂南翁待制既事斯語又名其

堂請文自警其不揆勉為之銘曰
人之百行維孝為先曰愛曰敬匪強而然經紀
其條各有攸當五者之中先則云養其養伊何
及身而誠甘旨溫清婉順和平極其情文斯所
謂致無一毫憂以為親累天下之樂我非敢知
慈顏既悅我心孔夷在昔鄭莊賦于大隧母子
如初融之洩之底豫則舜養志者曾為法後世
大孝是稱舜曾我師茂莊之失卓哉周君終始
如一猶切自警昭扁其堂曷愛助之書此銘章

石硯銘

湯池環於外金城峙乎中墨子以為守毛穎以
為峰余將望二子於此石之上以成夫文陣之
功

敬義堂銘

為大學士
倉直卿作

君子之德在坤六二其德維何曰敬曰義直內
方外体用昭然交相涵養固或一偏是為不孤
心無不利靜存于心動宜于事譬彼作室棟宇
必隆植本端固屹然居中表以魚隅有截其址

築堵引繩布庭如砥物則可見道器不離昭文
扁堂我相以詩

歲

順齋歲

禹之行水行所無事子思言道率性之謂順義
之大于斯可知孝弟忠信以我而推天秩自然
豈人所強惟理之歸大中無黨毫釐不察或為
說隨妾婦之道不行則儀美哉斯室有銘昭若
壽卿居之視此無怍

贊

秋谷平章真容贊 并序

某伏在田間恭聞秋谷平章秦國公有大勲于
帝室

詔画工圖其容仍

命詞臣等贊頌寵渥至矣竊謂君臣際會古今
盛事太平之業寔基于此某不勝欣躍亦拜手
稽首擬而獻云

烈々秦公兩濟艱難陰孽既除天步以安事機

之乘間不容髮匪謀易濟匪斷胡克四方奠枕
有聞無聲曾是龍碗化為丕平

帝曰休哉汝其予相視昔凌烟其肖尔像氣宇
魁然山河之英目光炯然箕昴之精魏三廟堂
願公壽考身任安危

天子是保惟
天子聖倚注方隆豈若畫圖置而不庸公其報
國確乎自許肯效丹青靜而不語君臣一德罔
替初終百辟是式聿觀厥容

餘慶堂贊

苗而至于穫可以免凶荒之歲基而至于楹可
以為風雨之庇豈一朝之能然諒必由之馴致
人徒見富貴之家既熾而昌殊不知祖宗所積
享其餘慶叶木培而鬱愈盛膏沃而熒其
光惟積善可與論此則于氏若子若孫者又豈
徒表于斯堂也哉

解

思齋解

襄城少府張瓘南始相識有為之思齋記者介
濡學錄薛東葵持卷詣余求益不容辭詳其記
之立言有不思而得思而不得思而害于思之
三說予惧其歧而觀之駭于外而莫領其要重
為之解曰夫塊然無知者木石也局于氣之偏
且濁者禽犢也尚何思之有人為萬物之靈盍
不思乎蓋以心之官主思故也大哉思乎其酬
酢萬交之主宰而使之無過不及者也所謂不
思而得聖人之純乎天也思而得之賢人之擇
乎善也擇乎善而不失久則熟純乎天者可公
及矣周公之思夜以繼日孟軻稱之季子之思
三而後行孔子訊之聖賢之言無乃相悖乎曰
非也周公之思公天下也文子之思私于己也
考其行事可見矣使其思如周公之公聖人何
惡焉惟其遲疑不斷私意反生流于不善此則
公私之分其末有大不同者是以思之幾不可
不慎也瓘南既以思名齋又孳孳求其義則必
知所去取矣敢以是告之若夫易之何思何慮

無思無為此誠者天之道非可驟語者然則我之所當致力者何也曰思誠

辯

韓壇辯

興元府南鄭縣治之南有所謂漢興壇者蓋沛公為漢王都南鄭拜韓信為大將時所築也其文具漢史漢之興實基于此後人名為漢興壇其遺址歲久崩圯蕪沒其隆狀者即其地也舊刻石已不存尚有題漢興壇醑醑詩于石今移

置於文廟大成門之左嵌于壁者猶可考也興元屬縣城固有漢王城上有韓信廟土人誤以為韓壇去南鄭兩舍之遠蓋漢王從蕭何薦信不旋踵而其禮拜為將豈有捨近而即遠况其城極高大非役徒之眾歲月之久不能成法非常日拜信之所明矣不可不辯夫壇之存亡固不係于治體之輕重然前代帝王英傑之遺迹湮沒亦為可惜御史李某憲僉宋某以公務至郡憚其將就泯沒大書韓壇二字深刻于石以

繼統行夏之時梅花領將春到更祥烟浮動萬
年枝庶日徐行黃道和風細度丹墀 天顏有
喜近臣知稱壽獻瑤卮道品物維新陽剛寔長
百祿咸宜觚稜五雲佳氣但逢瞻百拜只心馳
記得華封餘祝不妨借入新詞

點絳脣

旭日東生五雲宮闕光輝映百官班定拜舞朝
元正 春滿瑤卮萬壽同稱慶邊陲靜太平全
盛永賴吾

君聖

秦樓月

宸京裏玉卮為壽

龍顏喜龍顏喜天開盛旦日膺繁祉 變荒凱
奏風塵拜羣臣席拜同歸美同歸美山呼
萬歲太平

天子

又

昌期遇天齊九五符乾數符乾數今朝稱賀載

逢初度

露寶爐沉水騰香霧

騰香霧祈

君萬壽永承洪祚

又

皇都曉堯階奉引瞻天表瞻天表麒麟不動御
香輶象電光曾記樞星繞井平自此開先兆
開先兆堯天日月萬年長照

又

龍樓宴千官拜表俱歡忭俱歡忭今宵

帝座瑞光高見 觚稜引領心常戀南山萬壽
慈懃獻殷勤獻
皇天眷顧必從臣願

春帖

內府

日月大明黃道濶星辰高拱紫垣深
一念守文宗謹戒萬年保祚愈尊安
欽福錫民春萬國考圖數貢歲三朝

翰苑

史冊日星垂萬世
綸音雨露澤群生
天章煥爛真難述
地望清高不易登
萬古日星垂史冊
九天雨露渥詞林

秋谷

陽進吉亨欣道泰
位階燮理荷年豐
祿厚願同人足食
身安期典物俱春
歲月從他頰徃復
乾坤於我自生成
長思日冊循天理
儘覺春風閱歲華
源遠流長思世德
身閑年老結詩緣

辭祿豈無躬祿念
讀書仍有獻芹心
祖宗培植厚天地
發生多齋居如對
越廟祀儼生存

疏

重修漢高祖原廟抄題疏

伏以漢祖勃興
救生民于水火
神靈如在
垂祀典于古今
乃瞻此邦
實為原廟
丹青剝落
不堪上雨旁風
棟宇傾摧
未免左撐右掎
皇朝詔旨之屢降
必聖帝明王之是崇
欲議興

修須當備叩幸允千金之諾同施一贊之功復
舊規模鼎新輪奐

翻修城隍廟化疏

伏以赫赫皇靈著自金湯之始赫赫清祀通于
區夏之中然此邦廟貌雖存而昔日幘幪漸壞
豈容坐視宜共翻修願非一己之私當集諸家
之善資財樂施毫端無惜于大書綵繪翬飛目
下就成于壯觀神其知止福有攸歸

又

伏以城隍天下之通祀實稱尊嚴廟宇漢中雖
舊存尚虧修葺疎漏恐侵于像設頽摧難安于
神靈安能袖手旁觀用是發心緣化木植碑瓦
未免更添工糧貨財豈容或缺倘樂從而無悞
必陰相之有歸便請芳題共圖勝蹟

重修關將軍祠抄疏

夫生著勲勞歿有遺烈名存祀典實匪淫祠漢
關將軍其無愧矣惟其事漢而一節不渝敵愾
而萬夫莫禦威震華夏義薄雲霄賈勇于三分

之時顯靈於百世之下史官有述血食是宜嗣
在

聖朝益加徽輝而文庶密迓神祠舊存風雨剝
摧像設有顛壓之患道途經過顧瞻懷怵惕之
心借願完修仍須糾率凡我同志無吝特書

修成顯行祠抄疏

伏以正直聰明之謂神有功則祀而陽寒燠之
為沴無禱不從曉此古梁大哉成顯既崇膺于
王爵實字祐于生民惟習俗之欽崇必歲時而

引閱至其出尚乃寓居議興創夫行淫祠以安
奉于游像基符龜卜已逢樂施之人材欲鳩工
未有可圖之處徧于題助共與圖成神力所加
定聞風而羶慕衆資既集看指日之翬飛
楓宸上祝於萬年於社咸臻於五福

修九真洞善濟侯廟疏

伏以水有龍則靈叢自真仙之洞時無則固
歸于善濟之祠跡昭著於文川澤溥施于旁邑
歲華滋久蓋障弗完像設雖存丹青亦昧既感

宇之若此豈訓報之徒然當議興修必須抄率
揮金指廩要集善于諸家易捕墾墻及彰施于
五色共祈陰相管取豐年

崙山嘉應夫人廟結瓦疏

望山惟南有崙遇早求雨

歲久隳圯今復修

頗成然頽甍丹

獲因循中輟功虧一篑終未完成士庶之心悵
悵於此境內興祀侯牧主之雖懼僭踰不敢不
告

高祖廟捐修蕭曹二相國像疏

漢高帝基業漢中有功斯民則此實為原廟矣
况

聖詔屢頒必以聖帝明王忠臣烈士載在祀典
者所在官司歲時致祭為言而高廟淫祀之比
今廟中蕭曹二相國像摧亞弗支宋色蒙昧不
稱嚴事之意敢告鄉里好事君子少割資金以
修完之尚義樂仁福亦知所歸矣

與張南發先生集資團聚疏

伏以人情無久睽不合之機天道豈終屈不伸
之理竊見學正南發先生頃因劫運莫保宗親
父子烏分弟昆鴻斷轉為異姓各在他鄉侵尋
既隔於死生飄泊但餘於孫姪興言及此流涕
曷勝欲圖團聚之方遍告周旋之力當仁不讓
豈無揮金解索之人感德既深當有結草銜環
之報

為景介福作還鄉奠親疏

伏以幼罹兵革父喪蒙瑛于空山時淚車書身

世羈縻于異郡歎四十二年之久柰二千餘里
之遙夢繞松楸淚濡茵席恐溘先于一旦遂永
負于九原問道農糧已乏宿春之乏稱家辦具
可怜行橐之空凡我同盟必能多助使子貢脫
駑而賻於傳有之見曼卿委麥而歸在人賢者
俾諧襄事可設良心

贈日者江得心求助疏

廬陵汪得心遠涉荆襄薄遊江漢推占星緯迥
超同輩之中文采風流可謂不羈之士但道路

洋踪之久之資種菲屨之供已剗津餘畧為津
助理揮金指席有激昂之情伴送旅窮途無憔悴
之歎

開序疏

伏以木須就于規矩始遂其材玉不資于琢磨
為成乎器人亦如此理憲昭然其傳詩礼于親
庭蒙冀表於世業欲開家塾以誨童蒙惟此鄉
閭凡諸子弟如能負笈請為書名

與蘇州人朱安求贖兄疏

蘇州朱安士族也祖終于蘇之崑山令父終于
和州教授繼母嫁人利其遺產安及其兄名恭
者皆以計賣于人為奴隸同州劉楚樵怜安為
出疏叩好事者得貳贖為良安流寓興元復見
其兄恭仍在穀中援楚樵例懇求數語為先容
以干諸人而贖之余哀其簪纓世家之裔不幸
遭此當途君子暨有力者倘興休惕惻隱割日
費之餘以拯之誠仁者之用心也

興元路救荒勸分疏

伏以職忝收民豈可立而視其元歲逢艱食當
與仁者求其生雖餓寧罔間于同胞况聖功猶
病於濟眾是以古人盡勸分之道君子存周急
之心爰集鄉耆以輸誠懇俾持疏語往叩富豪
苟困倉發其所餘咸推惻隱免滯壅至于此極
庶格和平便請特書無煩擬議

閑居叢稿卷九

蒲道源先生閑居叢稿卷之十

男 蒲機 類編
門生 薛懿 校正

雜文

跋

跋 郭治中所述夾谷行省事狀

古之豪傑功烈見于當時而殺猷未盡彰于後
世者多矣秉筆著述之士咸惜焉若柳宗元狀
段太尉逸事以告于史官韓子為當世聞人作



傳者非一然後慎于內故興元行省夫谷公未
時草昧負將帥之材膺爪牙之寄劉敵闢土奮
知竭忠勳著

本朝澤被梁益覺逝未幾而人罕有能言之者
郭侯昔常受知於公而親事之耳襲其世家日
擊其行事惧夫久而湮沒也私為識錄出以見
示其言詳而不蕪覈而有証斯亦好著述之徒
欽矧

國朝褒卹勳舊而公之子孫復在顯位會錄公

之事狀稽顙請命于

朝下太常定美謚非此文尚矣徵耶余夙懷斯
志而遠郭侯之先也故跋其辭如此云

跋張府判關中諸公送行詩後

凡稱譽于人者無徒諛得稱譽于人者無徒悅
斯為兩盡其道蓋譽而有試則所譽者必稱情
悅而能繹則所悅者必有益僕現關中士夫錢
平甫張侯之詩而竊有感焉夫張侯為政於漢
中再暮矣其和而斷嚴而恕庶以成其公學以

廣其用正己格物急吏緩民厭服于人心播誦于人口然後知前日稱譽之辭不為諛而今日施設之方亦由其能繹矣雖然張侯必能充而大之俾功豐而德懋垂光而流榮此閩中士夫平昔之所望而僕亦有譽焉于是敬書其後而歸之

跋趙伯儀拜恭詩序後

夫居公卿之位人以為當然而非幸亦無愧矣蓋所謂當然者或以勛舊或以資望或以德量

有以歆服乎人心故詩曰緇衣之宜兮敝予又改為兮苟或不然則所謂幸耳故詩曰彼其之子三百赤芾斯二者榮辱之所係也恭政趙公忠愍公之家嗣也語勛舊則忠愍服勞王家矣語資望則三為良刺史皆有善政矣語德量則公寬弘重厚汪洋不見其涯涘矣如是則公卿之位捨公而奚適公拜大參之命漢中部士咸以詩賀其家世兄弟之美在官政績之善已見于前序矣愚為明其所謂當然而非幸者以為

在公定無愧在賀者實無諂也因跋于作者之後云

跋送劉直判卷

比來南音說相說命過漢中者不啻車載斗量之多率皆揣摩附會以求售而聽者益惑今劉生自別直判年最少氣最精論人禍福差可准信為出數字使識者知所區別耳

跋李景韓字說

世稱韓昌黎學者仰之如泰山北斗則世之慕

望者宜衆矣李生以昌黎諱自諱其慕有甚于羹牆之見翰學山木先生為字曰景韓久擬取昌黎文章事業焯々者數事為生指南而著於說生持來且有請余曰此說至矣而復何言雖然昔李氏子蟠好古文行古禮通六經傳昌黎公作師說以貽之今李氏子愈頗好學山木公作字說以詔之二說並行于世生既以景韓為事又當以景韓為心從事斯說無愧于昔之蟠可也

跋李希仁所藏王山本草書詩詞卷

文章翰墨古人以為士之餘事蓋言其行已大方有不在是者然即其文以考其學問之淵源即其字以見其心畫之勁正則所繫固不輕矣內翰^{山本}公總尹興元時余常得侍燕閒聞其稱中州前輩士夫名節風誼且許其文章翰墨之妙則公之自負從可知矣李君希仁修飭好事公書舊作以遺之未幾公以

太子賓客召卒于位希仁出此卷請予為跋余慨公之不復見矣為之撫卷太息書以歸之俾後之欲識公而不及見者現此猶足以彷彿其流風餘韻云

跋節婦孫氏傳

余忝翰林末屬五年于茲凡傳婦之貞節持卷求題詠者不啻十數而撰列忠臣之事者或無聞焉抑

朝廷清明四方無事未有所因而發其蘊邪將庶耻道喪而無所勸激耶皆不可得而知也延

祐三年冬元惡播禍於陝西自取天誅時以忠
義顯者僅聞一二其平居擢高位食厚祿者莫
不委靡附和嗚呼君臣之義至明至白而臨事
之際以嗜利保身之故昏蝕其本心顛倒錯亂
曾不若嫠婦之所守是可歎也已因讀孫節婦
傳見其盛年失配貧能守義事舅姑撫諸幼艱
苦百至始終一節凜然有烈丈夫之風可不謂
賢乎今年將八秩其子平復以孝友聞天之報
施豈徒然哉為平者倘能以予言細繹之則知

忠孝不為兩途矣

跋秋谷平章試院中所作詩

洪惟

國家武定文綏際天所覆靡不臣服然設科取
士之制未遑及之

世祖皇帝朝嘗欲舉行以議者不一而罷
今皇帝龍飛之二年斷自

宸衷詔頒取士之式于天下越明年鄉試又明
年郡國賓興中選之士萃京師者幾三百人以

試於

廷

制命文臣翰林學士永言中書平章政事韓國李公為主文甲乙而可否之公盡心其事於試院中作詩七言一章凡八句其所以頌

熙朝之盛事勸士子之為志以報方今之榮遇思得真儒實材以輔成太平之治且自退托于不能意無不備溫厚之氣藹然見于文字之外其造語之工有不待論也讀者當自知之宜刻

堅珉以示永久

題孫氏廬墓卷

孔子防墓崇四尺墓為兩崩孔子泫然流涕吾聞之古不修墓蓋葬者藏也欲人之弗見非所以侈於外也後世孝子慈孫欲報其親而無由者於是負土以增其高伐石以表其外至于廬墓之說亦非禮經之正蓋父母之喪居倚廬體魄既葬是日必虞者所以使親之魂氣依憑于已而祔于廟也而必廬墓者曰親在是矣是棄

之于野也世衰俗薄執親之喪企而及之者蓋少矣其賢者或過之不汲以稱道則人將何以激勸哉孫君之行其殆類是歟雖然孫君讀書者其顯親揚名將有望于後日其於此不得不與高權之

跋鎮南王弟潤不花太子為李才卿書

孫真人所誦海霞子卷

國家升平日久仁漸義磨開文明之運今天子崇尚儒術出于生知璿源金枝之貴亦

皆靡然而化及現鎮南王弟為吾友李才卿所書海霞子手卷卷然以吾師稱雖其天資純茂而才卿又以經義相導左右之使然詩所謂振々公子蓋本於闕睢麟趾之化者有不誣矣嗚呼感哉

題伸蒙子林先生續孟子二卷

亞聖七篇之書謹義利之辨明王霸之分知言養氣盡心知性擴善端闢邪說粹然一出于正度越諸子獨列於經韓子以為功不在禹下程

子以為發前聖所未發其尊之也至矣予現伸
蒙林先生伸蒙子書續孟子二卷其自負為如
何哉惜其生于唐季屈于下僚不克展其志然
能不染巢賊之汙竟罵而死合孟子舍生取義
之說良可欽仰有非世之大言而無寔者比昔
楊雄氏准易王通擬經不免後世之議然皆一
代儒宗也孟子曰若夫豪傑之士雖無文王猶
興伸蒙子其庶幾焉

跋張蛇大用恒齋卷後

予觀恒齋衆作其叢引恒說備矣然不可不辨
蓋恒與有恒為理固一然不能無高下淺深之
別易恒彖辭極言恒之義此天地聖人自然之
恒也至于爻辭不恒其德或承之羞此設不恒
者之戒而使之知恒之當守與中庸誠者天之
道誠之者人之道正相類語蓋有恒無恒之訓
正為學者言也蓋下學上達雖非二致然有先
後工夫次第苟能持守固有之善明辨篤行無
少間斷自有恒以造大自然之恒將見有益於

身非獨齋之美名也恒齋主人以為如何

跋呂伯充侍讀序王信手卷

廬陵王信記母氏垂絕之言以能復其姓懷劉
徐撫養之惠而誓報其德此志未酬過時不娶
雖雜居于市井而有士君子之心亦難得也侍
讀先生恐其徒知報恩之為重而不知無後之
為大許其已能而勉其未至抑其太過而俾就
厥中斯可謂善誨人矣

跋王賓客為單監州作孝廉贊

孝廉贊者今

太子賓客山木王公為忠翊洋侯之所作也洋
於興元為屬郡山木王公總尹興元日嘗謂余
曰洋今新得郡長某東顧無憂矣然少須之未
幾果以廉能報政暨公之謝事閒居閱數稔侯
聲藹如一日因喜為之贊余謂侯起家為郡守
非有斬將搴旗之功為吏積勞之比特以孝誠
動天而致耳其在官而廉亦今內事斯旨在人
為甚易然人罕能蹈之故謂之難也亦宜此山

木公之文所以不容不作也傳曰君以此始必
以此終則山木公之文庶乎為不苟作也

跋梁氏致慤亭卷

孝子仁人之心本于誠而禮則由義起者也上
古之葬衣薪而不封樹畧於祭可知矣聖人易
以棺槨為之封識陳其簋簠致其孝思極情文
而本誠敬載在禮經班班可考則義起之禮不
既多乎秦漢以來日趨於靡墟墓之間刻豐碑
列儀衛苟可以致其文者無不具然誠之道則

衰矣荏苒平梁氏作亭于先塋之次於歲時展謁
之奠將以安靈於是顏曰致慤其為於追慕之
誠可謂至矣考禮猶病亭之非制且致慤之名
本於祭義祭當於廟於寢者或者又以墓為親
之體鬼所藏祭有不容已者各有援據愚謂祭
于廟于寢祭之正者於墓歲時拜掃之祭之
權宜者祭無所不用其誠則致慤之名尚何間
邪如是則向之作亭者非直為現美孝子之心
以義起者也今之求文者非取乎贊詠將以究

義理之無窮也故為表而出之梁氏子名宣字
彥中以進士高等得伴邳州選教習學昌大可
必矣積善餘慶詎不信然

題月山道人卷後

翰林學士酸齋貫公以宰相子居玉堂僕時忝
應奉翰林文字獲接餘論察其不受富貴羈束
超然欲神遊八極之表已而果棄官浮大江而
南其光塵不可見而音問不復通矣今李道人
踵門來見余覩其貌清而不矜聆其言溫而有

理袖出土夫所贈詩卷叙其本錢塘人受業於
上真宮之趙尊師聞蜀之青城乃神仙之勝地
欲居之道長沙而西遇酸齋公與談方外事以
清識見賞字以月山叙之言如此夫錢塘天下
之繁麗而岷山天下之岑寂也道人舍彼而有
取乎此其出塵之想可尚矣余既異貫公之為
人其所許可必不誣矣然月山之義道人亦嘗
思之乎夫月之在天吾行亦行吾止亦止吾與
月初皆無意也今兩山之月即向西湖之月以

我之無心值彼之無意隨其所在玩其光華食
其沆瀣施者不容得者不德至于一氣存于中
夜合盈朏之有常体運行而不息則吾身之渺
眇其長生久視未可倫擬然此心磅礴天地之
間雖与之終古可也此道人之能事余可得而
知也若夫修煉之極萬一至人授以飛昇變化
之術超萬仞之嗟竅凌倒影而下視挹浮立而
謝時人則余不可得而知也若貫公今號之意
其出于此耶抑不出于此耶恨不得而叩之

明月出山時草木含清華鶴鳴境逾靜猿叫驚
溪嗟冰輪欲飛去翠嶂還周遮沉、開玉宇灝
灝真仙家道人虛室白萬籟絕鷺譁湛然方寸
間兀坐思無邪息微殆以踵氣運猶轉車生明
與生魄相顧不我遐丹元洗沆瀣淨書遺垢瑕
况有龍席鼎內外皆丹砂飛步輕培塿逆情渺
烟霞隻影倒下山慎勿對俗誇

跋興元總尹王信夫九歌圖後

屈子作九歌蓋以忠不見明窘迫無聊天高莫

能訴地迥莫能容託於楚俗祀神詭恠之辭以
據憤適先賢論之恚矣今畫家像為國其詭
異之狀使人因迥以証原之歌因歌以求原之
心予數百載之下現者不勝感慨今興元拯尹
王侯信夫藏此卷請余為後語予謂侯際清平
之世出牧千里得施澤于民歎古人之不遇而
幸我之遇則當思其報稱者為如何哉既以告
侯遂書于其畫之左

跋姚安仁山水圖序

余寓京師聞秋谷李韓公言昔嘗于奉元高左
丞飛卿家坐間有画師姚安仁適至高詢所為
西山水安仁應曰人言畫山水易事甚甚以為
苦每作一幅必往來胸中經營累日然後敢落
筆亦如文士得題而苦思也當其未得時局促
無聊雖囚之桎梏無以踰此及其豁然有得方
脫然而釋矣高為之大笑現其所作此幅僅三
尺許渺然有千萬舉武之氣象其山川之開闔
樹林之疎密樓閣之晦映景色之晦明石潤而

雨冥水舒而空濶扁舟賦岸漢者半出或聚而
分或挈而注其天趣之入眼恍然坐我于滄洲
烟渚之間則古人之所謂盡工之心苦并安仁
所言不為過矣智君善甫詳雅人也持卷求跋
余非真識姑以聞于秋谷及所見之梗概題諸
左方

跋惠顯卿萱堂詩卷

物之寓天下者有時而壞理之在人心者無時
而忘余於斯堂見臨原祖孫之心也臨原姓惠

氏字顯卿事母至孝扁堂曰萱、本諼字義訓
為忘詩曰焉得諼草言樹之背蓋取其物能忘
人之憂耳夫顯卿以誠悅親而為此堂也其存
為如何哉是宜當時之賢士大夫樂為詩文以
贊美之顯卿既歿堂為風雨所弊詩文亦頗遂
墜孫元輔為念其祖宰不惕然而動於中此蓋
由理存於心無忘則物之壞者可得而復矣故
堂起廢而仍舊規詩補亡而成巨軸繼志述事
乃今見之雖然前日之萱顯卿悅親之心忘憂

之物也今日之萱瓦輔思親之心泔日之物也
憂樂雖殊為孝則一草木初何與焉後元輔者
若子若孫則當以元輔之心為心勿替引之癸
亥之九月余忝秋闈考試至奉元友人羅壽甫
持卷回請題其尾為書于秦川驛

跋何子鑑字說

攻他術而不精者其極不通于敗事攻醫術而
不精者其弊必至于傷生故周禮冢宰列醫師
之官以稽醫事而制其食十全為上十失四為
下願不重歎醫學正何君子鑑自幼業醫以能
充教職持其鄉先生與命字之說懇求余跋其
意欲君窮醫之理如鑑之於物夫洞見五臟逆
知死生豈可人人求之然自軒岐以來代不乏
人古經論著其垂于世今君既能加精究之功
悟幽微之旨以下工為鑑戒而希十全之上工
免于術不精之誚不負向來鄉先生之所期者
此余所以刮目而待也欵

跋王知府仲常致仕封贈手卷

亨爵大官人以為貴識者未以為貴贈先封內
人以為榮識者未以為榮何取乎可貴可榮者
惟初終無玷進退有道而已苟不出乎此其貴
雖煥耀于時其榮雖逮及其親而弗戢於人心
者有矣而何以為榮且貴哉知府仲常王侯晉
寧人也自厥考府君已居興元余是以深知其
人侯初以材推擢為吏由路升至省掾俱以庶
能稱及佐部專城與初為吏時謹飭無少異不
汲、奔競以求峻擢惟守分循資是以雖進而

不至于顯既守歲將更終時當引年矣上章乞
致仕

制令授以四品勳爵內亦如之考妣皆贈五品
此雖可賀然皆仕進者之常例余觀世之顯達
者非不多其亨爵大官封贈之侈雖動盪世俗
之耳目然察其生平辱不蓋榮者亦不少求如
侯之出處無愧古人者有幾則其可榮可貴而
可賀者信在此而不在彼也識者必能辨之至
歷官之詳退休之美叙與詩皆備矣茲不贅云

跋壽星手卷

天下平治四海九州民樂其生即壽域也是以
秋分之後南極星現而明畫家國老人像及龜
鶴等為壽星所傳尚矣興元某宣差公為一路
長人有以獻之者俾予為跋予以為公當体
朝廷意俾民安業于春風和氣之中不但如此
卷退藏于密而已不知公以為何如

跋李紹琮字說

余弟德衡聚學于唐固間得李君紹琮者與之

交愛其端重好義雅稱道焉余于是亦有半面
之識一日以未字為請余雖諾而未暇因念李
君年及艾而字未立在朋友間不為無過而予
弟與之遊竊深咎之既而德衡自雲南寄君集
御史所作李君國琮字說一紙然後知其平昔
非無此心但以人微言輕必求當世知名之士
以發揚之余又竊喜焉今夫李君名字之義御
史之文固無餘蘊矣雖然余請拾其遺棄以不
虛前日之諾焉周禮大宗伯以黃琮禮地其為

國珍宜矣蓋琮之為玉因物以致其誠取地以
製其象易曰數以直內義以方外國珍果能用
力于期則御史所謂他日洗目而規玩者庶其
在此乎

題宋張提刑禱雨詩碣

右宋提刑張方之所作也方攝興元安撫當宋
嘉定癸未擾攘之秋而能修城郭繕兵備舉百
廢而一新之可謂有為之士矣今讀此詩見其
憂旱禱雨燃炬宵行不遑寧處有憫農憂世之
心惜乎舊碑零落今重刊于石非惟前人之志
有以見乎後而凡為政者觀之庶亦有感於斯
而興起焉

閑居叢稿卷十



國家圖書館, NATIONAL CENTRAL LIBRARY, TAIWAN, R.O.C.

光緒九年歲次己丑五月廿六日
吳元楷寫本於北京

蒲道源先生閑居叢稿卷之十一

男 蒲機 類編

門生 薛懿 校正

雜文

齋醮文

天壽節金錄醮意

伏為

聖明在御教典重興誕播玉音俾修金錄蓋欽
崇於今範兼創造于鴻儀肇自禁中頒行天下



臣某等逢逢盛際同謝殊恩敢遵制位之科少
效涓埃之報企延真馭集勝緣伏願

皇帝陛下浸熾寔昌時萬時億光增

烈祖克慰在天之靈壽介

慈闈永享如春之樂衍仙源之吉慶措黎庶于

雍熙

又

伏以

聖人有位基緒方隆德澤溥施飛潛均被念微

生之多幸惟大造之曷酬誕節甫臨仙科敬啓
肅琳宇紫清之境誦琅函精白其心伏願真聖
垂休乾坤協慶鳳紀永綵于北闕矣帝萬年龍
顏長覲于東朝共膺多福際茲奄有樂此無窮

又青詞

伏以天開有道之君丕承大統臣頌無疆之祝
敢效微中遠華渚之標祥肅淨壇而祈壽數揚
妙典對越高真伏冀誠悃上通純禧宇祐俾
皇祚延洪于億載而蒼生永享於太平

祝壽疏

玉宇風清正少昊司秋之始瑤圖日永方
聖人應運之新喜溢城堦慶綵宗社恭惟
大元今上皇帝萬歲萬歲萬歲虹光啟旦龍
德居尊得世嫡之正傳紀蒿呼之盛事與天同
久壽宴帝于萬年如日方升方懋昭于四海願
憑今教永祝
皇元

地震祈禳醮意

伏念地得一以寧安貞則吉坤以柔而動震為
非常尚蒙厚載之恩幸免橫傷之苦敢抄眾姓
同結善緣以今月某日云云伏願高穹洞監后
土永寧

聖壽縣：鞏鴻基而有慶民生皞：延蟻命以
無虞尚冀道慈俯從愚志

又

即日三薰滌慮九頓投誠仰對元慈下伸丹悃
伏為某大鈞播物下土微生叨居覆載之中淺

有消塵之報切謂天地者萬物父母人民者二
儀肖形今歲地震凡三群心戰懼豈有母不安
靜而令子不驚危或流行大教之使然或愚闇
積愆之所致細循厥理莫究其端衆共發于誠
心遂虔修于大醮俯陳素悃仰奏朱章庶祈厄
運之消以為含生之請伏願玉真保佑大道維
持得一以寧無復動搖之患既厚而載永資生
育之恩民俗阜安

皇國鞏固

詞文七

啓

伏以天地清寧物自然而成遂陰陽動靜理不
宜于過差豈期爰異之逢尤切兢惶之至僉謀
禳解謹事薰修惟真聖之俯臨庶凡情之上達
敢傾葵藿祇薦藻蘋

朝

雞鳴而起既深潔其身心雀躍以前敢敷陳其
詞悃九闕非遠諸聖孔臨願祈坤道之寧固避

天威之瀆益隆春命安國勢于覆孟相協收居
措民生于奠枕

午

皇矣上帝嚴午刻之對揚至哉坤元柰成年而
震動委躬伏地請命顛天欲因功于救寧莫施
惠而憐憫蟻忱至切瀉造是依

夕

萬籟無聲帝座煌々而在上群情有請仙科歷
歷以陳前惟灾異之不常甚春秋之所紀地維

弗請天道難明敢憑祈懇之誠庶獲底寧之助
安貞之吉字祐是圖

散

下民作孽致母道之弗寧至誠感神冀天心之
悔禍已伸丹奏復竭素忱某等重念形判三才
氣惟一貫但拘愚蠢固致中和故于定位之間
屢有失常之異蓋厚而不敢不躡雖安而復慮
復危合衆信以薰修資善功而佑護伏願皇建
有極德合無疆

本朝凝鼎命之隆福延于下以屋免震驚之患
人遂其生誓畢微軀永酬大造

又意并詞

伏念某安居履載類稟陰陽自惟汙濁之微軀
冒報生成之大德又况營為之際有干造化之
和乃秋乙未辰刻地震災異之書春秋所重身
戰兢而若陷魄散逝以難收殘喘稍寧同盟是
議不展薰修之敬莫伸禳解之方謹按冲科以
伸愚悃伏願穹宰大道高真保佑生民維

持太極天地位而萬物育氣底康平

國家泰而四海清域居仁壽誓堅素志以谷生
成

青詞

坤為母道願歸厚載之仁震則子驚固效資生
之報夙夜不昧于祇悞禱祈惟望于安貞伏願
皇鑒有臨至誠無息地維綏靜道符得一之寧
聖祉綿長極配函三之永歛時五福敷錫庶民

祝詞

文廟朔望祝詞

四月望
日元命

日月相望而見彩正屬茲辰乾坤合契以呈祥
載臨元命時既逢於協吉心敢後於祝釐仰惟
禮樂之宗昭々在上壽我

國家之脉永々無窮

又正月
旦

大聖人闡開名教萬世共由

今天子整齊乾坤群材樂育時方亨於泰道義
爰重于履端仰惟禮樂之宗昭々在上壽我

國家之脉永々無窮

又六月
旦

聖朝崇尚于斯文實超今古臣子陶成于大造
未吞涓埃敢因建未之辰切效同寅之祝仰惟
夫子道百世以弥光佑啓我
君壽萬年而克永

又十二月
望

天開聖治道復振于斯文澤在人心言自成于
善頌時惟錢歲膺已含春闡明東魯之風式尊

夫子願獻南山之壽以報吾君

元命

每歲六度降人間星臨元命諸辰一德尊
天子日諱彛儀詣孔室以寅恭想堯階而祝頌
仰茲將聖如日月之不踰佑我至仁與天地以
同久歛時五福敷錫庶民

聖節

乾坤合粹正篤生

真主之期日月有明方大闡

聖人之道敢勤頌禱永谷生成冀

皇祚之無疆時萬時億賴

素王之顯相寔明寔昌

又五月

節屆蕤賓直斗杓之在午月逢朔旦效
同寅詣孔室以周旋覩
之

而善頌於皇文教極日月之照臨
人與天地以悠久

節辰致語

天曆改元南至致語

伏以天地發生必自本元之妙陰陽消長不離
剝復之機節屆履長躬伸晉賀恭惟尊侯茂對
令辰願快覩于清寧獲臻於福祉其於頌述
罔既敷宣

南至節語

伏以雷在地中肇應一陽之復雲呈天上式書
五物之祥儀雖亞于歲朝歷蓋重於日至恭惟

尊侯履此令辰願從制制之端茂集朋耒之祉
其於稱頌罔既敷宣

又

伏以歷元所起載逢朔日之臨子氣方生已應
地雷之復天心可見雲物謹書恭惟尊侯茂對
剝辰願五福以咸臻隨一陽之寔長其于賀悃
罔究頌言

又

伏以日至乎南已測土圭之景陽生于子初飛

津管之沃物意漸蘇雲祥載紀恭惟尊侯茂對
剝辰願膺鼎至之禧以集履長之慶其于申賀
罔究頌言

又

伏以天開于子日至乎南惟願尊親履茲令序
茂對微陽之復備膺純嘏之臨稱頌雖勤敷宣
罔既

又

伏以雷在地中已驗一陽之復雲呈天上載書

五色之祥津應飛葭祀嚴獻穢恭惟尊侯踐此
令辰茂迎亞歲之休倍獲履長之慶其於稱頌
罔既敷宣

上梁文

崇文閣上梁文

方京師為首善之地若稽三代 國學乃

風化之原

今上皇帝發政施仁仰繩祖武右文尚德創設
儒科政府揚休期大猷之是中臺集議懼闕典

之未興以為教胄子既有成均尊聖經可無傑
閣欽承

上旨大發積緡官木不料需用咸資于素畫農無
妨作役盡募於閩民朝士程工梓人奏技前瞻
離位後鎮坎宮切雲漢之昭回萃菁莪之樂育
致廣大也擴充吾道之規模極高明焉振起斯
文之氣象園橋門之冠帶藏闕里之詩書擇吉
旦而舉虹梁協衆誠而修燕賀輒伸善頌以佐
歡謠

東百尺巍々壯辟雖何止都城為偉現要教萬
里振文風

南魚躍鳶飛理可採為學要須真踐履休誇晉
士好清談

西遙望晴山步武齊聖道巍然正如此管商功
利本來低

北士貴懷材兼抱德寄聲胄學衆儒英勉力進
修毋自惑

上時際明君與賢相渾々栢府力扶持突兀今

朝見新創

下一一牙籤懸滿架窮經自可應時需為用區
區求學稼

伏願上梁之後

朝廷清謚禮樂興行洋、謫、弼、誦之音濟、登
茹連之士上不負于
天子仰吞殊恩下可濟于蒼生以攄宿志四海
底雍熙之治一時稱作養之功固俾斯樓徒為
虛器

詩聯

五言

不覺星移柝空驚露濕衣
霜林惟柏翠雪岸覺梅香
山骨寒逾瘦林頭晚更斃
火深灰善養湯溢水能平
倒藤蛇赴壑怪石常蹲唯
客有懷金愧官無製錦傷
詩情籠萬物文氣鼓千軍

高松鬚鬣古老竹子孫蕃
折腰憐竹弱強項喜松剛
冰消泉脉動雨足土膏肥
羞作脂常態真存鐵石心
一誠能動物百偽謾勞心
謹持三尺憲豈徇一毫私
但欲修身俟寧容着力求

七言

行樂忍令佳節負光陰不為少年留

雨散不響樹無葉春信欲通楫有容
老屋摧頽秋夏漏空牀移徙夜頻興
殘日壓山火鏡破晚霞照水金鱗開
夢裏華胥真自樂門前黃菊任渠開
松姿不管歲來去柳色能隨春淺深
勝人到底歸天定位德從來必日休
午睡正濃茶有味宿醒未解酒無情
商量歸計梁間燕告訴哀情樹杪蟬
風烈但教摧杞梓雨多徒見盛蒿萊

農畝及時皆墾治訟庭終日甚清閑
平生自謂金蘭契一日翻成貝錦言
墾田處、無閑曠比屋家、有蓋藏
眼前徑路須教潤度外功名不用忙
秋色但能頰棗類歲華不解白松髯
名花不厭植千本惡草莫教留一苗
罽攬計狼應遠遁鼎成魑魅莫能逢
高風每極吹噓力皦日寧忘感激情
在郡恰如無異跡去官便覺有斯人

秋月幾圓離別後春風常憶笑談間
物外煙霞春不老人間膏火日相煎
豈是挽弓能中鵠須知誤點謾成蠅
無才只得居人後有禍安能替子先
笑謔迥出風塵表文字長留天地間
立身自致青雲上衣錦人行白晝中
志帥果能降氣卒酒兵何用破愁城

四六散聯

施於有政惠我無疆

中夜以興嚮明而治
依水泛蓮飲冰茹蘗
單門圭竇蘭省玉堂

乾坤間氣江漢炳靈

蕭規曹隨房謀杜斷

朝三暮四枉尺直尋

魚目鯨鱗雞聲喔

既有功而見知則無思而不服
雖死灰之復然柰晨星之將沒

非特愛之欲其生蓋惟仁者必有壽

向非義也一介不取諸人今則受之萬鍾何加
于我

莫非命也不容着力而求豈有他哉惟務修身

以俟

外治淮陽於汲黯同無害也
計安天下在乎道為有人乎

韓琦荐士而或失之老泉富弼知人乃見遺于

山谷

顏子一瓢道則同於禹稷景公千駟名有愧于
夷齊

卧治淮南於汲黯固無害也
計安天下在漢庭為有人乎
燭武無能為智者自知而止
周公不復亭聖人尚歎其衰

閑居叢稿卷十一



蒲道源先生閑居叢稿卷之十二

男 蒲機 類編
門生 薛懿 校正

樂府

酌江月

次李壽卿侍西軒先生九日賞菊

暮秋天氣似堪悲，還有一般堪悅。憔悴黃花風露底，香韻自能招客手。當紅牙觴，飛急羽，且為酬佳節。龍山依舊不知誰是豪傑。我愛隱士

風流就開三徑欲往無能得萬事會須論一醉
非我非人非物座上狂歌尊前起舞待向醒時
說傲霜枝在莫教空老寒色

次梅隱丈壽旦感懷

南箕月直想青天萬里光芒生夕誰料英靈如
此賦辜負生平胸臆世事悠々塵緣袞々仰看
晴空碧科名餘子面驂羞汗長漉幸自吾愛
吾廬南山招隱酒掃躬躬役但願身強餘慶在
流與子孫逢吉暢飲怡情浩歌未興風月共呼

集從今數去那朝非是生日

水調歌頭

癸未中秋雨悶中示德衡弟

天公何見戲凡事每相乖應知今夜秋半故
放雲霾不遣姮娥窺戶空使騷人賞客樽俎預
安排無復弄清影祇自黯愁懷下簾櫳收綺
席罷無釵誰能為我叩廣寒玉殿令開待得良
辰美景却遇淒風苦雨好事實難諧高卧清無
夢簷露滴空階

次權待制韻

燕城通長夏鄉思若為禁故園松竹滿洒久矣
負幽尋賴有仙壇詩伯同寓玉堂清暑相顧意
殊深餘暇儘談笑煩暑自消沉繞長廊臨靜
砌稱閒心健樹杪風至流水入衣襟尚愧無
窮汗簡也預諸公奮筆投然是非林何日了官
事倒珮脫冠簪

滿庭芳

南營探梅至梅隱大故居

長憶當年讀書憲下歲寒留看孤芳迥蒼索笑
重到更彷徨梅隱先生何在清江外新梅茅堂
人應道攀枝嗅蕊那得救飢腸多情餘習氣
芒鞋竹杖未忍相忘但年々依舊疎影幽香好
是春風近也猶記得吟繞昏黃開樽飲參橫斗
轉同醉卧花傍

木蘭花慢

壽王國賓總管

數當今人物問誰似玉堂仙但蘇子才名居中

未幾補外何偏天公意深有在要周流海內位
師傳萬古斯文正脉一生前聖遺編胸襟理
勝自超然雖老未華顛念厚祿崇資真成大耐
何計榮遷心期歲豐民樂更公庭無訟酒如川
喚取梅花為壽看它老檜千年

壽劉邢公

八旬今又八說尚齒更誰尊况賜號司徒疏封
大國榮及生存白麻制詞新寵美一家四世被
皇恩七十見為內相班衣笑捧金尊近聞迎

駕到金門親奉

玉音溫問父子行年康寧壽考定有晨昏壑坡
正須耆舊道平時致仕不宜論這種靈椿丹桂
天公偏養深根

西江月

九日南城郊行

堤柳風前影瘦池荷雨後香殘高秋風色已闌
珊落日孤烟微暗平野大家徐步此身贏得
長閑路逢俗子笑相看道我為歡冷淡

清平樂

李子文惠秋瓜

一罌甘露來自東陵圃
五色金盤摩詰句到口
聊消沉痼 割開碧玉稜層嚼
時牙頰生冰可惜這般風味
不當六月炎蒸

壽趙總管

相門華胄勲業誰居右
且向人間涵養就鼎軸
青氈依舊 鄰延遺愛尤思梁州
新政方宜處處邦民香火祝君
千歲為期

壽李平章

年宮教龍躍隨天造定策
兩朝儒者後勲業更誰能到
玉堂暫得餘閒歸來燕坐
知還待滿令公書考却回絲竹
東山

點絳脣

次杜仲正經歷懷古韻

少日崢嶸已看紫氣衝
牛斗詩才神授我輩空
緘口 蓮幕風流得見芝眉
秀空搔首野梅官柳先落
君家手

重次前韻

西蜀明辰鈎連閣道蒼岷斗漢皇天授故國墻
江口 往事浮雲依舊梁山秀時延首沒烟疎
柳欲西無奇手

又

一賦阿房水之江漢星之斗精微心授不待形
容口 新詞字字皆奇秀空稱首肯教韓
柳獨擅文章手

又

深味遺編無心祿仕求升斗學慙師授未墨聊
餽口 自笑疎頑詐敢儕英秀寧低首五株門
柳關袖春風手

賦野茶糜

玉蕊瓏瓏繞籬盈樹知誰種碧雲堆重化作飛
瓊洞 勾挽春衫裊珠環弄風微動行人飛
輕更着清香送

趙嘉議大尹壽席

政感豐年天公不禁興元酒金卮如斗滿獻君

侯壽 福祿川增來處由寬厚從今後平登朝
右官與人長久

臨江仙

次仲正經歷韻

路滴、方得意從渠掉臂昂頭凜噪笑殺楚
纍囚功名難自許妻妾見應羞 吏隱羨君懷
雅志胸中自有嵩丘且須夏葛與冬裘隨時無
不可未用賦歸休

又

健筆興來揮灑府無愁可到肩頭可憐郊島兩
詩因枯腸徒自惱醉汗只供羞 我欲與君追
李白神游共訪丹丘千金不惜翠雲裘呼兒多
換酒一醉萬緣休

又

俗物相仍何日了紛、百緒千頭空教縈繞似
遭囚情知鷓鴣與鷺亦解替人羞 春曉拂衣隨
父老扶携尋壑經丘本無肥馬衣輕裘身閑元
自在不問幾宜休

次解東庵學士詠梅韻

聞說東庵梅景妍何須遠訪西湖金衣相映玉
肌膚幽香俱可愛顏色不妨殊花主惜春仍
好事作詩清似林逋冰筵雪夢正敷腴只愁無
客至那怕酒頻沽

朝中措

張允濟子滿眸

熊羆佳兆應神籤何必夢中占看取龍顧犀角
不愁長守齋鹽今朝滿眸諸般排比筆墨先

拈休道添丁無用能教乃祖掀髯

鷓鴣天

和客中重之

冷落寒芳一迳幽無詩無酒若為酬一生幾得
花前醉兩鬢難禁客裏秋思往事泪盈眸共
嗟日月去如流短歌謾寄鄉隣友寫入新詩字
字愁

壽楊同知

好景良辰近上元天公為問產英賢政聲洋溢

春風外德澤流行漢水邊 官一品壽千年應
知仁者得兼全鳳凰池上息波暖指日丹墀步
武聯

壽耶津總管

霖霖春膏兆有年街頭粟賤不論錢時机似見
天心順物理端由刺史賢 人富貴壽縣延滿
城桃李動芳妍邦民香火寸收罷黃閣毅名次
第濟

太常引

送趙叅政西城別筵

相君今日已登程暫車馬駐西城尊酒若為情
且喚取雙歌送行 遠山顰蹙秋波凝竚清淚
也盈、便有過雲轂怎留得前頭旂

人月圓

趙君錫再得雄

君家陰德多、種重得讀書郎掌中驚看隆顙
犀角黛抹朱粧 最堪歡處靈椿未老丹桂先
芳他年預記于門高大車馬煌々

感皇恩

次子曠節使示趙內翰韻

家世本吾儒六韜能曉從事和林十年了一麾
纔把尤被椰榆嗔早漢城官滿處人傳道 郊
次攀留馬前持抱 殷勤盡瘁老謂君到處
不見月烏驚繞天公終料理桑榆好

閑居叢稿卷十二

蒲道源先生閑居叢稿卷之十三

男 蒲機 類編

門生 薛懿 校正

經旨

解孟子二章

孟子見梁惠王殺人以挺與刃有以異乎至惡在其為民父母也

順齋曰政者正也今至于殺人猶德有凶德也惠王以政殺人由其心不仁故也若能如先王

以不忍人之心行不忍人之政尚安至此哉

魯平公將出至焉能使予不遇哉

順齋曰樂正子之進善魯君不能用減倉之蔽善魯君遂從之由其心不明故也在聖賢則樂天之誠夫何憂哉

經疑

一問

子曰周監於二代郁乎文哉吾從周至答顏淵問為邦則曰行夏之時乘殷之輅樂則韶舞

然則聖人之意豈獨從周也哉試詳考之

二問

孟子對齊宣王曰仲尼之徒無道桓文之事者自以後世無傳焉臣未之聞也而後詳舉齊桓葵丘之事何如

三問

孟子言盡其道而死者正命也桎梏死者非正命也然則患有所不辟舍生而取義者亦得為正命乎

四問

子路有聞未之能行唯恐有聞此門人記子路之所長也至其問聞斯行諸子曰有父兄在如之何其聞斯行之則聖人于此又抑之何耶

五問

季康子問政於孔子曰如殺無道以就有道何如子曰子欲善而民善矣是言為政者不當用殺也而孟子則曰王者之民殺之而不怨又曰以生道殺民雖死不怨殺者是或不免用殺也

聖賢之言必當有攸當其微意願聞焉

六問

論語載堯之咨舜之命禹皆曰允執其中而不聞有權字之說孟子則曰執中無權猶執一也與語所載之意同耶異耶

七問

孔子稱有鄙夫問於我空々如也我叩其兩端而竭焉又曰自行束脩以上吾未嘗無誨焉可見聖人誨人不倦之意至孟子曰挾貴而問挾

賢挾長挾有勲挾故皆所不答也則於聖人誨人不倦意少不同焉何如

八問

孔子言伺而不應吾不知之矣則應猶有取焉至于言鄉愿德之賊也何惡之甚耶是二者亦必有說矣

九問

孟子稱子貢言自生民以來未有盛于孔子者也則生知之聖可知矣然至於聖則不勉而中

不思而得而夫子自謂七十然後從心所欲不踰矩夫從心所欲不踰矩則不勉而中矣是未七十之前必不勉而中歟

十問

大學所謂媚疾之人至不仁之人唯仁人放流之逆諸四夷不與同中國蓋疾之甚也而聖人則曰人而不仁疾之已甚亂也何如

十一問

子貢問曰鄉人皆好之何如子曰未可也夫鄉

人好之則善人矣聖人何曰未可至于舜天下之士悅之又非止鄉人好之也是二者果有辯乎

十二問

孔子大聖也自謂窈比老耋孟子亞聖也於顏子則曰姑舍是於伯夷伊尹則曰不同道夫老耋之與顏子伯夷伊尹其高下有不待辨而可知矣則孔子之所窈比者孟子有不屑比矣

十三問

子曰君子欲訥於言而敏於行又曰仁者其言也詘則是不貴於言也至謂有德者必有言又曰不學諸無以言則猶有取于言也學者何適而可

十四問

子思子謂自誠明謂之性聖人之事也自明誠謂之教賢人之事也夫聖莫聖於孔子每自言其好學言之最詳者曰吾十有五而志於學以至七十從心不踰矩蓋自明而誠之事則誠而

明者孰果能當之

十五問

孟子羞比管晏曰以齊王由反手也至為滕文公謀則曰君子創業垂統為可繼也若夫成功則天也前則責夫已後則付之諸天如何

十六問

孟子不取書武成血流標杵曰盡信書則不如無書至于詩之雲漢周餘黎民靡有孑遺則曰不以文害辭不以辭害志自今觀之書與詩亦

甚言耳孟子何固於書而通於詩耶

策問

國學策問一

問昔舜命契為司徒俾敷五教命夔為典樂俾教胄子養其德性使合于中又教之以詩言志書數納以言明試以功車服以庸此帝世之學育才用人之張本也三代以來庠序學校之設皆所以明人倫而周大司徒以六德六行六藝教萬民三歲大比獻賢能之書于王而賓興之

至秦絕學在所不論漢興設學校以求儒雅武帝親策賢良彬、可觀東京之學最盛置五經師大臣子弟莫不受經唐初大徵天下名儒為學官學生滿三十六百餘員能通經者聽得貢舉至其中葉聲律之學始盛而鄉貢之士多由此興宋因之而不革伊洛諸公雖有復古之議而不果行洪惟我朝置國子監立師儒以教貴戚卿大夫以洒掃應對治經為本歲貢其有 而不限其

額今生徒增至數百員 名以考其業歲許貢六人為不為不多矣然猶未能厭服時望而免其訟其故何也

聖上斷自宸衷首復儒科命卿大夫舉其有行義者以充試廢教律之學一以明經古人射策為式可謂復古之制也而幅員之廣三歲以百人為額而赴于春官者取百人焉而恒不滿其數其卓絕奇偉之才尚有羨于漢唐宋也豈教養之法未至歟或有司應故事而不能舉行歟

或法之所拘山林碩學之士不可出欵抑人才之果難得欵何如是之乏也今欲得才之感且遠邁漢唐而追三代以副宵旰渴賢之思輔文明之治亦必有道矣諸生學古而期于用者必有考于此願聞其說

二

問前世之君無不欲措世安寧傳國長久賢才進而吏稱其職國用饒而下不告病家有蓄積俗典禮讓姦宄銷頌教化然數千百載以來僅

一二數豈為之而不得其術欵或事勢之牽制而不可為欵抑氣數之使然欵何治之恒少也願治之主果何施設而可以臻此諸生際聖明之時學以待用願詳其說

三

問古之學士大夫專守一經以為家法由漢以來置五經博士如夏侯之于書毛萇之于詩大小戴之于禮公穀之于春秋梁丘賀之于易各取其專且精者以垂世立教至于今宗之今之

學者耽一經之不遍及究其歸趣則茫然莫擬
時又有以注釋經義進者視其書皆掇拾先
儒已成之書初無自得之實而徒耗蠹紙劂鹿
乳經訓益使人厭之今欲令學者各守一經則
不免于陋欲兼通諸經則汗漫而不精欲拒注
釋之煩雜則恐或廢其善欲容而受之則徒滋
奔競之偽而及惑誤學者諸生必能思而處之
矯其弊而適其中乃吾黨從事于斯者之所願
聞焉

四

問古之有天下者不過文武二端而已武以定
之文以綏之然兵者毒民之器聖人不得已而
用之及天下已定欲遂弛之則恐安而忘危禍
生所忽文者為治之具聖人之所甚重也蓋典
章法度黼黻潤色不可闕焉及其久也則有浮
靡之弊欲其武事修而不至于黷文事舉而不
涉于虛何以臻此又三代以降稱善治者漢有
孝文當是時也黎民醇厚太倉之粟陳、相因

紅腐而不可食府庫之錢貫朽而不可校相修何為而致然耶二三子習時務之要宜詳言之毋忽

五

問古之治天下者安不忘危治不忘亂然後能長保其治蓋治道非一端而其要必以食為先使民苟有飢寒失其恒心為善則難為惠則易考之於書雍州之境厭田上、周之王畿控制天下秦之建國併吞諸侯其富庶饒足不待言

而可知有國以來必為繁會粵自近歲一值荒旱其極也父子夫婦不能相保道殣相望至於相食幸天悔禍賜以豐熟民忘白日之飢為治者若以昔年為監當為長久之慮歟抑歸之于天歟欵若為長久之慮其措畫必必有道矣夫禮樂者化民之具也前日之相殘豈禮樂或闕未能化其良心歟或禮樂雖興亦不足化歟學者當素誦明之以待他日之用其悉心以對

鄉試策問一

問古之治天下者必以禮樂刑政為務然禮樂本也刑政末也子曰道之以政齊之以刑民免而無恥道之以德齊之以禮有恥且格又曰禮樂不興則刑罰不中由秦漢至于今其為治不遵刑政禮樂之廢久矣非惟不能行縱有欲行者則舉世笑以為迂濶矣然則禮樂果不可行耶果不可復耶夫風俗者國之元氣也庶恥者又風俗之本也今庶恥之道不立是以貴者不以貪冒為辱賤者競錐刀之利恬然不以為怪反以為當然僭越由是而生禍患由是而作夫欲矯而正之何道可致耶又生民之道以食為先古者三年耕必有一年之食九年耕必有三年之食以三十年之通制雖有旱乾水溢民無菜色今

國家輯勸農之書責部使者及守令勸課矣而民儲蓄不古若一有水旱發廩以濟然所及有限而所謂義倉者又名存而實亡是以窮民不免流離為居位者之憂救之、方其術安在諸

生以賓興欲登仕進之途矣其預誦明之俾有
司擇焉

二

問古之學者不徒記誦詞章誇多鬪靡而已將
以期于用也如聖人之問仲由冉求公西赤各
言志之問皆為邦之事聖人亦皆許之今之學
者果如是乎若有志于是又當以何為辭以何
為用人之學也必先明道術之正而變異端之
惑孟子稱伯夷聖之清柳下惠聖之和尊之者

百世師又以聖人許之而復曰伯夷隘柳下惠
不恭隘與不恭君子不由也是之于前而非之
于後則是夷惠後之人果不可學歟楊朱墨翟
孟子之所闢以為異端者夫楊氏為我似近于
伯夷之清墨氏兼愛似近于柳下惠之和孟子
何為遽以無父無君而拒絕之其辯曾不少恕
學者欲不陷于楊墨其所以精察明辨者又當
何如夫欲知人之賢否必先聽其所言自昔唐
虞取人莫不由是道也書曰敷納以言至西漢

發策則有科舉之漸後之糊名取士其法寔密以古今揆之古立法疎得人為多今立法密得人為少言之者則皆設仁與義矣聽之者亦取其說之合經矣用之者自夫州縣以達

朝廷矣何其未見卓然名世如古之人者二
三子學以致知格物為先其必有考于是有司願聞焉

問

三

國家設進士之科于今七舉矣

廷對入官者不啻五百人而多其政事文學卓然見稱于時者僅不及半將遴選之不精而僥倖歟抑既得之後自滿棄其舊學猶澈艇歟或為利慾所牽而不能守其素歟莫可得而究也今欲使人奮勵精白其心益勉其學居館閣者其文章足以黼黻

皇猷登臺省者其政事足以貞固幹事化民善俗居守令者其庶足以律身而撫字無愧于古



之良吏將何道以致之夫前代以詞賦設科得人猶有可稱者矧今日以其浮華纖巧廢之而專尚經學宜有敦厚朴實任重致遠之材今乃如是况敢望制禮作樂以興太平之治歟學者當無負

聖朝作養舉用之意詳悉以對庶得覩其志焉

閑居叢稿卷十三

蒲道源先生開居叢稿卷之十四

男 蒲機 類編

門生 薛懿 校正

傳

西軒王先生傳

西軒王先生名得輿字載之濩澤高平人金時
應童科兵後居興元占籍甫壯盡去餘習植志
慕程朱之學言必中理行必踐實門不妄出入
不苟交容貌儼然望而可畏治家教人必先于

禮周旋揖讓雍容可現至於書籍筆硯巾履几
杖取用頓置無少紊亂嘗曰有物有則家人及
門弟子悅焉遵守無或敢違人或甚而譏訕之
先生不為沮而少貶愈篤自信既久翕然師尊
之朱氏小學四書先時教人者未之及惟先生
之教必本于此然後及六經於是教者學者必
以為法興元文學兵火廢久先生力請於官復
之力雖官至于規模經畫皆胸中豫定者及成
京學不在論而他郡莫能甲所友皆天下士自
許魯齋而下咸候問相及達官貴人求謁未嘗
趨走承奉必矩步徐行弟子偵相既見主賓蕭
和言簡而意決退皆嘆服作燕息所曰怡然左
山商孟卿寄詩以程頤楊震許之青崖魏太初
作記以為程朱語錄中人讀者不以為迥衣冠
儉潔嚴整終日無惰容提舉興元學校
朝制行授文學掾以目疾辭晚年從容禮法和
氣藹然不肅而成居興元僅五十年家法如一
日二子无疾无妄无疾興元文學掾无妄僉江

東道肅政廉訪司皆孝居者待側以無憂遠者
寄祿以充養讀書享福至七十有五而卒氣未
絕猶口誦太極圖語其平昔襟存可知也二子
尋卒一孫惟昌亦任為州佐一曾孫曰理亦同
進士第為州倅家稍廢替於前然至今言家法
者咸推重王氏云
贊曰猗歎西軒可以正君善俗而無其位可以
師表一世而無其職然雍容于仁宅之中憂辱
不及于身非先生之不過也而斯人之不過也

梅隱何先生傳

梅隱何先生諱坤章字朝瑞蜀之臨邛人嘗聞
諸邛諸鄉先生云其父字伯原不仕然信義為
鄉里所服自少言動不苟如老人里人目曰假
老人先生幼穎悟年十六七即以詞賦有教又
能治毛氏詩及游學與會試屢中儕輩莫能抗
其鋒二十餘隨天兵北至興元時有使賫詔收
儒之在倅者先生私集南冠之列當出者誓曰
吾黨皆士族此行如濟則已不濟寧赴江而死

安能為囚虜耶既前才思敏捷所應立成辭旨
精妙讀者嘆服且以筆力之餘助其思遲者衆
皆賴之王豪爭以禮請為授居止俾教子弟宅
邊有大梅樹枝柯特異因自號梅隱以定居焉
性頗嗜酒不飲即眊矐至三四酌後目光瞭然
議論^鋒發少不如意其踞切齒土豪屏氣蓋其
平日見其有過則至誠責之復為掩覆救護之
此所以服而不敢校也帥府王郎中辟為儒學
正先生作文非惟敏贍且不欲襲人後詩類唐
人其警策處與杜牧之相上下性尤勤五更即
起焚香淪茗讀書與諸生誦誦畢出應人事諸
公皆喜其至率為置酒抵暮歸無虛日其為人
剛毅而本于慈祥豪縱而不踰禮法怒罵而不
為惡語篤於故舊敬老恤孤天性然也至于論
事明白務盡道理解紛解難聞者唯々使得從
政不言可知晚年復營卜築於漾南或命僮佩
壺登高遐想悠然獨酌人莫窺其涯際春風和
氣天理粹然農夫樵父語亦無間人愈敬慕向

日之夢遺消融殆盡所著詩文有集未及刊行
娶王氏女有賢行不厭清苦先生所知至具深
設不以貧輟其從先生學憐其可教以女妻之
以某年卒年六十一日屬纊不乳子一人居仁
克承其家嗚呼斯人也尚可得哉傳其事雖萬
不究一蓋亦某區々之心也

贊曰使先生命運而得立于朝則有汲長孺面
折廷諍之風使見用于禁林則有立馬草九制
之材使得任為侯牧則有抑強扶弱之政今但

止于為世道之通儒也惜哉

教授陳先生傳

教授陳先生名吉甫字德卿蜀之梓潼人在宋
時以治尚書取鄉薦為人外質而內文終日危
坐無一語每作文瞑目少頃筆翰如飛凡一篇
出人無不嘆服參政李德輝辟為興元文學掾
時侯府表牋應酬祭禱文字皆委教官暨諸生
誦說會試擬作先生沛然有餘朝使至感稱興
元所上表廟堂稱善於是先生名益振紀綱學

事二十餘年凜然人莫敢犯有宿儒特當途力
旦望不旅進拜謁文廟先生責以大義遂屈服
得施於政其兆可見平生布衣大帛為帶然雅
潔不垢汙年六十一而卒一息尚存之前念
于斯文未嘗少廢教授生徒百餘人某以卅角
居後今老矣歎後生不復見前輩典型而先生
又無子恐遂湮沒畧舉其槩為之傳云
贊曰質行文學無愧古人一文學掾又終厥身
是以有興嗟于之用有抑鬱而莫伸時歎命歎

記

清輝堂記

清輝堂者張氏別墅之燕處而大參左山商公
之所書也維張氏之先世居長安之鄠邑自其
顯考府君為典領陝西河渡官始得邑人尋氏
之故地相其隆然而高者為堂而居四望開戶
終南太白圭峰紫閣屏峙于其陽滂水趨渭珥
抱於其左夾岸脩竹古木綿亘掩映心樂之即
棄官閒居為佚老之計課僮僕畊穫供與其鄉

人宴飲費或對山把酒臨河覓魚徜徉游息年
八十四終語所謂仁智壽樂之說于是驗矣初
左山公間所治陝時間往還終南邠杜館于茲
堂愛其山水明秀為字堂曰清輝書以授張氏
于今為興元總判張侯平甫也大德庚子夏六
月平甫解維東歸屬余文以記之余以為邠杜
之間古人所謂陸海膏腴之壤也夫供耳目之
娛者不蕪于養生取衣食之資者或乏于清賞
今張氏之先人以其餘力修治此室木杏桑麻
之富足以供養生山川林麓之奇足以寄清賞
以遺肯堂之子俾之出而仕入而居不求于人
自足于己可謂能善後矣余雖未獲登侯之堂
想其烟收雨霽風日澄鮮嵐濕翠於碧虛水紫
白于青田雲霞繡錯草木油然不離燕處坐臻
勝槩則清輝之名必不我欺矣抑又有說焉夫
石韞玉而山輝水藏珠而非媚此山川之精粹
不可掩者也和順積諸中英華發于外此充實
之光輝不可掩者也左山之餘意安知其不出

是乎侯歸矣天其或者俾余獲濟登張氏之堂
當為侯數日留通訪古人之遺跡以慨乎千載
之下南望靈臺靈治以企仰文王之至德曠晉
侯為秦俘所舍之地而弔其羈旅無聊之魂北
顧陳平之田而思漢氏之分祚出奇之臣也漢
波南塘緬懷少陵游歷題詠之所猶髣髴其當
時也然後極山川風物之美細繹樂括馮臺伸
紙而賦所謂清輝堂者其必有日矣

最樂堂記

天下之樂有二理與欲而已理無不善其為樂
也安欲流于惡其為樂也殆由是言之所謂最
樂者非天理不足以當之夫民之秉彝好是懿
德求之在我善無不具苟能動靜語默樂循乎
理仰不愧天俯不怍人窮而獨善飯蔬飲水樂
在其中陋巷藜藿不改其樂達而兼善致其君
子堯舜比其身于稷契使澤施于人名垂于後
則其樂豈不安哉若乃徇人欲之私耳耽鄭衛
之淫哇目悅燕趙之姝美游田以騁其志貨利

以充其欲成生敗德靡所不至樂不旋踵禍已
及之豈不殆哉是知最樂云者其必有以辨之
矣總判忠顯也先帖木先早歲入仕已如老成
事母孝謹奉己儉約莊重寡慾不妄語笑其發
于言有濟人利物之意公退焚香兀坐讀佛書
以養心性自以為樂雖所悟在彼然究其用心
亦善矣今

太子賓客山木王公時總尹興元為同僚嘉君
之志欲導之正取漢東平王倉為善最樂之語

扁其堂曰最樂君求傑文以為記謝不敏弗獲
因謂之曰夫徇欲之樂君既以求消于懷矣為
善之樂又非止崇塔廟飯緇黃以求福田利益
也蓋亦不越于天叙之五典天性之五常而已
宜諱明以求其歸踐履以求其實學、為之日
有不足使其天理流行見諸日用及其久也怡
然自得非爵祿而有至榮不窮泰而有至味凡
天下之樂孰有加于此哉則山木名堂之意庶
不外是矣傳曰知之者不如好之者好之者不

如樂之者君其勉旃遂書為記云

惟一齋記

蒲君家漢中之城固齊居之室字以惟一取書
德惟一動罔不吉之語函書屬記辨意懇至且
宗姓也不容却曰以所聞告曰惟茲德者天之
所賦吾之所得五常之性是也然必于人倫日
用之間精察篤行終始惟一使不悖于厥初之
正理則此中正和平仰不愧天凡所作為無往
而不吉苟私意少萌間斷而二三之甚則拂逆
天理尚何望吉哉雖然惟一之見于書凡兩出
皆君臣授受訓戒之辭自其心德而言上下皆
通主于自修而已故無所嫌今以下文規其處
一之意雖少異究其實未嘗不一致帝典所謂
惟一則指心言欲精察夫道心人心之間使道
心為主而人心聽命蓋惟精者即大學之致知
中庸之擇善惟一者即大學之誠意中庸之固
執者也而咸有一德之惟一蓋以德言欲其有
恩而不變專守而不雜此所以為少異也若以

中庸所謂至誠無息為物不貳而言則兩惟一之極致未嘗不同極誠然後能一一則必由于誠未有不誠一而克有其德亦未有德不誠一而能動者書曰惟尹躬暨湯咸有一德克享天心此言誠能動天者也詩云維天之命於穆不已文王之德之純此言文王之誠有以合乎天者也大哉誠乎非全天德者其孰能之而程子以為其要只在慎獨則間斷而不一矣是皆聖賢精微切要之訓古人所以一息尚存此志不

容少懈正謂是也吾子平日讀書有感于斯取而扁諸齋室願諷而服膺矣尚何以予言為然其請也勤終不可不有以副吾子之意故吾願以中庸之誠及慎獨之說以進于左右庶塞輔仁之責焉君名尚德廣安郡侯之孫少尹之子世德之美其來尚矣今新任彭州判官云

悠然堂記

梅隱先生卜居漢中之南鄭古漾之濱築堂與南山直凡燕居讀書久伸之餘其攢峯疊嶽爭

奇缺秀若踊躍而赴者因字堂曰悠然
太子賓客王文貞公資書之蓋取向集悠然見
南山之語當嘗謂天壤間物之最鉅者莫如山
舉目而易見也而古今猶許詩人勝士專其美
者其必有說矣易曰形而上者謂之道形而下
者謂之器形器衆人之所知道則非妙于理趣
者不能識也今夫山岩壑之幽邃蹊巖之險夷
樵丁楚老日涉其間莫知所以樂至于規其莊
重之態則有靜壽之理焉視其大小之差則有
尊卑之理焉其或雄峙怒擎峭刻舒肆雲烟之
點綴草木之蔥蒨千態萬狀可喜可愕其目前
之畫本胸次之詩材也宜先生愛之而不厭則
堂之命為悠然者殆以此耶雖然此特其粗者
尔愚嘗見先生讀書窮理不屑仕進其學根本
於六經浸淫于百氏容清而矐氣完而舒或振
復而歌或舉觴而娛不見其有毫髮勉強不自
得之意不幾于曾點氏之識道体悠然直與上
下同流之氣象歟則其獨得之妙又豈可以見

南山之意而淺觀之哉先生嘗命作記未及而先生卒今史館無事始克為之惜其義則無從而質也先生姓何氏名坤章字明瑞自號梅隱早歲狀功場屋行業為鄉里所推重云

萱春堂記

奉元喬松年伯聖為興元文學掾一日訪余作而曰某不肖自惟母氏以勤儉相先人起家年六秩有六矣先人棄鏡孤撫育教誨以及于今粗克有立寸草春暉何以報稱欲承顏膝下以

盡菽水之歡復論以養志俾得游宦四方從諸公之後于是以萱春名所居之堂庶表愚心欲母氏之忘憂也願有以記之余謂萱之見于經者其義在詩伯兮之卒章詩萱作諼詁訓為忘蓋當時婦人問其夫久役于外詩而思之曰焉得諼草言樹之背言諼草食之能忘人憂背北堂也主婦所居後世遂喻母為萱抑亦斯章取義云尔余親喬君為子之意則善矣將託一草之微以為母氏忘憂之名乎語曰父母惟其疾

之憂言為人子者當以親心為己心則凡所以
保守其身使其身不陷于非者不容于不謹矣
孟子亦曰悅親有道及身不誠不悅于親矣蓋
子之誠孝真有以孚其親之心不期其悅也悅
矣苟或不然雖溫清定省之勤牲牢滌滌之具
親之憂亦不能忘矣願予于喬君交淺未能究
其行己之大方然嘗聞其掌學事也學廩歲積
為錢既贏或疑其貸借有私焉郵使者究之則
一鏹無預然後釋然稱其公且廉予以知其不
陷于非義以貽親憂也苟能率是以持其身歸
登斯堂奉觴壽母將見怡愉樂佚壽善康寧和
氣春風諳然充于庭宇溢于里閭使國人稱頌
然曰幸哉有子如此可謂孝矣請以今日萱春
記為張本云

好古軒記

昔周之成王作書告其有官君子以學古入官
議事以制政乃不迷于時人材之盛輔成刑措
之治歷世長久羸秦惡諸生是古非今一切禁

絕之也不旋踵洪惟

國朝偃武右文稽古為治遠侔二帝三王之盛而幅員之廣通之中外之臣多彬：可觀薛侯君英雖精國語登仕版然溫雅好儒人皆以君子目之所居軒以好古名贊詠盈軸西臺御史初春楊君為作扁字且求余言俾題于左余謂孔子以生知之聖尚自謂好古敏求及信而好古他人則當如何哉易曰君子多識前言往行以畜其德蓋前聖之言布在方冊凡吾之

所以致知格物誠意正心施設措置之方性命幽微之理如萬物之生海涵地負莫不備具惟人所好隨取隨得顧所好何如尔侯果能從事于斯以古人自期尚不負今日作成顯拔之意其所到詎易量哉若夫法書名畫鼎彝銘器供歡娛之美者而曰好古此身則非余之所敢知也倘以余言為未然俟見書軒吾友初春翁叩之以為何如

覽樓樓記

居之有樓所以玩心于高明宣情之鬱滯者也
矧楊氏之樓又以覽滕而得名焉楊蓋閩而族
以質遠遂家江左之鉛山其字繼先者讀書治
生而不廢業孝以事親敬以接友在儕輩中綽
有令聞悞其尊人有鄉里之思築樓于所居以
為節宣眺望之樂雖在人境而絕囂塵居闌闌
而免湫隘寄身于萬瓦鱗集之顛放目于群峯
鬱鬱之外而暘之晦明雲烟之絢媚捲簾隱几
勝槩呈露時扶掖其親以登斯樓或斟酒觴客
倚闌賦詩歡意油然百慮冰釋豈非翫心宣情
之助乎雖然予有論于繼先者夫樓之勝于既
得而覽矣亦嘗內外而有得于己耶惟人稟二
氣五行之秀本心昭徹眾理畢具體驗而篤行
之發為孝弟忠信以之觀物則日月之所以運
行山川之所以流峙草木之所以榮悴鳶魚之
所以飛躍莫不目擊道存神會心得蓋有諸內
而觀乎外是又不可不察也繼先矍然曰

徒知以覽勝名吾樓今而後

義願終

有以教之是為記

三皇廟學記

皇元開壽域于天下設置醫學俾人無夭札之患以

三皇為醫所祖

制下所在立廟春秋以三九陽月享祀日亦如之公帑出錢守土者行禮如式始興元獨無廟至元壬辰前醫學教授董紹昌以已資得隙地于城內西南隙請立廟于憲僉暢師文公責守

土者創殿三楹四阿不侈不陋像設三位後之繼者復增大門兩廡皆朴素未暇丹雘逮今甫歷三紀餘而弊壞殊甚至順改元承務郎古渭燕侯字弼卿之興元推官任先是朔望路官各於祝

釐所在行香侯遠分于此既至拜謁畢顧瞻嘆曰夫清濁既奠之後

三皇氏建立人極以惠萬世醫特餘事茲

國家俾郡國通祀廟號開天崇重可謂至矣而

廟貌摧毀減裂如此坐視弗葺其責匪輕紹庭
居本路之末僚又朔望隸此寧不怵惕于中時
醫闕教官遂引其所謂提領馮獻鍾震共設力
無所出以疏于諸好事及隸醫籍者助不以多
寡不足則已出夙夜孜孜甚于營私而馮與鍾
二子亦協力奔走佐之視棟楠之腐者易之甌
甕之缺者補之殿門不稱改為樞疏之制而丹
漆之琉璃其觚稜藻繪其拱栱磬石崇陞登降
有儀運壞夷庭序立不倚殿及兩廡以達大門

覆蓋圻墁續密堅固不復有風雨之虞且命工
繪歷代十名醫像朝拱于殿以備從祀截然粲
然觀者聳異或曰皇墳之世祖尚質朴不必事
華美侯曰不然蓋蓋豆蓬古制當存而不可易
盍不觀二氏之宇與都邑吾

夫子之宮皆極其飾以示崇敬獨何憚乎此我
聞者不能難又直大門外置地一區周回二百
舉武創立講堂七楹榜曰明本蓋取醫者治疾
當明標本之義謁香畢率醫之長與其子弟升

堂講究難素凡醫氏書嗚呼可謂不負
聖朝好生之德矣竊惟侯之所職蓋專以推誠
刑獄為務今乃如此則下無冤民從可知矣向
役之半與元路總管通議公方下車美侯之績
慨然割俸金以助之而閩府僚屬亦翕然同贊
厥功遂集既落成醫學教授楊浩澤暨馮鍾二
提領來請曰計侯之功不下于創始者欲具堅
珉以紀其實侯不許曰此路長及同僚與諸君
之宣力也今若從其言則是廟是學後之人何

以考始末之自敢請文以刻之某念善侯之用
心于是為文記云

鳳州新修三皇廟記

天地肇判鴻荒朴畧不可紀述逮至庖犧氏神
農氏黃帝氏繼作始有三皇之稱書曰三墳夫
子定書斷自唐虞三墳不傳于世而易繫述三
聖人開天立極畫卦制器人文漸生通變神化
以濟斯民與天地同功合德今醫家者流所祖
蓋特以他傳所載嘗藥火食內經養生之說特



三聖之緒餘耳哉

皇元以為報本崇敬莫大于此當視社稷文廟
凡郡國守土官以時致祭以陽主生教：成于
三極于九祭之日日皆用三九廟曰開天以警
流主之鳳之為州隸興元路民庶鮮少地非夷
曠然為入蜀之咽喉文廟社壇前政既遵令式
而三皇每歲獨設主橋祭於州廨甚非所以揭
虔稱

聖朝昭報之美意今州之貳志翊梁侯好禮竊

念州官之正長雖闕其責豈不在余于是北地
于州之東北以錢償于民伐木陶瓦命工晝夜
躬督徑畫所費不斂於下又出己公田之粟以
食役者而作之不日而廟成為正屋三楹三聖
像設塑繪巍然且為大門繚以周垣扁鐫惟謹
而州之判官苗將仕實贊成之厥功告畢以某
嘗執太史氏筆造州吏楊安詣興元介陰陽教
授劉從政求文以紀歲月辭既不獲回慨然歎
曰夫世之仕者非汲：于營私則事催科苟免

謹訶終更則去則已三矣又安肯出已資與力
任其責哉或侯能如是則必知三聖功德及于
萬世推是心也其于愛民而生遂之者宜如何
是宜可書又豈特記歲月云尔邪

洋州三皇廟記

皇元升平日久講求文物祿元祀于是設置
醫學之官謂醫之祖出于
三皇生民之命實所依賴俾天下郡國立廟享
祀稱曰開天其牲幣禮文一視儒官祭

先聖先師例以歷代名醫從祀且以春秋重三
重九之日取陽數也守土之臣率醫官及其生
徒行事洋為州醫設學正其醫正蘇文廣始中
於州興道舊治為廟權輿草創及何應申之
在職也與其醫生等協力增葺像設供具漸次
完備又以基址庭除迫隘班序周旋有所弗稱
出已資五百二十五緡得鄰廟地三畝有奇而
廣之又創樓曰拱聖庋藏頒賜聖濟摠錄等書
大門講堂庖舍惠民局計十餘楹至于祭服由

中及外凡所須物莫不備舉費皆竭已所有初
不吝惜手植松柏雜樹百餘株必生成而後已
若應者可謂稱職而知報本矣未請文以記曰
非敢以言功也願有以識歲月某拱而言曰夫
自天地始開而後有人太古不可紀自

三皇建立人極畫卦造書契耒耜棟宇衣服禮
秩通變神化莫不粲然利益萬世故其神靈在
天為四方之禋祀其緒餘則為醫家者流
聖朝 祀於醫特以俾天下郡國通祀以示

百姓日用而不知者又盡其報尔今應申能休
上之意嚮心之而不忘力之而不倦費之而不
辭其成緒皆可書也因為言

三皇功德之梗槩與今日報祀之意俾歸刻
諸石其廟徑始于某年某月落成于某年某月
云

南安贍學田記

皇元龍興朔方

列聖相繼駕馭豪傑削平海內于時西土有若

汪氏寔為虎臣忠孝夙著隱若長城可付大事
於是寄以爪牙腹心之任俾便宣開府總率其
屬以征弗庭子孫承業寧爵旋加其所以寵綏
者至渥也武功既立文事亦修昔先子禮部君
遊南安與其士夫游歸謂某曰南安廟學一新
文士咸集甲于他郡皆汪闡之力某未冠猶識
其言距今一周甲矣願後

朝制遽徙不得專一儒先凋謝後學失菁莪之
育漸不逮前今銀青榮祿大夫大司徒汪公克

世其家臺省荐更久居于外新荷

寵錫歸榮故里竊謂古者司徒之職自唐虞三
代皆掌邦教敷五典擾兆民職任非輕今公位
是其於學校當篤意宣矣况公平日讀書與寒
士角非他將種之比而德不孤立善以類聚後
至元丙子夏御史朝列李公憲僉奉訓宋公遠
以猷猷至公既觀止道合志協蓋宣明教化興
舉學校亦其職也適又欽承

聖天子勅農興學詔旨是宜敢緩於是發槩豪

民所隱者學田為訟者百水確一區歸我公

司徒公又益以田為

十日水經田中有可

力以修

充學者用自

徒日益給膳者日

三

已也郡學博士李維

以相其事既已就緒

僕

求文以紀其實意

事不鏡諸石

恐後之

書有西土之人之

而曰以公之與李

學

者如營己私將

來者之不如

今也

先勇力朱文公嘗

導之與二南之化

而生秦人以猛驅

戰鬪之

心勃然而

批其可不審而不

老不文不忍辭故

為權輿之詩、人

禮

其辭曰於我乎夏屋渠、今也每食無餘吁嗟
乎不承叔與
後之來者

國家圖書館, NATIONAL CENTRAL LIBRARY, TAIWAN, R.O.C.

順齋記

愚自幼讀書至於
省之所

為端居警
室之北偏榜曰順齋

而問曰僕聞士生

以植立其志剛毅

隨此

然如砥柱之

齋以順殆恐委

靡

余曰容誠過愛相

而失中也敢不佩

愚有所見願卒陳

大倚察仰

觀日月

四時之行百物之生

為荒矣上而

國家發號施令建侯行師苟不豫順則眾不服
矣下而農圃寒耕契耘晝作夕息苟不順序則
生不遂矣微而至于物川泳雲飛秋蟄春啟陸
行藪集巢居穴處無不順以生者况于人乎夫
人之生有秉彝之性聖人亦循其自然以立道
如禹之治水行所無事非如告子梧捲矯揉成
賊之也及其立教皆曰天叙天秩其品之大者

父子之親君臣之義長幼之序夫婦之別朋友
之信吾當日誦焉使渙然冰釋怡然理順而驗
于日用常行之間苟為不然則淪昏禽憤矣蓋
順之字乃理之用也雖天地之大事物之微不
可違者此愚所以服膺而不敢失今容規我以
委靡隨人無乃孟氏所訛公孫衍張儀者夫儀
衍俗稱為大丈夫而以妾婦之順事人此逆理
之甚焉得為真順乎容聞之歟踏似有愧色拱
而言曰僕夏嘗而冬裘渴飲而飢食所謂居其

中而不自知者今聞吾子之言則順之時義大
矣哉容既退遂書為之記

得雨記

恭定丁卯春正月丙辰食時雨至丁巳食時止
不暴不徐作止如一劇地驗其浸潤下無燥土
民氣淡和見者相和去年夏秋之際熯旱堰水
既微稻不能徧插禾菽早者皆傷七月中雨槁
者復生歲得中熟雨雖來遲麥種得入土根滋
苗盛及是優渥之澤豐年可卜矣翌朝醫學正

何君子鑑至津、喜色生于眉宇既以雨為賀
袖出幅紙立請而言曰先生記之蓋去年之旱
洋川尤甚何君問之具香幣跣步挈瓶禱于靈
泉乞湫焉不憚百餘里之遠致于洋而禱祠焉
果得甘澍今又請余記余因仰而歎曰生民之
命係雨暘之時若不若也任牧民之責者必以
此為休戚今何君不任其責而以人之休戚為
己之休戚是可尚也故樂為書之

新修二賢祠堂記

天下之事其同異有絕然者固衆人之所知也
至于事异而理同者非君子莫能識也夫漢唐
異代文武殊途不同也二賢皆隴西成紀人均
為李姓此同也至于俱稟英傑之氣負超卓之
才其能蓋於當時而名垂於後世此不同之同
也非君子孰能識之李將軍廣生于漢孝文時
帝嘗曰使廣生高祖時萬戶侯何足道也其材
天下無雙射必中而力嘗誤以石為席射之
控矜沒矢急則計百出守右北平敵人稱為飛

將軍不敢近邊但以數奇終不得封侯又不相
能于衛青左其部曲死之日天下知與不知皆
與流涕至今為之太息而李翰林白當唐明皇
時以長康之精號謫仙人天才放逸思如湧泉
尤聖于詩帝置之金鑿出入翰林嘗應制進樂
府援筆立成竟為力士以脫靴之憾沮而不用
四海稱屈以為与才不与命至今使人不平使
二賢生際一時必能相得何者史稱廣誠信於
士大夫而翰林識郭汾陽于行伍荐之後以永

王璘迫脅得罪汾陽請以官贖其相得可知矣
西臺御史李某陝西憲倉宋某以讞獄至龐之
成紀望邑城之南夕水之陰五龍谷山嶽間其
址隆平可愛詢云蓋漢李將軍故居邑人為之
立石表其地宋為四聖院後廢鄰寺妙旆院僧
了恐主之耕者嘗得箭鏃有二掌之巨上有漢
字意廣所用也又獲石斧詳其制亦非近代之
物瓦礫中僅存斷碑院額數字而已
國初邑人為立一石表曰漢李將軍故居迂軒

趙魯公世延亦立一石表曰唐謫仙李翰林故
里竊謂廣之志勇白之文章皆間生也合祠以
享何問其世代文武不同耶朱文公守南康以
石有卧龍狀創孔明祠後人亦設文公像有司
以仲丁致祭其為先後並祠例也某等各指石
秩創立一祠設二賢像一竹皮冠書其主曰漢
飛將軍李公一宮錦袍書其主曰唐謫仙翰林
李公時銀青榮祿大夫大司徒雲溪公義其事
割金贊成遂大書四字扁為二賢之祠仍以僧
了恐監修今州判官朱惠董後落成有日移書
于僕以屬筆焉但僕衰老文氣卑蕭然感意不
忍拒以所寄事迨次第之雖不能盡揮前賢偉
績及諸公高誼若夫天雨將降山川出雲跋而
望之凜々乎若二公之生氣猶存故係以詞曰
世之相後兮千古一途曰文曰武兮其道雖殊
二公英傑性所稟則俱合祠以享兮神其樂昏
後之來者兮堂下拜趨視此刻碑兮慷慨嗟吁



國家圖書館, NATIONAL CENTRAL LIBRARY, TAIWAN, R.O.C.

閑居叢稿卷十四

蒲道源先生閑居叢稿卷之十五

制

贈嘉議大夫奉元郡侯奧屯大哥妻行

魯頑氏追封奉元郡夫人制

節惠易名所以待先朝之勲舊推恩及配蓋公
從前代之典章用勸方來以彰淑德具審某妻
某氏來嬪盛族恪守柔儀勤儉而家道以成肅

男 蒲機 類編
門生 薛懿 校政

國家圖書館 NATIONAL CENTRAL LIBRARY, TAIWAN, R.O.C.

雍而閨門是賴子孫益熾邦國有光從夫于大
郡之封正位于小君之號幽局永賁明命是承
可

贈中奉大夫行中書省參知政事奉元
郡公奧屯忙古歹妻劉氏伏氏并封
奉元郡夫人制

宣威外庸之故雖家正位內助之力
居多既示寵綬豈容遺具官某妻某氏某氏
相門毓德將裔聯芳惟良人自昔有勞爰加錫

典在若等亦皆從爵俱賜優封於戲象服是宜
愍身前之莫逮龍光均被居地下以何殊惟其
有知尚服休命

宣慰司同知奧屯妻楊氏封奉元郡夫
人制

夙夜在公人臣所以事其上室家昏慶王者亦
當遂其私爰沛洪恩均沾嘉耦具官某妻某氏
係由名閨生稟合儀汝能相夫以數忠貞則亦
終身而保富貴於茲寵錫尚克欽承可

翰林院忽都魯達失承旨曾祖父制
朕惟積行累功固不期于今日求源探本尚有
得于後人 其官某曾祖父某材武冠時嚴明御
下整齊部伍總戎律于高昌鎮服邊陲震威蔽
于西域尔曾孫為我之近侍在恩典宜加于慈
章於戲考世論年距茲時之已遠封公胙土凜
生氣以如新尚其有知服之無數可

忽承旨曾祖母制

英傑起家必有相成之賢婦忠誠佐國又逢特

立之曾孫不有郵章昌旌懿德 其官某曾祖母
出自右族嬪于偉人克育五男既顯于當代傳
至四世復興于我朝原本而言惟恩君當及
作郡公之配獲榮遇于斯時有 封益光
增於幽壤惟其不昧承可

表

伏以 生順天造陽春之布人時敬授奉
聖朝正朔之頒萬彙昭禳兩儀交暢中賀

運開泰治仁體乾元闡閭闔而受朝日月大明
于黃道霽衣冠而進賀星辰環拱于紫垣豈惟
導泙氣于八荒將以垂鴻休於億載臣某叨居
遠幸際昌期心切祝釐願上延洪之職當
宣化仰承寬大之書

又

伏以帝出震以當乾肇開人統陽道臨而為泰
式紀王春極裁成輔相之運含育發生之妙
中賀

元居正欽福錫民德動皇天坐掃亡之象
威加荒徼克成底定之勳端朝益隆洪祚
臣某承流在外靡前奉萬歲之楹觴惟深
素念民之興頌徒切丹誠

聖節表

伏以乾畫龍飛數協九之坤與燕賀喜
逢千載之一時之期適際太平之運
中賀

堯仁博施舜孝弥恭霽和氣於東陽暢皇威于

北顧安民輯吏申詔語之丁寧作善降祥宜帝
心之眷祐受茲介福惟以永年臣某濫梁封
阻趨魏闕奉玉卮而稱壽徒切葵頌上金鑑以
據忠尚懷芹獻

又

伏以位正龍飛光啟五陽之月史虹瑞聿臨

載震之期海宇均歡臣鄰昏慶中賀

皇威遠暢文德誕敷為宗社而建元良大義昭
明于天下滌瑕愆而沛洪澤至仁固結于人心

肆求禱之不回宜降年之有永臣某欣逢盛旦
叨秉洪鈞金鏡獻誠念切重三之日玉卮稱壽
祈增億萬之春

又中書省賀

寶祚當陽正仰文明之運玉卮為壽聿臨震夙
之期樞電呈祥乾坤協慶中賀

功昭祖武德洽民心大比登賢能之書倚詢治
道至養極帝王之考上奉慈顏率時有截之臣
延續無疆之筭臣等叨塵政府恭造賀班就日

依光幸千齡之一過祈天永命效萬歲之三呼

大師監修國史賀

興聖宮建儲表

天下屬心主器當傳於長子禁中之策成功允
賴于慈闈事合輿情歡騰禁掖中賀

功垂社稷化被家邦克開有道之孫迺續無疆
之福扶持治道惟求賢而審官保佑基圖復貽

謀而燕翼不私所愛果得其人臣某忝在具瞻
監修信史載濡彤管難名歷德之毫厘願護青

宮載祝修齡之萬億

皇太子正旦翰林院賀成

治歷明時月紀建元之首承祀主壘天彰典子
之心氣轉鴻鈞春融鶴禁中賀

溫恭夙著仁孝生知視膳問安益謹三朝之禮
經文緯武摠持兩府之權輿情共屬於重離品

彙咸亨于交泰臣某欣逢盛旦忝綴賀班玉署
叨恩千歲效端辰之祝青宮毓德寸衷祈又日
之新

賀正表 翰林院賀

伏以元正首祚膺萬國之賀珎閏月歸餘定四時而成歲際天所履有物皆春中賀

運撫泰亨德侔乾健宗藩來會咸加懷輯之恩慈闈問安永奉怡愉之樂洪緒益隆于縣遠方與坐致于教寧臣等誤被綸音忝居禁署寸心

願效少裨制作之文億載是祈仰答生成之造

立皇太子賀表

光緒三年
太常府賀

伏以聖明在御嗣歷服之無疆海宇同心歌吾

君之有子神民昏悅日月增華中賀

潛發遠謨丕承前烈為宗廟社稷之重宜豫建于儲宮雖藩戚臣鄰之言猶每持於謙德速申懇請方賜俞音稽於衆則人謀與能告于郊則天迪從保果應震男之一索咸瞻離象之重光邦本益隆輿情允協臣某忝司台銜祇慶宸居羽翼已成不待四人之輔佐股肱願效永延萬世之基圖

同前賀皇太后牋

伏以易著格言主器必歸于長子書垂大訓正
邦允属于元良於皇聖上之建儲有賴慈闈而
決策中賀

功施社稷力正乾坤克仁孝之孫迺續靈長
之祚扶持治道惟求賢而審官佑啟後人復貽
謀而燕翼天下晏然而無事禁中穆若以如春
臣某忝在具瞻叨監信史載濡彤管難名盛德
之亮厘顧護青宮仰祝修齡之億萬


皇太后賀正歲

伏以兩儀叶氣允符泰道之亨萬物資生成仰
坤元之盛賀章載舉欽頌惟均中賀

慶衍姜嫄福隆文母肆誕膺于宝冊益著鴻名
申擁祐于瑤圖方期燕翼茂對始和之旦倍增
永錫之祥臣某濫秉政機恪監史職忝天而
在上俯撫北向之誠八千歲以為春永介東朝
之壽



國家圖書館, NATIONAL CENTRAL LIBRARY, TAIWAN, R.O.C.



蒲道原先生閑居叢稿卷之十六

男 蒲機 類編
門人 薛懿 校正

東海神廟碑

延祐元年春三月二十有八日
皇帝御嘉禧殿傳

詔以東海廣德靈會王廟增修告成其諭翰林
文其事而刻諸石 臣某猥以應奉文字為職造



當直筆謹用撰次之伏惟
皇元奄有四海懷柔百神
列聖以來於海岳之祀惟寅惟
率以歲之春
分遣使者馳駟賫香編詣其祠而禮焉將發
上齋潔臨軒舉香虔祝而授之其所以致崇極
之意為民祈福如此其至也

世祖皇帝至元二十有八年冊加東海廣德王
為廣德聖會王

今皇帝皇慶二年春二月光祿大夫翰林學士

承旨臣僧家以故事奉

命行香于東海神廟及今詣登
所謂海市
者既至以

天子命敬詣祠下爐烟氤氳誠意昭格畢事仰
觀殿宇有風雨侵剝之患循視庭際缺廊廡翼
衛之嚴日慨然曰

上之敬禮於神也如此而廟貌淺陋弗稱置而
不言使臣之罪也夏四月還國所見海市樓觀
樹林城郭出沒滅變之狀以獻奏請修廟

制允其請遂命臣某往洎州守臣某等以積歲
所賜白金及縣官宿有材木旣覺修營之徑始
于其年之五月落成于冬之十一月完舊而增
新者幾四十楹復殿迴廊齋廬庖舍靡不悉具
繚以周垣遂以重門扃啟以時規制整肅神用
安靈人愈生敬可謂盡事神之禮隆太平之盛
典也竊嘗攷

國家定鼎都邑東漸之地視南北而三方為近
故京畿凡有水旱依賴叩禱為尤切修廟之年

春以久不雨恐無麥禾命集賢大學士臣脫懽
翰林待制臣蔡文淵奔走揭虔以告其應如響
予以見

上之至誠可以感神神之靈既可以佑國繼自
今億萬年之福祚與東海之水浩々其無極也
欵敢拜手稽首而獻銘曰

於皇聖元苞括海宇上帝鑒現俾作神主敷天
之下咸秩無文矧茲東海有廟其瀆其神巍然
儼正王位弗完厥居我是用愧制命使往暨而

守臣 考室輪奐一新像設孔安肝饗默契
而暢時若物無疵痛惟海有容衆流歸之惟聖
有作百祿綏之於萬斯年天子是衛於萬斯年
明祀罔替

光祿大夫中書平章政事采禮直公功

德碑

皇天眷佑

有元必為之篤生賢哲之輔以豫擬其用或出
于世家或生于草野如公則出于世家者故公

之先三世忠孝相繼皆有功于西陲兵威既張
邊釐無嘗存享隆爵沒膺美謚故山西之禮后
為公鍾英育粹之地公自癸歲以怯薛入侍帷
幄小心惟謹及出而從仕居風憲即有能殺陞
行臺制振風紀繼登外省之貳又持大休以鎮
靜為務其材無施而不可

朝廷簡注公久矣以甘肅省控制西陲宿重兵
命公為其省平章以飭治之至則軍懾民愛糧
儲器械靡不置備邊境宴然泰定戊辰冬前相

姦臣煽亂撤省起兵為援其黨將應之且藉此
欲勦掠以自植公持不可曰方冬沍寒不宜妄
舉其黨欲害公不為奪會天命人心有所屬
天曆改元詔至公獲免禍前日累卵之危遂為
泰山之安嚮非中流砥柱之力何以及此茲豈
非天生賢輔以豫擬其用哉明年春

上恚公誠召至上都入覲奏對詳懇即以中書
右轄授之趣還京省視事時所在兵革之餘加
以飢饉民不聊生流徙失業公竭其心智多方

規劃任為己責是以克濟艱難

天子嘉之拜光祿大夫中書平章政事公益自
信不疑遇事無所委曲阿附始與同列議論稍
異魚恐不勝寵任遂辭歸退處南安山墅讀書
自造

上察公無他起為江西平章政事又起陝西皆
以疾固辭優詔勉其請蓋進以禮退以義聖賢
之明訓臣子之大節視夫世之貪冒求進阿諛
苟容者不啻霄壤嗚呼非官車遠駕必再用

于中矣

今皇入纂大統圖任舊人公猶未著艾則知公不久遂其閑適後日功業之盛又如何哉將見特書屢書不一書而已世人見公之進用以為喜不知其慎負荷之重以為憂見公之退后以為樂不知其頃刻不忘君亦以為憂也昔范文正公有言曰士當先天下之憂而憂後天下之樂而樂也公庶幾焉且公武弁而好文富貴而下士間善必稱見賢必舉蔑驕矜之態存澹泊

之志雖其具美非閑

國家之大事不復贅云公里之趙某者致其父老之意以褒城主簿張翥者具禮為先容謂某嘗與執史筆之末求文以紀公之功德某言曰世之寶珠玉者必曰某玉某山之所出某珠某澤之所生矧吾朵公之賢乃有國之所寶者歟鄉里不書其本末俾其名焜耀于世人其謂何某辭之曰公之功德書於太史見于後世矣假予言肅來請者凡六七且歷一歲固不容辭某

亦採于泉論無一人不曰今之賢相於是乎書
且系以聲詩俾鄉人歌詠之其詞曰
大哉

皇元極其全盛

二祖開闢傳於

列聖交海冰天日本月氏皆為郡縣不止羈縻
泰定末年世運中否苟不得人孰扶其圯侃
柔公藩屏西邊事出意外明灼幾先時維姦臣
挾乃冲切心有異圖檄兵自救公獨不可以身

殉之天歷詔至獲免于危

世祖曾孫

武宗之子克堪顧天萬國仰止知公之誠微為
弼臣委以庶務平章繼陞同列之間議論稍異
釋負旋歸遂卒宿志正園婆娑讀書自怡
天子念之眷顧不衰倚重屢被中旨畏滿忌盈
力辭以此

嗣皇方興公年未艾雖欲優游

帝心簡在此邦最尔崧岳巍然生賢則同實可

比肩公既大用寧容居斯何以慰我邦人之思
伐山取石求文紀實以耀無窮俾知偉績

前儒林郎西鄉宣差燕立帖木兒遺愛

碣并序

凡政澤於物者深則民懷於心者久此古昔循
良之吏為人建常生之業而不止一朝之惠是
以功著當時名垂後世今豈獨無人哉我侯誠
無愧也侯畏吾人氏名燕立帖木兒聞名家
以至治三年由平涼府判官轉蒞茲邑跡似左

遷蓋以憲司論薦守令不復較其崇卑侯急于
濟物初無介意視事之初如良醫之治疾必究
源委而藥之以為縣民貧而且惰垣屋不治慢
藏誨盜職此之由于是言諭躬率翕然景從甫
及旬月門有重扃巷無積穢姦絕俗美咸樂其
生暇則出城勸課農桑載耒耨自隨食其水之
外無絲毫擾務求實效非但循故事文具而已
至于畜牧種樹取古之遺法及今之見行者丁
寧教民不違其時又以邑民不知種木棉之利

自興元求子給社戶且教以種之法至今民
得其利而生理稍裕且望詣學拜謁俾縣之子
弟吏胥誦讀誦解曉以義理庶恥遊讓人知遷
善寡過易以為治且于路學假儒祭祀衣冠至
縣依製成造俾儒生服之習儀奉祀括遠耒儒
戶不在縣籍者蠲役令習其業俾洒掃廟學又
得係官閒田募民佃種所獲子粒以充春秋祭
祀并庠學官用其獄訟婚田者度其鄉老社長
必知其曲直俾之勸諭由是不勞薄責刑威而

自息暇日則巡視郊野以縣北之田瀕於溪澗
霖雨流溢迤東未稼淹溺不收民居墊隘積年
不能治侯於富室諭借工及糧開築築堤泄水
於河城東之田遂倍蓰收屋宇奐塹無復水患
驛馬困民尤甚應役者至褒城驛不啻數百里
戶貧乏間有豪民或他處來者乘民之急賣
馬價至為賈者千五百下急不減千二百餘戶
以債壓不復蘇侯知其弊立法每馬一疋計三
百六十日每一日令戶納中統鈔一貫官籍拘

之買馬見錢不通為貫四百猶有下者不驟取
之庶得易辦周歲所納實可計馬一疋額計一
十一疋錢為貫七十四百三十價可足用又以
倉卒有事科徵民既單弱不能勝且誤事侯于
城南門外創立官店二區凡二十五楹四鄉各
一區共二十五楹客旅有所歸貨財有所通歲
入鈔為貫二千有奇以紓民而不徵又創碾磨
二所歲課得米或麥五十餘斛代民應官用於
是人得更生矣侯之為凡此類者甚多不可枚

舉終更父老至今思之有流涕者泰定初興元
路尹佐皆闕憲司檄侯攝路事先是路官較廣
濟倉糧短少十數石蓋以倉廩板疎漏監倉者
弗之覺後方見取以補短少數幕賓素銜監倉
以為自外入者抵以侵盜罪繫獄侯閱案牘曰
條章有東西廩相補法此奚不可幕賓至以醜
語詆侯、弗顧卒以漏糧補而監倉得釋郡人
歎服元統三年夏西鄉主簿鄧基遣縣吏具禮
以書并侯行過善政事蹟為一通來致邑民之

意抵余求文書意若曰某無似承乏于茲師侯
成規惟恐夫墜不石揭之何以示後之為茲邑
者余以鄧簿嘗從余學不能拒其請繼又新尹
某至亦以禮來謁其請如鄧竊惟世降俗衰不
忘疾人之善者鮮今茲令與簿能不沒前政之
美態一欲為播揚以傳諸後者為尤鮮余亦記
往歲有府屬陳言社稅以穀代米民譁然不以
為便令行數輩請余求為一言時侯方居賓幕
余不得已為書穀代米有教不便輸送力倍一

也燥濕莫分二也有急散與民春變復為出納
其不無三也儲積無所科擾四也侯得書即
嚴之民至今稱快從善如流于斯可見其間又
有言平涼之績尤禱余以為彼民以與碑刻之
矣不復載至于去此登省與臺之事異日當有
國史書之此亦不錄且余忝國史屬時如或上
此狀亦當請于長筆于冊以修我

朝之得人今聞居田里西鄉之民往來者論之
言如來請者因樂采民之意為之頌辭曰

昔侯之來未兮我沉疴而未蘇連侯之既來兮
我吐氣而方殄尔利我興兮尔害我除晨往于
田兮夕安尔廬微料不暴兮鄉罕追胥今其去
此予為我永閔制常生之業兮父母奚殊羗肺
腑之感恩兮其孰能知予鏡貞珉以昭列兮圭
其首而方跌播侯名于四遠兮來者尚能考諸
匪直我心之獨安兮子之孫之不忘厥初

閩居叢稿卷十六



國家圖書館, NATIONAL CENTRAL LIBRARY, TAIWAN, R.O.C.

書

寄弟德衡書

日者朱曉憲德性溫雅精于三命五緯之學挾其術以游蜀求字為先容相知處無惜齒牙俾薄有所獲為資糧菲屨之助云

與郭幹卿郎中書

蒲道源先生閑居叢稿卷之十七

男 蒲機 類編
門生 薛懿 校正

國家圖書館 NATIONAL CENTRAL LIBRARY, TAIWAN, R.O.C.

向于江西憲史廖克讓處話及左右靜而思之
恍如隔世繼又獲見錢李推官正甫佳作愛其
有涵蓄意非世俗語令人知當為世用者果聞
玉堂烏府踐歷清華其克自樹立深所嘆仰都
下人至聞稱道賤名過實愧悚愧悚今因杜克
欽往求為先容敢布于下執事倘不見斥繼自
今嗣音有日矣克欽乃溫雅吏事通敏者希一
顧未間萬望為時為道自愛

與幹卿侍御書

去歲辱教墨知體履休嘉不勝欣慰即欲奉荅
緣史氏子說欲親往求書因循直至今春去與
備細書未審達否緬維日者寓都自以衰晚不
能與英俊角公聚之餘不多出間一再到貴止
以賓客送至不得罄所懷間旌旆西來莫得一
二日侍以快平昔之願不意馬首復東悵惘柰
何所諭求訪令外祖塋墓史氏前輩皆亡今其
晚生尚安知此但見少年口人即細詢之茫然
莫曉不知當時徐用之所指在何處令外祖

母今葬府東十五里名百合坡向遠史大夫得一女一子女為長妻岳子于以仲中第四岳翁媪與史四皆沒已久岳有一女二子女及長子亦沒今惟存次子史四有一子出贅於人史大夫蓋五子長不記次寓奉元久不知存亡史三史四史五皆亡史三一子長甚不肖焚葬屍粥墓田家業蕩盡流落不知所往次子即今寄書者亦不甚實史四史五子頗肯治生岳之子則為農貧窘公以凱風寒泉之悲莫若少出費託人封殖令外祖母與岳氏史四等墳同一塋域築垣墻以遮護不致牧豎牛羊之踐履天其或者訪得令外祖墓玉別為措畫卑意如此不知高明以為何如見稱大子為縣特以慰老懷耳願賜教督為佳秋晚向寒尚冀為時自重

與鄧明仲郎中書

累貢字許已達左右然久不奉來教詢問盛宅亦無書未聽起居何似懸想曷可言此間親舊家居岑寂殊甚思與明仲煮茗劇設把酒一笑

定何時耶此外俱不足道也杜克欽行草此動
問漸寒伏異順時保重不宣

與鮑宜御廉恕甫二省郎書

銘復北迴得甯動止佳勝而又踐履清晏喜慰
何可言今因杜克欽行謹戾即辰起居克欽鄉
人想二賢必能殊顧不待僕喋喋也秋候漸寒
伏異順序珍愛

與鄧直方郎中書

一別十餘歲懸仰何可言聞榮踐亨衢健羨健

羨諒惟吉人天相無不履用康裕某為况如昨
衰遲非所歎但學不加益為愧耳杜克欽行謹
此奉問起居彼亦藉以介紹與進是荷

與王君貢運使書

去秋承人至下問不勝感慰就審台候起居迪
吉某自京師別閱九寒暑矣懸仰可知不意公
理河東鹽賦雖未得覲芝宇而音問復通向曾
寄上鄙作深愧不工特欲發一笑爾興元府吏
王繼祖者為人廉慎可委本路向嘗保明牒呈

充運司書吏未曾錄用今又再保其人有父在
朝邑年邁言及淚下若得成就非止前步寸進
其親相去不遠而皆得安冒昧及此冀公憫而
一援引焉

與巨德新郎中書

通者恭審高軒榮至陝省起居佳勝芳譽洋溢
鄉里榮耀但恨道路修阻不能造賀府吏李敬
所回猥蒙下問且見故舊不以貴賤而有問也
感之今因府史楊伯源行謹貢片楮少露卑意

不能罄萬一

與劉君傑臺郎書

李潤甫回承訪問審起居清勝為慰僕雖况如
昨但見鄉舊間如君傑者能卓然自立清介顛
亮有聞於時亦足增氣此外不足言也前惠玉
維竹未有報楊伯源行畧叙鄙懷

與張允濟書

別久思可勝言趙搏霄至話及行藏乃知京師
帥府去就未判所求鄙序似難擬筆未果奉命

僕年少時與吾友日相追逐每語以為世間事
無足為者及今賤齒半百竟無所成百念灰冷
世俗紛々口念不欲言尔况真為哉何用如此
吾友志剛氣銳百折必東胸中耿耿者常在但
不肯同流合汙詭隨苟順坐是少有坎坷雖然
益堅益壯在我固宜自勵或俯或仰於時亦當
少從吾子以為何如要之尔命也所示薦語溺
于相愛不覺過情愧甚土宜甚閩畧附微
禮表故舊意未容面罄向風悵然

與卜木魯子鞏憲使書

自都城判袂星紀將周天飛泐淪蹤各異仰
惟德業充大果副夙期陟服監臨首叩下問不
忘契舊感慰何言但僕已及引年衰病無取欽
承

綸命慙懼莫支出處之間進退維谷力扶徃應
必遂樞趨先此裁荅畧叙卑閩陽春密迹伏冀
為道自重以綏福履大究經濟之學傾祈不能
一一既

與四川趙伯儀參正書

伏惟鈞侯起居多福某凡陋不足齒錄每蒙相公珠顧又寵惠佳墨未有以報但銘刻于心耳未奉拜間伏冀為國鈞重以綏福祉

與乾宜卿庶副書

別久懸仰何言諒惟吉人為善之效履用自然佳勝不待祈祝某托庇閑居自適無勞介意末由良晤伏冀順時珍護餘不及一一悉

與蔡逢原參政書

某聞之為治者貴能知要而通變蓋綱舉則目可張務更則瑟可調然必待智者而後能常人則不知也今陝西以師旅飢荒疾疫之餘

聖天子簡賢以寧輯之公是以來參其行省之政救荒之術可謂竭其智而盡其心矣然不過請錢于內府移粟於他郡亦此紓目前之急活垂死之民以止以流移之心尔汲、為之猶未暇也尚違他恤哉某猶以為此則近慮而非遠慮夫近慮不可廢遠慮尤不可忽蓋錢粟有盡

久遠之計將如之何閔中之災近古罕見疾疫
固天之流行而飢饉亦歲之代有至于人民相
食以及其親屬尚可忍聞而恣言哉語曰自古
皆有死民無信不立夫信聖人猶不以死廢益
子曰獸相食且人惡之獸之無知相食人猶惡
之至于食其親屬者則與死而失信獸之相食
孰為輕重哉今

朝廷以州縣闕官廢事且淹滯者衆遣重臣選
調之此特常事耳某謂遠慮者

國家自有闕陝以來涵育幾百年生齒之繁夥
一旦疾疫飢荒相戕害而食與夫流徙四方者
十室而九空矣州郡縣邑荒涼至甚人情所不
樂居若得知稼穡艱難勤於勸課知禮義廉恥
明於教化之人勿拘常例增其品秩優其俸祿
限以歲月責其功效勸課以足其食教化以泚
其心蓋陟其能而黜其不能遠足為治也產于
土者然後可以足其食生于心者乃其固有之
善秦人文王化之以興二南之仁嬴氏用之以

致斬級之果其善不善由上之人導之何如尔
倘不以此言為然則流亡未可遽集民食未可
必足俗惡未可復美其患有不可勝言者夫事
未至而言人以為迂濶待他日不迂濶已不及
矣斯言也惟其不識忌諱得以言之惟明公特
達得以聞之昌言於朝俾陟重地鞏固而不搖
而公忽獲知爰通達之美而免常人之訛尔不
宣

與蔡逢原叅正第二書

某聞之周有天下修廢官四方之政行焉蓋官
有可廢有不可廢可廢而不廢則為冗員不可
廢而廢則為闕事興元之河渠司乃不可廢者
也興元之為郡其地之廣衍視他大郡不及什
之二三所恃者惟渠堰而已渠堰之水興元民
之命脉也渠堰在、有之無慮數十然皆不及
山河堰之大其澆溉自褒城縣竟于南鄭縣江
北之境舊設河渠司以領之其秩五品其任職
也專其受責也重故堰之修理無抛弃滲漏之

水之分依無澆溉不均之田視夫水之多寡以為水額強不得以欺弱富不得以兼貧澆溉之法自下而上間有亢旱之年而無不收之處及

朝廷以天下繁冗之官遣使可減者減之當時設者曾不究其寔希合取容例為可罷使者寔不知其利害信意從之自是以來委之有司而有司復差設掌水者率不知水利之人是以政出多門而不一矣法生多弊而莫制矣堰不堅

密水抛弃于無用拔蓋水門也無人巡視筒蓋則水以澆田者高下任移自下而上澆溉之法廢強得欺弱富得兼貧以力爭奪數日之間候忽過時而不及事官府又不為理如秦人視越人之肥瘠歲稍值旱惟田近上源之渠者得收下源遠渠者全不收矣修堰之時下源者一例納木供役而不得水澆溉賦稅公田之徵定額則不可免民轉溝壑可知矣其嚴河渠司也不過歲官吏俸給數千緡之費尔然足食足賦稅

不聞以今賑濟所費校之既為多乎某竊謂欲
復立河渠司

朝議非年載間不可定莫若省府權分委屬陝
西渠堰官吏奏差等官各一負監視興元渠堰
庶使水利均平歲無荒歉之患益利于民即利
于國也某間不安分而僭越至此者韓子所謂
畏天命而憫人窮也蓋前日不敢言又不可言
今則敢言又可言矣惟相公裁之不宜

啓

回姻親王氏啟

伏以設經漢上蔚為儒者之宗分憲河東仰荷
明時之寵風猷未遠教氣敢同茲承庶訪僉事
第二子庭訓早承豈輕伉儷而其第二女閨儀
方習曷稱擇求何期媒妁之往來復遂絲蘿之
攀附來儀甚腆愧不成于報章之子于歸願無
忘於永好其於忻幸曷易名言

為宋公亮子納幣王氏啟

伏以桂子生香氣平分于素序黃花有信期密

通于芳辰敢藉成言以宿夙好恭惟姻翁某世
德可師家教如昨愧微蹤之不振蒙高誼之俯
從但頑息非東坦之才而長愛乃西軒之裔敢
求佳偶亦欲良姻此豈人謀實由天相絲蘿永
附願申固于前盟篚篚雖輕庶用將于誠意幣
儀不腆別幅具呈

閑居叢稿卷十七

蒲道源先生閑居叢稿卷之十八

男 蒲機 類編

門生 薛懿 校正

序

送洋州馬士達州判詩序

武康於興元為屬郡去府治百里而近其官吏
之臧否政事之得失易以聞知比年以來到官
者多不以善去故其俗穉為訐近歲得人視他
郡最勝民皆鼓舞歌詠至其秩滿將代又攀援

誦訢不忍其去然後知昔之為非民之罪也長
民者之過也節判焉君子遠天安樂而清白
粹雅又得家庭之訓其在武康也以誠意待同
僚而蔑纖芥之隙以卑牧接士類而獲切磋之
助以寬恕理民訟而盡哀矜之情及瓜而代士
民田之不能相與狀其在官之績諸部使者祈
陞陟之一日君趣裝東歸取道于府相適告別
出武康郡伴而下暨諸士夫贈別之什且曰某
是行也歸無物以奉家君之悅者縱有公非所
悅得此有以藉手矣僕披說焉皆稱揚君為政
之美且致其奉、不忍去我之意予以是知士
遠之篤於孝而盡于忠也惟其篤於孝也故能
舉錯顧義不使微類少玷辱其身而累于親惟
其盡于忠也故能夙夜在公必使善行美譽有
諸已而光于親推是道也奚為而不可奚行而
不至哉則武康之政又非他日所以稱道君者
孔子曰人能弘道非道弘人尚期勉旃

送高彥明經歷序

夫為天下之事常乎才有餘而量不足才有餘而量不足不惟其事之無成而所謂才者反為身累矣經歷彥明才氣英發載筆蘭省殺譽藉然總幕漢中紀整然替剗除盤錯旬月之間遂以無事然性不瓦合上下不能無異同者遂乘間擠以事君引更為左吏亦懼不克擔荷君慨然當之詣省宰物者亦諒君而不深罪比還人謂君必銜憤肆忿而君與向異同者如未嘗有事遇吏如平昔然後知君非特才過人而量有不可及者上之人方求才屬事則前步之遠不待龜灼然矣諸士夫以君解組東歸歌詩以贐余謂君在官雖多可書今皆畧之特發其所難者以著于贈別首云

賀李唐英桂蘭共芳序并詩

有德者必有後乃理之常也然或丁於氣數之不幸者亦有之伯道竟無兒中郎僅有女今猶為之太息唐英李君篤信君子也年踰知命而嗣續之重不絕如縷安能無芥於懷在朋友間

公為唐英憮一日僕過柏菴明府明府謂僕曰
唐英近有喜一乳而子女俱此莫大之慶也吾黨
皆有賀什子公無惜教語以冠于其首僕謂唐
英門左懸弧門右設悅遲暮之歎一旦豁然若
困苦之遇神醫飢渴之得美饌則天下之為快
豈有以加于此哉夫滄海之珠崑山之玉貴則
貴矣其有益而樂于人不着是也 既以積善
之報俾得夫有後之常理則吾所以勉于善
者又當如何哉他日堂楯之記門楯之喜根深

葉茂源遠流長寔兆基于此矣僕于唐英蓋嘗
一面之雅而非深識也公喜為書之

傳家一線正憂惶陰德天教晚節昌熊尅既同
前夕夢桂蘭應共此時芳眼中堂構應無憮意
外門楯定有光慶事鼎來遲是疾他年鴈、看
成行

贈寫字張童子序 并詩

夫兒童七八歲入小學執筆摹米始能成字唇
吻襟袖皆黑古今天下皆然也老杜有總角草

書又神速之句夫總角則十餘歲草書未必能
真楷也惟王獻之七八歲學書父羲之家從其
後掣筆不得知後嘗以書名然亦未聞七八歲
時遂能大書也近傳閩中張氏子七歲能作字
徑大者初未之信適憲府掾燕君美自安而至
示歲寒二字徑二尺許乃童子所書也且稱其
德性之美僕憮然曰真有是我展視其書則緊
結勁正骨肉相副筆力千鈞類非童子所到不
言其人雖以為老于書者可也恨不得親見其

磅礴揮灑之狀以快其意雖然字心畫也童子
既能盡之于外則必有得于中不幾于生知之
性乎苟能以其得于中者讀書求道不以一藝
局則遠大器業吾將有望于童子也若夫一角
之獸九莖之草前史書之以為嘉瑞吾意今日
之瑞將在此而不在彼也君美還求為童子贈
姑以是語之

宿世臨池老伯英此生依舊性根靈已能作字
侔三絕試問行年始七齡現額題回驚鬢白法

書閱羅歎胸青倘教二子今猶在慚愧張家小
寧馨

洋州宣差餞行序 并詩

洋為州雖蕞尔之區比年以來守職者往往以
黷貨亂政民群譁之竟得嚴去故洋隨號為難
治至元癸巳秋乃閬郡監宣差承旨公坐以不
及期之任今例當免者閬州之士夫耆宿等狀
其行事懇于部使者請留之部使者雖不敢廢
格聽其留然寔異其得人心之若是條氏之辭

且薦之洋之士民有來者試詢之咸曰凡治吾
州者未始公見也其庶以律已惠以及人修舉
廢墜消頑姦慝方安其政未暮而輒去是以不
忍夫字我則父母毒我則仇讐吾民初何容心
哉余聞之仰而歎曰嗚呼孔子所謂斯民也三
代之所以直道而行也信不誣矣於是思一識
公而未果十月之晦會于寓館話至曛夕洞見
肺腑觀其膺合義理其通經之士有以服砥礪
廉隅雖立節之夫有弗愧然公出于西陲豪貴

之曹宜以弓矢狗馬為心飲酒烹羔為樂而所
為乃解若是豈非天資之美有大過人者歟今
國家惠養元々簡賢登俊公又從方壯之年往
當任使則是行也將見居位日崇施惠日普宜
洋之民有不得專其賜矣

四字庶能與惠慈不由學問出天資閔河昔滯
來時限父老今深去後思雲關丹心行色動霜
臺華袞薦書馳殷勤試問洋民道絕後光前更
有誰

送薛仲章之憲司書吏序 并詩

有為己之學有為人之學知義理之當然必欲
有得于己孳々焉汲々焉老而不厭者為己之
學也惟利祿之要必欲求知于人營々焉屑々
焉終亦必止者為人之學也夫知為人為己之
分則庶乎可與言學矣吾友仲章自童年即從
事于簿書由縣吏陞府修飭勉勵未嘗過敗而
辱及其身直諫而克濟以和周慎而不流于冗
余既已敬其為人矣始邦之大夫不以僕為不

宵以禮延致，俾得與為吏者公暇而講授焉。仲章于儕輩中年最長，予惧其過時而學也不勝扞格之勞，未幾眾以事繁劇為解，獨仲章從予誨問朝夕，不解風雨不替，嘗戲之曰：「凡讀書知義理，則與今為吏者所為大不便，將若之何？」君對曰：「聖人所謂朝聞道夕死可矣。」夫死之與不便，輕重則有間矣。予服其篤信，既而益自庶苦，果齟齬于時，然終不以是悔而廢其誦習焉。今郡牧曹侯而下皆賢明，始異待之，而憲司選補

之檄遂至。眾咸以為宜，君見予辭去，以不得卒業為恨。予謂之曰：「夫學以致用也，子其尊所聞而行之，不為利誘，不以勢恃，惟義之為歸，此正為己之學，見于用也。」弟宜勉之。仲章再拜曰：「敢奉以周旋。」既退，書于錢別之章首云。

聞道莫恨晚，降心良足佳。愧予學未蒙，至子手重義。青燈風雨夕，澹然對空齋。於義云頗誦，於時乃多乖。行藏固有定，言議安苟諧。春風不相值，塊獨守枯荄。主人未肯肅，詎敢登賓階。憲府

偶公選幽光發湮埋既喜又禔別能不介予懷
今朝馬首東夢寐與之偕願言自勉勗進德期
無涯

送羅壽甫北上序

凡天下之事成于有志而敗于自輟者多矣是
以君子不以事之難易為辭而視吾志何如耳
木生于山雖硤确之甚必達水流於川雖迴曲
之多必東以其性專也矧人為萬物之靈得二
氣五行之秀者哉壽甫吾友自幼而學不為童

嬉值志讀書攻苦食淡二十餘年其發其文辭
固已晁然矣嘗被省檄職教南歧子弟從學者
皆彬彬可觀邦之大夫翕然尊敬之其所立固
不苟矣一日慨然謂予曰昔太史公周覽天下
名山大川誦業齊魯與燕趙豪俊遊發胸中之
瓌璋而文益竒蘇穎濱亦自謂恣觀終南嵩華
之高顧黃河之奔流仰瞻天子宮闕之壯嚴與
夫當世人材之秀偉而自多焉今我幸生明聖
之時四海一家惟意所適欲效昔人之遊觀開

廣耳目之見聞廓達胸中之隘陋安能局促塊
居此乎余應之曰子將止于游觀耶抑有為而
然耶君笑而不荅予曰子雖不言其意可知矣
夫有可用之才居無可用之地者君子之不幸
也無可用之才居有可用之地者君子之所恥
也吾子孳々力學求免夫後日之所恥皇々遠
涉思勝夫今日之不幸可謂有志矣嗚呼中州
無賢士大夫則已如有賢士大夫其必有合焉
則吾子之志不患乎不伸矣

送李壽卿之成都路知事序

客有為余言益為西蜀都會土地廣衍民物繁
庶其總治之府簿書期會財賦出入使傳之往
來獄訟之參決宜乎填委矣必得少年明銳辯
博通濟之士為之僚屬相與議論其是非彌縫
其缺失然後可濟不則敗事余應客曰子之所
言固然也以余觀之治末耳未及其本也凡今
天下郡國之事繁冗者豈特益耶其敗闕者又
豈特其才之不足耶是固有說矣夫居官者不

患乎職業之不修但患吾心之未正心正則本
立矣本立則事變之酬酢如權度之于輕重長
短焉而又勇以決之謙以出之勤以成之尚何
敗事之有或者不求其本而規之于事為之末
將見事未至而名已隳利未得而害已隨尚能
謀人之是非而補其闕失耶容欽衽曰余論偶
不及此也今友人李壽卿適為賓幕于彼款門
告別余因叙向者與客問答之辭書以為贈壽
卿信而敏和而文其往也將不負予言矣

送王同知詩序

夫良醫之診視苟非憤乳之疾不輕投以瞑眩
之藥但調和其五臟節適其飲食氣平疾自愈
矣良吏之政亦然下無大奸極弊順而撫治不
求赫赫之功去後人多見思興元少尹王君
美其人也中統間

朝廷以商廩二相重德雅望命宣撫陝西既開
府以經濟辟君為掾時軍國多務而以謹敏克
稱器使自此踐歷任路三十餘年更嘗世故練

達物情有非新進少年比及倖哉此邦安靜為
理悃幅無華徐視民而樂之不要奇功不釣浮
譽然自士大夫以及閭巷草野之人皆以誠篤
愷悌許之其去而見思可知矣既滿將代浩然
有歸歆却掃之意嘗謂人曰某是行也嘗歸老
于家徜徉太平之日以終餘年予謂君昔為商
庶二公所簡拔雖老未及引年而聰明未耗筋
力尚強其治人之術愈驗愈精与老于醫者無
異矧今日國任舊人之際豈無大臣之知君者

言而用之吾意其田園歸老之計猶未遂也將
行漢中之士率為詩以惜其去屬予序以引之

送張平甫府判序

惟人生于斯世克自樹立不碌碌為鄉里之常
人亦難矣又况才氣有餘橫翔捷出流光仕版
得行其志為時所稱道者蓋鮮矣總判張侯自
為吏時已蘄然不群及聯郎署聲聞愈藹繼而
僉判興元總府事愈自廉慎無少瑕類其上承
下接彌縫其闕和不詭隨正不激切發機則的

中迎刃而節解其才固有餘矣故僚吏亦相與
語曰某事之成也吾張侯實為之某事之弗濟
也吾張侯遠不與聞焉其為人信服蓋如此而
侯其中退然如不勝衣其言呐々然如不出諸
口初未嘗以此自多蓋侯皆常受知於左山公
所至必與名士大夫游其讚詠稱許積成巨軸
平居喜讀書手不釋卷陶染薰炙德性固空然
也今得代去是必將為時所大用以展其材則
其功業之美又將溥于漢中一方之施而聞望

之遐又豈期於一朝之著則前所謂流光仕版
為時所稱者蓋又不足為侯道也詩曰允矣君
子展也大成請出此以為行李之贈

何君實之孝友詩序

人之大倫有五惟父子兄弟為天屬之親餘以
義合宜人之于是必盡其恩愛之實有不待勉
强者然世之人徃々父子不相得兄弟為仇讐
甚則禽犢之不若者何哉彼皆汨于利欲而不
知反其天理而思之也明府何君實之孝友之

性發于天表純厚質直不事華藻始其尊公鑒
世之昆季以利相傾奪者而君之二弟又皆庶
出於是俾為老佛之徒冀以杜其患君既長慨
然曰吾豈以家資獨利忍同氣之憂陷於滅絕
之教歟乃悉召歸為之婚娶均產業為三恣二
弟取之餘一以自給嗚呼世固有為人父慮後
世之紛爭而為是甚不得已之術者多矣然豈
其本心也哉而為人子者能不以利滅天理使
友于之愛得其父之本心如何君者又不知能

幾人也今君手足具體墳麓協律天理根乎一
原春風徧于九族向其父甚不得已者毫髮無
遺恨矣茲非孝友之大者歟元漢中士夫之知
君者嗟嘆不足繼以詠歌集成巨軸余謂何君
之出宰百里又當充擴是心施于有政使民於
天屬之親皆有以盡其恩愛之實風俗還淳令
閭長世此又推己及人之功也敢僭以是書于
編端云

孔大使種德亭序 并銘

子盍親夫農之為職乎春耕而播夏苗而耘秋成而穫然後歲功成而無薦飢之患書曰若農服田力穡乃亦有秋又曰惰農自安不服田畝越其固有黍稷吁豈獨農也哉凡吾所以自治無不然也夫治心修身闢田疇也孳々為善播嘉種也懲忿窒欲除稂莠也如是而不止焉則熟而穫矣故曰積善之家必有余慶蓋言其效也大使孔君彥禮心地坦明性根純粹厚施而薄取富藝而約居住考工之職積有餘稔雖造

作星火而下無一言怨之者語及于君皆曰德人也今其身享安榮子孫誥々福方臻而未艾詎不信然君築亭于門右為賓客之次未有以名之部使者楊公純甫廡問漢中風裁嚴肅慎于許可契君為人為榜曰種德嗚呼公之意潔矣豈不曰君之先種德深厚而君獲之君益種之于身而俾後之獲之然則後君者其可不視此勉懋若農服田力穡以承于罔既于鄉之士蒲某見而知之為推原其意拜手而為之銘曰

百畝之田耘耔不力彼歲之終烏獲而食十園
之木毫芒弗植彼夏之艾矣陰而息人惟物室
胡不視此及求諸身以鍾厥美勿弃小善勿要
近功本根深厚枝幹豈隘衆人嘆：目前是急
開落榮悴飄忽呼吸載者培之理固昭然我作
銘詩俾世其傳

王仲平有鄰堂序

夫里仁為美擇不處仁烏得知吾友王仲平以
故止之樊陋篋于其南而築室為介于柏菴危

宰道夫少府二君子門墻之間可謂知所擇矣
至元甲午冬新居落成柏菴為字其堂曰有鄰
蓋取德不孤必有鄰語二君仍欲書以寵之其
予進可謂至矣一日仲平携扁二字請發其義
予以仲平脫履簿頌教子讀書又能卜居仁里
借明月之光資大河之潤是皆可尚因告之曰
夫所謂德者行道有得之謂蓋德不孤立以類
相從猶居之有鄰也子其務進修於是如葺屋
然爰始于基朝斯夕斯亦既考室丹雘終之既

然已則居之安居之安則左右隣里交相輔翼
苟悟此理與進德同不歎不棄及其久也則吾
之所居處莫非仁宅而由行莫非禮門義
路矣子其勉之余雖不獲託踪鄰近子其為我
持此文以附庸于二君子大國之作其不以我
為蒹葭倚玉則吾亦有望焉

送任士行後序

木生于大國之郊其挺正曼碩之材既已為棟
為楹矣而瑣細支離猶能為椳為榘松柏生于

蜀山之幽盤踞高聳負梁棟之姿而不為世用
何哉其所處然也漢中去京師僅半萬里僻處
一隅民俗淳厚士生于其間抱道而閑居懷藝
而不售者有矣豈非去天甚遠無大人顯者為
之倡歟任生士行鄉曲之俊選也一日叩門來
謁曰某雖不肖切謂人之為學將以有用也今
天下理平偃武修文某欲浮舟荆襄取道梁趙
覽江山之雄秀歷都邑之繁會以自開廣然後
北走京師覲國之光振趨當代之偉人以為進

退輕重顧有以教之且出諸公錢行之什僕讀
書塊居跬步不出踰三十稔聞之亦為之神躍
徐告之曰予視子之容貌舒、言語申、充之
以學問潤之以文宋年妙志美而堂上雙親猶
未耆艾挾有用之術振厲北游以當工師之矩
度時不可失幾不可後孰曰非空子行矣不然
亦將與蜀山之木為伍矣士行拜手曰請書之
因為書于錢章之末云

閑居叢稿卷十八



蒲道源先生閑居叢稿卷之十九

男 蒲機 類編

門生 薛懿 校正

序

送任士行從調京師序

夫達而在上窮而在下世固所謂命也然不能
盡人事之當然舉而付諸命是猶不耕耘而望
獲也其可乎昔子張以干祿為學聖人告之以
謹言慎行所以抑其好高慕遠之氣姑使之友

諸身以植其本而已至于使漆雕開任出疆載
質亦未嘗偏廢也士非天授天資警敏達于時
宜讀書請業聲譽甚洽又以今日語言字學

輩激昂北游至于果困是以名天府得
雋而歸為廣元郡學以悅其親之心以慰
其友之望大夫以夷咸易觀而待可

其謙卑謹愿之意常見
以是多之秩滿送調京師
入京也君嘗以鼓之氣今
有請也余

曰吾子向言行之美學之富不階資序舉
之初猶足得志况今齒命士之列盈科
而進涉級而升固其宜也千金之璧大賈
所見收合抱之材良工不忍棄子其曳裾公卿
之門接跡豪俊之武必將有鄭公推轂文舉飛
荐其達而在上何待龜而後知耶尚宜自勗俾
凡吾之植其本者不急則後日之見於用者亦
無窮矣

送南鄭尹李仲堅序

之士所以名當世而垂無窮

乎官秩之崇卑也昔陳仲

長元德秀

魯山一令而流

時為公為卿者及有

愧焉明府仲堅之尹南鄭庶

明恕施設措置

深得百姓心故其在官之日和氣藹然休徵亦

至實有古循吏之風秩滿言還郡侯牧之長游

從之舊下逮田里父老牛童馬走稱道咨齋或

惜其去或謂余曰世之得美仕者必積以歲月

之考而居官之日善蓄其後待選之力干謁

求荐然後如志今君不屑為此奈何余曰仲堅

平昔讀書則夫所謂求之有道得之有命者豈

不知耶昔衛石駘仲卒有庶子六人卜所以為

後者曰沐浴佩玉則兆五人者皆沐浴佩玉石

祁子曰孰有執親之喪而沐浴佩玉者不沐浴

佩玉石祁子兆衛人以龜為有知也今

朝廷之上良公卿之多豈無一人如石祁子兆

則仲堅前步之遠又豈待蓄力求荐然後如意

哉矧余所謂名當世而垂無窮者有不在是也

NTR

圖書

香

NATIONAL CENTRAL LIBRARY TAIWAN R.O.C.

君其勉旃于是大尹山公及漢中之士咸以詩贈余取邑氓之意以補一章云

我居之晏兮我賦之均明府之去兮其如我民天之雖高兮為聽則卑君之善政兮天奚不知歸嚮送孰能留之好音時至慰我懷思

送陳洪道後序

夫以外觀人而不求其內不足以盡天下之才而適以滋天下之偽不幸有端章甫而非士服黜婁而實賢者苟不能辨之不幾乎寶燕石而

棄荆坑之璞歟陳君道洪內之有者也幼丁多難隸道編為老氏學不惑乎方士之言讀儒者書樂就夫有道而正其趨向之端操守之為可尚也嘗謂生際太平身無羈累與其塊獨窮居曷若周流四方意行而身隨耳聞而目擊者乎於是今將舟適荆吳陸走兗豫拜曲阜聖人之居謁亳都太清之境以償其平昔之願吾黨之士榮其行叩清商之音而錢之鏗錡累幅梅隱翁以師友之厚序冠之首辭首曲備茲不復

贅然猶恐人之視君不求其內列以為黃冠者
流也故畢其說

賀趙伯儀總管拜忝詩序

嘗歷考名臣載籍其宰相執政父子繼世而為
者有之兄弟同時而命者有之至于父子兄弟
俱為者則罕矣非積德累功之厚天未歆其報
者其能若是乎竊惟忠愍公以勤勞忠盡受知
世祖皇帝擢為執政俾相親王直道不回夷險
一節至以身殉

上聞震悼天下惜之公五子皆錄用參政公為
長以德量勝三為名藩皆有政績稱頌及移興
元總尹某始克拜識焉端莊魁岸儼然可畏即
之則愷悌樂易如春風和氣中接物治民皆根
於此信乎為良二千石也

今上即位登庸勛舊擢公中奉大夫西蜀四川
行中書省叅政公之弟榮祿公再以德望為
國柱石由御史中丞拜亞相今領

太子詹事其他皆為朝貴清望官一門冠佩之

蟬聯榮戟之交映嗚呼感我此豈非積德累功
之厚天未厭其報者歟公既拜命視諸平昔無
錙銖驕溢氣見于顏面蓋其位愈崇而德愈謙
寵愈厚而心愈約傳曰文子其中退然如不勝
衣其官啞然如不出諸口所以為賢大夫也
余以是知叅政公之福祿未艾宜矣吾黨之士
可進而賀矣於是乎書

送趙叅政之蜀省序

叅政趙公寬弘重厚凝然有公輔之量公為興
元總尹五朞矣在官一以安靜不擾使人樂其
生務為不邀近功取赫々名故初終如一然興
元民貧役重公每歎息有不可專革者

今天子即位之元年黜陟一新由是公自嘉議
大夫興元尹陞為中奉大夫叅知蜀省事凡邦
之士君子莫不歡忻踴躍喜公之得柄用而里
巷細民亦莫不齋咨戀慕恐公之遽去或以問
愚、謂細民專以懷惠宜其齋咨戀慕如此其
士君子非不惜公之去然志其遠者大者莫公

坐鎮蜀省俾

國家無西顧之憂然後

簡拔疇咨入

調元化比迨舉夔使天下被其澤則興元斯民之利病公向之欲為而不可得者庶乎可為矣斯豈庸人所易識哉公行苟知詩者咸有所作請題其首因盟手為書之

夾谷時中考行詩序并詩

人之行莫大於孝故聖人著之為經先王順之為治教由此立俗由此正大哉孝乎堯之時師

錫帝舜乃曰克諧以孝自漢以降有孝廉之舉我

皇元治教之美比隆唐虞德音屢下未嘗不以旌表孝子順孫為務綱常之道感發興起者不無其人夾谷名時中沔國忠靖公之孫宣慰公之子生於武弁闕閤之家乃能杜門不仕勤循禮法孝養慈闈不離左右潛澹未嘗有闕親或微恙躬奉湯藥順意承顏曲盡愛敬既久鄉里知之朋友信之眾具其美狀聞於侯牧侯牧審

覈其狀上於省與部宗伯以為合著令下守土者旌表之僉曰噫我是孝也為人子者克盡其職當朝政者不失其賞補益風化誠非細事或謂公雖以孝行稱未至如穎叔舍肉季路買米剖冰求魚行傭供母之奇節僕曰不然夫處優游無事者其異罕聞當顛沛患難者其節易見人有膏粱紈綺之資不以濟其欲汨其心者寡矣而君宴然自守不慕乎外使其親無毫髮憂愁不足之意豈易得哉設若不幸而同于古之

患難安知其不出是也雖然慎終如始則所當念傳曰孝者所以事君也異時求忠臣于孝子之門尚或見之故叙其事以為贈仍繫以詩
八十怡愉鶴髮親子能承順一家春
斑衣堂上歡顏舊華屋門前表額新
通國此時稱孝行清朝他日訪忠臣
我知是舉誠先務薄俗從今復
變淳

送洋州達魯花赤序 并詩

昔周之成王命君陳代周公尹東郊其命辭首

曰惟尔今德孝恭惟孝友于兄弟克施有政盖
人能孝於親然後能忠於君而施於政自兩漢
而下猶舉孝廉為郎後世設科取士尚德之舉
寔微然民彞終古豈能泯哉我

皇元治復淳古德音屢下未嘗不以孝子順孫
旌表激勸為務今洋侯也速達兒者果能以事
親恭順父喪居廬負土成塚孝感致異監司連
帥上其事大臣以名聞

天子嗟异詔國史特書旌表起白衣授五品職

而勸獎之侯既之洋部感激知遇砥礪廉隅求
民瘼而藥之郡以無事嘗出郊勸課相原隰之
宜築堰瀦水溉田千餘區昔之蒿萊化為杭稼
民俗履其獲食用饒足感侯之惠像而祠之碑
而頌之又以其餘隙招延儒士擇民之秀者時
誦辨焉駸々然古循吏之規模矣豈非移孝為
忠之驗與侯之始至與僕一見如舊識雖相去
百里政聲所及如在境內今得代言還撫其實
而贈之雖然侯之所以顯親揚名者固不待僕

言矣其慎終如始者君陳之事業有辨於永世者尚其勉之故序而繫以詩

仁居四德先孝誠百行首為仁本於孝施政亦何有違哉洋郡侯至性自天牖事親生盡瘁送死慎無苟哀、蓼莪思墳土杯以手淚枯廬畔松孝感格高厚大臣以名聞帝曰咨汝某方之傳類中此事誠寡偶表閭乃當然信史垂不朽擢授五品官銜署長太守列官益奮勵大恩寧忍負養民護萌蘖除弊去根莠律身公且廉貨

利非所有遺愛編州祇播頌傳眾口立祠儼生像奉祀猶父母一朝得代歸涕下垂白叟六年稔知君顧我敢輕友惟茲秉德心終始願恒久無或瑕玷微令人議瓊玖

賀夾谷中立副使得子序

源泉之水疏導之則流愈長盤根之木培壅之則枝愈茂理勢然也中立副使夾谷君乃忠靖公之孫宣慰公之子也簪纓世胄閭閻名家而能脫去綺紉膏粱之習與賢士夫游一日過余

言曰某言踰不惑傳嗣未見而祭祀之際顧後
孑然未嘗不怵於中堂上慈親歲時宴樂興言
及此色為之不怡雖冊舊間亦為某慙孟子以
無後為不孝詎不信然自恐得罪于造物以致
是凡濟人利物之事必汲、為之行路之中有
濟出已錢二千緡為橋以濟病涉者兼覆以屋
且使得憩焉其志善之一端也未敢以是為足
今天宰相之舉一子息胸中之憂漠然冰釋子
以為何如余應之曰夫人之後有無雖關於氣
數然君之祖宗積累如此君又承之以不怠則
予泉木之喻蓋以此也雖然無所為而為善者
始勤而終怠固有所為而為善者始勤而終必
怠夫已之為者既有作輟之殊天之報者必有
厚薄之異君其勉旃俾此心勿替將見後人之
蕃衍昌大有不期然而然矣

送錄事司鈔軍差序 并詩

能吏之政久則民信、則服而百事舉其弗能
者久則民斲、則弛而百事廢興元錄事司之

長鈔君其為人聰明而不苛質直而有斷自始
至及代歲歷四考紀綱之立如一日或有告不
出成案殷積必待其出始能決總治之府所委
事視他官為多司事畢舉吏民皆敬愛噫非人
之信服于君由君之操為有以信服于人心者
如此茲非能吏之政欤今

國家用才咸錄其長僕因君之行特撫之而表
于錢章之首云
太剛則折柔則廢寬猛則云要相濟美君不學

天性能綱紀始終無少替漢城為政十餘年畏
愛人心一日然飛黃騰踏合萬里久繫于此真
堪矜君行我亦赴史院分手應難數相見更期
勉力效前修他日附書循吏傳

李節使松溪園詩引

古之名流滕士寓意于一草一木豈偶然而已
我陶翁之喜菊周子之愛蓮子猷之植竹和靖
之賦梅蓋以其有隱逸之節君子之德風致之
雅標格之高而此數君子者其心術踐履流風

餘韻至今猶可想見茂卿李侯質實劉方老成
忠厚自為御史日風節凜然聞于四方及守洋
郡得識芝宇予始觀其容貌高古有昇霄聳壑
之姿暨聞其持守不渝有歲寒後凋之操今移
守鳳其州當往來之衝而侯老矣起歸與之嘆
以其自稱松溪寫為圖以見示橫琴于膝坐古
松之下環以溪流見之令人塵慮都忘然則侯
之有取于松蓋與昔人異世而同符也若夫松
風之條然溪水之冷然寓之以七絲寥々乎游
心一太古之前其一唱三歎之意賞音者尚能
為戾賦之

送國子伴讀王時清歸覲序

前二年春僕以代祀嶽瀆謁祭西鎮次隴之沂
原其邑長王君以職來候從容言及其子讀書
國學僕以為秦隴俗尚武而王君乃能若是心
甚敬之及還原師有生持詩叩門求見問其姓
名復曰王時清知為王君子也其貌臞然而清
其言藹然而和觀其詩警拔可喜自是數与相

見往々于其師友間又聞其純謹能文章一日
以歸覲告援贈言之例為請余謂之曰
國家自設胄學以來名卿才大夫多出其中班
班可數今則索然未之聞也豈教養之法不逮
于前耶將人才之盛衰有時耶抑有其人以未
庸而不顯耶皆不可得而知也

今上方嚮儒復科舉取士法而二三大臣亦皆
仰体將順汲々為以求才為務子歸矣省覲之
餘無懷土無廢業愈自奮勵厚蓄而時發之上

不負

朝廷樂育之盛意下以副賢尊期望之本心俾
胄學無乏才之謂將必有成矣子其勉旃時清
日唯遂書以為贈行之序云

送喻提點西歸詩序

今之為民者六老佛之徒實天下之幸民也蓋
其為民無賦役之供王者之係忘其所之無不
如意然其間往往有超卓通世務者其徒相與
推為綱領挾是而游于公卿大夫之間而取重

爲提點喻君可道其一也君在漢中居老子福地號玉井洞天白雲觀者凡兩職其教遠朝廷以二教不必設官例免閑居一日辭余北游因謂之曰子得非以中原古聖賢之遺跡山川人物之雄秀京師

天子所居宮闕之壯麗衣冠之都會民俗之富夥車馬之填塞欲游觀欤君曰是固然也然吾則有爲焉昔吾与秋谷秦國公有里閑陪從之舊其先正韓國忠獻公吾童時所拜事者公捐

館不得預弔哭之末今聞將葬庶得一往會送焉又不意秦國勲烈如此欲觀其風采氣度視昔何如與爲終老之別耳余聆其言美其意皇慶二年春余以史館召至京師既相見勞問徵前言皆信且喜所寓密迤時得与話以忘其羈旅之思延祐改元之三月告予曰某不佞得秦國公所昧前

掌教宗師錫以法旨紫衣予允從而登寶殿祝釐者三列長春拜醮者二今宗師復以提點之

名見寵於吾儕中斯亦足矣將歸吾樓之白雲
觀閉戶日誦老子奉香火以無忘

聖君生之德余何求焉余謂君真幸民中之
尤幸者然其來也能因不失其親其歸也有知
止足之戒是可尚也已翰林諸公咸有詩以贈
以余為鄉人而知君也俾題其端云

贈目科高敬言詩序

人之有疾幸而得不死不幸而遂至于廢者莫
如目蓋疾于四支有所偏廢猶不害于一身之

全至于喪明雖良平不能施其知賈育不能致
其勇行則張、烏坐則兀、烏相連左右顛仆
隨之吁可哀也有能已其疾者是使漫、長夜
之人復青天白日之快觀其為德不既大矣乎
高君敬文祖汴人兵後占籍咸寧業醫專目科
挾其術游京師病目者輻湊其門日無慮百數
君一、視候究其源委或針或藥咸造厥室貧
不持一錢者亦殫其能善其藥以療之獲十全
之功于是名喧都邑公卿貴家邀致極多所酬

亦腆君善攝生飲食淡薄葷辛醃醢絕不入口
由其能以己之所得者教于人故其所治必愈
由其薄于自奉故有餘力以蓄善葯由其急于
濟人故勤益至而技益精嗚呼使知讀書以得
位則其益于世也為如何哉翰林諸公美契其
能而且好文也詩以贈之予特為書其治目之
功切于人而君之為醫利于物者冠于篇端云

張祖母楊節婦八十詩序

天之所以昇乎人者之所以全其天二者相須
然後可以言福吾於張宅祖母楊氏見之祖母
自歸張氏端莊婉順年三十不幸失所天幼勞
立家專一教子屹乎頽波之砥柱凜乎歲寒之
松柏其節有如此者聞四十年閨里高其志上
其事始得旌表于門至是年八秩矣耳聰目明
行忘持杖怡愉雍睦子孫環侍春風生於蘭室
暮景駐于萱庭可謂有壽善康寧之福矣子恭
用博學能文以其兄提舉君早世不忍去母左
右終身不仕孫亦知讀書長子壻吉寬甫今為

湖南憲使次子昏吳君祥亦佳士門楣之光表
裏輝映寬夫之子投書即希曾類楊氏家庭之
實來請曰外祖母初度在途觴豆之餘無以致
殷勤者希曾昔忝翰林送事敢旬諸公篇什以
為介壽之獻幸為我序之余謂楊氏向丁艱苦
而能淑慎其身以有今日洪範九五福以攸好
德列于一惟知此然後能全其天之所畀者不
然雖有壽康亦不足錄諸公教之以詩則太史
公之所謂沐浴膏澤而歌詠勤苦者斯亦近之

矣

閑居叢稿卷十九



國家圖書館, NATIONAL CENTRAL LIBRARY, TAIWAN, R.O.C.

中華民國

蒲道源先生閑居叢稿卷之二十

男 蒲機 類編

門生 薛懿 校正

序

節婦郭氏詩序

生民以來原于夫婦故易之上經首乾坤下經首咸恒詩以閔雎為正始人倫之重莫先于此世降俗薄富貴貧賤死生患難夫婦不克終者多矣典籍所載共姜守義敬姜秉禮下逮史傳

暨劉向所錄所以維持世教者讀之使人歎息
不已洪惟

國家激勸節義屢形

詔旨俗歸于厚史館餘暇有以節婦詩卷求題
詠者歲不下十數間或歎之然以其係風化所
關未嘗不勉應其請今蜀之成都縣曰雙流里
人白應元妻郭氏年二十五而夫應元亡一息
終五朞郭氏貞靜以植志初勞以撫孤家庭肅
穆如夫之在也舅姑怡愉忘子之感也強暴莫

能奪其操巧諷莫能易其心始終不渝皎若玉
雪舅姑各八秩以天年終奠禮如礼年踰五十
族黨信其義鄉人稱其德長社者率鄉之父老
狀列其行事聞于有司有司上之蜀省得依令
式以表焉其孤子申不遠數千里來求門旌之
字于今之翰林承旨唯齋劉公且請序其事於
予曰某不幸早失所怙今而粗立皆母氏能安
其室育養教誨之力也恩無以報敢以其閨門
踐履之實求當世聞人筆之詩文庶可以光于

時聞于後僕竊謂古之貞烈其事固可傳也幸
遇當代名公之作者願予曷敢當然以其母之
節子之孝有助于綱常而不忍辭也為序于篇
端云

送趙君錫赴秦州幕序

余憶兒童時與友人趙君錫通家往還君錫
幼穎悟屬對應殺滿座稱善既而又以詞賦有
聲流輩推讓莫敢與角貨雖奇然時方不售年
及強仕翰林學士楊公純甫以憲僉蒞漢中愛
其才拔為府史以年勞被省檄遷德順州幕職
延祐二年余自京師以代祀獄瀆馳馭過家時
君亦以秩滿歸漢中相見握手道舊而別今年
春余由國學得告歸不幸丁艱屢見君其老態
益新貧則無異于昔嘗慨史傳中士多不遇于
時乃今于君錫見之君錫齒方壯工文藝時從
仕者惟以吏進以是齟齬令設科取士之法既
行則君錫老矣不肯俯首就場屋與少年者較
一日之長其自德順歸閩已數年不復有仕進

意充然無少戚容真無愧古人之不遇者且余
為翰林屬翰長有知君者力用奏用以去位不
果噫非命歟今復有秦幕之招貧与老會欲不
行復不能不行且徵余言以憂戚辭不可余謂
君平日讀書其于贊助州政療已民瘼奚待余
言直書其所抱負出處以告夫未知君者慎無
以碌々州從事遇焉斯可矣

雲溪草堂序

古之人無時無處而不學亦何暇居安之求哉

然學須靜也苟鄰于闐闐塵囂之間則視蔽而
聽墮心煩而慮亂亦無以理其業矣陳君舜叟
陝士之翹楚者客游江漢持闕中諸老書來訪
予愛其容止舒徐辭令溫雅及一再見作而曰
某不佞竊有志于學出陝城之西不數百舉武
有田索水之上構屋以為讀書之所旦暮之變
其氣諳然目之曰雲溪草堂之前後左右樹
蘭於畹種梅于崗菊以徑竹以軒取其草木之
幽香隱德者而又瀕溪有觀濶之石積土為舒

嘯之臺研究之際周行而登覽為大河經其北
太華中條雄峙環擁其翠可挹實天施地設之
偉觀非敢以自誇詡也請為序引得以開發為
予謂山水之樂仁智者有以取浴沂之樂言志
者所不及蓋非以事游觀而資佚樂也抑以察
夫天理之流行而外物不可移奪也今舜叟雲
溪之攝動息有處節宣以時予以潛心焉予以
放懷焉其視闡闡塵囂不可與居者則其所學
或由是以進益与若夫天理之流行而外物不
可移奪者將有得矣于是乎書

義士李德鄰序引

周禮大司徒以六德六行六藝教萬民所謂德
者行道有得於己之謂行則驗諸行事之實而
藝又有餘力而後學者也蓋古之秀民皆出于
農必教之以是三物其成者以賓興之禮薦而
用之故詩曰攸介攸止烝我髦士大德則尚矣
藝則居其末故觀人之法于六行尤切焉謂考
友睦姻任恤乃日用當行之理苟于是而或悖

則有刑以糾之此古昔人材之盛後世所不能
及然天理民彝終不可得而泯者奉元之屬縣
曰臨潼鄉曰好義李姓德鄰其名者乃今見之
其為人也必殆庶乎母王氏年踰八秩甘旨滫
澠之養定省溫清之節無少廢缺其終也廬墓
毀瘠哀感稱其服宗族鄉黨日以孝弟人無間
言歲飢散所蓄粟麥千二百斛折貸券二千五
百餘緡周恤之多有不可計里人上其事有司
覈其實旌門曰義士既又創駟山書院為屋若

干楹延師以誨凡弟子之從學者割田二頃給
其廩饋由是觀之所謂六行者顧不彰且明甚
矣乎

詔條設取士之科以行實為首則君為無愧矣
惜猶拘于時文之末習弗得登仕版以展其蘊
推其有諸己者以及于人然天與我之良貴又
豈以用舍為輕重哉余于君蓋未嘗識奉元周
君文振以府史調興元見余極口稱道君之善
句序引欲求當世諸公之作贊詠其美越二歲

徵其言信始克為之且以明夫古之士出于農
而必考其實行云

題牛叅政秋日桃花詩序

物有及常而當論其妖祥者有不必論其妖祥
者蓋視其多寡輕重之差耳如墮霜不殺草李
梅實聖人筆之于春秋是論其妖祥者及夫一
物之少異不必論耳今叅政牛公所賦秋日桃
花是也夫桃之為物其始華見紀于中春之候
其色夭夭其葉蒼蒼其食黃然見詠于詩人之

辭此其常也若乃嚴霜肅殺之秋或一二見于
搖落之捺其造物机緘呈露發泄雖不可詰猶
老人之見齒復生烏可人而求之哉觀其如
降謫之仙妹流離之姬妾使人疑似于武林之
遊彷彿乎天台之遇政可供樽俎間一笑云耳
蓋公於寓舍得此遊戲翰墨于詩其清新豔麗
正如昔人論宋廣平鐵石肝腸而吐婉媚之詞
者命余序之余謂天下之事有政有權又非特
若此一草一木而已顧處之何如耳并以此書

于篇端

農桑輯要序

虞書六府一乃穀洪範八政首曰食蓋生民以
為天有國之所先務不可一日而後也宣尼語
冉有以富之而教言上之人使民于力田畝是
以仰事俯育無至飢寒然後暇治禮義風化可
行由此觀之誠乃王道之始三代之盛曷嘗不
以養民為致治之本歟
皇元建極神聖相承一以仁覆天下

聖上欽明無逸尤知稼穡之艱以農桑委大司
農丁寧勉飭猶恐行之未至爰命宰執擇能吏
楷正農書溥覃率土教以種養之方期於家給
人足與克舜命后稷以播植其揆一也主者頒
于郡縣城固達魯花赤黑閭公時領農事謂同
署曰此

聖天子惠養元々之善政天日煥然使民家有
是書則耕者盡地利蚕者富繭絲不待春秋巡
督而勸課之功以具于目前矣豈非事簡而功

著者乎縣尹康公簿尉文寶二宰共成其志資
以俸金鳩工錢梓不踰月而告畢僕忝聞議論
之餘輒序于後作收之良有司皆以誕敷

帝德左右斯民為念則于萬世太平之治未為
無小補云

薛景仲梅坡詩序

夫大鈞之播物貴而為人微而草木其間美惡
未始有異也故屈子之蘭周子之蓮皆以此君
子良有以哉薛君景仲世本儒素隱老子法中

天師留國公甚愛重之書梅坡二大字嘉寵其
號蓋梅之為物儔蘭蓮之氣味友松柏之歲寒
西湖之詩以咀其華商巖之羹以取其實疎影
暗香之妙語有非凡草木之所可承當者今景
仲清標凜若道氣藹然留國贈之非溢美景仲
受之無慙德當其風月之夕霜雪之辰曳杖梅
坡集古人詠梅之作擇其尤者譜其轂而歌之
其于神仙何遠之有景仲以為如何梅坡手軸
諸士夫多係以詩且求予文俾題其首

送學正王秉彝詩序

歐陽公謂胡先生門人皆循々雅飭其言設舉止過之不問可知為先生弟子識者以為知言而程子亦云安定之門人徳々知稽古愛民矣則於為政也何有夫胡先生之誨人固為有法而為其弟子者亦可謂善學矣矩菴先生教授閩中士夫翕然從之其名徳雅望著於朝端播于當世而愈自謙抑退然如不勝衣見之者無不心服興元儒學正王君秉彝佐學職于茲三

年矣恭恪矣順形于辭色始終如一詩所謂溫溫恭人惟徳之基者余因以異其為人及詢之乃出矩菴之門信矩菴之教無愧于胡先生而秉彝亦有肖于胡之門人也雖然余猶有望焉夫秉彝之費于門者既已如此而存諸中者余固不敢以器測蓋學之為道必表裏交修本末備舉不可偏廢則願以歐程之言合而現之若夫循々雅飭不問可知者秉彝之所已能學問思辨以為稽古之實舉而措之愛民從政使如

有源之泉有根之木流長而葉茂則庶乎得矩
卷之全体矣泰定丙寅七月初吉告子有奉元
之行求以言贈書此遺之以待它日之徵也遂
以為餞章之序云

送蒙古楊天立序

士之所以得行于天下者惟忠信篤敬而已蓋
能盡己之心以實無偽厚而不薄恭而有礼以
此接物以此處事何遠而不可哉聖門教人亦
本于是而已舍此則必為詭、強笑語沾、而

取容初未必不悅而合也久則真態呈露不復
可掩人鄙賤之不齒于正人端士之流矣天立
楊君以國語字學貳其教官於漢中五年於茲
無穀祿可守不見其有戚、容路候委以事不
亟不徐辨其得宜所至無一人怨之形于言貌
非忠信篤敬能如是乎其遠大器業從可卜矣
一日辭歸以贈言例為請僕謂如君所操守尚
何以言為然不欲虛其請姑以其所能者為贈
願益加勉焉又以告夫未識君者試以斯言驗

之然後知余之不妄許云

送總尹王信夫東歸序并詩

古之循吏至今首龔黃及觀其傳初不求赫赫
名但民便安其政而已興元總尹王君信夫下
車之始首來訪余言發軔于國子生以余嘗為
國子博士雖前後不相值執禮如師生久而觀
其為人而立崖岸不設城府一于誠而無他其
治民也如良醫之療貧子之疾惟審諦其脈證
弗銜鬻其藥劑疾已無所求可謂古之純篤君

子今之循良之吏者歟同僚有掣肘齟齬侯不
與校旁人視若不如意侯曰我若爭胥吏必受
困但和以濟吾事可也歲旱侯視堰水湍駛不
能措手乃地傍地開渠以殺其怒有一役者于
土室避役遠土崩不救遂藉此欲搖動侯卒無
所得至今修堰曰所開故道以成功他類此不
可枚舉及各終更彼則氣焰銷鑠手足呈露或
遵指斥隱忍不敢喘侯則澹然如平日百姓皆
曰吾之父母也其古之龔黃亞匹歟余素不喜

溢美諛辭必試而後稱今稱也不於侯是誰歸
遂詩而序之

下車首相訪執禮甚早謙布政

國恩渥持身家法嚴細民歌愷悌黠吏服清廉
掣肘雖遭忌公心不避嫌方安千里寄已作四
年海舟送歸程遠杯兼別恨添交游分去住蹤
然異飛潛矯天南北書來慰我瞻

題憲使李行簡樂閒堂詩卷後序 并詩

憲使李公行簡與余有鄉曲之雅故余知公為

深始公起身即踐清要繼為侯收理財賦其善
政良美無愧古人逮陞憲使則能鎮靜南服未
及引年一旦謝任而歸杜門却掃以蜀為樂土
遂空居為終焉計去城一舍而近買田營墅游
息其間自號樂閒天厯戊辰遭時弗靖蜀帥張
兵威脅眾令附已亢浮沉宦海者多為詿誤獨
公澹然與世相忘已久無纖毫染汙此真樂閒
之驗也公又有佳子弟養志之餘蒔花植竹築
亭引流以廣其樂閑之趣則斯樂斯閑天寔相

之公得專之交舊又信而紀述之以成巨軸命
其子不遠千里寄示意欲尋樂閒之盟于我可
無言以與君同好也哉獨恨未得陪杖屨以涉
樂閒之境姑賦其中所有四評以供杯酒間掀
舞一笑云

九折流杯池

九折我流觴九折彼叱馭勞佚雖不同亦各有
天趣清真王會稽命客賦詩句不如醉忘歸天
下何思慮

翠香亭

幽塘首夏時田、壘新翠不用薰水沉清香自
入鼻高辭鶴鷺行來看龜魚戲雖知子非我其
樂初無異

晚香亭

霜風正搖落金質綠為裳繞籬三嗅之擬英泛
我觴主人與此花歲晚節愈昌陶翁已十載尚
友不相望

曲肱亭

聖師樂何事富貴浮雲同君今解組歸寤寐思
所從恍然若有得卧聽竹牕風狗苟蠅營者知
誰是夢中

題興元路長僧傑的家藏槧枯子所画

羅漢卷

浮屠氏之阿羅漢蓋學物而未者故其降龍伏
虎浮杯擲錫入定觀想積精之至皆得物之粗
猶孔門之有七十子余寓京時於祕省得觀唐
僧貫休所画十六相說異殊甚今興元路侯牧
之長宣差公事物甚謹僧槧枯子遂作手卷以
獻之雖非貫休比亦得其彷彿公俾予題其左
予於浮屠書罕讀不盡究其說為下一轉語曰
過去未來非我知開卷觀之即見在主人彈指
起敬心便是應真無挂礙既題復歸于公使藏
之

李錄事祈雨有感詩序

誠者真實無妄之謂非有甚高難行之事而人
鮮能之興元錄事恭軍李從任蒞職于茲其應

復授給承奉委曲皆所長至于不督責而政行
不詬言而民信拙于表襮守其慈實蓋質之近
乎誠者然也元統乙亥夏五月旱氣蘊隆吁嗟
求者未臻感應豐凶之决近在旬日君聞南山
之陽幾及絕頂有靈泉焉於是齋素因首徒步
陟其所而懇于神乞斗水貯於罍迎歸城中
安置道宇暖食不復歸夙夜為百姓請命精誠
之至翌日雨至始則霖霖既而滂沛越三日遠
通鏡洽稻之秧者可插木之槁者復興種之播
者悉出土之塉者可耕化飢饉成飽飲改愁嘆
為歡娛上分侯牧之憂下慰黎元之望四民鼓
舞美君之功雖充滿勃鬱于心不能形容發揚
于口假能詩之士以贊君之萬一仍請予為序
引余謂至誠可以通神明貫金石全体于誠者
固不得而見至于一事之誠而能動者苟非君
之篤實其孰能之可不謂誠乎眾曰然遂以此
序書于篇端云

洋州太守周子仁送行詩序

日余伏田里教誨童稚雖無干仕祿意然天下
凡名公鉅儒必問其家世及行己大方與所著
述文章于人於是知金源末庭試為首冠王公
百一者我

世祖隆盛時寘諸翰林為學士承旨鴻文大冊
多出其手厥後其子字子雄者亦直禁林父
子輝光焜耀相照余以皇慶癸丑忝被驛召為
翰林末屬去公時已二十餘年得觀所謂視草
者於是公父子聯珠合璧之文皆在焉得寓于

目所恨不獲望見眉宇待執几杖延祐庚申余
以母老得告歸繼丁重哀閑居十餘年不復出
一旦於興元總尹王君信夫座間始見武康守
周君子仁觀其言動容止有故家流風餘韻心
竊異之未暇詢焉君他日詣府計事執禮來訪
酒一再行遂傾底蘊道宿昔然後知王公承旨
乃其先世之姪姪子維則周出也自洋之士夫
來訪者語及君咸曰君非獨此而其守身清慎
撫民愷悌天性使然余益歎服焉屢會情愈密

愚告曰某瓜期已迫將歸矣可無言以相贈歸
裝雖輕倘獲不啻為九鼎大呂之重矣蓋余自
識君所與設絕無塵俗利欲語非論京師衣冠
之世族即商確文章行實之源委或繼以憂民
困窮而自歎其莫之能恤也嘗謂若人譬猶太
廟之琴瑟雖不作而拂拭其矜徽亦可以適人
意如三代之鼎彝雖不用而辨別其款識猶可
以慰人心君之歸併掣以往寧不使人惜之而
悵然于懷耶諸士夫或有奉餞之作既成以余

宜題其首

秋江競渡詩序

秋水時至百川灌河雲濤際天望而可駭於斯
時也非決性命而鬻聲利者孰肯寄身于一葉
之危以僥倖于萬一哉庸詎知不有超世獨立
之士憫笑於其旁耶今觀秋江競渡橫幅雖西
師所作意未必出此然感於予心者不能自己
河東陳君某喜讀書恬于勢利以貧而任老為
興元總幕職不汲汲求進蓋非競渡革之伍以

此卷求題評設書教語以歸當公餘無事明瞭
淨凡披說細繹想亦有所合于其心也夫

閑居叢稿卷二十



蒲道源先生閑居叢稿卷之二十一

字說

王思進字說

男 蒲機 類編
門生 薛懿 校正

王生既冠婚猶從余學一日具禮前請曰某以
幼命名不合于義類願先生與易之庶幾緣名
求義以自勉是亦教誨之一端也余嘉其意謂
之曰汝以我一日之長而揭之然以從我也

得不以所聞告子語曰譬如為山未成一簣止
吾止也譬如平地雖覆一簣進吾往也夫為山
九仞以一簣之虧則前之功俱廢矣雖坦然平
地自一簣而往則後之功可望矣此非由乎人
哉易曰君子以自強不息記曰有弗學之弗
能弗措也故聖人惜顏子之能進責冉求之自
盡其意亦可見矣子其早夜思之必先立其志
由學問思辨篤行以求至于至善如居偏方欲
達中國問道所由行而不已安有不到之理若
營之于競名躍之于趨利苟目前之快自以為
得進之宜則非子之所望也生能以是思之則
他日成就詎易量哉生曰唯遂以簣為名思進
為字云

劉德用字序

劉氏之子始從學于余惟以小字稱近欲載筆
習吏業具禮前請曰某幼蒙先生訓誨今年及
弱冠而名字未立同儕稱呼者以為憮願有以
進而教之余觀此生於其昆仲間頗醇謹可教

為名曰懋以德用字之蓋取商書德懋、官之
語懋者何勉之、謂也勉者何勉于德也人能
勉于德則上之人亦以官勉之也昔子張學于
祿孔子告以言寡尤行寡悔祿在其中矣人孝
於親弟于長忠于君信于友行是數者以類而
推修治勉勵必使有得于己則實行無愧令聞
藹然求為時棄得乎德用名字之意如此尚勉
之哉

解推官四子字序

府推解君四子曰榮宗榮祖榮德榮仁長與次
則壯有室矣榮德以下年且弱冠從余問學一
日府推君過予請曰某四子名而未字敢請予
不容辭敬奉其字榮宗曰伯華榮祖曰仲顯蓋
取古人所謂增光祖宗孝經立身揚名以顯父
母之義榮德曰叔章榮仁曰季元蓋取書天命
有德五服五章哉易元亨利貞為仁而居首
之義夫字者所以尊成人之道而美其稱也能
不恃所稱之美思惟其義以充其實則善矣

榮宗更曰伯敬取禮大傳尊祖故敬宗榮祖一
字曰仲修取詩無念爾祖聿修厥德榮仁一曰
季從取孟子仁義忠信此天爵也修其天爵而
人爵從之

謙德操字序

凡物之至堅者莫如金石金之堅火能鑠之石
之堅水能泐之如是則堅果不可得而恃耶曰
然也質之堅如金石者猶不可得而恃矧吾所
謂道心惟微而物欲之熾有以害之歟謙生名

堅從于學以未字來請為奉字曰德操且告之
曰子誠能于日用動靜之間誠敬以為主求放
心而操存之克去己私不為物誘誦明義理固
執力行及其久也德性堅定向之不可恃者至
是而可恃矣古之聖賢匹夫不可奪其志于駟
不足動其心確乎不拔磨而不磷亦非苟然矣
生懋敬之毋忽

王克承字序

執器不恪或墜而毀舉豆不審或跌而傷况其

大者乎是以君子無所不用其敬也王生學于
余說語孟頗知嚮方年駸弱冠矣猶以小字
行于夷等稱呼誠慚一日以名字為請乃取書
說命中式克欽承語名之曰欽奉字曰克承且
誨之曰夫欽之為言敬也書中言欽者極多堯
舜訓飭其臣止以欽哉二字則其義可謂博矣
蓋人能欽必恐懼修省收欽持循內以承順其
親外以奉承其上接承其友以至于一事一物
之承無不克者生其勉之若夫美其名而醜其
實者君子不為也非今日命名之意也可不謹
乎

劉伯受字序

劉福自幼時其長者必令從學今年踰弱冠鄉
里之先輩共與進之欲美其稱呼請字于余取
士冠禮永受胡福之語字之曰伯受蓋受之為
義如器之受物隨其大小而為之量人之修身
以受福亦若是尔居家孝弟則得父兄之愛出
門敬讓則致鄉里之和勤儉則饒財謹慎則遠

序凡此皆物之應其他可以類推矣伯受勉之
哉

宋宏舉字序

亘萬古而不可易者三綱五常之道天地位人
極立以是而已國非是不治家非是不齊身非
是不修雖名曰人寔何以異於物所謂三綱君
為臣綱父為子綱夫為妻綱五常則仁義禮智
信是也朱子小學題辭亦曰仁義禮智人性之
綱、者何維綱大繩也蓋綱舉則萬目畢張矣
猶人綱常之道既立則百善萬行皆從此出矣
書曰若網在綱有條而不紊信哉斯言宋生當
冠字之年猶以小字行其尊人公亮以為請予
以師道不可辭為名曰綱奉字曰宏舉宏者大
之義蓋取孔氏書傳序舉其宏綱之語其命字
之意則在此而不在彼也生懋敬之哉

周子敬字說

周生幼時常從予學年及冠猶以小字行介其
同學友譙生來請名與字余以恭名之奉字曰

子敬周生請聞其義余謂主一無適曰敬致敬于外曰恭體用相須表裏交正曲禮三千始諸毋不敬洪範五事先于貌曰恭蓋敬以直內則非虛敬矣恭而中節則非足恭矣自生所急者言之事親從兄持守謹乎孝弟待人接物一敦篤於誠信以至言動必恪有戰兢惕厲之心居處必莊無怠慢邪僻之氣使敬以直內涵養于未茂之前恭而中節周旋乎從事之際能如是則由家而達于邦國之乎蠻貊無往而不可行

行矣生既以是為稱呼之美又當充為踐履之實云

蒲蕃仲植字說

姪蕃字仲植其父德衡所命也余為申其義以告之蕃為滋多之義詩騶虞小序有庶類蕃殖書洪範有庶草蕃庶植字與殖同用然有二義栽植也生植也合而言之惟其培擁栽植然後生意油然而蕃息滋生矣如人之涵養有素和順積中英華自發于外韓子曰根之茂者其實

繁齊之沃者其光燦仁義之人其言藹如也汝
試以是思之

樞機二子字說

樞機物之動者也言行身之動者也動而中節
無往而不善矣易傳曰言行君子之樞機樞機
之發榮辱之主也書曰若虞機張往省括于度
則釋蓋動則吉凶悔吝繫焉聖人谷于張干祿
之問亦不通言行之寡悔尤耳可不慎乎余故
為二子立名曰樞者以思發字之曰機者以思
度字之俱曰思者庶其時省而不忍也噫予既
以是名而字汝矣又筆其義以示汝矣汝其思
惟服行責之于身耶抑將仰人耶則吾不可得
而知也

鄭文質字序

記曰夏尚忠殷尚質周尚文夫三代之俗所尚
雖不同亦世變之降自忠質而至文猶四時之
運不能不然也夫子生于周衰悼時文之勝歎
史之闕文至有文質彬彬然後君子及吾從周

之語夫聖賢之于季世未俗之弊如砥柱之于
頹波盖有確乎不拔者自常人則為習俗所移
而不覺悟夫質勝則失于野文勝則失于偽二
者不偏勝而得中則彬彬然君子矣鄭生名文
質余以允中字之歛生本以忠信篤敬末以威
儀辭章本末兩端無適不及以成其德所謂君
子哉若人之語將見其所歸矣

胡昌齡字說

胡寧伯充之子名禧字昌齡請其說于余、謂

禧之訓福也漢書受禧祝禧齡齒也記所謂古
者謂年齡齒亦齡也洪範五福一曰壽則壽為
福之最先者也壽雖天之所賦然能全其所賦
則在乎人焉攸好德居其一禧果能知此則戰
兢惕厲始于身体髮膚之不敢毀傷終之以修
身俟天而立命將見如士冠禮所祝眉壽以受
胡福黃耇以受天慶盖不期然而然矣

李思永思齊字序

李氏二生一日胤寧一日胤家嘗從余學一既

冠一將及矣俱未字其尊人倅君銘甫未請為
字亂字者曰思永取書其寧惟永之辭蓋寧而
至于永其為寧也大矣致永之道無他顧吾所
以自修者何如耳書曰慎厥身修思永修身之
要其目甚備皋陶所陳之九德思惟而服行可
也亂家者曰思齊取大學身修而后家齊也語
夫修身然後可以齊家而修身之要不外乎窮
理正心家既能齊則凡所以事上治人推之無
遠而不然其詳具乎朱子集註誨明而力行之
可也二生未前汝之伯父秋谷公起自儒素以
功勲德業為時名相為世間人汝父倅君亦克
樹立以振風猷又非若他人比生等是空緣名
求義勉強不怠繼、承、俾不墜其家教庶乎
今日命字之意矣二生日唯遂書以授之

王克新字序

明德無聖愚之分氣稟有清濁之異中庸曰自
誠明謂之性自明誠謂之教夫誠而明之性之
也明而誠復其性者也惟聖人氣質清明純粹

不假修為如良玉美珠非塵泥所能汙其餘則不能無物欲之累善學者致力于克復及其成功一也故湯之盤銘曰苟日新日日新又日新而朱夫子釋之曰銘者名其器以自警之辭湯以人之洗濯其心以去惡如沐浴其身以去垢誠能一日有以滌其舊染之汙而自新則當因其已新者日々新之不可略有間斷也至哉斯言予讀書至此未嘗不三復警省焉今王生為學頗知嚮方易其小學曰銘以克新字之生能矣

李恕行字序

學明乎體用然後可以言學蓋有體而無用則道為虛器而不可行有用而無體則道為無本而不能立二者豈容偏廢也哉欲明體用之一原無若忠恕之二字故曾子指此以明吾道一貫之理子思引以申道不遠人之義其立言雖

不同然所謂盡己之謂忠推己之謂恕忠者体
恕者用則不異矣嘗謂此心真實無妄推之以
及于人近而事父兄接交友遠而致君澤民無
所不用其極矣夫子以是答子貢終身行之
問蔽以恕之一言豈欺我哉李生自入小學以
思忠名今冠而求字以恕行字之生曾授讀朱
子四書果能求書中所謂忠恕者諱貫思惟以
致其体用相須之義則不徒名字之美又將有
以服行而有益於身矣

龐士先字序

文質不可相勝夫子既以先進於禮樂為野人
何為復有吾從之語耶蓋周衰文勝時人不之
覺反以先進文質彬彬之君子為野人宜夫子
發之以示訓耳蓋質者本也文者末也有質然
後文可得而施人誠能以忠信為本文之以禮
樂猶甘可受和自可受采則彬彬然斯為君子
之歸矣龐生名進字士見生方從余授業宜取
語如此條者熟讀審思庶知用力之方云

劉元禮字說

禮者天理之節文以事之儀則其行之也有尊卑貴賤等級之異揖讓進退成儀之節雖皆出于人為莫非天然一定之理各有次序存焉故書曰天秩有禮其此之謂歟劉氏子生溫厚之家從余受學其尊人切切欲其有成也余亦惧其放逸而不循禮名之以秩以元禮字之生來前余聞聖賢格言曰夫禮者敬而已矣由禮首言毋不敬則心有所主而禮可行禮行則事皆有序無往而不宜矣舍禮則何以為人故詩有相鼠茅鴟之譏生能從事于此居家以事父母出門以事長上接朋友又推而至于克去己私以復天理如顏氏所聞于夫子者斯乃下學上達之極致生敬之哉毋忽

樂仲宣字序

漢中職醫之長樂義卿家世詩書而業醫著名其子誦于黌宮執弟子禮既冠名以周翰而字以仲宣蓋詩之菽高有為周之翰四方于宣之

語詩之義以中伯吉甫為周之楨榦而宣其德
澤于四方也或者曰以是名樂氏子而取訓無
乃不可乎余應之曰夫古之人命名字不必拘
拘取義于身也亦隨寓以為稱呼而立訓耳蓋
子能世其醫而立其身為家之楨榦以施其術
生之術于人亦吾夫子所謂是亦為政之意耳
又安知不能立志如周之申甫耶顏淵曰舜何
人也予何人也有為者亦若是或者曰然遂書
以為序

關彥修字序

書曰慎厥身修思永慎者何敬謹之謂也夫修
身而加以慎者蓋非慎則修身何所主哉關生
請名與字余既以克慎名之後以彥修字之修
身之道雖散出于經書然大學致知格物誠意
正心以及修身井井有序而修身之前先之以
數者修身則其慎可知也至誠意章于慎獨之
說尤致謹焉吁聖賢格言具在方策關生能慎
思而篤行之吾將見其身修為關氏克家之子

又豈特稱呼之美而已哉

趙肯播字序

興元醫官趙君奉先之二子長曰肯堂字元純次猶以小字呼請更名興字名曰肯播字以克紹蓋取書厥父菑厥子乃弗肯播矧肯獲便與其兄名及字義類相比而書中克紹字不止一見此蓋以為子者因父菑而肯播則能繼紹前人之業矣無逸之篇不云乎厥父母勤勞稼穡厥子乃不知稼穡之艱難乃逸乃諍既誕否則

侮厥父母曰昔之人無聞知趙生未至此不可不以此告生能以父母之心為心知所以謹戒則凡所以持身不墜前人之基業而愈光大之者尚其勉旃

王伯循字序

子思子曰天命之謂性率性之謂道程子曰性即理也蓋陰陽五行有理有氣人得其氣以為形必得其理以為性率循也人能循其性之自然無所往而不善矣惟其梏於形氣徇于情欲

誘於外物味焉而入于惡者多矣苟不致力于學及躬以求之則又安能具夫天理之可循哉王生名理年弱冠求字於予拜而且曰某非徒欲美稱也將以為終身之訓故為表其字曰伯循書其義以授之生西軒王先生之曾孫肅僉元身之孫也誠能深惟其義而為行之尚弗忝于世德云

趙時雍字說

趙公濟之次子壻醫鍾氏踰冠稱呼無異于閭

閭細民其友善者以為憮請名與字余以其居同里為命名與字且詢其兄之名字曰時敏字彥修因求其比類者名以時雍字彥和蓋雍之為義和也書曰黎民於變時雍夫堯舜之時仁義浹民、從其化是以致時雍之美今子幸生長平之世何異于唐虞之時苟能從化而畏禁使宗族稱孝鄉黨稱弟昔周公曰尔室不睦尔惟和哉身行之于家推之于國人莫不皆然以協乎時雍之俗如是則不徒時雍之名彥和之

字以為美稱也又當思其義而服行之然後為有益矣

素士貞字說

素生名順福從子學介其同門友來求字余字曰士貞取易坤卦彖辭柔順利貞君子攸行語蓋順之為義不拂逆之謂也坤豫備論之矣六經之中不可徧舉自其切于己者言之率性之謂道惠迪斯為吉不順乎親不可為子忠順不失足以事上至于接物處事莫非是理人果能此福將安歸故士冠禮始加祝曰棄尔幼志順尔成德壽考維祺介尔景福雖然要不失貞固而已不如是則坤道既以順矣又奚待牝馬之貞安貞利貞可貞之贊耶苟不以貞而周則儀秦妻婦之道矣生讀書必嘗講明其說尚敬之哉

陳逢吉字說

君子之獲福于天也非假祝史以求之惟盡夫己之所為而已故易經大有之上九曰自天祐

之吉無不利聖人于繫辭復贊之曰天之所助者順也人之所助者信也履信思乎順又以尚賢也是以自天祐之吉無不利也今觀大有上九之爻履六五虛中之信而能謙退不居志從于五得履信思順尚賢之質自然為天所祐夫人能踐履誠信謙恭要順尊敬賢者而親之其獲吉宜矣書曰作善降之百祥詎不信哉陳提舉之子名祐夙喪父克自樹立葬其祖以下十餘喪可謂孝而有意矣今冠而未字鄉人以為

闕典未請奉字曰逢吉且申其義云

李伯修李安二子字說

李君善甫家世業儒其子永與寧從余學性昏穎悟篤實可教冠而求字永字以伯修畢陶謨曰慎厥身修思永蓋求永長之道必自修身始先儒謂修身則無言之失思永則非淺近之謨伯修之義蓋取諸此寧字以李安召公奭所謂志以道寧、與靜同義大學之知止而定、而靜、而安、而得其所止則善有諸已而為

學之次第至此無以後加矣。季安則取是義焉。夫伯修之修身思永，季安之止于至善，立君維殊義則一貫。蓋修身必欲止于至善而至善必本于修身。故曰：一是皆以修身為本。二子果能一是思之則兄弟之間相與講明而力行之則無愧命名與字之意。異日卓然見稱于人皆善甫有于矣。

李彥修字說

李生從余學既冠矣，猶以小字行為名，曰敏字。

以彥修且告之曰：若知名與字之義乎？蓋取諸商書說命之辭，惟學遜志務時敏，厥修乃來。夫天之降才於民，初非有殊特，由學與不學而後。今亦學之道必先遜志，虛心以為受學之地。苟不如此則孰樂告以善哉？又務時敏，致而不舍則其所修者源，而來矣。故論語首章聖人以時習為訓，又曰：我非生而知之者，好古敏以求之者也。至謂學如不及，猶恐失之，其義愈切矣。夫口誦心惟，其履實踐多識前言，往行以畜。

其德以之為文辭則撰經義之言也以之為德行則合倫理之正也此厥修乃來之效也若夫綴葺剝竊為人而不為己若無根之木無源之水是豈厥修乃來之事耶今予既以此命而名若字又從為之說彥修其服膺焉

鉉鐸二生字說

鉉舉鼎之器也鼎之用大亨饗帝養賢聖人取象尤重焉虛以受實以出非鉉莫能舉曰玉曰金其貴可知鐸宣揚號令之具也金口木舌金

剛木柔以相濟其蔽和而不怒用而能久振必以時書曰道人以木鐸徇于路語曰天將以夫子為木鐸是也王侯思進新除廣元路總尹未訪坐定作而曰貴也幼從先生學名与字皆先生所命逮于銘等亦然今晚得二稚亦累教席下悞旦夕從于任所不能長侍左右雖未及冠而字似為太早計非欲速成蓋願有以誨之俾服膺不忘也余不敢辭取與其兄銘類曰鉉字克舉曰鐸字克振呼來前謂之曰鉉汝當莊敬

篤厚使有任重之質以成克舉之功曰鐸汝當
謹信自持必時而動以收克振之効余老矣殘
喘苟在尚見異汝日有成矣詩曰味我見兮突
而弁兮若等其懋敬之哉

閒居叢稿卷二十一



蒲道源先生閑居叢稿卷之二十二

男 蒲機 類編

門生 薛懿 校正

祝文

祀三皇祝文

元黃既判 迭生聖神 立極立命 萬化陶鈞 嘗葯
制疾以壽 斯民德絕 言象功無 擬倫世免 橫天
天地同仁 施及歷代 名醫是遵 討論推行 得其
本真 遺經具在 惠我後人 春秋虔祀 牲酒畢陳

報德不腆誠意惟臻

又

伏羲

開天立極畫卦造書人文始陳寔為醫祖

神農

耒耜之利民乃粒食嘗藥之功萬世永賴

軒轅

神化通變儼垂衣裳問荅著經醫教肇立

三聖祭文

宣聖

祖堯述舜師文宗武充塞堪與照映今古如日
斯明如雨斯普萬世王祀斯文宗主

顏子

聞一知十服膺博約草瓢陋巷不改其樂三千
之徒公為其魁才為王佐舜何人哉

孟子

大亂之時列國分爭邪說並作揚墨肆行排斥
異端扶持周孔崇太山萬仞高聳

國家圖書館, NATIONAL CENTRAL LIBRARY, TAIWAN, R.O.C.

春勾芒神祝文

天運循環時維立春盛德在木發生之仁乃出
土牛送故即新式表東作爰屬茲辰敢設菲薦
昭告于神願祈豐稔以福斯民

風師祝文

鼓動宣暢行巽之權有圻甲解凍之功無拔木
偃禾之患孟春上丑牲酒揭虔願神宇祐以致
豐年

祀社稷祝文

主社

昔平水土萬世有功凡有國家祀典當隆仲春
上戊詣壇致恭血牲釀酒以告神聰神其相之
年穀願豐

后土

助平水土氏著勾龍有國有家報本則同功崇
往古祀典則豐潔牲清酌以薦誠表願神垂貺
祐我三農

主稷

教人稼穡創始于神萬世粒食有功在民報本
之禮率王攸均仲春上戊血牲薦誠願神宇祐
百穀用成

后稷

為農之師百穀首植萬民至今賴以足食功配
於社祀以為稷春中上戊牲酒報德願賜豐年
俾民富實

祀雨師祝文

膏潤萬物澍於寰區沛然而來枯槁昭蘇聖明

之世

釀酒割牲惟神是祈秋不作滂

旱不愆期控此微忱神其鑒知

祀雷神祝文

復于地中主陽之機壯乎天上行震之威
其聲物無不應上帝是臨實為號令首夏上申
祀事孔明神其昭鑒宣滯發生

祈晴祭城東門神祝文

間者陽德愆候雨泄雲蒸黍老且簇麥秀將登
衣食所係夙夜兢々收穫倘失飢寒曷勝繫尹

王者德教莫永致茲天怒降此咎徵災于厥躬
庶俾自懲莫為罪罰枉及黎烝彫瘵困苦天胡
不矜顧掃陰沴陽精曠升農桑有望歲功以興
敬舉崇禮心齋意澄匪神昭鑒孰可依憑

又

天作霖雨害于嘉穀狼籍畎畝不能收穫大悞
斯民上無供菜咸供賦稅下無已畜妻子具饘
粥惟是改或乖戾甘受其罰無延及于我民賜
以晴曦俾成歲事則守土之大幸也

又

陰陽闔闢惟神所司或水或旱呼吸由斯霖雨
為沴歷旬于茲農既力穡成熟有期實堅實好
秋暘是資泥蟠水漬恐致年飢仇政所召甘罰
何辯民寔無辜神怒忍移願莫哀恫雲霾劃蠶
太空無滓皞々晴曦惠我豈歲俾民用嬉感佩
神賜何日忘之

又

嗚呼天哀生人之飢貧是用賜之以藎麥尔既

成熟矣而淫雨為沴不得收穫以食是雖賜之而不終惠之則生人之飢貧竟不免矣維神闢陽闔陰寔所閑繫敢齋沐虔告望屏除陰翳俾太陽宣精藎麥得收以成天之所賜則惟神是依

祈雨羣望祝文

我々盛宗作鎮于東大生之旆配以其功祠于天下誠無不通今茲之夏蘊隆蟲々苗既枯槁民食將終維政之祀願灾厥躬下民無辜實可哀恫維神之仁上與天同願躋膚寸澤徧寰中槁苗勃興變凶為豐報神之德罄以丹衷

右東岳

惟王顯靈岷江正位王爵聖烈博濟微穉克稱能伏龍而弭災豈不能興龍而致雨耶今以歲早苗稼將槁敬詣神祠誠以懇請惟神賜以甘澤俾其有秋

右崇德

忠孝大節奕世著靈惟茲漢中廟貌儼若歲逢

早灾徧走羣望是用齋沐揭虔以告于神恭惟
濟物之仁幽明豈間願惠甘澤俾民無飢而吏
亦得以免責也惟神其相之

右文昌

常陽之沴月已再更粟將秀而莫能成稻既插
而莫能榮菽可種而莫能耕倘十日之不雨則
民無以為生慮將轉乎溝壑况能奉其粢盛惟
神血食茲土正直聰明將與守土之吏同責任
而非輕我今懇告以罄其誠神必當請命于上

帝沛甘澤以活斯氓

右梁洋土主

敬為天子于茲收民城隍所依屬于有神幽明
不同其責維均早既太甚稻隰揚塵豐凶之決
在此決旬灾自我召勿移斯人錫以甘澤賴神
之仁

右城隍

維公佐漢祖以開基駐梁川而興利豈收功于
一時蓋施澤於萬世嗟政拙而術淺視明神而

有愧雖決渠而為雨柰旱魃之為祟俾溉灌之
不足致良苗之枯悴惟堂之英烈貫古今而
無異願力沛乎膏澤惠我民之豐歲

右山河顯靈公

西山之巖泉湧碧玉神龍所蟠雲雨斯蓄粵惟
我農既植嘉穀早魃為害如焚之燬豐凶之決
決旬可卜社政召災及民何酷我實有愧尪非
可暴哀籲于神無厭其瀆沛以甘霖庶俾沾足

右玉泉

魏：岬山為鎮梁州呼吸雷雨應民所求今茲
之夏揀秧未周值茲早暵龜圻田疇秋種不入
為歲之憂政之不德民則奚尤願神垂憫沛澤
旁流吏既免責農則有秋

右岬山

歲豐民飽神祀豐好歲荒民飢神祀曷保今茲
旱災害我畦稻裊忍坐視待其焦槁願降甘霖
應此祈禱

右木馬神女

於惟社稷民命所依今茲旱乾陽亢其威秋種
不入袂揮而醜前頗得雨其澤甚微杯水車薪
收功則稀我實不德維神是祈願沛甘霖俾民
無飢春秋以報醑酒牲肥

右社稷

袂既揮矣陽則烜之雨欲作矣風則散之敢告
于神願徐按之待雨之來則同贊之哀民無辜
勿久旱之

右風師

天之降令職夫宣震天之恩澤主夫膏潤旱槁
我苗憂此田峻失今不雨俯仰將盡政有不德
厥罰宜峻反移于民逆而弗順求哀于神庶可
救振殫然而催沛然勿吝

右雷雨師

祈雨崑山神祝文

惟神開闔陰陽手執化机常暘之沴厥月于茲
農欲揀袂田皆圻龜數日不雨必失農時失時
無穀歲且薦飢糝政所召罰其敢辭民實無辜

灾祸忍罹齋心致誠敬謁神祠再拜乞靈明鑒
俯垂一勺之水甘雨是隨尚期豐報以答恩慈

謝雨

魏、岷山作鎮梁川曰雨曰暘靈德昭然惟歲
夏旱秧不插田我用是惧亟往揭虔焚此心香
挹彼原泉朝叩夕應日不再還一勺之水散為
數天憫農之窮怒吏之愆施豐報薄心寔愧焉
願神終惠書此有年

王侯謁文廟文

茲辱君言昇以郡寄視事之始祇見學宮惟我
先師臨之在上不負所學陰相是祈謹告

祀文昌聖父文

惟王乾坤毓粹神妙難名慈裕溫恭聰明正直
篤生聖嗣簡在帝心昇以文昌陰隲下土越惟
某等允荷生成報淺涓埃愧深俯仰幸逢華旦
謹率同盟爰舉舊章式陳明荐神其昭格介以
繁禧

祀文昌文

越惟茲日載逢聖誕體神之孝謹延聖父聖母
于正殿式昭具慶之禮焉洋々格思鑒此誠意

七曲聖父祝文

惟王精粹降靈中和毓秀神功不宰至德難名
積慶累仁篤生聖子忠孝大節矣世顯靈簡在
帝心文昌是主永扶洪祚陰隲下民時屆仲春
恭逢睿誕某等祇循彝典式薦明馨尚冀同盟
永綏福祉

又

惟王道妙凝成神功不宰篤生聖嗣養極尊崇
睿誕載臨式陳明荐仰祈昭格允副凡情以

聖母太后家慶配祀尚饗

又

惟王慈神惠和克配化育聖嗣光啟益大前猷
敬父之誠導迪民性春序將半初度載臨謹率
彝章式陳明荐尚祈顯相斯文寔昌及此同盟
以介景福肅共昭事永々無窮

又

惟王乾坤純粹降毓元精篤生聖人尊為神父
奉觴上壽明祀有常某等謹率同盟敢伸燕賀
頌因家慶錫福我人

祀七曲帝君祝文

惟王乃聖乃神允文允武忠孝大節功被生民
桂祿攸司文昌宗主血食西蜀靈應昭然某等
謹率同盟恭修明祀洋洋如在錫以純禧

又

兩儀毓粹百行備躬乃聖乃神允文允武七十

四世忠孝一心英靈在天輔弼文教桂祿二籍
陰隲下民某等實罔鈞陶敬共昭事載逢初度
式薦明燭洋洋格思鑒此誠意

又

聖不可加功難擬議文昌是主桂祿攸司忠孝
炳然萬世儀軌某等夙知欽仰俱圖生成遵用
舊章式陳明荐尚祈陰隲敷錫我人

梁洋土主祝文

惟王正直聰明血食茲土顯自唐世以及于今

冊牒稱王威靈赫若捍災禦患民所憑依某等
謹率同盟少伸報本割牲醑酒薦此芬芳洋
格思尚期顯相國安人樂神化益彰敢不欽承
繇、罔替

解府推祀土主祝文

惟王聰明正直血食梁洋福善禍淫奉若天道
某忝司推諫防慮未周致茲重囚逸出罔罔追
捕靡獲乞靈于神未踰月旬繼踵就執惟彼大
慙不逃天誅幸此庸疎得免吏責陰相所暨我

其敢忘醑酒割牲再拜祠下洋洋在上鑒此微
誠

秋谷平章遷葬祭文二

后土

惟韓國太夫人王氏之樞權厝于此歲月滋深
樵牧無虞賴神保佑今茲改卜擇吉啟攢不震
不驚尚祈終惠

渭川大河

欽承朝旨典護韓國太夫人王氏靈柩遷柩浴

之祖塋徑涉渭川賴神保佑俾波濤不驚晏然
而祭

國朝醮事預祭風雨師

風師

天地橐籥行哭之權茲因醮事香幣揭虔停颺
止烈休徵應焉以介皇福成此勝緣

雨師

潤澤萬物助天發生國有薰修是用薦誠願祈
陰相勝事圓成肅則時若永祐皇明

又

茲者國有祈禳大修清供雲行雨施維神是司
恐值陰雨行事或妨敢告明靈願祈孚佑時若
之應尚無爽期

白塔寺翻修正殿興工祭文

紺殿重修齋厨創構興作之始恐干神祇畚鍤
方陳先事而告願祈陰相俾無震驚

穿井祭神文

禁禦之中上築雙井既差穀旦畚鍤肇功用汲

寒泉依神受福

祭通惠河神文

維神主司靈源不溢不竭安其波濤利我舟楫
何以報之牲酒肥潔神其鑒茲永、無斃

謝雨祭金華五龍神文

維神珠宮貝闕水府沉、無求於世金華之陰
我以灾旱吁嗟往尋罌負、水幸神官臨應不
旋踵惠以甘霖祈哀乞怜罄我之忱濟人利物
乃神之心有牲既到有酒既斟匪以報德尚冀

時歆官民餞送旂纛鏡音倘有懇請願賜如今
祈雨祀金華五龍

升潛以時雨暘隨禱今歲夏旱不能藝稻下濕
頗苗隨尔焦槁徧走羣望日愈杲、金華五龍
深淵自寶靈應昭然傳聞父老挈瓶求泉敢計
遠道安置琳宮預期洒埽惟神克誠豈薄蘋藻
嗟我邦民殍死莫保望沛甘霖天瓢傾倒滿集
溝塍路餘潢潦我民送神旂幢華好繼自于今
敢忘洪造

雨師

某奉天子命收于茲土夙夜思所以遂民之生而才智不及又加以旱災境內之麥稿而耕者有之苗而不秀者有之春種之物入土不生者有之稻亦待雨而秧而旱勢愈隆並走百神未之有感抑某有罪而當罰耶抑誠之未至耶其若有罪民則無辜誠之未至今則再懇願為三日之霖大慰群生之望敢不精潔其心以報洪造

風師

歲以旱哉並走群望雲集氣交雨欲下降而風伯奮怒吹使離散大惧獲罪于神小民耕種失業是用懇告惟冀息威虛徐之力不至鳴條俾甘澍得施而有豐年之報敢不豐潔以荅神庥

雷師

掌天之號令雲驚百里助靈雨之勢今以旱災祈懇有神未有感應亦由誠之不至而罪之不自知也是以有叩于神願震旱魃之妖助雨師

之施俾民生獲遂豐歲可期敢不敬修祀事以
答嘉貺

謝雨祭文

近以暎旱禱于有神舉意云初即獲嘉應優渥
既足枯槁勃興哀此窮氓舍予有罪敢不答謝
以表微忱醑酒割牲仰祈昭格尚冀雨暘時若
錫以豐年終始生成永依大造

祭太歲諸神文

惟神執天之符持地之紀慎守方土各值干支
某伏為祖先未有祠室夙夜思念不遑寧居乃
于東北相厥攸止方白日吉立柱上梁伏願不
震不驚介以景福維陰有以相之



國家圖書館, NATIONAL CENTRAL LIBRARY, TAIWAN, R.O.C.

蒲道源先生閑居叢稿卷之二十三

男 蒲機 類編

門生 薛懿 校正

祭文

祭僉憲王元亨文

嗚呼西軒夫子倡道漢中天界二子若恰此翁
長職教以克承次游宦而亦通夫子厭世歲星
一終方哀伯也之奄逝豈意叔兮之遽從何吾
道之不幸而一至于此窮耶惟公克家之孝報

國之忠交友之信事兄之恭守學之正莅事之
公明白洞達表裏昭融由清慎而選中臺之吏
以剛直而秉御史之聽繼分憲于蜀西復改旆
于江東不畏強禦也負埋輪之意氣慨欲澄清
也凜攬轡之威風至于約己祿秩之奉為親甘
旨之秩在御黨有愈自卑之意斥奸惡有不可
犯之鋒具此全能方期于大用夫何一旦遽聞
于告凶嗚呼哀哉以賢勞而得疾兮擠竒志于
九原之下凌浩蕩而遠歸兮歛英氣于一木之

中從西軒與伯氏往齊會于幽宮酌祖觴而一
酌寫予等之哀恫

祭興元路宣差文

惟侯性無忤物量足包荒坦白真淳不見一毫
之偽雍容謙遜弗知三品之尊德既如斯誰無
不服又况祿至二千石而無擔石之私儲壽踰
六十年而有百年之遺愛去歲小君之薨逝尚
切痛傷祇今嗣子之孤筮未能成立興言及此
隕涕無從某等託在下風久塵清接目睹輜車

之邁耳聆鼙鼓之悲天亦興哀雨如助泣聊申
薄奠以寫卑情

祭路宣差夫人文

懿哉夫人配我元侯惟此元侯德量如優不忤
不克不貪不求相彼侯德可知內助何啻其年
竟至大故悽風寒雨行路嗟咨一觴祖奠侑以
哀辭

祭史拱之先生文

嗚呼始予讀書于明善齋先生實助夫訓蒙

朱墨以流汗鬢斑白而成翁予痴幼以何知時
問疑于下風四十有二歲可知夫先生壽者
之隆食再生于兒齒視瞭然于方瞳蓋清心而
寡慾惟安分以固窮有以全夫天之所畀凜然
如傲歲之長松昔漢伏生及衛武公皆九十而
彌劬而先生則與之同慨余先子眉山之鄉人
耿長庚臨旦而將終今則已矣胡不哀恫柩前
哭而致奠尚舉予之一鍾

為杜克欽祭母文

嗚呼鞠育碩腹恩惟罔極嗟我為子報蔑涓埃
遠親遠游亦冀有立今則已矣痛悔何追湯藥
弗嘗寔窆弗視聞訃奔喪幸俱還家哀慕不寧
音容如在謹以潔牲柔毛菜盛醴齊哀薦成事
尚享

祖祭薛宅崔氏文

惟靈安靜柔嘉閨儀肅兮儉素勤助婦功篤兮
克相厥良盡雍睦兮雖益其子能勉勗兮德既
如斯壽胡不 兮知者歎嗟泪陸續兮我作祭

辭以奠以讀兮

祖祭北溪老人李天錫文

醫學成家請重老成拙于競利工于衛生不忤
不求安分知止德豐慶隆天錫二子長登仕版
次領醫流田畝杖屨歲晚優游七十古稀壽已
逾 屬續精明得正而逝猶有可憾胡不期頤
北谿之原遽成永歸不鄙晚學忘年相好祖奠
涕流誄文以告

祭李子文文

嗚呼子文而遽止于斯昔君跋涉于雲南萬里
之遠謂功名之可期握予手而不忍別泪承睫
而莫持予強笑以寬勉然此心之孔悲謂暫睽
而終合後設笑以熙々如長庚與殘月致相望
于天涯我憶君而不置君思我而可知屢升堂
而問信聞遲歸而有時昨因訪乎令弟同行立
于門西報君來而不見僕牽騎而含悽予私心
之已怪終入門而果啼噫進前而問故死瘴癘
于蠻夷嗟道路之迢迢但函骨而致之神恟恍
而若失淚縱橫而交頤此真耶而夢耶久瞪目
而若痴嗚呼子文君真死矣中國之人異域之
鬼惟君聰敏好學不墜世美富於經術旁貫方
技切磋之益言論壘々暇日相尋不彼即此某
情合義同蘭臭可比孰謂數人獨君夫死注目
南溪悠々逝水游從之地不復見尔嗚呼垂白
之親未配之子相對長髯孰究天理唯故鄉之
一念魂歸來兮庭止懷我故人設奠讀誄惟君
聞乎不聞慨一慟而永已

為李子直祭兄文

嗚呼先君之歿我兄弟三人不幸伯氏亡于外
惟我仲兄勤勞恭儉用稍充給亦欲奮厲以光
大先緒是以有雲南之行今年之春聞兄歸信
不意到家乃函骨耳嗚呼天不佑善而至此極
耶手足既斷肝腸欲裂堂上之親復何望耶昔
成都之別誨言在耳當服膺奉、斯不負我兄
之托謹擇吉辰從吾先君于北原之塋姪男方
幼當教養成就俾奉主後皇天后土寔聞此言

卒哭是期潔蠲以告兄其有知寔鑒臨之

為何茂實祭李氏父執文

噫先君之存日蓋與君而為友惟義氣之激揚
殆志同而心偶豎相約以比隣又忘情于杯酒
有言話以相尋分始終而逾厚痛我親之先逝
喜夫君之得壽惟君剛毅果敢明白洞達柔不
侵凌強不惧怯能禦侮于鄉社才實近夫豪傑
况家資之日厚與貴游之交結每供具于鮮濃
時憇息于林樾忽二豎之為殃歎百醫之無策

享年適于七秩壽不為之夭折承家得夫五子
祀不憂于乏絕蓋在公為何憾於我心而悲噓
悼先人之執友如曉星之俱滅致薄奠以陳辭
拜柩前而永訣

祭梓人王提控

惟靈派流江漢名擅工師方者中矩圓者中規
深得不傳之巧大木為梁細木為榫殊為可棄
之材血指汗顏羣工拱聽引尋執杖大厦立成
運郢人之斤成孔聖之宇不計其直克成厥功
用能享壽考之多有子孫之衆或聞凶訃益重
歎嗟愧非柳子之才為述梓人之傳聊陳祖奠
以答勤勞

秋谷平章改奠祭顯妣韓國太夫人文
嗚呼昊天不弔早失所恃幸承遺訓遭遇明時
榮寵薦加忝聞大政祿弗及養哀隕首膝請告
未俞展掃遂闕越惟顯考旅殯覃懷夙夜憂惶
欲謀合奠茲因餘慶仰荷

天恩啟國錫稱光賁泉墳命官治具遷祔祖塋

舉樞之初敢以誠告恩靈如在舍舊國新無震
無虞對此休命待營玄域從我先公永奠攸居
縣祀罔極

興元路祭韓國太夫人文

茲者朝使護輿發自漢中言歸祖兆忝收于此
敢不欽承

上命以佐治具恭惟太夫人家嗣為

國名臣光輔

元聖志嘉著顯表前日之義方福祿鼎來發向

時之潛德柔儀懿範愈久弥新堯逝歲深莫遂
升堂之拜啟行路遠德伸祖奠之誠仰冀淑靈
俯垂昭鑒

祭考君焚黃文

某偶承乏使獲供奉于翰林今

天子與賜封贈之恩考君得贈七品官從仕郎
母趙氏封宜人此皆祖宗以及考君積慶之所
致而某等幸蒙成尔生育教誨哀慕兢業惟恐
有負惟尊靈其相之謹命次男承事郎雲南諸

路肅政廉訪司知事蒲道銓以柔毛棠威醴齊
祇薦于墓舉焚黃之典謹告

祭顯妣文

某仰承積慶忝仕于

朝初匪忘親貪念微祿寔以家世簪纓所傳
勉庶我用光遺緒既蒙封贈予忝世科先德
致然自惟何力日循于外覲省曠時得告言
還行及鄉里始聞凶訃慟哭何追嗚呼養生
既乖送終弗及負此大罪天地曷容小祥倏
臨設此菲

祭不勝哀慕如見慈顏

祭辛伯逸文

嗚呼伯逸明敏達時儒以為質吏以行之
推擇進用升于憲司如車設軌如驥方馳
按事至鄉賀者熙々云胡俄頃變故如斯
前日春聚今作孤孀前日笑語今作悲啼
車債驥蹕行路嗟咨子于我門執經訂疑
重以子姪婚媾維持視子屬纊痛徹心脾
往歸北域覲無期文以告哀備以酒卮

祖奠董教授紹昌文

惟靈眉山盛族家世詩書壯歲北徙以儒業醫
老成忠厚心無自欺唾面自乾不校雄雌捐金
報國開天有基天道不僭報獲其宜晚膺一命
為醫之師瀉氣所染吉門可疑造化終相痛苦
莫施起居于常屬纏弗迷七秩有五恨不期頤
惟我先子共飲瓊璫繼以締姻夫豈人為尔遽
逝矣重我悽悲祖奠永別靈其鑒知

代王思進都事祭禰焚黃文

惟某仰被生育訓誨之恩資給之惠俾讀書從
吏粗有成立通名仕版今
聖朝推恩于下以勵臣子為忠為孝願某庸愚
何以及此考妣得以六品官贈光賁九泉皆先
世陰德之報敢不益自勉勵服行遺訓以答至
渥之德但以身縻職守遠望松楸不能展掃曷
勝悲愴惟尊靈共鑒之

祭董仁亮文

嗚呼昔我顯考與君先人共飲瓊璫氣味相親

默契天合果獲締姻嗟々仁亮慤實溫純好逾
二紀敬愛如新不意遘疾有不其晨醫殫厥救
祝禱于神輒已復作竟殞厥身謂之弗壽世罕
七旬謂之 姓類我斯真處置無憾死与生均
我迷我悟聚散屈伸所恨永訣能不悲辛有酒
斯酌有肴既陳欲君一舉勸侑無因撫棺慟哭
奚止霑巾

又

嗟我仁亮壻我蒲宗先君晚歲情愛所鍾有齊
季女未知適從墜于垂絕付囑申重奉以擇對
惟君乃從質直慎言固愧南容親密既久款接
祢恭曾是遘疾荏苒去冬幸然少差遽尔變凶
西郊有壟馬鬣為封郭門祖餞哀痛填胸一杯
永逝無復迴維

祭妹文

嗚呼我妹遇至于斯我兄弟俱已衰老歲時伏
臘祠祭祖先望汝來歸今不復然矣汝病時我
等及良醫救而不能汝雖不及囑我後事我等

處置知汝之心汝之聰明亦當知之惟棺歛送
莫盡心無憊今又百日以汝平生好善為汝修
設明真大齋超度汝夫婦亦知汝之心終此生
矣痛毒奈何幽冥之中想如平日

祭姻翁王福臣大使文

惟靈外葢謙冲內根瀉質謹身無玷亦既克于
保家教子有方尚不墮于前志宴賓惟恐其志
交友能盡其誠較之同儕具此眾美胡止中壽
未享修齡常人猶共歎嗟况我久敵姻好今扶

靈柩歸奠先塋敢即路隅畧陳祖祭舉觴一辭
與涕俱零

祭子

年月日孝子燧以祖父命謹告于考隱君之靈
父歿周恭喪曾祖母適隔翌日哀痛何勝今值
大祥同伸奠獻

代蜀省郎中巨德新祭考妣焚黃文

某自惟生鞠之恩欲報罔極向因游宦坟墓遠
離今閱歲時汛掃莫及先世積德慶集某躬進

位朝班獲蒙恩贈官守所限祭告未遑茲因備
負往佐蜀郡過家上塚榮耀里閭碩瞻松楸曷
勝悲愴謹錄宣副禮具焚黃尊靈有知尚祈昭
鑒佩服寵命保佑後人

哀辭

挽王復亨母

惟大鈞之播物兮數各乘夫耦奇其不然而或
然兮亦視人之所為噫夫人之非懿兮乃百福
之攸基滯西軒之倡導兮為學者之宗師自結

縉以相敬兮其德實能配之蚤丁時之孔棘兮
初未聞乎磷緇洎晚節之熾昌兮仍儉勤而自
持慈和以為膏沐兮曾脂鉛之不施豐潔以供
祭祀兮但菲薄而隨宜篤二子以成材兮燦然
有聞于時撫諸孫以怡老兮秀蒞蘭于瓊英何
衰疾之遽垂兮中荏苒而求醫七秩不為不壽
兮恨不至乎期頤以正禮而送終兮絕浮屠之
盡疑棺槨衣衾之畢美兮盡妻盛夫威儀齊良
哭而擗踊兮行道之人亦悲悍夫人之名沒世

而不朽兮或有見余之哀辭

題李教授父誄辭

惟大鈞之播物兮初何有于愛憎其窮達與修
短兮亦氣數之相乘嗟若人之雖逝兮念素行
之可稱孝弟行于家庭兮信義著于友朋矧賙
卹于貧乏兮奚強畏而弱陵彼屢變而莫定兮
我則固而有恒壽胡不副其德兮用又不充其
能蓋穀滿而必溢兮豈抑久而弗興有諸子之
力學兮皆全器而克承但未識而遂已兮賴誄

辭之足徵

何氏宜人哀辭

猗與夫人兮生而靜專於士族以毓粹兮習如
自然既在家而孝于父母兮罔或微愆并而歸
于蒲宗兮奉以周旋惟服飾之儉素兮不事華
妍雖汲爨之弗辭兮養舅姑以勤孝有桓少君
之風兮夫自慙非範宣羗祠祭于祖先兮躬濯
滌而潔蠲見諸叔之昏會兮具飲食之芳鮮補
紉尊幼而弗輟兮難既鳴而未眠教子而不溺

于愛兮屢以言而勉旃果儒科以祿養兮人謂
光前獲從夫而受封恩兮報豈非天校桑榆之
享福兮斯可為全年七秩而终于正寢兮亦得
中年自侯牧以下皆送終兮覲者駢闐作哀辭
以書素旗兮庸述其賢

閑居叢稿卷二十三



國家圖書館, NATIONAL CENTRAL LIBRARY, TAIWAN, R.O.C.

蒲道源先生閒居叢稿卷之二十四

男 蒲機 類編
門生 薛懿 校正

墓誌銘

青渠王先生墓誌銘

先生諱無疾字復亨西軒先生諱得興字載之
之長子世為獲澤高平人辛亥待親游漢中因
家焉曾祖諱碧字潤夫祖諱仁政字道亨皆隱
德不仕西軒始以伊洛之學倡道漢中創立廟

學作成士類前編類

世祖皇帝實錄時於高人逸士科已附上矣其
平昔行誼彙括備見門人李孟與夫臺省請謚
之文見奉中書省判送禮部議擬得王西軒生
前雖曾勅授儒學教授以目疾力辭退處于家
終身不仕其高風實行與許魯齋同稱即係蘊
德正固聲實名著之人也擬合遵依典故

間奏贈以美謚相應今已附奏事房祖妣張氏
勤儉雍肅以母死兵亂終身不事華飾先生天

資粹美又得家庭之訓少力學為養故時至田
畝未嘗不挾經自隨及長學成博而不雜約而
不陋亦以性命道德為說總府屢辟俾攝教官
以養親懇辭不就諸生等相率狀其文行立憲
庭願得為師表憲司以茂才異等不求聞達薦
之

勅授興元路儒學教授先生副前人建學之規
完所未備修誦堂齋舍更衣等屋數十楹孜孜
為忘寒暑朝夕日進諸生講解其間以朱子四

書為入德之門既通然後及餘經若史循、有序後生程式之文一長可取者稱獎激厲以是
翁然尊敬之大德改元

聖天子詔興學養士田屬官而閒者撥充贍學
先生詢訪田之合

詔格者累申覆上司乞撥付既得請然多為權
豪陰據嘗曰此職分所當為也詣公庭爭之得
田千餘畝置簿稽其祖出入設司計一人掌之
以供春秋旦望祭奠及修補廡學之費餘給士

之老而貧及士子之初而孤者已無一粒之入
為人咸服其公西軒家法嚴肅先生極孝承顏
養志未嘗少拂甘旨之奉不以貧而或闕始丁
母憂水漿不入口者七日柴毀骨立父有喜其
甚矣之嘆作詩勸之及丁父憂年幾五十矣其
哀毀有過自初喪至葬祭一遵文公家禮雖期
功之喪必必自盡而不苟親黨及鄉里有喪者
必就正而取法焉外舅母孀居嘗病惟一息在
遠方先生躬自延醫嘗藥視膳及卒室如懸磬

為率其諸塔持服哀臨且貸錢舉喪與外舅合
葬于己地焉至于親戚知舊之喪無力者助之
無地者畀之未嘗有恡惜之色其無後者親視
其棺歛深窆寔葬之尤切戒人焚毀喪者真得
古人匍匐救之及於我殯之義其於兄弟友愛
尤篤弟某宦游四方或奉使及告歸入里門趨
至家祿俸餘資不入私室則奉獻之旦夕聚子
姪行定省之禮相事有如父子先生經理家務
仰事俯畜俾無內顧之憂晚年以空言無益絕

筆不作築亭家塾之南字曰四勿箴以自警有
十載而下顏距異同勿兮勿兮一字之功我思
古人敢曰倫擬恐因斯築工夫斯始闕中蕭微
君維斗為書扁及銘以寄之大哉乾元萬物所
資至哉聖傳曰仁是為元統天道雲行而施仁
專心德著而禮儀伊何未仁形氣有私勝私復
禮渾然秉彛昔在顏子聞諸聖師明睿大勇請
目靡疑視聽言動有禮與非凡厥非禮一勿是
治黃肩在機六師在廡三千三百循々罔差茲

約禮初博文自來心通不貳三月不違欲盡理
粹具體而微千載準的如日星垂矯：王君蚤
聞禮詩講道漢褒多士景隨于理于欲明析毫
厘學顏所學四勿題楯造次顛沛念茲在茲以
多聞寡興起懦衰敬內有乾制外有規弩力相
望死生以之先生性寬厚樂易平居與人言如
不忤物者洎臨事確乎不移及解教職即不復
從調澹乎以經史自娛而病不起矣疾革時忽
夢中語曰予從何來及覺子惟田待問之曰達

有嘉客自程夫子至蓋其平昔景慕程朱之學
形于夢寐然也易黃曰吾子而軒乘乾躬行不
逮汝曹勉旃享年五十有八時親賓及門人在
旁者皆慟哭曰世寧復有斯人邪配劉氏甚賢
佐先生養親能得歡心閨門雍睦殊無間言先
卒翁媪制服哭之慟生男五人曰惟昌惟輝惟
同惟田惟康女二人曰純曰緩繼室景氏生男
三人曰惟縉惟和惟寅女二人曰薰曰芸孫男
一人曰孔孫女五人曰巽曰順曰瓊曰憲曰惠

以其年夏五月某日奉柩歸葬于褒城縣巖堂
鄉西阜之先塋

三務提領崔君墓誌銘

君諱某字某世為平陽洪同人壬辰兵後譜牒
逸墜不可考然崔氏歷代以來為顯姓大父諱
堅父諱善娶某氏君弱冠克自樹立時平陽始
附

國朝事皆草創守

冀氏縣尉陞為

尹縣事以

管軍千戶并與魯官後隨

軍至興元因家焉屢更錢穀之任以能稱君性
剛直人有一毫拂于己必求伸理雖強禦不畏
或以為訐寔非也以大德五年正月六日卒享
年七十有五初娶翟氏卒繼解氏卒繼蘇氏子
男五人長天祐翟氏出娶王氏次天祥解氏出
娶楊氏次天輔天麟天禮皆蘇氏出婦喬氏王
氏張氏孫男五人孫女六人皆幼以是年三月
壬寅卜葬于興元府南鄉縣開化邨西庄壬舍
其妻蘇氏與天輔等來請銘曰

惟若人兮直匪頗年既修兮子孫多瞑目幽堂
憾復何勤銘茲頌永弗應

孺人鄧氏墓誌銘

孺人鄧氏今漢中處士任君元善字東鄉之配
也其先滄州人金末播遷譜系遠墜父諱某
國朝之壬寅年從先鋒帥禿薛公征蜀以功為
興元招撫因家焉孺人自幼聰慧未出房闈已
閑儀則勤于蚕織工于剪製任君之母趙氏選
以配子既歸任宗已不逮其舅事姑以孝睦親

以和御下以慈處家以儉姑甚怜惜呼為愛女
然未嘗恃愛少有違懈執姑之喪哀戚尤甚任
君讀書行古道冠婚喪祭一遵文公家禮孺人
相之克協儀軌其於薦享戒具滌澣必躬必親
或有故則中心缺然不寧始于家道未克織緝
之外專業蚕桑蟻飼蠶簇風雨寒燠節造法無
不得宜歲獲甚豐遂致完美漢中治生者取以
為法性端慤秉義族人以事不平來質者必以
理論之不顧其怨後皆咸服任君內事一以諉

之然未嘗專制必參決而後行子出任戒之曰
汝從學西軒王先生之門其人朝野推重播紳
以為模楷今當景仰踐履勿使愧辱庶不負汝
父母之望可謂慈而能教思不掩義者也以大
德甲辰八月十一日辛卯以疾終于正寢享年
六十有五將以次年正月十四日葬于南鄭縣
味溪村黎園之吉兆子一人曰輓為蒙古教授
娶前興元行省詳議官苗君仲平之季女女二
人長適巴州尹雷承務之子仲威次適前南鄭

縣尹王從任之孫瑾孫一人曰侗以善狀一通
來請銘某鄉邑晚進視任君先輩又與其子輓
遊雅知孺人之德為婦為母始終無憾訂其狀
不誣銘曰

噫猗泚姿婉有德順姑心修婦職奉棗感躬蚕
織家既豐子能飭得中壽玄域惟北原玉堂食
無壞飭詔閨極

提領杜君墓誌銘

杜君諱和字義夫其先平陽之襄陵人兵後逆

譜牒不克記其先世父諱海國初為河東南京
等路征行先鋒總管領兵渡河直抵洛陽西南
攻破亡金御城山寨有功都元帥塔海嘉其勇
敢聞于

朝錫以銀符洛陽之役俘百餘人歸以歲飢悉
縱之有感恩而不忍去者歲壬寅八月從帥塔
海西征蜀師次長安之灞河九月十日以疾卒
于軍年四十有二母陳氏澄城縣陳氏之長女
誓死守節君時甫五歲兩目幾喪明陳氏竊憂

之日夕露香祝于神曰妾既守寡子復失明將
何所依神其聽之願垂哀憫若此子目復明自
願為黃冠以答神既庶于母得以相保未浹旬
君目如初由是參禪掌教洞明祈真人為師真
人親書妙安名以授之遂至同州依父母家建
宮元菴為棲息之所不御葷酒清淨持戒凡三
十四年未嘗少替歲甲寅君年十有七母陳氏
語之曰汝父早喪汝叔父煥自丁未歲任興元
鎮守百夫長汝盍往問安焉君應曰諾乃即日

趣裝來漢中省侍叔煥同費以居防城總管王
逸之納為長女贅君痛念老母獨居不得終養
言輒涕下哽噎不自勝壬申具馬來至同州載
母至興元以養元滌澣溫清如礼至元丁丑除
充興元路都牙場副使克稱所安居無何興元
金州等處安撫司知事高安建言規辦課程事
行中書省就擬高安為金州茶場酒醋都稅使
司大使君以才擇充副使果辦最辛已母陳氏
卒年七十有三君居憂畢復授興元路梳茶提
領之職以母喪未葬不就歲丁亥親負母之遺
玉合葬于襄陵之先塋累石為塔高一引有半
并刻石以誌戊子省檄除充興元路洋州都酒
醋稅使司大使既復任興元路山河等堰提領
修葺有方堰固水足農民便之晚年不復任進
於南鄭之北五里而近卜築為終焉計其治生
用具皆有法度故能化竒為羸直居之西有堂
西溪王禮部于勉字以適安又有亭曰思齊庶
水全御史君集為書其扁君生于多故繼不及

學然天資孝愛所居立祠堂必遵朱文公家禮
設主四時致祭其才力精敏有思未盡其能以
大德甲辰九月五日卒壽六十有七以是月某
日奉柩葬于南鄭縣召村之塋配王氏先君卒
繼周氏歐陽氏一子曰伯恭前受省除南陽府
郟縣酒醋都稅使司提領女一人壻張清前興
元路總辦副使伯恭等既以禮葬君後二歲來
請曰伯恭之先人生於晉卒於漢中不有紀述
恐後之人迷厥初辭不獲銘曰

惟杜之先出祈姓戴侯而降族適盛君雖中微
所傳正才氣明稅可從政生于襄陵葬南鄭子
孫繩、聚餘慶

守素大師女冠錢善道墓誌銘

善道姓錢氏杭之錢塘人吳越王鏐之後也在
南宋理宗時生十有三年入侍宮掖至元丙子
宋滅隨其君來朝留京師奉

睿聖皇后懿旨於其年之九月望日俾居昭應
宮禮其宮提舉通妙大師某為師度為女冠賜

紫衣愈恭謹守道齋心奉香火朝夕課經祝
聖壽以報答恩遇為務餘力則經紀宮事繕葺
琳宮無少懈怠賜號守素大師以至大己酉三
月五日卒享年六十有六其徒陳守中李惠清
等以其年某月某日奠於某所求銘以誌之惟
師以亡國之餘被維新之澤洗滌塵垢享清福
三十有三年之久亦可謂瞑目無憾矣銘曰
吳越王歸于宋氏孫曰自然命為道士有淑
其裔歸我

聖元隨被

中肯

黃冠惟表忠觀與昭應宮三百

異世同風錢氏有德綿其澤

素師允蹈

前則爰清爰靜以終

何以臻斯繫我

皇仁

嚴子詠墓誌銘

君諱沂字子詠建昌南城縣人也始祖長源公
徙城西父仁字周卿母氏由周卿而上六
世讀書皆潛德不耀君為人質實矻矻自守不

喜嬰 務勤儉治生閉門教子孫書曾一
江書院掌書輒自棄去終身不 祿任然篤于
為善睦姻族鄉黨稱其信義至元癸未某月日
卒享年五十有八娶李氏生男二人曰履祥曰
德輝長娶吳氏次娶宥氏女一人壻石山章孫
男四人曰子班曰士光曰壽逸曰平逸以儒業
醫壽逸充南豐州學正平逸撫州金川教諭孫
女六人俱適人曾孫男八人女二人以至元戊
子某月日葬于南鄭縣古塘之陽先塋嘗謂士
之處世雖無功業見稱于時然知分自守不失
為鄉里之善人視世之不度德量力而冒沒奔
競者亦賢矣况久畜必發久塞必通固物理之
循環者安知不在後人乎亘君之子孫說、其
多也越莫二十有九年其孫壽逸致其父命托
鄉友左祥求銘墓碣余時供奉翰林文字祥職
書寫懇請不容辭銘曰

焉不怠于善學焉不志于祿人處之而弗堪
已泰然而自足紹先世之苗裔猶未達于歲熟

閔幽宮而永寧福慶綿于嗣續

劉君墓誌銘

劉氏本顯姓中微業農君諱成無字以質朴不能紀錄由曾祖而下至君之父俱不記名諱所可記者曾祖始居趙之寧晉縣娶某氏生君之祖、娶劇氏生三子仲子乃君之父值金乳祖奉曾祖携其子等遷于曹州之成武縣因定居焉三世皆葬于其縣之寶閨鄉君父娶傅氏生君、性純實勤勞稼穡自奉甚約家以優裕克

孝二親教其子以成人鄉黨敬慕配王氏生男二人女二人長曰毅娶某氏次曰某娶某氏女俱適人長孫氏次朱氏孫男三人君以某年月日疾卒享年六十有四男毅克自樹立以仕易農得推擇為禮部繕掾留守司滿考

勅授承務郎廬州陸安縣尹政績可稱母王氏猶及祿養壽令七十有七子毅等卜以某年月日奉君之柩葬于先塋將葬毅來請曰先世不幸絕無譜牒可考毅不孝喪父葬又不能誌為

罪甚矣敢固請某不獲辭因喟然曰古之鄉大夫起家農畝者多矣今劉君之祖先劬勞積德以遺其後人安知不自是而昌大乎為次序其事而銘之曰

孝弟力田在漢有科今雖未違天理不磨從事于斯專惟劉君謹身則孝不匱由勤父留子獲有卓惟毅克承其休邑長之貴于奠于祭視前有豐幽靈不昧奚憾於終

閒居叢稿卷二十四

蒲道源先生閒居叢稿卷之二十五

男 蒲機 類編
門生 薛懿 較正

墓誌銘 表

節婦曹氏墓誌銘

恭定乙丑春興元府史覲復初持其亡祖母節婦曹氏永終堂詩卷末求詩于某其堂顏及記皆動齋蕭徵君所作詩則當世名公之所贊詠也既已異之為題卷尾歸之其秋復具禮幣及

節婦行狀致其尊人世榮之命求奠銘辭不許
乃叙之曰節婦曹姓諱崇善世為蒲城良族金
源未譜逸不可紀節婦其生也幼而明惠長聞
禮則年十六歸党氏為諱豫字仲和之配克相
其夫事舅姑承顏順意得其歡心姑雖嚴以是
愛猶己子至元己巳七月八日不幸仲和卒遺
孤二子一女節婦哀毀幾斃鄉族嗟異時甫三
十五歲既以盛年守義党氏族大力薄節婦刻
苦治生持門戶內外資給不闕又取人負其夫
積債貧不能償之券稟于舅姑悉焚之篤教其
孤二子舅姑繼歿罄家之有以辦喪具大德改
元十二月有司以鄒里狀曹氏貞節上之
朝旌表其門安西王妃懿旨寵錫纁帛優渥
重疊榮耀一時年六十五矣康寧之福在于
晚歲子孫誥、歲時上壽輝映家庭若曹氏之
積善慶可謂無歉矣以延祐丁巳十一月十二
日終于正寢享年八十有三女適元女先歿二
子長名逸字彥才為安西郎實資居積庫提舉

年四十二先卒娶屈氏公卒生孫男克誠娶實
氏曾孫男橋實孫女一人適郭周卿先生之孫
惟聰次子名榮字茂之亦嘗提舉塌房尋不仕
凡二娶先趙氏生孫男二人女一人長復初娶
蔡氏生曾孫男移興宜兄梁山崇山次泰初娶
楊氏生曾孫男孝孫孫女適鄭萬戶之孫思復
繼元氏生孫女一人適孫氏初以二子之從事
于安西郵遂挈家寓奉元之咸寧縣遂以曹氏
之喪權厝于奉元之里仁里子世榮欲得銘以
某年月日歸蒲城合祔于先塋禮也余謂婦從
一而終固為常禮然書傳記所載卓然可紀者
亦無幾矧世降俗薄如曹氏冰霜之操事舅姑
治家教子無愧于古人無負于死者耶某嘗職
太史自宜書銘曰
無非無儀為婦之常至于患難其節乃彰始也
不幸終也弥光含飴哺孫既壽而康瞑目無愧
與夫同藏刻辭幽宮庶久不忘

強君妻程氏墓誌銘

致和元年秋八月興元路儒學教授程從道來
請曰某不幸有姊之喪自惟兄弟遠離病不克
奉其湯藥沒不得見其屬纊送不能與于執紼
悲痛莫贖僅有求文以誌其墓少伸此志願有
以寵綏之余乞哀其請弗克固辭視其狀序之
曰程氏故鳳翔隱士程載之長女也幼惠而
婉善適父母意又睦于昆季宜于家人年二十
有一歸同郡強氏強先世居洛陽厥祖諱堅者
值金乳徙鳳翔占籍焉二子曰寧曰順寧先卒

順字和甫力農不仕年七十二而卒配楊氏亦
二子長先卒次諱文寶字君玉即程氏所適也
君玉為人聰明篤實頗涉書史亦不願仕孝悌
力田敦睦宗族信接朋友好周人急又得程氏
相之撫育兄子如己生及長為婚娶以祖遺業
及己所殖產中分無少吝強氏姊卒女教人無
依皆厚資給歸名族氏至于他人之婚喪不給
者亦助之君玉以此見稱于鄉里程氏無不力
焉君一日置酒饌會親舊酒既行言曰某命當

終望諸親善自愛不復久相見矣因徧拜泣下
座皆驚歎翌日復各詣門告别又後數日具衣
冠與妻子訣囑以後事即寢良久不聞息就視
之已逝矣衆異以為奇男子時至治三年九月
十六日也年四十有六始程氏歸君玉時舅姑
具在以事父母之孝事之俱得其歡心婦如無
間言敬事其夫未嘗忤于顏色教育諸子治理
家務內外整飭婦道母儀可謂克備以致和元
年七月十有七日病卒年五十有六凡六子曰

允忠允恭允敬允道允德允謙女適本郡張某
次未笄孫女三人俱幼姪孫男二人兄子時中
之子允敬漢中道廉訪司保為四川道廉訪司
書吏以其年某月日合祔于鳳翔府北里仁鄉
之先塋夫君玉之墓禮也弟從道來速銘曰葵
有日矣敢請銘曰

貞靜以為質婉順以為容相其夫以勤儉凜其
志于初終子孫蕃衍閨門肅雍歲力閱五伉儷
相從德則多矣壽胡不融以撫其實以銘其封

太原郡侯王公神道碑銘

聖朝廣仁孝于天下凡內外官皆得視所受爵
秩之崇卑以及其親于是中憲大夫興元路總
管兼管本路諸軍奧魯總管內勸農事王忠
得以三品秩追贈其考亞中大夫懷慶路總管
輕車都尉太原郡侯妣閔氏太原郡夫人嗚呼
可謂幽顯皆有光矣先是忠縣國學生史戶部
徽政及都事章慶使司
勅授公承務郎閔氏追贈恭人公拜受已感然

曰嘻我何功而至此哉後忠擢徽政院檢校覆
料官進公承直忠自奉直大夫經歷章慶又升
奉議繕珍司承秩正四品公已卒

制贈中順大夫知河中府上騎都尉追封太原
郡伯閔氏太原郡君忠繼授朝列大夫都提舉
萬億賦源庫提舉洎還尹興元公得贈三品進
侯爵蓋五氏太原之望世居晉寧之襄陵公諱
誠字子敬曾大父樞大父讓父伸皆潛德不仕
仲娶張氏子男三人長貞次恭季即公也性醇

慙而怒力田為業不服華美居里閨以義聞于
孫營生者嘗論之曰為人貴心術端正無或自
欺吾見世之競利者於出入之際權衡之低昂
概量之盈縮尺度之短長欲欺于人先欺于己
害天理喪陰陽誠為可畏汝等得已則已無如
治田力食無愧儉約省浮費自可以給故公治
家有法必贍足嘗見遺粒于地則以暴殄天物
責家人鄉里子弟之從學荒獨窮居親戚之婚
娶喪葬行道之流離乞丐匱乏艱棘目之所睹
力之所及卒惠助之或得遺物必歸其主不得
即榜于路以須其人其克己安分如此雖天性
之美而家法必有自來矣旦望宴集親友設論
相勗以善嘗遇異人授以道術年甫四十夜靜
坐達旦享壽七十有五子男三人伯蚤卒次曰
忠曰德忠娶謝氏繼續氏以忠貴皆封郡夫人
孫男四人質亨施元曾孫男燕山善慶女孫二
人公之配夫人閔氏必克相夫子閨門雍肅衣
儉以潔祭祀必躬奉尊長動止以禮大小衣服

載級不倦每收密減未杪合歲久積多遇荒歎
給家之餘尚可及人妯娌親鄰睦無間言雖卑
幼責無惡語嘗誡新婦等相義讓毋妬致忌仲
不協而私藏寄外家各勤苦率先勿稱己勞不
幸先公卒合葬從祖塋禮也子總尹興元三年
篤實愷悌民愛慕之則其能服公平昔之訓而
施于政事可知矣與道源居相迤且久一日以
善狀禮幣再拜請曰先公積德于身而不顯以
遺我後之人墓道之碑未樹蓋有待也今既侯

斯可矣敢求文以刻諸石固辭請益堅道源自
惟嘗執筆太史氏之後法所當書不書是不能
成孝子之志也謹叙而銘之曰

允矣王公德積于身其德維何篤守真純欺不
萌心惠存及人以訓諸子亦克書紳仲也宦達
思得顯親公歎何功不笑而顰晉疆侯爵殘贈
繼臻象服裾如兼賈其嬪維孫及曾魚貫說々
其福未艾若時方春銘鏤墓石愈久弥新

何氏宜人墓銘

何氏某梅隱先生名坤章字朝瑞之長女母王氏宜人生而淑懿愿慈性極孝不勞教誨循于禮法善女工夫道源年十四五時從其父先生學先生怜其頗可教遂妻之及歸蒲氏克執婦道盡將其纂組舊習棄而弗治一意于紡績蚕桑之業時道源家貧至於二親甘旨有所不充宜人布衣菲食躬汲與爨勉力供養雖澁薄咸得歡心一家之縫紉補綴燈火達旦不以為苦後數年道源以教授鄉里生徒翕集家頗溫甯

姑怡樂宜人眉尔舒平生寡言笑不事妝飾簡出入雖其弟家相距不越數里十餘年不一二至從可知也嫁時衣白首猶如新婦如等無纖隙之嫌歲時相祀惟謹歲癸丑道源被

召命為翰林國史院編修官又三年以應奉翰林文字同知制誥以七品例蒙封贈父母妻何氏遂受宜人之命從姑與宗族閭里之慶今道源又受五品職宜人當封縣君未及而卒生二子三女閨門恩不掩義長子曰樞先卒時年三

十有一娶于夫長王氏孫女次機擢戊午舉同
進士出身為芮城縣令娶陳氏長女歸景氏夫
大全為城固縣主簿卒次歸江東蒲政廉訪食
事次男王惟祥先卒次歸杜氏次子彥禮攻進
士業今為洋州儒學正孫男二人收奴開奴孫
女三人室人病荏苒歲餘次男婦陳氏以辛未
年正月十有五日風中卒室人驚憂至十九日
乙未卒其生也歲壬戌秋七月二十有六日
至辛未年七十歲殯於家次男機自芮城歸以
是年十有一月某甲子葬于興元之東甕池村
之先塋夫道源以婦人之行不出門人無知者
自拭淚以銘之銘曰
士之修行猶不望知况婦人兮其歸我也舅姑
有怡愉之色宗族無間異之辭又克勤以成家
不溺愛而教子咸得其室銘而刻諸玄室以致
余之哀思

鞏氏先塋之表

古之士大夫家嚴宗子詳譜系而世次不紊俗

降法廢為人後者惜不知其祖先之所自同宗
兄弟甚至不相識間有起流俗登仕版卓々自
樹沂流求源以昭示來世其賢于人亦遠矣此
華氏墓表之所由作也華得姓自周鄉士華簡
公以邑為氏晉有華朔歷代譜佚不可考至曾
祖府君諱孝章大同路朔州人也世掌戎行金
時為監軍以忠厚傳家子二人長曰子固於今
為伯祖行驍勇絕人金末領軍民元帥迨歸我
聖元仍職戍太原今為異寧路及卒葬于彼之
榆次縣華村之兆次諱安實為祖考性冲澹不
喜奔競從事于秦樂終南甘水之秀因卜築焉
壽六十有二祖妣侯氏勤儉起家克相夫子生
子六人溫英天瑞仁義希文壽六十有八以至
元六年八月某日合葬於奉元路盤屋縣珍藏
鄉姚村之塋溫字仲和行為伯父研究經史潛
德不耀以逸齋自號有四子伯泰伯誼伯昌駢
華顯考諱英府君字仲榮為人材武曉師律起
授千夫長方

朝廷加兵于蜀也君率所部徙蜀既定立家于
成都以至元十三年四月二十七日卒享年五
十歲妣李氏後十一年四月十七日卒享年
六十歲以元貞元年二月某日合葬于華陽縣
之新塋子男三人伯康伯平世傑天瑞已下皆
叔父也天瑞字仲祥仕至彭山主簿有三子仁
字仲信生文毅華文郁思忠思恭思茂凡六子
義字仲禮一子美嗣希文字仲章一子伯諧
嗣皆不蓋自監軍而下伯祖房皆居莫寧祖
房皆居奉元惟考君及叔天瑞房皆居蜀嗣孫
世傑與道源有舊從調京師訪余于史館懇請
曰世傑幸承餘慶獲祿不及養願惟先世隨所
寓地而葬子孫因之散居而墓隧皆未有銘誌
以表顯于後大懼傳世久遠邑里夏隔未裔不
復知鞏氏一源此而弗圖厥罪何所逃耶余感
其誠意不忍辭為視來狀次第之世傑今為奉
議大夫新知劍州讀書有吏材其官業之進家
門之盛猶未可量也銘曰

惟肇受氏爰自邑封裔徙朔邊世以武雄金社
既墟挈族來襄復築鞏鄉事若符契冲也至秦
子孫說、又派于蜀聚居蜀因

太原郡伯王公墓表

元統二年春興元路總管王忠以事狀一通備
述其功壠因革祖父實跡拜請於某求文以表
墓道辭不獲視狀直叙其事曰惟王氏世居晉
寧之襄陵為望族金季譜逆莫考縣之西南村
曰齊勝有王氏遠祖塋内存三大塚俱無誌石

又東北六十舉武亦王氏塋三大塚又一小塚
無誌不能派別地狹穴滿遂直東北五十舉武
創塋祖居中伯父二及考君叙墓考孫忠至順
二年在興元任

制下贈祖為中順大夫中山府知府上騎都尉
太原郡伯祖母張氏太原郡君諱祖伸忠年十
有三歲時已老健嘗聞其訓誡于孫曰汝等勿
欺暗室勿陷害人妨德損福莫此為甚我遇兵
難挈負二子避于山中艱苦不可勝言幸際平

定得保餘生庶不糲食自以為安勤儉積粟及
棗實甚于金玉自給之餘周給貧困救助凶喪
不施勞于人不少於己長而言人短侵田畔者不
與爭訟屈己遜言彼自感動復歸所侵人有終
競勸各忍忿悅從者衆吾平日以此存心宜誌
之又誠諸婦孝親治生敦義讓絕妬忌子孫及
諸婦俯首聽命永為家法至元十七年五月十
七日終于正寢享壽八十有三葬于新塋立表
以誌惟伯父諱字子孫世次則其見于考君神

道碑茲不重出孫忠自惟無以遠承祖考餘慶
備負侯牧而祖得以四品伯爵焚黃蓋其陰德
有自來矣其述其事既係以銘曰

黃潦稽天澗可立待王氏源深流達于海宗派
之傳縣億萬載



國家圖書館, NATIONAL CENTRAL LIBRARY, TAIWAN, R.O.C.

123456789

123456789

123456789

123456789

123456789

蒲道源先生閑居叢稿卷之二十六

男 蒲機 類編
門生 薛懿 校正

行狀

西軒王先生行實

先生姓王氏諱得輿字載之世為漢澤高平人其先有仕至郡守者有云出于文中子之裔但以世涉多故家譜逸墜無可考徵父諱仁政潛德不耀能守先法母陳氏通孝經論蓋及女誠

等篇先生，于己卯四月初五日暨此顛悟強
記通人九歲中經重然性莊重如老成人母曰
興王氏者其是子乎金末士辰之變怙恃俱失
時年十有四能自立雖顛沛流離之際未嘗廢
學所至必交有識之士辛亥從戎蜀時夾谷公
行興元西川省事駐重兵漢中尚書楊德新郎
君夾谷君玉識先生行伍間荐於公辟用先生
雅不欲遂相與招延之使教諸子先生因留家
焉癸丑李忠宣公以從宣行府興元一見深器

重之以遠鄙俗尚犷悍起先生充三教提領視
事未幾即以興修廟學為請南冠之在俘繫者
皆百計振拔俾復儒編先生蚤工詩文丙辰過
長安聞魯齋許氏以道學鳴遂悔其少作而火
其藁慨然曰吾儒自有可學事實用事為於是
絕去俗學聚周程張朱氏書而探討之得其義
理之精微尤以踐履躬行為實務中統建元商
庶二公行川陝省院事陞充興元路提舉學校
兼本路勸農事先生嘗曰農桑者學校之所資

學校者人才所自出而人才又風化之所係也於是復以廟學請於樞院行府得報營于城內西南先生親督其事構簣進齋於大成殿之東為諸儒講授之所書伊川四箴及白鹿洞齋規以示教人及為學之方至元乙亥先生將改葬其先於濩澤時歲艱盜剽或有止其行者先生曰是念一萌幽明無間餘何避焉遂決意行迺秦歷魏抵高平冒暑復下河南詣登封故居求祖考妣之遺玉陵谷爰遷茫然莫擬先生齋宿默禱致其精誠夢寐有徵求而果獲遂一遵文公家禮而合葬焉觀者如堵僉曰昔所未見也登封令杜某拜且泣曰某以先世靈櫬在茲表請於朝得宰是邑求訪百至而情事竟不獲伸先生孝感豈偶然哉歸自鞏懷過魯齋先生留止旬日魯齋深嘆贊之明年至漢中以目疾力辭提舉職怡然退處鞏按察彥清雷御史彥正游平章子明王大參彥才俱以按治過郡文章荐聞

朝論亦以先生宿儒耆德人所儀表

勅授興元路儒學教授竟以前辯不就所居庭
宇幽深竹樹茂美東偏為家塾號曰習齋中奠
先聖顏孟左右周程張朱邵司馬六先生像朔
望率子孫而拜奠之四周積經史子集及前賢
墨點石刻今士大夫詩文雖後生小子片言隻
字略無所遺以文公敬箴標第其號俾易尋取
不致散失一器一物置之用之各有常處嘗曰
有物有則人自不察亦有齋曰西軒先生自號

也其燕處之室曰慎獨蓋其戒慎恐懼無所不
用其力焉南有園、有亭字曰怡然記者謂先
生二字友愛有怡、之怡孝養有怡聲之怡先
生俯仰無愧一順于理有怡然之怡凡賓客及
名卿鉅公至漢中者則必登先生門升此亭聞
義理性命之論冠婚喪祭之說異端詭怪縱橫
利祿一言不得與也又南褒有別墅築亭龍江
之許榜曰曲肱得山水之秀日以八詠強誦之
暇徜徉乎其間有浴沂詠歸之樂先生居常正

襟危坐肩背竦直無少欹側雖僮僕早幼不冠
不見未嘗見有情容至是屬疾二十餘月猶無
異平日論語一書與餌藥方無時釋卷家人勸
之乃曰一息尚存此志不容少懈我樂之無所
苦也疾革誦詠不絕座客問讀何書先生曰序
卦屬繡無別語抗聲曰無極之真二五之精妙
合之疑良久徐曰存吾順事沒吾寧也以至元
二十九年壬辰十二月望日子寅卒于正寢壽
七十有四葬褒城縣巖堂鄉之西阜娶張氏勤

儉雍肅以母死兵亂中終身不事容飾鄉里歆
慕焉先生學術之正實承伊洛考亭之後於書
無不讀禮樂名物節文度數洞究淵微亮赫綸
解然純一不雜窮理以致其知反躬以踐其實
四書未嘗去手集註或問皆默成誦尤粹于易
訓蒙以小學書為切務曰此古人教人為入樣
子雖大學不是過也初年郡人多不知小學之
教而有譏之者曰自有六經在奚用是為先生
莫之辨也久而學者信讀之由是而有成者衆

矣嘗曰學不貴乎博貴乎適用為學而不適用
則亦何以為學哉海內之士道同心契者魯齋
許氏潛齋楊氏有疑不憚遠而相與訂正焉先
生家法之嚴尤謹于內外男女之別諸婦送其
子女止于中門男賓未有輒至中門者有事擇
書童幼而謹愿者以將命子婿同居二十年未
嘗一至其寢室每旦夙興詣祠堂拜謁畢子孫
于其所在行晨省之禮先生問以所習事業而
責其成功婦女羣下皆然昏定亦如之正至朔

望叙拜如儀先生必以平昔所歷患難今日所
以為樂者諭之且警戒曰惟孝友于兄弟又曰
孝哀于妻子又曰異姓之婦或能賊同氣之愛
人之所以為人者孝弟而已一日複視易傳諸
書凡三十五部計一百七十三帙共九百三十
三卷既畢召其子及諸婦諸孫序立堂下示之
曰吾見人家思季往之不義皆因父祖積財以
啟爭端吾幼罹大變骨肉離散惟餘此身艱險
百至雖欲積財何可得也縱使得之亦匪我心

惟于六經書籍必存心態，以求之近所得書籍類皆散亂甚可惜也。余雖盛夏日以雞鳴而起，手自料理如是者兩踰晦朔，殊不知勞自以為樂，爾庶幾若輩領解吾意也。他日觀是書者必不忍鶯墜之，就能明乎聖經賢傳之奧，日行乎孝弟忠信之實，則一家之中父、子、兄、弟、夫、婦、上下和睦和氣，諒然雖欲致爭亦無自而得也。或私蓄財貨，敢言異居者，子放婦出，非我宗嗣子、孫，永為家範，皆再拜于

堂下。壻劉天祿舉杯為慶，先生因書以為記。趙總判德元因謁先生，觀其家雍睦氣象，不覺嘆曰：先生一家其克舜之民乎？鄰母楊尚書夫人，在興元最名有家法者，其家人少有喧譁，即禁止之，曰：獨不畏王先生聞之耶？郡人有某兄弟爭財，役訟者歷年不決，先生諭以孝弟之義，天倫之重，翌日二人感泣相謝，同爨如初。廼弟文以紀其實，先生為書其後，曰：某門勝事，先生守禮之篤，冠昏喪祭一以朱氏書為本行之惟恐

未至異言喧極弗顧也長婦之喪一遵禮制子
無疾猶疑以請先生曰禮如此吾獨何為因聞
朱子格言見文公喪其長子于寒泉用是禮先
生曰文公以是喪其長子吾以是喪吾長婦之
為後者又何過乎其有義起而因時制宜者如
父在妻亡而有子而主祭者父也夫祭妻亦禮
也題其主則當如之何先生以宗子之法斷之
俾題曰亡室某氏冢婦某氏神主祭則使其夫
若子奉父祖之命而祭之後考禮有舅夫若子
為之主之文又家禮婦人無腰經先生以儀禮
為主而用之但視男子之制為小耳童禩則經
而不冠先生之意不惟與禮意默契而所以處
之者又得其宜焉郡人治喪不但一二人家化
之尤重于追遠奉祀則變常盡敬以致其如在
之誠少不如意則愀然累日如有求而弗得者
月朔荐新雖貧必備嘗曰吾於考妣皆不及養
惟此庶少盡此心也生朝則深居靜處或出避
野次誦蓼莪及書文公新舊說仍識其歲次于

后是日也不飲酒食肉語輒流淚聞有歌則起而避之明日子孫方上壽焉先生教人之方自洒掃應對進退之節禮樂射御書數之習日用常行無非至禮所寓講誦則必欲字真句絕習舊通新日有程式本末先後莫不有序學者遠近歸之童稚侍立必叉手端拱行或蹶而手不敢失故其門人皆能以禮自收不問可知為先生弟子至有未遊先生之門而聞其風者必必詳詢備錄以為矜式先生師道之嚴竊有慕于

伊川進不以禮未嘗輕受門人受業者至于貴且皓首見先生猶凜然畏敬伏拜床下來去不迎送其以師道先生遇物之誠其於詐与不信雖不逆不億而未嘗不先覺之也未嘗見罔於理之所無也惡人之惡能改即止于所當言不少假貸而不能不忤于人久而後知先生之言為有益于己未有不慚且報者交友則久而益敬不以盛衰存亡有異友人王君厚使絕域沒於王事遺孤甫六歲獨與母居貧乏不能自存

先生教育之功於己子弱冠則授以室又為之請祿爵俾得以奉先養母其於取舍有非義不受者有以義而不受者嘗曰與其取之而傷廉曷若與之而傷惠寧失於我無負于彼先生風化之念不少釋於懷寓漢中四十年其始至也庶事草創人惟知有二家不復知有吾儒先生歎曰斯責其在我乎遂懇請公卿創修廟學經始洎落成朝夕孜孜甚于貧夫之營私者雖祁寒暑雨不一日少弛其勞為屋近百楹手植槐

栢皆方列成陰至元丙戌始克大備先生又以魯齋所定釋奠儀恭以文公蜀本凡七家禮而折衷之是秋之祭觀者大悅皆以為內郡文物之盛茂有加也次子無妄拜雲南監察御史受命之日以親老辭先生曰

君命不可違也汝身向已屬官吾得而子之哉將行授以四書家禮釋奠儀曰使遠人知此以為學知此以為禮知聖人之教為可尊而王化由是可行則是行也其庶矣乎吾老何恤焉先

生字畫之微亦不苟簡必正色凝神一點一畫而勁正緊結類其為人。有求書者必擇名教切己之言書之莫不曰其人之善而勉之。因其失而救之。先生資稟極高涵養有素精思力行自幼至老敬義夾持体用該備明白洞達表裏輝映晚年道尊德感元氣溫融即之如陽春之溫徐而察之蓋有凜然不可犯者噫使見用于世正大則有格君之術剛毅則有諫諍之風平易則有循良之政其不用命也然道德之感雖處

於下猶足以泚諸人焉。參政左山商孟卿贈詩云漢中有高士王姓字載之簞瓢陋巷居怡然榜門楣妻子不戚。生徒亦熙。名教非無樂紛華羞外馳橫流嘆湯。砥柱非君誰。又云閉門不求知實在名自隨閩中昔楊震漢上今程頤江流不可竭思君無盡期中丞青崖魏太初記先生怡然亭自謂無愧辭其畧曰先生魏冠博褐進止舒徐其容莊其辭溫藹然程朱家語錄中人也。又曰先生之怡油然自得于理義涵

宋之中日用休賤之實故為識者景仰如此尚書西漢王子晁贊云有諸中形諸外識與不識望而知其為有道之賢其為名流所推重如此其他不可具述先生二子長曰無疾興元路儒學教授次曰無妄四川廉訪司僉事、親俱以孝聞居喪毀瘠踰禮蓋能世其家法云

訥庵處士任君行狀

處士諱某字東卿姓任氏其先世居太原之汾州孝義縣仁智村得姓自顯項少子湯封於任

夏更封于薛周成烈王時有名座者以直言見稱于魏文侯居西河郡即今之汾州也後有寧州刺史諱溫濮州刺史諱德基大理評事諱政譜牒逸墜故不知為幾代祖也高祖諱某以孝行稱隱德不耀曾祖諱文明字大有為襄陵尉遂家襄陵學問該博政有能聲善於天文圖緯之學祖諱潤字天澤父襄陵君令業醫不使之任人恠之莫測其意病革私謂之曰天象示變久矣不十年北方兵起汝莫求聞達明醫足以

世難活人足以積陰功一家可保也祖天澤
遂不任以醫名于世歲之壬申天兵南下其言
果驗父諱志愈字時泰醫得家傳之妙其道大
行貧者施以藥資以米所活甚衆一日聞逆旅
有呻吟垂絕者往視之乃病旅也狀貌雄偉遺
藥給藥月餘獲愈其人拜謝曰生我者父母也
活我者君也吾雖貧志則有之他日當以死報
摩合羅之名者我也再拜而去其後金兵復寇
平陽通驛得君縛使前導指藏金寶之地君恐

遇害乃給之以延頃刻之命且行見甲馬百餘
突前者連呼曰任令釋其縛衆軍皆驚不知其
故前者下馬却兜鍪謂君曰汝識我乎我即汝
所活摩合羅也吾今為帥求君相報已三日矣
欲呼與去辭不從乃指避兵之方與白金百兩
仍贈弓矢曰有人來擾以此示之遂舉家獲全
于難後與平陽安某者俱以醫事

睿宗允湯藥悉經其手以謹慮得幸未嘗一日
離左右嘗賜錦貂帽以拜掃丘壠乞歸又賜良

馬一白金五十兩既歸散餘資于所親之貧者築亭襄陵之城南榜曰種德里之老者皆曰吾司命未矣病乞藥者如市既愈酬以金帛一無所取曰非種德之意也乙未

太宗詔都元帥塔海紺卜征蜀病股訪名醫皆以君為言乃請于

太宗授以都元帥行軍太醫提領之職月給銀一十兩至漢中興元行省沔國公留止遂卒時辛丑之十二月八日也娶某氏先卒生子二人

曰和曰睦再娶趙氏生訥菴己亥五月二十六日也睦日母趙氏真書筆錢三物試其所愛但取書與筆而已或以錢握其手輒擲于地人驚異之辛丑父卒甫三歲晨昏匍匐求父甚哀醫訖不遂兒嬉凜然有成人之狀母趙氏性嚴有法教以義方五歲聞講解孝經即曉大義既長穎悟拔萃母有疾則輟食求醫鄰舍趙翁戲之曰汝能割股乎曰能又曰孝經云不敢毀傷如何對曰不敢毀傷聖人之法也割股愈疾孝子

之心也翁奇之是夜焚香稽顙北辰言曰某三
歲失父賴母鞠育甫十歲矣今而有疾豈敢自
愛其身不以愈我母之疾乎遂剪其肉以饋其
母即愈鄉里稱之母卒號痛嘔血絕而復蘇水
漿不入于口者五日哀毀柴立終身不復擇奠
親拘忌陰陽者皆曰年月不利若以司馬公
論莫一節力主行之後卒無事皆嘆服焉凡冠
昏喪祭一遵禮制君郊居二十年不喜入城府
然祠堂舊在城中居四時朔望必躬詣荐新未
薦不先嘗至期雖風雨或微疾亦力以往未嘗
少怠也舅氏趙某者兵亂相失偶于人穀中得
之竭資以贖仍為娶侍同居二十年甘旨供養
始終一日也卒為制服以禮葬焉聞嘗謂其二
兄曰某見人家以戶役財物紛訟不已者甚衆
某安忍為是且

國家南征北討軍事為重我自應役于此鄉里
田園足以資給子姪諸孫足以奉侍二兄但當
娛樂自適某志無所取自是四十餘年二兄絕

不以軍役介意既卒子姪聞亦未嘗及之未告
之者資之使還雖救輩不輟郡人有馮氏者嘗
以白金百兩為寄且死君詣其家見其母問曰
知我與令郎有約否其母以為負債來索也驚
哭曰君勿言我兒死矣百事我無與焉君曰非
也我處寄白金百兩今待以還無驚憂也遂遺
之其母叩頭拜謝君先考之嬖人劉氏頗知經
史善醫藥父卒為黃冠別屋以居醫道大行於
漢中家用饒足劉氏病篤呼君謂曰我出汝家
三十餘年賴令先君之餘庇有中人之產諸養
子無足托者我死汝盡收之勿為諸子所破君
辭之曰無是理也劉曰我死任氏鬼也不歸任
氏將安之乎君固辭劉曰得無憚歲時一奠我
君曰祭祀之事終身不忘止受一銀合以免其
意後諸養子果盡蕩其產君至今不忘祭祀云
君性剛正負奇志少頗喜孫吳術一日讀孟子
至論王道之際慨然曰吾儒自有可學事剗去
舊習折節讀書聞 峯陳先生精于易國緯術

教之學曲盡其妙即往受易焉先生嘗曰吾聞
人多如任于者鮮矣君師慕交友皆有識之士
西軒王先生字其所居之齋曰求己王西溪子
冕書以揭其楹一時名公若青崖魏中丞山木
王內翰寓軒張集賢濟南姜中丞太原馮參政
輩皆以按治通郡深禮敬之褒詠題贊盈滿
軸且交荐于朝因北上至汴偶有不慎于意歎
曰夫學將以致用而神吾志竟弃其君民使無
愧于心可也不然豈可碌々隨人後校升斗之

祿哉吾不為也即日西歸為終焉之計卜築於
無憂灣之南朝夕遊詠于其間名其室曰訥庵
且歌之有不夷亦不惠非樵必非漁之句園中
所植花木必行列曰置物如養心不可使亂去
草必務盡曰去此如去惡不盡必將復萌不可
圖也為政亦猶是尔庭中有古山茶一株蒼柯
怪節盤錯如石常呼為歲寒友嘗自題云世教
衰微日更深令人誰復古人心試看亭下蒼々
木一日猶移三面陰其寓意如此亭北畦蘭數

十本南開二徑兩旁皆菊清澗環匝植以白蓮
常曰左右前後皆正人又曰使居位者親賢若
是豈不有庇于民哉君襟韻洒落無塵俗之氣
所居又有清致幅巾杖履逍遙其間卷壁挂大
易十圖燕坐聽對其胸中造詣又非他人所得
知也每佳客至必出酒共飲談笑終日使人亶
亶忘倦常愛古語題其門曰舉世盡從愁裏過
誰人肯向死前休又云不用閉門防俗客愛聞
能有幾人來山木王公往歲奉使入蜀一見愛
重如平生歡公後按蔡漢中為銘求己齋有矯
矯任于中立不倚之句後十餘年公復來總興
元治暇即往候之相與徜徉于水光林影之中
俗事一言不及也或把酒浩歌或對床清話賓
主兩忘常云農桑者衣食之本風化之原乃力
農桑以率游惰又漢中風土之宜寒暄之節與
古法有異者別集為一書名蚕桑輯要取為法
者賴給足焉又云達而為相固可活人窮而為
醫亦可活人分殊而志同者也乃搜閱家傳凡

平日經驗藥方為一書名曰任氏集驗方一千
卷樂周人之急士之貧而請謁者寒衣飢食有
甚于己死喪患難尤著意焉見窮獨者必遺之
食曰此無告之民也不可不恤與人言是非
非務盡道理不固執不說隨親戚有訟者正
言以喻之不顧其怨其人始雖懷忿終則悅服
鄉里子弟有可進者隨其才之高下勉勵之氣
和言忠聽者不厭雖居畎畝以天下之憂深為
心聞時政之善者則喜形于色反是則鬱鬱終

日夏五月疾作謂其子曰吾生登明今而衝於
太一泥灘末角于此木之絕也吾其死于七八
月之交乎子輒應曰昨筮得臨之泰吉也君笑
曰非尔所知也易樂必多憂泰者乾反居下乾
父道也父失位矣子為父占吉從何來臨不月
至于八月有凶至者其在月之首乎吾死必矣
命其棺槨衣衾凡喪葬之須曰吾歸矣夫復何
憂又曰有負吾債者想貧也我死勿難于人悉
還其券疾革憑几而坐神愈精明戒其子曰吾

以勤儉起家未嘗少懈雖居散地念不忘君汝
出仕雖居下僚不可苟也嘗汲：自勵以父母
之心為心可謂孝矣釋老二家吾無與焉命紙
筆大字書曰予生無益于時者安忍勞人動思
益塞街衢取觀于人吾未見其榮也東野草堂
寶予游息之所我必止于斯歲時祀我于此再
命紙書留別山木公一絕云：就寢少頃復正
襟危坐命其子誦濂溪太極圖說一篇畢屢背
其首曰大哉易矣其反吾之始乎遂卒實乙巳

歲八月壬午也配鄧氏前興元招撫鄧君之次
女有賢行前一年卒子男一人曰輓任蒙古教
授娶苗氏女二人長適前已州尹雷成務之子
仲威次適前南縣尹王從仕之孫瑾孫一人曰
桐以其年九月某日葬于南鄭縣味溪村梨園
之先塋其子輓一以朱文公家禮行事且紀君
平生行實泣拜以授道源使狀次之道源以御
里晚進不敢固辭竊謂君早孤克自樹立勉勵
得聞先生長者餘論及與賢士大夫遊其學識

醇正踐履爲實雖不用于時觀其行已治家綽
有餘矣按其所紀序述爲狀未暇約其辭以待
當世名公鉅儒未擇爲誌以發其潛德焉

閑居叢稿卷二十六

有元後至元丙子九月漢中順齋先生蒲公卒
其弟道銓述世系其行實誄而哀之曰

惟吾宗之權輿兮本有虞之有妣誕子孫之繩
繩兮渺源同而派異盛河東之蒲坂兮因土著
而爲氏項渡江之將軍兮尚桓桓而武緯歷爰
劉以及晉兮疏辭于元魏中原擾攘厖雜兮肇
支分于蜀地間生仙伯高遠兮妙御風而馭氣
蔚後昆之文章兮繼益昌而益熾延儒珍于唐
宋兮閣清風而華貴桂林何止一枝兮每奪魁

于大比任東西之兩川兮我祖居于通義君舟
之賦摩空兮名愈隆于後裔王靈攸卜有元兮
復移根于漢濱予先考曰務本兮性高明而克
仁慶積廣而博施兮寧粗澁而甘貧嘉瑞萃於
一門兮育四子而振：先生實居其長兮幼穎
異而不群八歲從師受讀兮善記誦而屬文十
三通經大義兮旁指授于同倫迨弱冠而該博
兮業已挽于千鈞思不攝而泉湧兮謝又予之
庭筠先達折行與交兮名士稱為德鄰年既富
而才配兮漢風水而無垠偉器而寓于文兮蓋
相時而屈伸薰班馬之濃香兮嚴韓柳之絕塵
冠切雲佩飛霞兮搏於菟而撫麟氣飄：以凌
虛兮詞高婉于皇墳儼謀臣之淵深兮劇雄健
而能軍方豐隆之驅走兮候星斗之昭陳詭蛟
龍鳴鸞兮噤凡鳥與蛙蟪十彙萬狀莫窮兮疑
幽助于鬼神豈獨華藻衣被兮性孝友而睦妯
行內外其修完兮仰不愧于蒼旻鄉邦翕然師
尊兮俯善誘而循：問望馳而無營兮契大易

之蒙屯日逝中而光迴兮

召翩駟

騎而上征兮望

玉堂有仙豫待兮

相握手而一笑出瑤琴于塵匣兮奏南風之雅
操音寒、其太古兮洗箏篔之俗調聞者心服
默嘆兮何遲來而暮到幾九制以試才兮惟極
丹而稅藻韜筆削以無施兮憫汗青之顛倒仙
禽宜搏九臯兮混雜群而庭蹈王良造父善御
兮孰駢驅之開道衆稱屈以惆悵兮獨坦然于
懷抱成均諸賢挽輪兮恐下喬而未樂昌黎甫

就東都兮樂英才而得教館生三百其衆兮至
相語而相告循矩度而執經兮毋挑閭而狂蹠
棄前日之膚淺兮探新聞之蘊奧果蟻慕而蠅
化兮隨賢愚以成效翔乎中而彪乎外兮增上
庠之光耀歲甫暮而思親兮望白雲之孤飛棄
浮名若弊屣兮市欵段而西歸日兼程而併進
兮夢夜遶于庭闈達故鄉之城闈兮邁大故之
閭知痛投鞭以號慟兮清淚盡而血隨變斑衣
為袞經兮奉甘旨于悲哀三年未嘗見齒兮憂

化髮而成絲約仲弟以弗仕兮毋手足之相離
田可耕書足讀兮履富貴必危機翫白日之流
光兮對青山而遙迤遠十里而悅風兮具羔幣
而來師或請文于金石兮仍不倦而攷：值故
人之執政兮降

帝命而起之曰在禮當懸車兮吾何求而如斯
子墾聯榮桂籍兮方振策而驅馳留二老于漢
南兮度亮翳之良時弔李固之忠魂兮登于真
之故基舉一觴而一詠兮樂天命而奚疑壽七

十又七兮病點豎之欺醫達死生之不二兮啓
手足而無虧誦黃華之佳句兮命清酌以作辭
蕭衣冠而長逝兮猶生平之容儀識與不識聞
之兮皆盡傷而嗟咨謂仁賢亡國空虛兮水收
媚而山藏輝歲永：來無窮兮嗣先生者為誰
匪我哀而怜後兮將俵：而寅：望九原而莫
起兮長鬱結于懷思嗚呼穹厚之清泚流峙之
精英能鍾先生全厚之才德而弗究其位以盡
夫胸中經緯之長策徒使之窮遺經運彩毫駕

其說于金石而木石將文章憎命達耶抑天翁
高居惡鬼神忌善人之進滄獍為九閩虎豹之
尾豈造物者嗇于今而昌厥後俾斯文若江流
浩渺而弗絕予欲仰而問俯而詢終幽眇而不
可得與其困于心衡于慮致肝腸之割裂曷若
摭其行措諸詞以俟夫百世之明哲公以定蓋
棺之論私以識吾兄弟之訣

順齋先生墓誌文

故應奉翰林文字同知

制誥兼

國史院編修官從仕郎陝西等處儒學提舉順
齋先生蒲公諱道源字得之其先眉州青神縣
龍泉鄉人考諱政則奉訓大夫禮部郎中飛騎
尉追封平鄉縣男母趙氏平鄉縣君以中統庚
申八月甲子生先生于興元府安仁坊歧嶷不
郡鄉里異之歲嗜讀書日過成誦少長即曉

大義善屬對吟詩未冠文聲大振教授鄉里三十餘年省府臺憲屢薦諸

朝皇慶癸丑驛徵為

國史院編修官尋陞應奉進國子博士期歲辭歸時年六十有一又十年擢提舉陝西儒學設請教四先生終不起矣雙以經史授徒前後五十稔弟子幾千人以後至元丙子九月丙辰卒於家壽七十七夫人何氏梅隱先生之女慈懿貞潔婦道母儀靡不克盡以至順辛未正月卒

壽七十追封平鄉縣君先生昆弟四人中居長與仲道銓友愛尤篤子男二樞蚤世機中戊午第仕文水縣尹西太行臺辟為掾女三長適景大全興元錄事次適西軒先生孫王惟祥次適進士乾州同知杜彥禮孫一燧子機以其年十月壬寅奉先生柩與夫人何氏合葬于南鄭甕池村先塋之側嗚呼先生德甚隆而壽止中才有餘而位不稱嘗職太史其事業在史館文章播天下德行者人耳目後有大筆者必請述之

機含辰著甚梗藤云



國家圖書館, NATIONAL CENTRAL LIBRARY, TAIWAN, R.O.C.

本館藏書
民國三十五年
一月一日
第一冊